



BX

2349

D74

1715

JESUITICA

J. B. Keijnoogen.



STAMP

1800

H. DREXELII.

UPPER LIBRARY, D
S. J.

DAVID

REGIUS PSALTES

DESCRIPTUS

&

MORALI DOCTRINA

ILLUSTRATUS.

GERMANY

TOMPKINS



BALTIMORE COLLEGE
DOMESTIC
COLONIAE,

Apud BALTIMOREM
ab EGMOND.

M D C C X V

HIGH SCHOOL

248-11

THE DREKELL

DAVID

RECTOR

DESCRIPTION

OF

MORAL

AND

PHYSICAL

SCIENCE

AND

ARTS

AND

THE

LIBRARY

OF

THE

ה ז ה ז

DAVID
REGIVS PSALTES
DESCRIPTVS
et morali doctrina
illustratus
A.P. HIEREMIA DREXELIO
Soc. IESV.



Ex Posthumis Libellus Sextus
ANTVERPIÆ,
Apud Viduam et Hæredes
Ioannis Cnobbari Anno 1652.

DAVID
REGENT
DECEMBER
ST. JOHN DOCTORS
LITERATURE
A. P. HERRING
SOCIETY


THE
ST. JOHN DOCTORS
LITERATURE
SOCIETY

SERENISSIMO
PRINCIPI AC DOMINO
D. WOLFGANGO
WILHELMO

COMITI PALATINO RHENI,
BAVARIAE, JULIAE, CLIVIAE,
ET MONTIUM DUCI.

COMITI VELDENTIAE, SPON-
HEMII, MARCHIAE, RAVEN-
SPURGI, ET MOSSAE, &c.

D.^{NO} IN RAVENSTEIN, &c.

 N! Sereniss.^{me} Princeps,
prodit tandem ex museo
Drexeliano post multos
anteambulones, non Her-
cules fabulosus monstro-
rum domitor, sed David ferarum
grandium debellator, magnus in
puero heros, ex pastore miles, ex
milite Dux, ac denique nobilissimi
regni moderator: ille nimirum Da-
vid alternantis fortunæ speculum,
A 2 cæli

DEDICATIO.

cæli delictum : ille Palæstinæ terror,
Solymæ decus, homo ad cor nutum-
que DEI factus, eo olim consilio
in orbis theatrum à præpotenti Nu-
mine productus, ut Christianis Re-
gibus Rex Hebræus documento fo-
ret; nunc rursus in eandem scenam
datus, ut quibus exemplo fuit, etiam
solatio & ornamento esset : Sistimus
ergo Serenitati Vestræ vatem re-
gium, psalter purpuratum, laurea-
tum Principem, Regem apprimè san-
ctum, cujus oracula in rebus dubiis
pro face; cythara in communi patriæ
luctu, solatio; gladius inter Martios
tumultus præsidio esse queat.

Et quem alium magnanimus ille
Heros tantis olim adversæ fortunæ
fluctibus agitatus suo libro patronū
quæreret, quàm magnanimum Princi-
pem? cujus excelsa mens in hac Ger-
maniæ diuturnâ quassatione manet
immota, cum fluctuante Europâ non
turbatur, cum orbe propemodum
ruente non everlitur: quam nullâ ter-
rent pericula, sed acuunt; adversa
nulla frangunt, sed obfirmant: quæ
magnis

D E D I C A T I O.

magnis in D E V M obsequiis, in homines beneficiis certare gaudet; magnis animata consiliis se suosque erigit ac sustentat. Ad quem alium David novus è coelo hospes, diverteret potius, quàm ad eum Principem, qui magno rei Catholicæ bono his calamitosæ Ecclesiæ temporibus patriæ divinitus est concessus? Gaudet profectò Solymæus Rex in magno æmulo parès suis conatibus, & paria regiarum virtutum decora spectare. Ille enim quando efferos leones, ursosque juvenili dexterâ puer debellavit; quando gygantum Philisthini monstrum militis adolescens fudit; quando prælia cruenta maturus ætate fortiter felicitérque confecit: quando Solymæi templi majestatem grandior natu & animo concepit, & parato in fabricam sumptu molitus est: nōne principibus, & inter hos vel maxime Serenitati Vestræ sive præludit, sive regii exempli facem præluxit?

Grassabatur non multis ab hinc annis in universum Palatinatum sæ-

D E D I C A T I O.

vior leone ac urso hæresis ; sed hanc Serenissimi Principis religio fidei luce tot provinciis illatâ jugulavit & extinxit exemplo , consilio , imperio suo , innumeros civium animos ex inferni leonis faucibus eripuit, orthodoxam vivendi sentiendique rationem magnis laboribus , impensis , periculisque invexit ac propagavit , propagatam denique in hunc usque diem defendit , ac provexit. Quâ in re crudelis ille , & fastu turgidus ex inferis emersus Goliath , qui Dei viventis castra nunquam non & blasphemis vocibus laceffit, & infestis ubi ubi se dat occasio, oppugnat ac armis convellit , luculentam à Serenitate Vestrâ plagam accepit : quæ tamen hoc vulnere non contenta , ut etiam clientes suos ad victoriam animaret quina patientis Christi vulnera, velut missiles è fundâ lapides in communem hostem vibrare docuit ; quando, ut sacrosanctæ Crucis , & quas Servator in Cruce acceperat , plagarum honorem ac amorem illis quàm altissimè imprimeret, non modò ejusdem

victoris

D E D I C A T I O.

victricis arboris templa festósque
 dies religiosissimè magnificèque co-
 lere consuevit , sed & in aulâ suâ
 Magnæ Matris sub cruce stantis so-
 dalitium, suis auspiciis erectum, Se-
 renissimo suo nomine , virtute , ac
 exemplo illustravit : quin & prætori-
 anam cohortem , (tantus erat sanctæ
 Crucis amor & veneratio) cataphra-
 ctis rubiâ Cruce signatis , & magni
 Constantini epigraphe insignivit.
 Hoc magni Principis insigne decus
 mirificè exornat illa Serenitatis Ve-
 stræ nunquam fatis laudata mode-
 stia , quæ quò excelsior est animus,
 eò se profundius demittit , & incre-
 dibili humanitate infimos quosque
 complectitur, ut jam inter Principem
 Patremque nihil adeò intersit. Vnde
 fit , ut summi infimique Serenitatis
 Vestig adorianatur admirandam pror-
 sus Clementiam , quia facilem repe-
 riunt admissionem ; facilè supplicent,
 quia iusta nunquam non impetrant ;
 calamitates suas liberè aperiant, quia
 ab incomparabili munificentia para-
 tam sibi opem non ignorant. Quòd

DEDICATIO.

si militarem scientiam fortitudinē-
que Iesseius Heros in Palatino quæ-
rat, inveniet victrices lauros & tro-
phæa; reperiet Martios in magno pe-
ctore animos, qui inter armorum so-
nitum, tubarūque clangorem, inter
prælia & acies non rarò emicuerunt,
& provincias, ut ferrea hæc tempora
ferunt, hostilibus incursionibus vexa-
tas sæpenumero pacaverunt. Jam ve-
rò illa eximia Serenitatis Vestræ in
DEUM, Divósque pietas, an non
est Davidis æmula? Loquantur aræ
& templa, alia à fundamentis erecta,
alia à prophanis A catholicorum usi-
bus expiata, priscae religioni reddita,
sacris lipsanis locupletata: Loquatur
illa rei Divinæ majestas ac splendor
tam sumptuosè procurata, donaria
Divis magno numero ac pretio facta:
dicant clientes ac populi sui Principis
exemplo ad omnem pietatem for-
mati: dicat illa iam religiosas familias
omnes, & nostram præcipuè Socie-
tatem plusquam paterna munificen-
tia; cujus in omnibus Serenitatis Ve-
stræ provinciis erecta, ditata & m-
gnificè

D E D I C A T I O.

gnificè exornata Collegia perpetuis
sæculorum ætatibus futura sunt mo-
numenta. Hæc atque id genus alia
permulta, quæ longam panegyri in fa-
tigatura, in tam brevis Chartæ an-
gustias compingi nequeunt, Sereni-
tatis Vestræ decora mortalibus juxtâ
ac immortalibus nota, hunc potius,
quàm alium ullum Serenitati Vestræ
ex Heroibus Drexelianis vendicâ-
runt. Eum ergo pii Patris stylo gra-
phicè expressum, Serenitas Vestra,
ut solet omnia, pro innatâ Clemen-
tiâ in familiam suam admittere, &
minimam Societatem nostram porrò
clementissimè fovere dignetur, Mo-
nachii 12. Martii, Anno reparati
orbis 1643.

Serenitati Vestræ,

Devotissimum Collegium

Societatis J E S U

Monacense.

A S

I N-

INDICVLVS

IN

DAVIDEM.

CAPUT I. <i>Davidis ortus & educatio.</i>	I
CAP. II. <i>David in regem ungitur.</i>	10
CAP. III. <i>David virtutum edit specimina.</i>	25
CAP. IV. <i>David in Goliathum armatur.</i>	39
CAP. V. <i>David Goliathum invadit & vincit.</i>	49
CAP. VI. <i>David triumphat, & invidetur.</i>	60
CAP. VII. <i>David Ionatha vestibus amicitur, Saulis lanceâ petitur.</i>	71
CAP. VIII. <i>Despondetur David Michol.</i>	84
CAP. IX. <i>Afflictissimus David valedicit.</i>	97
CAP. X. <i>David ad Achimelechum fugit.</i>	109
CAP. XI. <i>David insanum se simulat.</i>	119
CAP. XII. <i>David summa pericula evadit.</i>	132
CAP. XIII. <i>Paratissimam David vindictam negligit.</i>	144
CAP. XIV. <i>Nabalis injurias David condonat.</i>	157
CAP. XV. <i>David in summâ desperatione sperat.</i>	171
CAP. XVI. <i>David mortem Saulis deplorat.</i>	182
CAP. XVII. <i>Abnerem David luget occisum.</i>	192
CAP. XVIII. <i>David Isbosethi sicarios necat.</i>	204
CAP. XIX. <i>David seipsum triumphat.</i>	215
CAP.	

INDICULUS.

CAP. XX. Arcam deducit David, & irri-	
detur.	226
CAP. XXI. Prohibetur David edificare tem-	
plum.	236
CAP. XXII. Legati Davidis ignominiosissime	
habentur.	245
CAP. XXIII. Adulterium David, & homi-	
cidium patrat.	254
CAP. XXIV. David pœnitentiam de peccatis	
agit.	267
CAP. XXV. David occisum deflet Amnonem	
filium.	278
CAP. XXVI. David ab Absalone regno pelli-	
tur.	288
CAP. XXVII. David à Semei conviciis &	
lapidibus appetitur.	300
CAP. XXVIII. David interitum Absalonis	
filii luget.	309
CAP. XXIX. David famis triennio medetur.	
	320
CAP. XXX. David populum numerari jubet.	
	334
CAP. XXXI. Davidem Adonia ambitio, alia-	
que adversa exercent.	345
CAP. XXXII. Rex David moritur.	356

APPROBATIO

R. P.

Provincialis.

DAVIDEM, quem P. Hieremias Drexelius, piæ memoriæ, scripsit, ab aliquot ejusdem Societatis Theologiscensum atque probatum, ego Wolfgangus Gravenegg, Societatis JESU per Superiorem Germaniam Præpositus Provincialis, factâ mihi potestate ab admodum R.P.N. Generali Mutio Vitellesco, in lucem dari permitto, fidemque meâ manu facio, & more Societatis consigno. Oeniponti 2. Decembris. 1642.

Wolfgangus Gravenegg.

DAVID REX.

CAPUT I.

Davidis ortus & educatio.

GEMINVM Deus in hoc orbe speculum proponit inspicendum, *Naturam & Scripturam*. Quidquid de Deo notitiæ habemus, id vel è rebus creatis, vel è codicibus divinis haurimus. Res creatæ omnes summam Dei potentiam, bonitatem, sapientiam, misericordiam, providentiam, amorem, iustitiam Rhetoricâ silenti eloquuntur. Quisquis intuetur cœlum, & immensam illius, tam altitudinem quàm amplitudinem cum animo suo volutat, apertè demum pronuntiat: Hujus palatii architectus sui similem non habet. Ad cognitionem istam è rebus creatis hauriendam Scriptura nos ducit, haustamque illinc notitiam confirmat & stabilit. Eò Paulinæ voces spectant: Videmus nunc per speculum in ænigmate. (a) Nondum ad infinitum illud divinitatis theatrum confidemus, in quo cernamus universa & singula; non deest tamen speculum duplex tam rerum conditarum, quàm sacrarum paginarum, quæ utrimque nos docent ac instruunt

(a) 1. Cor. c. 13. v. 12.

instruunt. Et quamvis res creatæ nostram inscitiam insigniter erudiant, id tamen paginae sacrae multò copiosius præstant. Quæcunque scripta sunt, ad nostram doctrinam scripta sunt. (a) Si Moſen & Prophetas non audiunt, neque si quis ex mortuis resurrexerit, credent. (b)

Eam ob causam orbis præceptor Christus ad divinos libros ruditatem nostram ablegans: Scrutamini, ait, Scripturas. (c) Hic fundamentum est actionum Christianarum. Hic fons solatii coelestis, actusæ lucis, solidæ virtutis est. Hic vel vocula volumen aequat, hic nullæ verborum inanitiæ aut redundantia. Spiritus loquitur mysteria. (d)

Ajunt Platonem Moſis scriptum, Geneſeos librum volutasse, cùmque illam rationum exuberantiam scholis familiarem ac notam non reperisset, demum dixisse: Hic homo multa dicit, & pauca probat. Quid ais, mi Plato? digitum oppone ori; hic ratiunculis non agitur: nec enim decet, ut olla figulum rationes poscat: Deum hominibus facti rationem reddere non moris est. Dei voluntas pro decem millibus rationum est.

Quando igitur in divinarum legum monumentis ruditionis solidissimæ medulla, lex vitæ certissima, inde nos scriptionis nostræ seriem petemus. Et quando Annaus sapienter monet: in rem præsentem venias oportet. Primum, quia homines amplius oculis

(a) Rom. c. 15. v. 4. (b) Ioann. c. 5. v. 39.

(c) Luc. c. 16. v. 31. (d) I. Cor. c. 14. v. 2.

oculis quàm auribus credunt : deinde quia longum iter est per præcepta , breve & efficaç per exempla. (a)

In prisçi avi exemplis vix illustrius reperiemus , quàm Hebronis & Hierosolymorum Imperatorem David Ieslaum. Hic vir , hic est , qui Casaribus , Regibus , Principibus , Dynastis , qui Dominis & servis , opulentis & egenis , summis , infimis , omni hominum ordini facem præfert exactissimæ virtutis. Navos in eo reperiri non negamus : Habet & sol suas maculas. Nam vitiiis nemo sine nascitur ; optimus ille est , qui minimis urgetur. (b) Extensa Davidis macula nitorem sanctimoniam non leviter acuerunt. Si non peccantem David cerneremus , certè nec ita pœnitentem haberemus. Peccati dulcedinem acerbitas doloris longè superavit. Vt igitur non solum inviolata , sed & post lapsum restaurata sanctimoniam quod imitaretur cerneret , Regum optimus David in utroque proponitur illustrissimum exemplar. Cum Tarsensi Paulo Rex iste dixerit : Omnibus omnia factus sum. (c) Quem igitur , mi Lector , tibi vis producam ? Pastorem peccoris , opilionem ? Eum ex arte novit agere David. Militem ? Eum tibi sisto pauperem quidem , sed cordatissimum David. Ducem ? do peritissimum & summè strenuum David. Regis Consiliarium ? à prudentiâ & facundiâ celeberrimum adduco David. Sè-

Vultu

(a) *Sénec. epist. 6. mihi pag. 394.*

(b) *Horatius l. i. serm. sat. 3. mihi pag. 184.*

(c) *1. Corinth. cap. 9. vers. 22.*

vum fidelissimum? Nemo fidelior Davide. Hominem extremâ inopiâ confictatum? De seipso David fatetur: Sustulit eum de gregibus ovium, de postfatantes accepit eum. (a) Hominem omnigenis ærumnis confectum? Hic ipse filius Iesse fuit. Magistrum Ethices & Politices doctissimum? E cathedrâ docentem licet audire David. Artificem insignissimum? Ingenio ad artes & scientias David promptissimo fuit. Musicum excellentissimum? à malo genio infessos fidibus tranquillare potuit David. Regem prudentissimum? Regum rex David appellari potuit. Virum secundum cor Dei? Omnes Dei voluntates fecit David. (b) Prophetam? Plenus sancto Spiritu David, & vaticiniis abundantissimus. Iudæorum optimum? Postremus Iesse filius fuit, è cuius prosapiâ natus Servator. Christianum perfectissimum? Ipsius Christi typus fuerat rex David. Compendio dicam: imaginem & effigiem virtutis acuratissimam hîc propono regem Hebræum David. De hoc Principe omnis nostra hæc scriptio loquetur. Ad optimos mores formandos nil pulchrius, putem, nec utilius meliusve aliquid dictione prosequemur, quàm istud Hebrææ gentis sidus illustrissimum, Regem David. In hoc uno viro & sæculi insolentiam, & virtutum cum vitiis pugnam ac victoriam, gubernationem Dei providentissimam spectabimus. Addo de fine ac ordine descriptionis.

§. I.

(a) *Psalm. 77. vers. 70.*(b) *Act. cap. 14. vers. 22.*

Finis ad quem hæc tota ferè scriptio collinear, est Davidis admirandus cum divinâ voluntate consensus, in quibuscunque vel turbatissimis rebus. Subinde David videri potuit perdidisse omnia, retinuit tamen semper fiduciam in Deum, & incredibilem cum voluntate primâ conformationem. Virum memorant robustissimum à vegetis decem juvenibus cinctum, humi dejectum, calcibus petiitum, unum omnes aut insidendo, aut averfis genibus premendo contundebant, ille nihilominus animi plenus vociferabatur: Non dedo me vobis; resurgam & domabo vos. Viro forti, ait Seneca, id accidere non potest, ut vincatur: nunquam enim succumbet, nunquam renuntiabit, ad ultimum usque diem vitæ stabit paratus, & in hac statione morietur: magna se accepisse præ se ferens, paria voluisse. (a) Ita David inter ruinas erectissimus, omni fortunâ ibat celsior. Hinc ille voces animosissima: In te, Domine, speravi, non confundar in æternum. (b) Hinc ille ad Deum preces: Memento, Domine, David, & omnis mansuetudinis ejus. Hieronymus ex Hebræo sic vertit: Memento, Domine, David, & omnis afflictionis ejus. Neque hoc David de seipso, sed Salomon de suo parente, vel piorum cœtus de suo rege pronuntiavit. Has tibi voces, mi Lector,

B

cupio

(a) Senec. lib. 5. de beneficiis, cap. 1. mihi
pag. 329.

(b) Psalm. 30, vers. 1.

cupio esse familiarissimas, in adversis omnibus usurpandas: Memento, memento David, & omnis afflictionis, patientia, mansuetudinis ejus, memento. Hæ voces sæpius nobis ingeminandæ, ut eæ tantò altius infigantur, quantò crebrius fuerint repetitæ. Atque hic finis nostræ scriptionis est, quam pro re natâ variis præceptionibus ac documentis porro instruemus.

Ordo autem is erit maximum partem, qui sacra ipsius historiae ac temporis est. Nec verò facile quidquam à nobis dicitur, quod divini voluminis auctoritate firmari non possit è factis & Chronico Regum. E quibus in antecessum hæc paucula præmittimus Rex David annis universè septuaginta vixit, septem & dimidio Hebronis, triginta tribus Hierosolymorum Rex fuit, filios novemdecim, unam filiam Thamar educavit, sed disciplinâ non nimium strictâ, quod suo tempore patebit. Nunc à cunis ortum Davidis arcesamus.

§. II.

Natus est David ab orbe condito bis millesimo nongentesimo quinquagesimo anno. Ante natalē Christi millesimo centesimo tertio. Pater Davidis Isai, sen, Jesse Bethlehemita, cui septuagesimum jam annum agenti uxor octavum hunc dedit filiū. Matthæus stirpem Davidis hunc in modum memorat. Booz è Ruth filium tulit Obed. Obedi filius Jesse, parens Davidis, cujus Booz & Ruth

& Ruth abavus & abavia, homines non tenuium fortunarum fuerunt. Iosephus Græcus scriptor profapiam hanc deducens: Hac, inquit, necesse habui de Ruth narrare, volens Dei potentiam ostendere, cui facile est etiam vulgares homines ad amplissimam dignitatem perducere, sicut perduxit Davidem ex mediocribus maioribus oriundum. Altissimus Deus humilia respicit in calo & in terrâ, suscitans à terrâ inopem, & de stercore erigens pauperem, ut collocet eum cum principibus, cum principibus populi sui. (a) Sunt non rarò Domini, qui sibi ducant honori egentiores servulum ad meliorem fortunam evehere. Deus tam bonus est Dominus, qui ad suum honorem maximè spectare iudicet servulos suos in lucem educere. Ita cum vivis agit & mortuis. Quoties vel suorum ossa viliori loco abjecta, honoratissimo locari voluit? Ita beatorum Martyrum Gervasii & Protasii ipsana, quod Ambrosius narrat, sub ignobili cespite depressa, honoratiore conditorio iussit reponi. Atque hoc honoris liberalius impendit vivis. Spreto ab aliis & desertos è sordibus & luctu educit in sublime, & ad honorem extollit. Hic Dei mos est, infirma & contemptibilia sibi eligere, & in celsam dignitatis sedem efferre; opilioes in reges, bubulcos in Prophetas, piscatores in Apostolos, telonarios in Evangelistas adsciscere.

Enimverò non infrequenter contingit, cum herus famulum abjectiorem in majus

B 2

pro-

(a) *Psal.* 112. v. 5. & 7.

provehit, mirari multos & quarere: Quid, quæso, huic domino tantopere placere potuit in hoc servo, ut eum ad id honoris extolleret? Liceat hîc idem interrogare: Quid Numen in Davide adeò probavit, ut eum toi centenis millibus prætulerit? Deus sibimet velut gratulatus, Inveni, ait, David filium Iesse, virum secundum cor meum, qui faciet omnes voluntates meas. (a) In servitiis humanis si quis servorum quàm maximè cupiat se approbare Domino, clam sciscitari solet, quos præcipuè mores dominus ille oderit, quos amet, quis viri genius, quibus potissimum obsequiis demulceatur. De diversis variè respondetur: Hic quidem à suis eximiam sobrietatem exigit; potulentos & madidos non tolerat: Ille non nisi musicos in familiam adsciscit: Iste scitè ac mundulè vestiros diligit: Hic cum primis quarrit an sibi serviturus, Deo fidelis videatur; si quem audiat concionis fugitantem; vix semel annuatim conscientiam lustrare; Apage, inquit, hoc genus hominis; nolo servos pietatis osiores. Cur Deo servituri non itidem quarant: Quid Deus singulariter in suis servis probat? Quis ei præ ceteris placet? Is utique qui divinæ voluntati suam studiosissime adjungit, illudque in omnibus vult, quod dominus. Hunc talem Deus diutissimè quæ sivit. Tandem non sine gratulatione: Inveni, ait, inveni. Quémnam obsecro? David filium Iesse, inter fratres natu minimum ac postremissimum.

S. III.

(a) *Actor. c. 13. v. 22.*

§. III.

Christus in Euangeliiis homines sollicitè aliquid quærentes sub geminâ proponit imagine Pastoris & mulieris : Pastoris, qui è centenis ovibus vel unicam amissam, nonaginta novem deferens summâ sedulitate quærit : Mulieris, quæ unicam è decem drachmis perditam tam avidis oculis vestigat, ut cereum accendat, domum everrat, omnes angulos excutiat : repertâ convocat viciniam ad gaudium : ita Deus, veluti diutissimè quæsisset : Inveni, ait, quem quærebam. Hic vir ad lubitum nutumque meum factus, hic servus totum se finget ad meum arbitrium, suam voluntatem in omnibus accommodabit meæ, faciet omnes voluntates meas, hoc servo nemo mihi magis est ex sententiâ. Quod expendens Chrysostomus : David sanctissimus, inquit, homo secundum cor Dei, quidquid Deus cogitat, gerit; quidquid mente conspiciat, perficit; David cordi Dei proprium cor jungit, & menti ejus mentem suam annectit. (a)

Sed enim ad hunc sanctimonix gradum non suavi aut facili conatu David ascendit. Deus illum reverà non molliter habuit, alias super alias calamitates in illum immisit, rebus eum asperrimis exercuit & duravit, nihilominus David variâ clade dejectus animum non dejecit, quantò magis circum se lababant omnia, tantò ille firmiorem in Deum fiduciam erexit, tantò paratior divi-

B 3

na se

(a) Chrys. hom. de David & Goliath.

nae se voluntati accommodavit. Atque istud è dissertatione hac primâ discamus : Si Numini servire cupimus , id assidue quæramus : Quòdnam inter obsequia Numinis est præstantissimum ? Quo maxime servitio Rex cali delectatur ? Eo utique , ut in rebus omnibus , præcipue adversis , nostram ipsius voluntati adiungamus , ad omnes illius nutus, Davidis æmulatione , paratissimi. Quî verò sit, quòd fervorem alii alios officiorum solertiâ superare , audiorum domini gratiam emereri contendant, nos segnes in Dei servitiis nihil ejuscemodi certaminis cogitemus ? Vbi spiritûs generositas , quæ non tam aliis gratiam præripere , quam sibi suam identidem augere desiderat ? Augetur autem plurimum humanæ voluntatis ad divinam conformatione , quæ quantò est perfectior , tantò illustrior est sanctimonia & auctior gratia.

C A P V T II.

David in Regem ungitur.

TULLUS Hostilius Romanorum Rex tertius in mapali natus est. Nam, Valerio teste , incumbala Tulli Hostilii agreste tugurium cepit. Nec continuo inde in soliam evectus. Ejusdem enim adolescentia in pecore pascendo occupata fuit , validior ætas Romanum Imperium rexit & duplicavit. (a)

David è Bethlehem oppido vili oriundus,
paren-

(a) *Valer. l. 3. c. 4.*

parentem habuit Isai virum rusticanum , sed agri divitem & copiosum , fratres gregarii milites stipendia fecerunt militia. Nihilominus , quia sic visum est Deo , ab origine domoque humili in eam amplitudinem emerfit David , ut geminum Israël & Iuda regnum obtinuerit , verum non uno id anno impetratum. Lentis revera & nimium morosis successibus imperium Davidis crevit. Et quamvis illum Deus etiamnum juvenem in regem ungi voluerit , ad regnum tamen & ad sceptrum soliumque non pervenit nisi per luctus & ærumnas maximas. Algere prius & æstuare , esurire didicit ac sitire. Diadema illi Deus & coronam regiam porrexerat , sed cuspidatam & aculeatam ; mucrones & murices erant pensandi. Antè sudavit & alsit , quàm regium thronum conscenderet. Fuisset , qui dixisset : Tantis sudoribus laboriosum hoc fastigium non emissem , si tantam ærumnarum seriem securam præscissem. At verò David ad omnem Dei nutum paratissimus , non recusavit hac lege regnum accipere , quâ Deo placuit dare. Nos adolescentiam Davidis in pascendis ovibus occupatam silentio prætereunt , ad magis seria progrediemur. Hac igitur dissertatione sub oculos ponemus , Davidem à vate Samuele in regem unctum , sed inter domesticos parietes & modicis ceremoniis , nullo conviviorum & aut ludorum luxu , præsentibus parente solum & fratribus. Vt autem dicenda in compendium conferamus & consulamus

memoriæ in singularum dissertationum exordiis, summam capitis in pauculas voces redigemus. Exemplo sit istud proximum: David in regem ungitur.

§. I.

Saul Hebrææ Reipublicæ velut horizon, finem iudicibus, initium dedit Regibus; primus & pessimus rex; repudiata illius nequitia, prohibitus est Samuel longiore illum luctu prosequi, eodémque jussu divino missus est, ut unum è filiis Isai ungeret in regem: Quis autem ex eo numero esset eligendus, Samueli ipsi nondum constabat. Eaque propter omnes Isai filios ætatis ordine sibi voluit sisti. Primus adfuit Eliab natus maximus quadraginta vir annorum, pulcher, procerus, imperio dignus. Adjecisset oculos ad illum Samuel, oraculo tamen prius consulto: Num, inquit, coram Domino est Christus ejus? Continuo responsum est illi: Ne respicias vultum ejus, neque altitudinem stature ejus, quoniam abjeci eum. Nec juxta intuitum hominis ego judico: homo enim videt ea, quæ patent, Dominus autem intuetur cor. (a) Quærunt hîc Theologi, num illa Samuelis quæstio interna fuerit, an externa? Internam censent aliqui; alii externam, responso per Angelum dato, ut liquido scirent Davidis fratres se repulsam passos. Sed rectius sentiunt, qui internam fuisse ajunt. Vocatus est ergo

secun-

(a) I. Reg. c. 16. v. 6. & seqq.

secundus natu fratrum Abinadab. Sed responsum est idem quod de priore: Neque hunc elegit Dominus. Adductus est ergo tertius, Samma: sed oraculi responsa non variârunt, eadem omnino sententia lata est: Etiam hunc non elegit Dominus. Ita quartus filiorum, ita quintus & sextus, ita & septimus, suo quisque ordine accersitus est ad Samuelem. Sed quod de primo, id de reliquis pronuntiatum est: Non elegit Dominus existis quemquam. Mirabile spectaculum! Vnus ex his fratribus eligendus erat rex, & omnes qui regno videbantur apti, patiebantur repulsam. Ergo Samuel ad Isai versus: Nullusne, inquit, filiorum tuorum superest? Num omnes ad me adducti sunt? Ad quem Isai pater: superest, inquit, sed parvulus, & omnium natu minimus, qui pascit oves. Octo filios duâsque filias educaverat Isai, sed non æquè omnes probabantur Deo. Ergo Samuel cunctabundum patrem impellens: Actutum, inquit, tuorum filiorum ultimus huc accersatur: nec enim prius accumbemus mensæ, quàm ille sese hîc stiterit. Bonus Isai parens ingenium octavi filii sanè non noverat, ideo illum contemptim pecori pascendo applicuerat. Hinc & Samueli dixit: Adhuc reliquus est parvulus, & pascit oves. Perinde si diceret: Hic quidem à regni negotiis securus est, natu minimus, arte pastorculus, pedo non sceptro aptus. Parvus erat David ad Eliab & fratres ceteros collatus, quibus grandævus parens liberaliùs favebat. Ætate nō parvus

erat; annum vigesimum agebat. Hic ipse ex agro à pascuis revocandus domum, ut sacro balsamo delibutus rex Hebraus pronuntiaretur. Nec verò prius epulis accumbere sustinuit Samuel, quàm istud perfecisset: eâ in divinos jussus reverentiâ ferebatur. Accersitus est igitur quamprimum David, juvenis rufus & pulcher aspectu, decorâque facie. oculisque vivacibus & rutilantibus, qui magnæ indolis erant indices, martium quiddam tuebatur. Vbi advenit juvenis hic pastoritius, mox oraculum Samueli dixit: Hic ipse est, quem elegi, hunc unge in regem. Nihil cunctatus Samuel, videntibus & audientibus patre ac fratribus hunc ipsum ceteris abjectiorem oleo perfudit, & designavit regem. Indubie hos ritus Samuel previo sermone condidit, quo exposuit Voluntatem Dei ac providentiam, cui se juvenis totum submisit. Hæc fratres apertissimis oculis spectârunt, sed tamen, quod verosimillimum, hoc divinæ voluntatis arcanum non exactè intellexerunt, alioquin eorum aut invidia aut benevolentia malè taciturna id in vulgus sparsisset. Sed neque Samuel Saulis rabiem effugisset, nec Davidem fratres tam acerbè (ut in castris factum) objurgâssent, si creatum regem liquidò scivissent. Satis videtur certum, hoc Dei consilium nemini, nisi Samueli ac Davidi, & fortassis Isai penitus perspectum fuisse; quibus utique Samuel exposuit, quantis ea familia periculis objiceretur, si Saul illud rescisceret. Admirandam igitur inaugurationem
hanc

hanc totam Iosephus commemorans : Per-
acto sacro , inquit , Samuel Iesseum ad epu-
las unà cum filiis convocat ; visoque natu
maximo eximiâ staturâ ac formâ juvene ,
coniciebat inde hunc esse regnaturum.
Sed hac parte non est affecutus Dei provi-
dentiam. Percontanti enim an hunc juve-
nem ungere deberet , quem ipse admira-
tus dignum ducebat , responsum est , non
eadem spectare Deum quàm homines. Tu ,
inquit , visâ juvenis pulchritudine , jam
fatis dignum principatu existimas : apud
me verò non eximia corporis formæ præ-
mium est regnum , sed animi virtuti ; &
eum requiro , qui hac sit perfectè excul-
tus , pietatèque ac justitiâ , obedientiâ &
fortitudine animum exornatus. His audi-
tis Propheta jubet Iesseum filios omnes
ostendere : moxque & alii quinque adfue-
runt. Horum nomina juxta ætatis ordi-
nem sunt hæc : Eliabus , Aminadabus , Sam-
ma , Nathanael , Rael , Asamus. His quoque
visis , qui nihilo deteriores formâ erant ,
Propheta rogat Deum , quisnam ex his eli-
gendus esset , & audito quòd nullus , scisci-
tatur ex Iesseo , num quos præterea liberos
habet. Quo respondente , esse etiam unum
nomine Davidem , qui curam gerat gregum ,
Propheta jubet , ut confestim vocetur : non
enim licitum esse absque illo sacrum epu-
lum celebrari. Qui postquam accitus à patre
venit , adolescens colore flavus , & martium
quiddam tuens , alioqui liberali specie. Tum
Propheta ad patrem versus submissâ voce :
Hic est , inquit , quem regnare Deo visum
est,

est, & cum dicto accumbit, & proximum sibi adolescentem collocat, ac deinceps patrem cum reliquis filiis. Depromit deinde sacrum oleum, quo delibutum Davidem in aurem admonet, Deum ita velle, ut regnum in populum obtineat: præcipitque ut justitiam colat, & operam det, ne unquam à mandatis Dei discedat. Hoc enim pacto & regnum ejus fore diuturnum, & familiam universam illustre nomen consecuturam. Palæstinos quoque ab illo subigendos, & cum quibuscunque gentibus congressus fuerit, semper victorem rediturum, insignemque inde gloriam tam sibi paraturum, quàm posteris relicturum. Post mandata Samuel domum proficiscitur, simulque Numen deserto Saule ad Davidem commigrat. (a)

(a) *Ioseph l. 6. Antiq. Judaic. c. 9. pag. 186.*

§. II.

Porro hanc uncturam suus sequebatur effectus. Et primò quidem, directus est spiritus Domini à die illâ in David, & deinceps. Quis iste spiritus? Non gratiæ & charitatis, quem antè jam habuit, & ejus jam incrementum accepit. Spiritus hic novus omni-gena secum dona detulit, maximè vaticiniorum & fortitudinis. Eapropter rogans Dominum David: Spiritu principali, ait, confirma me. (a) Eo nimirum spiritu, qui principes regesque deceat: hic spiritus subductis vitiis totum, instaurat hominem, timiditatem in generositatem, parcitatem in libera-

(a) *Psal. 50. v. 14.*

litatem ; pusillanimitatem in magnanimitatem ; plebejas virtutes in regias mutat : hic spiritus ad tolerandos labores, subeunda pericula, perferendas ærumnas animat, & vel ruente orbe infractum præstat : hic spiritus mansit in Davide à die illâ, & deinceps reliquo vitæ tempore.

Sed liceat hoc loci quærere : Cur obsecro Saul omni adeò apud Deum gratiâ excidit, ut Samueli diceretur : usquequo tu luges Saul, cùm ego projecerim eum? Unde quæso tam gravis contracta est offensa? Ab avaritiâ Saulis, & maximè ab inobedientiâ. Agagum regem Amalecitam captivum habuit, hunc jussu Dei interficiendum servavit, cùm eum speraret grandi auro redimendum, aut ceriè thesauros in Amalecitide defossos, ab eo indicandos; aut illum jam bello exarmatum in triumpho ducendum destinavit; deinde greges optimos Amalecitarum prædam sacrificiis ad moveri voluit, turpi parim avaritiâ, parim inobedientiâ. Sed & illud hominis inobedientis, & refractarii grande fuit specimè. Præceperat ei Samuel, ne priùs initium sacrificii faceret, quàm ipse præsens adveniret. Diebus septem expectavit, Samuel non comparuit, dilapsi milites, irruerunt hostes; ita non simplici necessitate compulsus poterat videri Saul. Ergo principium sacrificiis dari jussis, Samuele nondum præsentem. Modò unam alteramve horulam expectasset, obedientiæ numeros omnes expleffet. O lentam quidem, sed stultam præcipitantiam. Mox Samuel advolans,
& in-

& inobedientiam gravissimis verbis exprobrans : Stultè , inquit , egisti , nec custodisti mandata Domini Dei tui , quæ præcepit tibi. Quod si non fecisses , jam nunc præparasset Dominus regnum tuum super Israël in sempiternum. Sed nequaquam regnum tuum ultra consurget. Quæsiit Dominus sibi virum juxta cor suum , & præcepit ei Dominus , ut esset dux super populū suum , eò quòd non servaveris , quæ præcepit Dominus. (a) Obstupesco tam exactam postulari obedientiam ; Deus non solum vult fieri , quæ jubet , sed etiam eo modo , eo tempore ac loco , quo jubet. Deus jussit ; ergo parendum est , etiam mille rationes avocent. Deus præcepit ; ergo nemini fas reluctari , si vel calum ruat , vel terra dehiscat. Sed origo Saulis in malum præcipitati ea fuit , quam Samuel illi in os exprobrans : Nónne , inquit , cūm parvulus esses in oculis tuis , caput in Israël factus es ? Perinde si diceret Deus : Ætas tua mihi jam exolevit ; fastidio te , tuosque mores turgidos. Hi tales cerre homines cerebrosi , sui arbitrii , controversi , fastuosi sunt. Seipsum quivis , suamque conscientiam interrogat : Num adhuc parvulus es in tuis oculis , & an agrè laturus es , talis ab aliis haberi ?

Secundò hinc observandum: Voluntatem suam Deus in uno aliquo declarat , in alio celat. Samueli præcipiens : Vnges , inquit , quemcunque monstravero tibi. Perinde si

in

(a) 1. Reg. c. 13. v 13. & seqq.

(b) Du bist mir schon erwachsen.

in castris præcipiatur annonæ præfecto, commeatum aliò vehere, religiosè tamen fileatur, quò vehendus sit: Ita Samueli dictum est: Vnge novum regem, non tamen expressum, quis ille sit. Factum hoc, uti censet Theodoretus, Prophetæ in humilitatem submittendo, qui futurorum aliquid, non tamen simul omnia scivit. Potuisset quidem quærere: Domine, quod novi regis nomen est? ne forsan errem & ungam non designatum. Respondetur: Tu perge, dicam id suo tempore. Idem Abrahamo contigit. Iusserat Deus in victimam sibi offerri filium, idque in monte certo, illius tamen nomen non exprimens: Super unum montium, inquit, quem monstravero tibi. (a) Verè tu es Deus absconditus. (b) Plurima sunt, quæ præmaturè cupimus scire, sed ea Deus certo consilio regit, suo tempore revelanda. Caussarum Deus sat habuit, ut in rebus omnibus, quas Samuelis intelligentia non est assecuta. Hac autem inter alias videtur fuisse, ut tam Isai pater, quàm fratres hoc ungendi regis consilium non à Samuele, sed à Deo crederent oriri, præsertim cùm divinus vates ex eorum numero ungendum aliquem sciret, nesciret quem Deus destinâset.

(a) *Gen. c. 22. v. 2.*

(b) *Is. c. 45. v. 15.*

§. III.

Tertiò hîc observanda Dei judicia mira, ter mira, mirissima. Samuel Eliabum à staturâ

turâ & vultu probatum illico unxisset in regem. Sed prohibens Deus : Abjeci eum, inquit, ne respicias vultum ejus. (a) Cur obsecro, mi Deus, abjecisti virum regno tam dignum? Superbus & iracundus fuit. Audiemus suo tempore, quàm acerbè fratrem exceperit in castris. Sed fuerit integer vitæ scelerisque purus, illum Deus peraquè potuisset repudiare, ut sciatur ab uno soloque Deo, ejusque nutibus pendere, conditione humiles simus an sublimes. Tam nihil promeritorum potest jactare, qui Princeps, qui Rex, aut Caesar nascitur, quàm qui mendicus aut mancipium. Honores Deus & opes, ceteraque vitæ illustriora commoda dignis, indignisque promiscuè dilargitur. Patriarchæ Jacob opimas fertilisque terras, steriliores Esauo dedi; regionem Sodomitis dedit pinguiissimam, alii multò sanctiores iis acceperunt minùs pinguem. Indiscriminatim hæc Deus per orbem spargit, sine ullius injuriâ. Ab omni prius æternitate decrevit Deus, quem velit extollere, quem verò deprimere: quosdam ad res prosperas, quosdam ad miseras pæne continuas destinavit. Nemo hic suis gratias agat meritis: Deus utilitatibus nostris carere potest. (b) Quid ergo dicemus, inquit Paulus, nunquid iniquitas apud Deum? Absit. Mosis enim dicit: Miserebor cujus misereor, & misericordiam præstabo, cui miserebor. Non volentis, neque currentis, sed miserentis est Dei.

(a) 1. Reg. c. 16. v. 7.

(b) Gott bedarff vnserer diensts gar nit.

Dei. (a) Nemini est dicere: Ego Dominus, & non est alius præter me. Hoc ciſtas arrogantiaſ noſtræ dejicit, hoc ſuperbi ſpiritus ſuccidit alas, hoc animi diſmiſſionem, humilitatem veram facillimè perſuſerit. Vix virtutis extimam habemus umbram, & animum extollimus.

Et ô quanta humani ac divini judicii differentia! Humanum ideo errat, quàm creberrimè, quia rerum ſigna tantum aſpiciť, quæ nimium quantum plerumque fallunt: Deus autem rem ipſam penitiſſime perſpectam habet: Homo videt ea, quæ patent, Dominus autem intuetur cor. (b) Cùm nos hominem exterius compoſitum, comem, humanum, affabilem cernimus, ad virtutis normam factum credimus, ſed fallimur creberrimè. Decipit humana facies; verba ſunt paululùm certiora ſigna latentis animi: utroque evidentior index pectoris eſt actio. Sed & hæc perſape fallit. Quando igitur animum mentemque hominis inſpicere nequaquam poſſumus, eam ob rem nec poſſumus judicare ullum hominem. Idcirco Chriſti monitum eſt. Nolite judicare, perinde ſi diceret. Nolite errare. Quiſquis alterius animum non inſpicit, eorum judex eſſe nequit, quæ animo deliteſcunt. Deus intuetur cor. Mortalium nulli, nullis diabolis, ſed nec ullis Angelis cordis ſecretum patet. Deus ſolus & unicuſ hanc inexploratam, & multò profundiffimã ſpeciem explorat & ſcrutatur.

C

Quar.

(a) Rom. c. 9. v. 14. & 15.

(b) 1. Reg. c. 16. v. 7.

Quartò, *Directus est spiritus Domini in David.* Hic Dei mos est ; instrumentis utitur plerumque minùs ad rem idoneis , ut ingenium pateat artificis. Quemadmodum scriba peritissimus sulfuratas sunt tadulas, (a) & iis pingit pulcherrimè : ita Christus suis legibus subjēcturus orbem, duodecim piscatores elegit , & orbis impietatem per eos expugnavit. Nimirum hoc agit Deus, ut liquido sciatur, hac opera potestatis esse divina, & ut fastuosus homo quo Deus utitur instrumento , nullum sibi arroget nomen magisterii. Nimis modica sunt vires nostræ , si suas Deus subtrahit. Ridiculè superbit aquæ bajulus de cibis à se bene cōctis , cūm cocum non aliā re, quàm hauriendā aquā juverit. Deus est , qui coquit , nos viles homunculi aquam apportamus , atque hoc ipsum non nostris viribus. Quod Augustinus eruditè confirmans : Qui in nobis , inquit , victi sumus , in illo vicimus : ergo coronat , quia coronat dona sua , non merita tua. (b)

Potuisset tergiversari David, & excusando se dicere: Hanc ego sublimitatem nunquam somniavi; opilio sum, oves scio pascere, non homines; ad pedum, non ad diadema & sceptrum natus sum; me tegeres & rude sabanum magis ornant quàm purpura: bonum est mihi sublimia non tentare. Sed responderit Samuel : Tu sine modò, sine, & divinæ voluntati te da : quod cœpit Deus, finiet

(a) Gwebelhölzlein.

(b) Aug. in ps. 102. mihi pag. 473.

finiet. Tu tamen nunquam obliviscaris ex humili & vili loco ad istud fastigii divinis te viribus evectum. Certè oblitus non est, qualis fuerit, quantus factus sit. Hoc ipsum crebrius sacris carminibus inferens : Quis sicut Dominus noster, inquit, qui in altis habitat, & humilia respicit in cœlo & in terrâ? suscitans à terrâ inopem, & de stercore erigens pauperem : ut collocet eum cum principibus, cum principibus populi sui. (a) Elegit David servum suum, & sustulit eum de gregibus oviû, de postfœcantes accepit eum. (b) Qualescunque simus, quantacunque patremus, è colluvie ac sordore producimur à Deo. Quod David altâ memorique mente reposuit. Et in hunc directus est Domini spiritus. Siquidem illi copiosorem subministrat gratiam Deus, cui ampliorem provinciam, cui difficiliorē committit præfecturam. Bonus ac liberalis Dominus, qui & officium credit, & unâ vires suggerit officio explendo. Non rarò contingit, ut ei deferatur munus, qui se planè iudicat eo indignum, & inhabilem. Huic plerumque rectè suadetur : Sequere vocantem Deum; sustine hoc munus mi homo, & fide Deo. Cùm Deus tibi dederit boves, dabit & præsepe boiû; cùm ingerit labores, sufficiet & vires; cùm imponit onera, addet & subsidia. Hic Domini spiritus non priùs Davidi datus est, quàm jus ad regnum.

Quintò hîc exponendum illud sacri carminis : Memento Domine David, & omnis

C 2

man-

(a) Ps. 112. v. 5. 6. & 7.

(b) Ps. 77. v. 71.

mansuetudinis (omnis afflictionis) ejus. (a) Videte obsecro initium hujus regni; adversa plurima. Ipse Davidis parens Isai in hac electione filium suffragio non juvisset, imò verò etiam impedisset, si ei liberum fuisset. Contemptum de illo dixit; *Adhuc reliquus est parvulus, & pascit oves*. Perinde si diceret: Nequaquam est ejus auctoritatis, functionis, ætatis, ut cum dignitate sibi possit Prophetæ, in regem ungendus. Et juvenis, & ovium custos est. Idcirco David de seipso: Adolescentulum sum ego, inquit, & contemptus, justificationes tuas non sum oblitus. (b) Nimirum ante ruinam exaltatur spiritus, (c) et re exaltationem deprimatur & incurvatur. Quodcumque Deus patraturus est magna præmittere solet adversa. A rebus turbidis rectissimè fit gradus ad tranquillitas. Ira parentes cum liberis ludunt, Myrensem Prasulem Nicolaum representatum crepundia donant & pupas, sed unâ jungunt & virgas. Ad magna nos evehit Deus, sed plerumque in igneo urentium ærumnarum vehiculo. Dilucidè Christus: Nemo est, inquit, qui reliquerit domum, aut fratres, aut sorores, aut patrem, aut matrem, aut filios, aut agros propter me, & propter Euangelium, qui non accipiet centies tantum nunc, in tempore hoc, domos, & fratres, & sorores, & matres, & filios, & agros cum persecutionibus (d) Grata illa omnia & amœna præter hanc unam appendiculam *cum persecutio*.

(a) *Psal.* 131. v. 1. (b) *Psal.* 118. v. 141.(c) *Prov.* c. 16. v. 18. (d) *Marc.* c. 10. v. 30.

tionibus. Quidquid agamus, hæc trisium & latorum mixtura est admittenda. Omnia, inquit Christus, quæ mei causâ perduntur, reddam centuplicato scœnore, adjunctis tamen & persecutionibus. Premunt istæ amicos Dei, non opprimunt. Andreas Cardinalis Ferdinandi Archiducis filius, hoc usus est symbole: Cucurbitam aquis innatantem curavit pingi, & inscriptionem hæc addidit: *Iactor, non mergor.* ærumnis variis jactamur? Bono animo; non mergemur. Bonum malumve corium produunt pluvia; Bonum malumve hominem ærumna.

C A P V T III.

David virtutum edit specimina.

M Iratur orbis hodiæque Socratem non à fortunis, sed à scientiis æstimandum. Socratis parens Sophroniscus Statuarius, Phanereta obstetrix. Hi natales Socratis paupertini ac humiles. Non illi tamen obstitit originis humilitas. Nam eò virtute ac sapientiâ pervenit vir iste, ut eum nemo non sapientissimum æstimârit. Philosophis tam iis, qui superiores ævo fuerunt, quàm qui inferiores, plurimû lucis præluxit. Errores se antecedentium correxit, sequentium sustulit. illi cælum & terram diuensi, de sideribus, de elementis, de principiis differebant, seipso non inspiciebant. De rerum naturis subtilia multa

tractabant, definiebant, dividebant, ratiocinabantur, acutissimè concludebant, libros implebant, sapientiam buccis concrepantibus ventilabant. At Socrates dux viæ primus: Quæso vos, aiebat, potiora, prius curemus, & ab his digressi ingrediamur microcosmum, quilibet seipsum. Ridiculum est de stellis disputare, cœli oculos nosse, seipsum ignorare, ad sua vitia cæcutire. Animi latibula omnium primo excutienda. Atque hinc Valerius Maximus hoc encomii assignat Socrati: Animum ab indoctis erroribus abductum in intima conditionis humanæ, & in secessum peccatoris repositos affectus scrutari cœgit. Certè si virtutis pretium non aliunde, sed ab ipsâ petamus virtute, optimus vitæ magister fuit: Alii docebant sapere, ille docebat vivere.

Davidis ortus humilis, natales parum clari fuerunt. Sed nihil ei obfuit prosapia rusticana, nihil eum impedivit generis ignobilitas. Tantò clarior effulsit virtus, quanto tenuior erat stemmatis origo. Multò grandius est dignitatem generis, & amplitudinem parentibus dare, quàm ab iis accipere. Quod Chrysostomus observans: Melius est, inquit, ut in te glorientur parentes, quàm tu in parentibus. (a) Vnus de multis fuisset Isai, nunquam spectabilis, nunquam inclytus & in orbe celebris, nisi hoc fuisset auctus filio, qui sapientiâ & virtute in eam excrevit claritatem, ut multò potiori jure quàm Socrates dici potuerit optimus vitæ magi-

(a) Chrysost. in Matth.

magister, si virtus per se ipsam æstimetur, non spectato natalium splendore. Et in hanc virtutis palæstram, juvenis hic pastoritius maturè prorsus descendit: jam enim in agris, interque oves fortitudinis, pietatis, & cum Deo familiaritatis, jam illustrium virtutum edidit specimina: de quo hac dissertatione agemus.

S. I.

Davidi jam quidem in regem uncto, ad caulas tamen redeundum fuit. O qualis Rex! pro diademate petasum, pro scuto pedum, pro purpurâ vilissimam gerit lacernam. Davidem à Samuelis unctione ad pascendas oves rediisse, è factis regiis certum. Saul enim à malo genio vexatus, mandavit. Isai: Mitte ad me David filium tuum, qui est in pascuis. (a) Hanc David primam habuit suæ virtutis athleticam arenam, hæc fortitudinis admiranda dedit experimenta, quæ cogeatur Sauli recensere. Quod affirmans Chrysostomus: Diffidit illi rex, inquit, quapropter David facinora referre cogitur, (b) his omnino verbis: Pascebat servus tuus patris sui gregem, & veniebat leo, vel ursus, & tollebat arietem de medio gregis: & persequerbar eos, & percutiebam, eruebamque de ore eorum, & illi consurgebant adversum me, & apprehendebam mentum eorum, & suffocabam, interficiebamque eos. Nam & leonem & ursum interfeci ego

C 4

servus

(a) 1. Reg. c. 16. v. 10.

(b) Chrys. hom. 46. in Gen.

servus tuus. (a) Ex ipso loquendi modo fat constat, non semel tantum iterumque id factum, sed sapius. Et quam incredibile hoc Davidis robur? Non canibus, non lupis, sed ursis & leonibus robustissimam animositatem suam objecit: neque has feras lapidibus solum fugavit, sed duellum cum iis iniit. Et quod mirius, non eas venabulo, non sarissâ, non spiculo, sed inermi manu exarmavit, & confecit. Fortitudo ingens, obstupescenda.

Hanc admiratus Siracides: Quasi adeps, inquit, separatus à carne, sic David à filiis Israel. Cum leonibus lusit quasi cum agnis, & in ursis similiter fecit sicut in agnis ovium in juventute suâ. (b) Tam hoc Davidi non difficile, quàm exercitatissimo venatori, qui aprum loco configit. Hoc potuit spiritus Domini directus in David. Atque hæc Sauli regi fuerant necessario narranda, alioquin pastoritius ille juvenis ad pugnam cum Goliatho neutiquam fuisset admissus. Hæc verò David jam unctus rex, etiânum tamen opilionem agens patravit incredibili fortitudine.

Ejus porrò pietas & singularis in supremum Numen devotio, in eo sese potissimum exeruit, quòd non patulæ sub tegumine fagi recubans totos soles inertio combusserit, sed sedulum scriptorem, ingeniosum sacrumque poëtam egerit. Nam Psalmorum partem in agris composuit, & eos ipse aut voce alsâ, aut cytharâ

(a) 1. Reg. c. 16. v. 34. & seqq.

(b) Eccli c. 47. v. 2. & 3.

tharâ admotâ cecinit. Sicut in urbibus no-
 fratibus phonasci, (a) opifices diversi, pel-
 liones, arcularii, fabri, marsupiarii, lin-
 teones inter laborandum fingunt, canunt-
 que, dein festis diebus publico se commit-
 tunt, & ludos nauticos (b) instituunt:
 ita quæ David in pratis & silvis sacra car-
 mina meditatus sibi suisque ovibus canta-
 bat, ea nunc in templis omnibus cantant
 Christiani. Quamvis neque tunc quidem
 silvestris & sacra Davidis musica latuerit.
 Innotuit hoc canendi studium in aulâ regis
 & sermone celebratum est. Iure merito.
 Nec enim aniles fabulas, aut apinas affa-
 nias, aut priscorum somnia, aut lascivas fa-
 bulas sibi sumpsit captandas. Quod sensit,
 hoc & carmine effinxit, de Deo, & laudi-
 bus divinis omnia. Hæc Davidis pietas &
 in Deum fuit religio.

Hinc nata suavis cum Deo familiaritas.
 Hoc enim laudis in aulâ regis habuit, ut u-
 nus aliquis aulicorum diceret regi: Ecce, vi-
 di filium Isai Bethlehemitam scientem psal-
 lere, & fortissimum robore, & virum bel-
 licosum, & prudentem in verbis, & virum
 pulchrum, & *Dominus est cum eo.* (c) Idem
 laudis obtinuit Ioseph Ægypti prorex: *Fuit-
 que Dominus cum eo.* (d) Habuit David sat rē-
 poris ad colloquendum cum Deo, & locus
 mirificè arcana hæc colloquia juvabat: nam
 cum ovibus loqui non poterat, humanas

C 5

illic

(a) De Maistersinger.

(b) Singschuel.

(c) I. Reg. c. 16. v. 18.

(d) Gen. c. 39. v. 2.

illic locorum, voces non audiebat, ita spiritus Domini cum Angelis eum, & cum Deo loqui docebat. Hinc arcta cum Deo conjunctio, & suavis societas. Nihil in orbe dulcius præ istâ cum Deo familiaritate. Dulcissima ea est, sed experto. Experire, mi homo, ac gusta, & mecum senties. Homo Deo familiaris nunquam solus est, nunquam extra omne gaudium est. Nam etsi vel in Phalaridis tauro sit, hoc illi tamen erit gaudio secum habere Deum. Sed ego hîc verbis tempero. Quàm suave, quàm beatum sit Deo familiarem esse, experiri possumus, verbis eloqui non possumus. Hos animi sensus dulcissimos humana facundia nunquam satis descripserit. Gustate & videre, quoniam suavis est Dominus. (a) Appropinquate Deo, & appropinquabit vobis. (b)

(a) *Psal. 33. v. 9.*

(b) *Iac. c. 4. v. 8.*

§. II.

Quemadmodum verò spiritus Domini Davidem suaviter asserit, ita impium Saullem deseruit, Quod fasti regii clarissime testantur: Spiritus autem Domini recessit à Saul. (a) Sauli velut degeneri filio jam repudiato subtraxit Deus spiritum principalem illum regibus necessarium, spiritum sapientiæ ac fortitudinis, concessitque eum Davidi. Ab eo tempore Saul nihil egregii facinoris patravit. Qualis autem rex fuerat, ta-

lin

(a) *1. Reg. c. 16. v. 14.*

lis & exercitus illius, timidus, imbellis, effeminatus; unci hominis Goliathi vox fugavit omnes. Nimirum totis castris Saul metum infudit. Tanti militiæ dux est. Et recte dicere solebat Chabrias Atheniensis dux clarissimus: Terribiliorem exercitum esse cervorum duce leone, quàm exercitum leonum duce cervo. A prudentiâ ducis & fortitudine pendet maximam partem eventus belli.

Saul igitur spiritu meliore destitutus, à maligno est occupatus. Ecquis denique malignus hic, & nequam spiritus? Priscorum Patrum sententia est, à malo damone fuisse infestum; appellari autem spiritum Domini, quod à Domino sit missus. Quod Gregorius confirmans. Idem spiritus, inquit, & Domini appellatur, & malus: Domini per licentiam justæ potestatis; malus per desiderium malæ voluntatis. Enimverò palatini famuli Saulis, utcunque oris libèri: Ecce, inquiunt, spiritus Dei malus exagitat te. Iubeat Dominus noster rex, & servi tui, qui coram te sunt, quærent hominem scientem psallere cytharâ, ut quando arripuerit te spiritus Domini malus, psallat manu suâ, & levius feras. (a) Quis quaso his culicis dixit musicâ fugari damones? Priscis notissimum, animi morbos modis musicis juvari. Multa in hanc rem Plutarchus narrat. Terpander quem comesta ficus suffocavit, seditionem inter Lacedæmonicos concitatam, musicâ sedavit. Thales Cretensis pestem Spar-

(a) 1. Reg. c. 16. v. 15.

Spartæ grassantem musicâ compressit. Græci deliberationem habituri de rebus maxime seriis tantum Dorium sæpe adhibuerunt. Ab aliis ad alia Phrygius, Aælius, Lydius, Gygius est adhibitus. Pythagoras cum fortè in homines ebrios tibicini adambulantes incidisset, extemplo canere doriũ jussit, quâ cantûs mutatione ita crapulam discusserunt, ut corollas capite detraxerint, ad majorem sese modestiam composituri. Cassiodorus vim musicæ in morbos admirandam oratione uberiori explicat. Quid porrò auxilii & opis musica ferat ad fugandos dæmonas, Franciscus Valesius Philippo II. Hispaniarum Regi medicus, in philosophiâ sacrâ, (a) quam scripsit, eruditè docet.

Iesseus David in aulam regiam accitus est, non solum ut musicus eximius, audire rege dignus, sed etiam ut poëta & psalteres sacer, qui non suavis tantum, sed & doctis piisque modulis laborantem regem refocillaret, quod David eximie præstitit. Quis sese non optaverit hic auditorem, qui sacros modullos illos perdius & pernox audiret? Profectò David ab aulicis adeò commendatus regi, quamprimum vocatus est in regiam. Davidis pater Isai, ne quid pateretur officio suo deesse, panibus oneravit asinum, addidit vini lagenam, & hœdum, misitque per manum filii sui David Sauli. Hoc ævi more fecit Isai. Tenue quidem istud parumque magnificum, sed castris non ingratum fuit donum. Quemadmodum Iacob

(a) Vales. c. 28.

cob Ægyptio principi vicem muneris aliquid mellis, resinæ, storacis, stactes, terebinthi & amygdalarum misit. (a) Sic Artaxerxes aquam è flumine haustam cavis manibus in donum oblatam aureo cratere excepit. David igitur cum muneribus, quæ parentum fortunæ non nimium opulenta submiserant, advenit. Mox placuit novus iste famulus, qui suam operam quamprimùm insigniter probavit, regiùmque morbum fidibus felicissimè mitigavit. Et dilexit eum rex nimis, & factus est ejus armiger. Sic honestum morbo quasitum est pallium.

Interim turbârunt Philistæi, & moverunt arma in Hebræos. Eâ occasione tres Davidis fratres militiæ dederunt nomen sub regiis signis stipendia facturi. Iamque ingravescens bellum missionem impetravit Davidi. Abiit itaque David, & reversus est à Saul, ut pasceret gregem patris sui in Bethlehem. Sed cur famulus tam charus tam citò permissus est domum redire? Iosephus aliquid allegans causâ: Noluit Saul, inquit, in bello tam serio & periculoso videri quærere delicias, & alere fidicines ac cytharædos. Acutiùs hoc dixit Iosephus quàm verius. Res ita habuit. Saul in eo morbo variabilis & morosi prorsus ingenii fuit, hinc juvenem priùs charissimum fastidire cœpit & rejicere. Hunc deinceps lusum Saul cum Davide lusit assiduè. Nam eum modo vocabat filium, modò ut hostem capitalissimum insectabatur, uti quibusdam dominis lunam

(a) Gen. c. 43. v. II.

lunam pectore gestantibus servi modò aurei, modò argentei, modò vix sunt plumbei. Sat caularum habuit David, cur aulâ exiret. Sibi suisque meditationibus inter turbas aulicas non perinde, ut inter oves, & in solitudine vacare poterat, ad illam ergo volens libensque rediit. Hic tria singulariùs observanda.

§. III.

Primum, Honorata humilitas; Iesus David jam rex electus, dictus, jussus, pronuntiatus & unctus, ad oves tamen pascendas jam secundum redire cogitur. Quem fata tam rigida non mordeant? Sed videte Christum Dei filium, orbis Servatorem, Messiam verum non ad suaviora natum. Vix enim in auras prædiit, mox à rege pediculofo Herode Aſcalonitâ in fugam agitur. Perinde si Pater è cœlo proclamasset: Minate placidè hoc feras. Mei filii non molli-ter habendi, sed adversis & calamitatibus sunt durandi. Humilibus principiis crescendo ad magna. Hac ego semitâ meos ad paradysum duco, hic meus est mos, hic spiritus meus est. Vivit etiânum vigetque hic spiritus inter principes, reges & reginas. Magdalena Ferdinandi I filia, regina amplissima, quæ regiam Halensem domum sacris legibus & possessionibus condidit, solebat dicere: Sunt in omni statu & ordine probi, improbi, Deus à singulis rationem exiger: mendiculus postremissimus tam nobilem ac pretiosam habet animam, atque

Im.

Imperator Romanus. Nec à verbis diverterunt facta. Nam illa ipsa inter suas virgines ita se gessit, ac si omnium esset infima, Villissimam quamque operam non abhorrens, lances eluere, tergere, in horto steriles herbas vellere; sordidas bestiolas ex arboribus decerpere, fila ducere, lanam carpere, pensum facere, herbulas & flores legere, igni eliquare, telas, linteas letas componere. Eadem Serenissima regina distitabat quandoque, si parendi ratio non obstitet, & suppeterent vires, velle se etiam panes pinsere, ac pecus curare. Hinc nunquam otiosa, semper aliquid operis, quod Hieronymus monet, fastitabat, ne unquam à diabolo inveniretur non occupata. Cùm gravior defuit occupatio, inter suas virgines pomis, pyris, rapis corticem detrahère non erubescibat. In ancillam sponte famulabatur regina. Spiritus Domini compellit ad humilia & abjecta: ideo rex noster jam sacro balsamo delibutus ad pascendas oves remittitur; ideo jam palatinus citharædus jam phonscus aulicus, jam Saulis armiger, ad pecus tamen iterum ablegatur: *Reversus est David à Saul, ut pasceret gregem patris sui in Bethlehem.* (a) Neminem contaminat humilitas & suimet abjectio.

Alterum, Dicendi libertas. Palatini famuli Saulis ore satis libero: Ecce, inquit, spiritus Dei malus exagitat te. Ita sese res habent, rex potentissime, nec enim negari hoc potest, genius malus te torquet. Fuisse

(a) I. Reg. c. 17. v. 15.

sent, qui blandissimè dixissent, non esse nisi atram bilem, seu paulò graviores melancholiam, cui facile sit mederi. At aulici isti nil tegunt, nil dissimulant, apertam in os veritatem ingerunt; *Spiritus Dei malus* exagitat te. O mi bone Deus, quantò sanctius gubernaretur orbis, si candidius aperiretur veritas. O magni principes, ô reges potentissimi! Non est qui vobis, non est, qui puram putam propinet veritatem. Tegunt, fucant, comunt, dissimulant, centum larvis veritatem obvelant vestri Laudenses & Placentini: & vos uni alterique hæc monenti non creditis. Obsecro, pensculatiùs cogitate illud oraculi: Egrediar, & ero spiritus mendax in ore omnium Prophetarum ejus. Et dixit Dominus: Decipies, & pravalebis; egredere, & fac ita. (a) Et facit ita, etiamnum quotidie. Sed discrimen est hominum veritatem pingentium & palliantium. Putant aliqui veritatem dicere, sed putant tantum, non dicunt. His mederi difficillimum. Alii satis notant, quàm veritatem lædant, sed istud sibi, suisque credunt esse utile. At reverà sibi, suisque, aliisque plurimis nocent quàm maximè. Nec enim Deus favere potest animo fallaci. Hos tales Epistetus umbræ confert, quæ suo se corpori ad omnem motum flexumque accommodat. Hi Protei consilia sua fortunæ applicant, & ad omnem illius motum se movent. Vt cunque est ventus, exin velum vertitur. (b) His virum unum fœminamque sub aspectum pono.

Ca.

(a) 3. Reg. 6. 22. v. 22.

(b) Plauti dictum.

Cæcus, qui oculorum diem à Christo recepit, audacter prorsus cum Phariseis disputavit, quos etiam irretiit, implicavit, convicit veritate. (a) Nam ab iis crebrius interrogatus: Dixi vobis jam, inquit, & audistis, quid iterum vultis audire? Nunquid & vos vultis discipuli ejus fieri? In hoc enim mirabile est, quia vos nescitis, unde sit, & aperuit meos oculos: scimus autem, quia peccatores Deus non audit, sed si quis Dei cultor est, & voluntatem ejus facit, hunc exaudit. A saculo non est auditum, quia quis aperuit oculos cæci nati. Nisi esset hic à Deo, non poterat facere quidquam. (b) Hac libertas hominis plebei & illiterati, quot viros magnos, quot senatores palatinos, quot adiutores aulicos dabit in ruborem, quorum omnium hoc princeps est negotium, larvam aptare veritati quam formosissimam. His lyncibus multo fuit oculatior ille cæcus, quem Pharisei quidem eliminârunt è synagogâ, at Christus foras ejectum humanissimè solatus: In judicium, inquit, ego in hunc mundum veni: ut qui non vident, videant; & qui vident, cæci fiant. (c.)

Huic viro ex animi sententiâ liberrimè loquenti adstitimus feminam illam, quæ, dum scribæ ac Pharisei Christum calumniis lapidarent, ore liberrimo proclamavit: Beatus venter, qui te portavit, & ubera, que luxisti. (d) Ingens hac oris libertas fuit, quæ

D. quanto

- (a) Er hat sie warlich in Sack geschoben.
 (b) Ioan. c. 9. v. 27. & seqq. (c) Ibid.
 v. 39. (d) Luc. c. 11. v. 27.

quantò copiosius Dominum IESVM prædicavit, tantò refutavit animosius Domini IESV calumniatores. Vtrinque laudanda, & ob Christum libere laudatum, & ob Christi hostes sine formidine perstrictos. O Veritas, quid es, ô bona Veritas! Illa Pilati quaestio: *Quid est Veritas?* adhuc pendet sub iudice. Plurimis deforme monstrum est veritas, nam eam centum tegunt centonibus. O bona Veritas, quam ubique aut malo, aut nullo admitteris hospitio!

Tertium, Suavis providentia Dei. Voluit Davidem Deus Aulicum aliquamdiu agere in aula Saulis, idque ante occupatum regnum, ut ita sensim disceret, quâ suo se tempore gerendis rebus applicaret, ut plurimum sibi conciliaret benevolentiam ut sciret, quâ parte potissimum Aulici laborarent, ut per adversa variasque insidias ad sublimitatem regni eluètaretur. Vult nimirum Deus, ut ad solium aureum, sed per gradus ferreos ascendamus. Eundem, ô Christiani, per spinas; ut perveniamus ad rosas. Memento Domine David, & omnis mansuetudinis, & omnis afflictionis ejus. Quòd si David tot tantisque calamitatibus erat exercendus, ut caducum, mortale regnum, denuò perdendum acquireret: O quantò iustius nobis asperrima quæque toleranda, ut æternum, immortale, regnum beatissimum assequantur. Ignorat quàm dulce sit esse regem in cælo, qui labores & molestias horret in terra. Astrologia vaticinium est, si Martius sui principio se lupum

pum gerat, in ovem desinet, & quantò asperior & immitior est hiems, tantò serenior & faventior erit æstas: ita prorsus tantò nobis futurum regnum erit suavius, quantò nunc acerbior est nostra servitus; per miseras & ærumnas ad immortales itur delicias; per vepræta tendimus in paradysum, per lachrymarum vada transitus est ad æterna gaudia. Eja alacriter & animosè; brevissimum est iter, itineris terminus regnum immortale, felicitas nunquam desitura.

CAPUT V.

David in Goliathum armatur.

Sunt qui amiciantur veste quidem vili è panno, corio, telâ, lino gossipino, (a) quia tamen ea vestis ad modulum corporis est valde habilis, cum holoserica non emutarent eam quamvis vilissimam. Nam etsi quis vestem sericam, pictam, attalicam habeat, ea tamen corpori non respondeat, plùs aquo laxior vel certe strictior, non apta membris rejicitur. Ideo sæpe molestissimum est deponere vestem obsoletam, non quia pulchra sit & nitida, sed quia commoda. Hinc Tarsensis Paulus appositissimè satisfacit huic quæstioni: Cur, obsecro, tam inviti morimur cor onus corporis miserabile tam agrè deponimus: cum sciamus, & verò etiam credamus millies esse melius, in coelo æternùm vivere, quàm in terrâ assiduè mori? Ad ista Paulus: Ingemiscimus,

D 2

ait;

(a) Barchet.

ait , gravati , eò quòd nolumus expoliari , sed *supervestiri*. (a) Affuevimus hinc vitæ miseræ , hinc miseras ipsi nostras amamus.

Cùm audisset David , universum agmen Hebraum à gigante Philistæo provocari ad pugnam , nec unum aliquem ex omni cumeo reperiri , qui solus audeat in duellum cum Goliatho congregi ; cùmque etiam auditione percepisset , victori præmium ingens sponderi , animosissimè ad hoc certaminis obtulit seipsum. Germanus quidem frater Davidem acriter objurgavit , sed & Saul istam animositatem vix pensi habuit , ac cùm David instituisset narrare regi , quibus præliis ursos & leones exarmasset , rex denique assensus : Ergo fortunam , inquit , censemus ; meâ te cataphractâ , meis armis vestiam. Et verò etiam vestiri cœpit David thorace ac loricâ regiâ. Sed cùm incessus & agilitas viderentur impediri hac armaturâ , David eâ rejectâ subsidium à pastoritiis sibi que usitatis armis petiit. Hoc ergo capite dicemus , quâ ratione David in Goliathum fuerit armatus.

(a) 2. Cor. c. 5. v. 4.

§. I.

Bello Philistæo , quod Israël's populus adversus idololatrias gessit , memorant fasti regii virum immanis stature omnibus incussisse terrorē. Effigiem gigantis hanc proponit sacer historicus : Et egressus est vir spurcius de castris Philistinorū nomine Goliath , de Geth , altitudinis sex cubitorum & palmi : & cassis ærea super caput ejus , & lorica

ricâ humatâ induebatur. (a) Staturam viri vulgarem pane altero tanto excessit; insuper valentissimus, miles expertus, audacissimus. Terroris formidandæ speciem auxerunt arma ferrea, cassis, lorica, ocrea, hasta, scutum. Lorica quinque millia siclorum æris habuit. Si minorem sumamus sicutum, siue, unciam dimidiam, & uncias duodecim pro librâ, libras ducentas octo & tertiâ libræ partem, seu duo ferri centumpondia in unam hanc lorica insumpta dicendum: ferramentum hastæ viginti quinque libras ferri æquavit: hastile (b) quasi liciatorium textentium: ipsa quoque tibialia erant ferrea. Hinc æstimanda cetera, hinc conjectanda vires, quæ tanto ponderi fuerunt pares.

Hæc gigantæa moles tam regi, quàm toti exercitui terrorem maximum incussit; siquidem Goliathus stans clamabat adversum phalangeas Israël, & dicebat eis: Quare venistis parati ad prælium? Nunquid ego non sum Philistæus, & vos servi Saul? (c) Si quis unus ex omni numero, est ardentioris animi, in arénam prodeat, & componi mecum sustineat. Si vicerit me, perpetuis tributis serviemus vobis: victus, in servitutem nobis vos traderet. Adsit, qui animo manique valet. Audiens autem Saul & omnes Israëlitarum sermones Philistæi hujusmodi, stupebant & metuebant nimis. Ipse autem Goliathus apud suos superbissime se jactans: Ego, inquit, exprobravi agminibus

D 3

Israël

(a) 1. Reg. c. 17. v. 5. (b) Schafft deß Spieß wie ein Weberbaum. (c) 1. Reg. c. 7. v. 8.

Israël hodie ; date mihi virum & inecat me-
cum singulare certamen. (a) O dedecus,
& ô Phrygia ; nec unus unicus est repertus,
qui vir esset , qui animo non tremere , &
congregi auderet. Omnium virtus ingenti-
bus promissis evocabatur. Victori statue-
batur præmium Virgo regia , Saulis filia in
conjugem, immunitas insuper ab omni tri-
buto in omnem victoris familiam. Nec ta-
men ullus totis quadraginta diebus pro-
diit, qui cominus iret in gigantem.

Interim Isai vir nonaginta duorum anno-
rum filium David in castra misit , ut tribus
fratribus panes & polentam ; tribuno mi-
litari decem caseolos deferret ; una etiam
videret, quid rerum fratres agerent, ad quæ
signa sacramento dixissent. Cum in castra
venisset David, jam acies in hostem expedi-
ta stabat. Mox David suis sarcinis custodi
commendatis , ad locum pugnae pervolat ;
& fratribus, quid velit pater, exponit. Dum
loquuntur , Goliathus adest. Diffugere o-
mnes. Miratus David hostis audaciam , &
imbellem suorum trepidationem, sciscitari
cœpit, quid præmii esset laturus, qui Philis-
thæum provocantem sterneret ? Sermo o-
mnium erat, Virum, qui percussisset eum, di-
tabit rex divitiis magnis, & filiam suam da-
bit ei , & domum patris ejus faciet absque
tributo in Israël. Hic David ingenti animo:
Quis iste, inquit, Philistæus est, idolorum
cultor, jactator insolentissimus, qui tantos
audeat sibi sumere spiritus , & aciem Dei
provocare ? Hoc audiens maximus natu fra-

ter

ter Eliabus, in David effusâ bile: Quare venisti, ait, & cur oves pauculas deseruisti? jam pridem mihi nota est superbia tua, & curiosa nequitia; ut videres prælium, accurristi. Cui David: Quid denique, ait, deliqui? Sed iram fratris declinandum ratus, aliorum circulis se inseruit, & promissis præmiis iterum iterumque narratis, plenus animi seipsum obtulit ad duellum cum gigante ineundum. Hæc continuò ad regis aures fama detulit. Confestim David regi sistitur, qui animosissimè priora repetens: Non concidat còr cuiusquam in eo, inquit, ego servus tuus vadam & pugnabo adversus Philistæum. Cui Saul: Non vales, ait, resistere Philistæo isti, nec pugnare adversus eum, quia puer es, hic autem vir bellator est ab adolescentiâ suâ. (a) Hic David coram rege sermonem ingressus percensuit, quâ laetorum vi leones & ursos confecisset. In narrationis epilogum adjiciens: Erit igitur, inquit, & Philistæus hic unus ex eis. Nunc vadam, & auferam opprobrium populi; quoniam quis est iste Philistæus incircumciscus, qui ausus est maledicere exercitui Dei viventis? (b) Ille ipse Deus, qui mihi leonis & ursi spolia concessit, hujus etiam Philistææ belluæ cadaver tradet. Rex animi pendens, sed assensus demum: Vade, inquit, & Dominus tecum sit.

§. II.

Allatâ igitur armaturâ regiâ, David galeam capiti, loricam pectori, gladium femori

D 4

mori

(a) 1. Reg. c. 17. v. 32. (b) Ibid. v. 36.

mori aptavit. Sed cum arma juvenem ita stringerent, ut incessum ægrius moliretur, modestè illa repudians: Non possum, inquit, sic incedere, quia non usum habeo. Itaque quamprimum & Regem & Saulem exuens, pastorem & Davidem induit, hoc est, ad nota se arma, baculum, fundam, lapides convertit. In eam namque rem quinque politissimos filices selegit ex armine, misitque in pastorem peram, fundam manum obarmavit. Hac panopliâ David munitus in Goliathum prodiit. Hic triplex illustre documentum.

Primum, Rex designatus, unctus, jure possidendi regni donatus, in parentis tamen gratiam agasonem agit; & jumentum clitellarium ducit ad fratres. Nam decem panes, cum decem caseis, & modius farinae (a) imposita sunt asino, quem David ante se egit in castra. (b) Nimirum Deo mirificè placet humilitas, per quam omnes divinos favores adipiscimur.

E veterum philosophorum scholis hæc una virtus exclusissima fuit. Socrates, Plato, Aristoteles, nec verbis eam nec factis docere noverant; de Temperantiâ, de fortitudine, de Justitiâ sublimiter & eruditè disseruerunt, de Humilitate minùs sciverant, quàm pueri puellaque nostra. Qui scire cupit, quantum humilitatis seu submissionis studio profecerit, conscientiam suam interroget, an seipsum contemnere, si ab aliis

(a) *Epbi polentarum Epbi decem gomor continebat* (b) *Iosephus hæc narrans, omisit has sarcinulas; pudat illum horum munerum.*

aliis contemnatur , æquo animo ferre,
promptè ac expeditè se quibuscunque sub-
mittere didicerit. Certè bonus cantor, bo-
nus fidicen , bonus organicus cùm cantan-
dum, cùm fidibus & organis ludendum, non
diu deliberant ; arte habituque id faciunt :
ita David humilitatis artifex , sui contem-
ptor, parenti obedire, pecus pascere, fratri-
bus servire , commeatum adducere , omni-
bus se sine tergiversatione submittere didi-
cit: mementote David, & omnis mansuetu-
dinis, humilitatis & afflictionis ejus. En an
artificium nosse cupitis, quo pastoritius hic
juvenis giganteam machinam dejecerit?
Humilis fuit: Humilitas Davidis minimè
cunctabunda , sed prompta & expedita.
Nec mirum humilitate vinci hominem;
ille pericissimus mille artium pugil diabo-
lus humilitate solâ sternitur potentissimè.
Nullos diabolorum exercitus formidet,
quem humilitatis regit lorica. Testimo-
nio sit, quod memorant. Angelum in-
duerat diabolus, Gabrielem è cœlo se men-
titus. At ille, cui magnifica hæc species ob-
jecta, vir submissi animi: Non dubito, in-
quit, quin erraveris; ad alium te missum
credo, non ad me. Ego Angelorum collo-
quiis indignus ad principum tantorum præ-
sentiam coger obmurescere. Mox in auras
evanuit personatus hic Gabriel , Humilita-
tis hujus impatientissimus Animalia com-
plura solis fugantur odoribus, quos ode-
ruat. Lupi, damæ, ursi pulverem tormenta-
rium, ut primum olfaciunt, mox sese in fu-
gam conijciunt: scarabeus odorem rosæ

non fert. De porcis Lucretius canit: Subtus acre venenum est amaracinum unguentum. Amatus Lusitanus, qui Dioscoridem commentariis illustravit, de croco mentionem injiciens: Agafo, inquit, jumentum elitellarium vario aromate onerarat, has merces aliò vecturus. Cùm nocturnum hospitium cervical negaret, geminos ille sacculos croco plenos pro culcitra subjecit capiti; manè repertus est mortuus. Quod lupis, damis, ur̃is nitratus est pulvis, quod scarabæo rosa, quod porcis amaracus, quod fuerat Agasoni crocus, hoc diabolo est animus submissus. Nimirum sui despicientia fugat, vincit, expugnat, triumphat diabolum. Aude te ipsum serio despiceret, & omnes diabolorum vires elisisti.

§. III.

Alterum, Vox Christi est: Inimici hominis domestici ejus. (a) Vt David adversis nunquam careret, eum germanus frater veluti canis molossicus multumque incommodisticus invadit, curiositatem & superbiam opprobrat, imò ut nebulonem proclamat, ausus enim in os fratri jam regi obijcere: Ego novi, ait, superbiam tuam, & nequitiam cordis tui, intus & in cute te novi. Videte, obsecro, ut adultus in juniorem saviat, ut excandescat in innocentem! si ita frater fratrem salutat, quid hostis hosti faciat? Memento Domine David, & omnis mansuetudinis & afflictionis ejus. Aegerri-
me ferimus à propinquis & cognatis nos
ladi,

(a) Matth. c. 10. v. 36.

ladi, quorum obsequiis coli, beneficiis affici par esset. Quis ab amicâ manu vulnera expectat? Sed ut Davidis patientia & humilitas experimentis omnibus inspiciatur, à fratribus etiam utraque exercetur & exagitur. Ita Deus flagellat omnem filium, quem recipit, etiam morigerum & modestum, etiam mitem & sanctum. Sed nemo frangatur animo. Nam mala, inquit Gregorius, quæ nos hic premunt, ad Deum ire compellunt. Eam etiam ob causam Deus hanc vitam molestiis & ærumnis innumeris distinguit, quod Augustinus observat: Ne viator tendens ad patriam, stabulum amet pro domo sua. (a)

Tertium, Quàm plenus animi David, quantus in eo agendi ardor, quanta in Deum fiducia, quàm impavido pectore dixit: Dominus, qui eripuit me de manu leonis, & de manu ursi, ipse me liberabit de manu Philistæi hujus. Argumentum optimum: Cùm de pauculis tantùm ovibus ageretur, Deus me periculis presentissimis subduxit, quanto magis jam aderit, dextraeque porriget opitulatricem, cùm de salute totius populi agatur. Ita nos in arcto identidem ratiocinemur: Quoties, mi Deus, arctis in rebus opem mihi attulisti, quantis in periculis protexisti, quàm sapientem, quàm benignam, quàm potentem & insopitam mihi providentiam exhibuisti, paterna manus tua me nunquam deseruit, ex omni tribulatione eripuisti me. (b) Quid dubitem ergo ego
modicæ

(a) Aug. in Psal. 46.

(b) Psalm 53. v. 9.

modicæ fidei? An non promisit Deus? Quoniam in me speravit, liberabo eum, protegam eum. (a) Quam Dei pollicitationem Bernardus suaviter expendens: O dulcissima liberalitas, inquit, in se sperantibus non deesse. (b) Quod Paulus Romanis, id ego hîc universis voveo: Deus autem spei repleat vos omni gaudio & pace in credendo, ut abundetis in spe. (c) Non solum sperare, sed spe abundare nos præco divinus jubet. Vt cumque res cadant, cœlum an terra ruat, vera in Deum fiducia, nec ruere potest, nec fallere. Hac armati superabimus, quidquid hostium ex adverso steterit. Fiducia in Deum inexpugnabilis, invictissima.

(a) *Psalm 90. v. 14.*

(b) *Bern. in hunc serm. 15.*

(c) *Rom. c. 15. v. 13.*

C A P V T V.

David Goliathum invadit & vincit.

REx Spartanorum Agis, quod Plutarchus memorat, bello strenuus, animo magnus & excelsus, Atheniensium domitor, cum inaudiisset quosdam suorum ad hostium multitudinem trepidare: Non quarendum est, ait, quot hostium sint, sed ubi sint, ut tantò animosius invadantur, quantò illi pertinacius resistunt. Cumque ad Mantineam prælium à ducibus dissuaderetur, quòd regis exercitum hostes numero longè vincerent: Pugnandum est, exclamat, cum multis enim pugnet,

pugnet, qui multorum cupit esse Dominus.

Quod in castris Saul, milites ducesque universos terruit, hoc juveni animosissimo Davidi, nil penitus terroris iniecit. Ceteri militum ducumque omnes, stupebant ac metuebant nimis. (a) Unus unicus David animo ingenti alacerrimus sese obtulit ad daellum. Saul ipse malè metuens huic juveni, & timidissimè ominatus: Mi adolescens, inquit, inaniter hæc cogitamus: puerum viro componere, opillionem militi, temerarium. Hoc tale par pugnantium nimis impar est. Puerum cum gigante congregari, risum castris excitat. At verò contrà visus David argumentis non unis, & pæne idem quod Agis rex proclamavit: Non quarendum quem procerus, altus, robustus provocator sit, sed ubi sit, illuc eundum. Et quando ceterorum nullus singularem pugnam subire audeat: Ego, inquit, Deo duce ibo, & auferam opprobrium populi Ivis, & quod ore hilari promissit, victorici manu præstitit. Venit, Vidit, Vicit. Goliathum invasit, & prostravit. Atque de isto Philistæi gigantis, & pastoritii juvenis duello, hoc capite disseremus.

(a). 1. Reg. c. 17. v. II.

S. I.

Cùm arma regia Saulis plus impedimenti viderentur allatura, quàm prædii, David ea ingenuè repudiens, *Tulit baculum suum, quem semper habebat in manibus*: ut nemini non constaret, potentia divinæ victoriam illam

illam esse adscribendam. *Et elegit sibi quinque limpidissimos lapides de torrente, & misit eos in peram pastorem, quam habebat secum, & fundam manu tulit.* (a) Thalmutistæ hîc imperitè somniant, & fingunt Davidem sibi septem delegisse lapides, & in primo quidem proprium scripsisse nomen, in altero nomen fortissimi, hoc est, Dei, ceteris Abrahami, Isaaci, Iacobi, Moïsi, Aaronis inscripta nomina. Logi & fabulæ. Sed sumptum hoc figmentum, è militari ritu Ethnicorum, qui scutis, telis, gladiis, hastis inscripserunt quippiam boni ominis causâ. Bello Cimbrico, teste Plutarcho, milites Marii & Catulli ducum nomina inculpserunt telis. (b) In clypeo Agamemnonis leoninum caput depictum, cum his vocibus. Hic pavor hominum. (c) Cedrenus asserit, plerumque clypeis inscriptum nomen illius urbis, quæ bello petebatur: ut si anno millesimo sexcentesimo vigesimo, pilis, bombardis, labaris inscriptum fuisset *Praga*, eo enim anno hæc urbs in Cæsaris potestatem redacta. Sic anno à Virginis partu ducentesimo octavo, Amermumnas dux, milites scutis iussit inscribere *Amerium*, quandoquidem ille urbs obsidione fuerat cingendâ. Si Iustino credimus Philippo Macedoni miles oculum excussit telo, cui hoc ipsum fuerat inscriptum: *Elide hostis oculum*. Quod David quinque lapides sibi sumpserit, certum: quod aliquid iis inscripserit, incertissimum, & nullis rationibus nixum.

Ibat

(a) 1. Reg. c. 17. v. 40. (b) Plutarch.
de M. r. l. (c) Pasqu. lib. 5.

Ibat autem Philistæus incedens & appropinquans adversum David, & armiger ejus ante eum. Non ad pugnam aut duel- lum, sed ad nuptias & triumphum ipse sibi videbatur ire. Thalmutistæ denuo suas occu- pant fabulas, ajuntque dixisse Philis- taum: Miselle puer, quid contra leonem prodis? cave sis, salivâ meâ submergeris, si sputo te petam. Nos scriptori sacro credi- mus, qui Philistaum ita loquentem sistit. Nunquid ego canis sum, quod tu venis ad me cum baculo? Veni ad me, & dabo carnes tuas volatilibus cœli, & bestiis terræ. Et maledixit Philistæus David in diis suis, & despexit eum. Ita consuêrunt prisci pessimè precari: Dii te, Deæque perdant, Iu- piter te perduat, Dii te infelicitent, ene- cent. Nos illis non minùs prompti, mox centena fulmina, aut mille pestes, aut decem millia diabolorum in aliorum ca- pnt detestamur. Ita Davidem Goliath exe- crabatur: Dagon Philistinorum deus te ju- gulet: Decreto Palæstinorum dea te evi- sceret, exoculet, eradicet. Ad umbras in- feras te Baal adigat: Mars tuis carnibus cor- vos & canes pascat. At verò David tam di- ris deprecationibus non territus: Tu venis, inquit, ad me cum gladio & hastâ, & cly- peo; ego autem venio ad te in nomine Do- mini exercituum, Dei agminum Israel, qui- bus exprobrasti hodie, & dabit te Domi- nus in manu meâ, & percutiam te, & au- feram caput tuum à te, & dabo cadavera ca- strorum Philistinim hodie volatilibus cœ- li, & bestiis terræ, ut sciat omnis terra, quia
est

est Deus in Israël. (a) Sunt qui putent ad hunc congressum à Davide scriptum psalmum centesimum quadragesimum tertium, cujus inscriptio : Psalmus David adversus Goliath ; cujus initium est : Benedictus Dominus Deus meus, qui docet manus meas ad prælum, & digitos meos ad bellum. Vbi hæc velitatione David ad pugnam præluferat, ad arma venit decretoria. Mox enim silicem è perâ rapiens, & fundæ imponens, fundâ prius rotatâ dexterimè metam contigit, Et percussit Philistæum in fronte, & infixus est lapis in fronte ejus, & cecidit in faciem suam super terram. (b) Hoc H A B E T. Cumque spiraret etiamnum gigas jam humi fusus, accurrit David, & moribundum calcens, ingentem ejus gladium eduxit, prostratam belluam interfecit, & caput amputavit. Hic belli finis, qui aliquot documenta suggerit.

(a) 1. Reg. cap. 17. v. 45. & 46.

(b) Ibid. v. 49.

S. II.

I. Tulit baculum suum David, quem semper habebat in manibus. Quivis hominum se gerat illum, qui est ; nec dignior altiorve cupiat videri. Miles, se militem dici, sacerdos se sacerdotem haberi velit. Aurum aurifici, pannus sartori, corium cerdoni, ferrum fabro ferrario, lignum fabro arculario tractandum ; suo quilibet se modulo mediatur, ne dicant ipsi alii : scitur, qui sis. David nil suæ tenuitatis dissimulans, eum se esse professus est, qui erat. Perâ baculoque se ar-

mat,

mat, perinde ac si omnibus dicat: Pastor sum, inter pecudes educatus sum, miles non sum; mihi pedum sagūque rusticanum (a) mihi melius conveniunt, quàm gladius inauratus, & cataphracta per encausticen e. laborata. Quidquid affectatum, & institutum est, placere non potest. Atqui affectio, seu, sumptus agendi, gesticulandi, loquendi modus, rebus p̄ane omnibus sese insinuat, non tantum gestibus & sermoni, sed & incessui. Quanti videri volunt in idiomate peregrino diserti? quorum ridicula est ea dicendi ratio assumpta. Theophrastus cum in foro scrutario Athenis venale quid liceretur, Atticæ linguæ venustatem assumpsit; cui mox anicula nundinatrix: Mi hospes, ait, tam vili non vendo. Sugillabat hominem muliercula non Athenis natum, Atticas tamen elegantias æmulantem. Ita Favorinus juvenem priscè nimis loquentem increpans: Curtius, inquit, & Fabritius dilucidè sunt locuti, uti eorum ævo mos erat loqui, tu verò verbis uteris tam desitis, ac si cum Evandri matre loquaris. Infestivam habent elegantiam adsciti mores, adscitus lepor, adscitum artificium, adscita gravitas aut subtilitas, adscita urbanitas aut nobilitas, inductus & accersitus sermo, hæc enim non tantum ridentur sed & offendunt. De his rectè dicitur: Caligæ pulchræ, sed his pedibus non aptæ, non decoræ; capillus scitè compositus,

E

tus,

(a) Hirtenstab vnnnd Barvrentitel tauzen mir besser / als ein verquittes Kapiet vnnnd Harnisch von geschmelter Arbeit.

tus, sed in hoc capite parum venustus. Originem paupertinam nemo erubescat, quod Davidis baculus nos insigniter docet. Virtutis est magnæ, talem videri velle, qualis quisque est. Optima pars humilitatis non sapere ultra crepidam. Agathocles rex se patre figulo natum, promulgare jussit suam abacum, quàm luto & fœtilibus oneravit. Decorum est originis suæ meminisse, atque illi se attemperare.

II. Mirabilia sunt Dei judicia, judiciis mundi plerumque adversantia. Quod mundo placet, displicet Deo. David fundam baculumque gestans, utique ab omni Philistæo exercitu liberalissimè irrisus est. Quid refert? Murmuret mundus, susurret, infirepat, tonet, explodat, sibilet, stridat, concrepet (stridulum credè anserem garrire) modò Deus, quæ facis, commendet. Nos hac in re omni infante infantiores, stolidissimi sumus: vel mundi sibilo tremur; mors nobis est rideri; vel despicationis umbram horremus. Uri nos arbitramur, cùm humanis judiciis perstringimur. Opinio vana & puerilis. Cùm enim virtutes ac vitia non plus ex merito æstimentur, quàm ex populari judicio, non mirum, si sæpe consuetudo & claritas peccantium culpas nobilitet, actiones pias infamet. David & quotquot Deum respiciunt, hæc vana non curant, non attendunt. Annæo certè necdum felix est, quem populus nondum irriserit. O verè felicem, qui judicia humana novit contemnere, & suspicere divina. Alium agendi, alium bel-

lau-

landi modum habet Deus. Nova bella elegit Dominus, & portas hostium ipse subvertit. (a) Baculo & filice, quandoque solis culicibus & muscis totos enervat & fugat exercitus. Pompam quam nos rebus pæne omnibus induimus, in rebus Deus omnibus odit; à judiciis humanis quàm longissimè divertit. Nos ex opinione plurima, quod Tullius dixit, ex veritate sanè pauca judicamus. Atqui nimis ridiculum est, ab opinione hominum, tanquam à filo pendere. Titus Imperator sapienter dicere solebat: Ea quæ falsò de me dicuntur, prorsus negligo. Nemo igitur terreatur opinionibus, judiciis, sermonibus sinistris. A malè sano cerebro contemni & irrideri, judicari, & damnari, laudis est.

(a) *Iudic. c. 5. v. 8.*

§. III.

III. Davidis ingens in Deum erat fiducia, quam tot illustribus documentis monstrans; Noverit universa Ecclesia hæc, inquit, quia non in gladio, nec in hastâ salvat Dominus: ipsius enim est bellum, & tradet vos in manus nostras. (a) Dictum multò illustrissimum omnibus Curiis militaribus adscribendum. Nos abundè militiæ nostræ prospectum credimus, cum satis militum, satis com meatûs, satis pecuniarum in rem præsentem est paratum. Vno Dei nutu hæc distillantur omnia. Nil rerum satis est, ubi nil divinæ opis est. Præsidium bellicis à Deo poscendum: spei quamplurimam

E 2

in

(a) *I. Reg. c. 17. v. 47.*

in armamentario cœlesti ponendum. Ad quod hortatus Daniel: Quoniam, inquit, non est confusio confidentibus in te. (a) His monitis abundant volumina divina, præsertim sacra Davidis carmina. Spem & fiduciam David sexcenties, millies ingerens: Beneplacitum est Domino, inquit, super timentes eum, & in iis qui sperant super misericordiâ ejus. (b) Quæ luculentissimè Siracides confirmans: Respicite, inquit, filii nationes hominum, & scitote, quia nullus speravit in Domino, & confusus est. Quis enim permanfit in mandatis ejus, & derelictus est? Aut quis invocavit eum, & despexit illum. Quoniam pius & misericors est Deus, & remittit in die tribulationis peccata, & protector est omnibus exquirentibus se in veritate. (c) Monitum saluberzimum, nunquam satis iterandum. Millies nos Deus hallucinari, errare, impingere, ladi, corruere finit, ut demum cum Iobo fateamur: Ecce non est auxilium mihi in me. (d) Ad hanc fiduciam in Deum erigendam plurimùm facit, divinæ providentiæ notitia, de quo monitum subjungimus.

I V. Quàm admirabilis est Dei providentia? Goliathus quantum insultavit Hebræis, quàm minaciter provocavit omnes, quàm pugnaciter ferociis, suis viribus nixus, quàm contumeliosè cunctos irrisit, sed risus in auctorem rediit. (e) Horrorem & fugam in-

(a) Dan. c. 3. v. 40.

cussit

(b) Psal. 146. v. 11.

(c) Eccli. c. 2. v. 11. & seqq.

(d) Iob: cap. 6. vers. 13.

(e) Der spectt sich in Busen gerinnen.

cussit Israëlitis vivus; suis mortuus. Præcisum ejus caput per Hebræas urbes ludibrio circumlatum. Ita Dei providentia cum suorum hostibus solet ludere, ita defendere amicos. Nusquam non deprehendas divinæ Providentiæ luculenta vestigia. Pecen-
theinius de Caesarum & Hercūi symbolis dissertans: Maximilianus II. Imperator Romanus, inquit, symboli vicem Abrahami dictum habuit: *Deus providebit*. Ita quoties res adversæ obturbabant, illud in solatium usurpare solitus est: *Deus providebit*. Quod Abrahamus Isaac filio jam in victimam à se destinato dixerat: *Deus providebit*. Et verò etiam providit providentissimus rerum omnium Deus, cum hircum vepribus implexum succenturiavit humanam victimam.
(a) Nec nobis aliter rebus vel turbatissimis sentiendum. Providebit Deus, providebit sapientissimè, providebit & amantissimè. Attingit enim à fine usque ad finem fortiter, & disponit omnia suaviter. (b) Nil lateat, nil fugit oculum omnia cernentem. Tua, Pater, providentia ab initio cuncta gubernat. (c) Tu enim fecisti priora, & illa post illa cogitasti; & hoc factum est, quod ipse voluisti. Omnes enim viæ tuæ paratæ sunt, & tua judicia in tuâ providentiâ posuisti. (d) Ne ergo dederis os tuum ut peccare facias carnem tuam, neque dicas coram Angelo: Non est providentia. Ne fortè iratus Deus

E 3

con-

(a) Gen. c. 22. v. 8.

(b) Sap. c. 8. v. 1.

(c) Et c. 14. v. 3.

(d) Judith. c. 9. v. 4. & 5.

contra sermones tuos dissipet cuncta opera manuum tuarum. (a)

V. Quinque sibi lapides selegit David, quorum unicus Philistæo bello finem dedit. (b) Bernardus hos filices ad mores transferens: Superaturus, inquit, peccatum sive superbiam, sive luxuriam, seu aliud quodcunque vitium, hos quinque lapides, nunquam non secum ferat. Et hæc illis indipossunt nomina. Comminatio, Promissio, Dilectio, Imitatio, Oratio. I. *Comminatio*. Validum in scelus telum est: Deus hæc facientibus ignes minatur æternos. Amissæ gratiæ coeliq̃ue perditæ iactura inexplicabilis est; hanc insuper comitatur æternum supplicium. Et tu adduc peccare pergis? Quam multò rectius sensit, qui dixit: Confige timore tuo carnes meas à iudiciis enim tuis timui. (c) II. *Promissio*. Numen legem servantibus, & à se non desciscientibus voluptates & delicias pollicitus est sempiternas, cur eas voluptatulâ vendam brevissimâ? III. *Dilectio*. Et quomodo tandem volens & sciens offendam eum, qui pro me mortuus est, suâque me morte in vitam asseruit; qui singulis momentis in nos beneficus existit; cujus ope destitutus nec digitulum movero? IV. *Imitatio*. Porro ii quorum vestigia ducunt ad cœlum, quid non fe-

(a) Eccles. c. 5. v. 5. (b) Sunt qui dicant tribus lapidibus gigantem hunc petitem, quemadmodum tribus tentationibus à Christo victus est satanas. Ita magister historia scholastica & Hugo. Sed pace horum dixerim, aberrant à literâ. (c) Psal. 118. v. 120.

fecerunt tuleruntque, quanta passi, quantis certaminibus objecti? David unicus jam rex, quantâ calamitatum & miseriarum varietate concussus, stetit tamen, infracto animo fidelis Deo. Quid ego delicatus miles umbrâ, morbum similem, cùm pugnandum est? V. *Oratio.* Si nullus horum lapidum in altum evolet, omnem animi contentionem transfer ad orationem. Mitte hunc lapidem, non aberrabit à fronte Goliathi. Vociferare cum Psalte regio David: Respice & exaudi me Deus meus: Illumina oculos meos, ne unquam obdormiam in mortem: Auxilium meum à Domino, qui fecit coelum & terram: Deus in adiutorium meum intende. Ab hoste non sterinitur, quem orationis alæ in altum subvehunt. Quòd si Goliathus jam humi fusus etiânum vivat, quòd si vitia nondum penitus sunt debellata, ex ipsis vitiis sumenda est occasio virtutis. Vivit adhuc iracundia in te, gliscit superbia, furit libido, viget vinolentia? animum ad submissionem instrue: Dic ipse tibi: Quàm ego superbus sum Superi! quàm iracundus, quàm libidinis appetens! quàm gulæ deditus, quàm multis vitiis obnoxius! quàm parum in me solidæ virtutis est! Hac tamen arenâ non excedam; stabo & pugnabo, dum Goliathum penitus debellavero. Hos animos, hoc genus certaminis quærit. Serio velle vincere, pars maxima est victoria.

C A P V T VI.

David triumphat, & invidetur.

N vllum sine sale sacrificium. Calidis frigida, amaris dulcia nusquam non miscentur. Luctus & gaudiū contraxerunt conjugium nullis sæculis solvendum.

Candida nullius it sine nube dies.

Crus agrum Socrates. fricabat, non sine voluptate, sed mox dolorem sentiens: Quàm Natura, inquit, nihil admittit gaudii sine mœrore, nusquam sine felle mel est; sine sale sacrificium; sine absynthio saccarum: amara & dulcia in eâdem semper degunt viciniâ. Vbi ignis, ibi & fumus. Vbi gaudium, ibi proximus plerumque mœror. Hæc humanæ vitæ ratio est; his vivitur legibus, quas nemini licet. Qui nequit esse pauper, nec dives esse poterit; qui mori nescit, nec quidem sciet vivere, qui invidiam sufferre non valet, nec felicitatem quidem consideret: hæc plerumque conjuncta sunt.

Progressus David adversus Goliathum, pugnavit & vicit felicissimè; non arina tantum, sed & caput ademit adversario. Hanc prædam, hæc spolia opimiissima ad regem retulit, non sine ingenti applausu & gratulatione omnium. Iesseus David omnium vocibus extollebatur cœlo, in hunc unum faustissimæ preces omniū ibant. Hunc juvenem omnes amplexari, fovere, exosculari. (a) Si quæ per Hebræas civitates victor exercitus transibat, undique omnes obviam

pro-

(a) Trueg ihu jederman auff den händen.

prodire, festivis cantibus excipere, mille argumentis gaudium testari, putare se digito cœlum attingere. Regnum Saulis fluebat melle, cui tamen proximum erat fel invidia. David ab omnibus jam pane adorabatur, rex eundem David ob triumphales applausus odiis & invidiâ cœpit urgere. Ita nullum sine sale sacrificium, sine inœrore gaudium, nullus fortunæ risus sine lachrymis. David triumphat, sed invidetur. Quod jam explicatiùs trademus.

§. I.

Goliath in terram lapso, & ejus capite præfecto Philistæus exercitus ita pavore consternatus est, tanquam si omnes unum habuissent jugulum, quod populo Romano Caligula optabat. Hoc uno gigante caeso, cervix omnium videbatur præciso. Nam videntes Philistiim, quod mortuus esset fortissimus eorum, suggerunt, plurimis in fuga casis. Eleganter dixit Ambrosius: Unius fortitudo, facta est universorum victoria. Quanti est, præsertim in bellis, vel unius hominis erectus & virilis animus. De Lacædæmoniis prodit Ælianus, in bellis eos sagulis usos puniceis, ne sanguis è vulnere fluens injiceret pavorem. Eam ob causam Imperatores Romani purpureum vestitum in aciem adferre consueverunt. Quod de Lucullo memorat Plutarchus, qui Macellum & Pelopidam reprehendit, quod seipsos cum exercitibus damno perdiderint. Salus militum in ducis vitâ consistit. Cum Afaëlem, ut sacræ paginæ testantur, jugulâset Abner,

cunctorum militum animi ceciderunt. (a) Cùm Holofernem vidua Iuditha ferro trucidasset, quod pariter literæ divinæ memorant, intolerabilis timor & tremor cecidit super eos, & turbati sunt animi eorum valde. Et factus est clamor incomparabilis in medio castrorum eorum, (b) cùmque omnis exercitus decollatum Holofernem audisset, fugit mens, & consilium ab eis, & solo tremore ac metu agitati, fugæ præsidium sumunt, ita ut nullus loqueretur cum proximo suo, sed inclinato capite, relictis omnibus evadere festinabant Hebræos, quos armatos super se venire audierant. (c) Et ô rem mirè prodigiosam! E muribus subito facti sunt leones. Nam ante casum Holofernem Assyrii Hebræos vocârunt mures; eosdem, Imperatore suo jam obtruncato, fugerunt ut leones.

Ita Philisthæi Goliatho ad orcum misso, non tantùm effusissimè fugerunt, sed pluri eorum interierunt. Si Iosepho historico Græco, credimus, Philisthæorum triginta millia occisi, sexaginta millia vulnerati sunt. (d) Nam eos Hebræi usque in Geth & Accaron fugârunt, inde reversi castra spoliârunt.

Hic meritò miremur, quomodo Saulem omnis adèd memoria destituerit, ut pugna finitâ ex Abnero duce quæsierit: De quâ stirpe descendit hic adolescens? Interroga; cujus

(a) 2. Reg. c. 2. v. 23.

(b) Iudith c. 14. v. 17. & 18.

(c) Iudith c. 15. v. 1. & 2.

(d) Ioseph. l. 9. Antiquit. c. 11.

cujus filius sit iste puer. Incredibilis & sanè turpis oblivio. Vix annus est, cùm David Saulis armigerum egit, suumque Dominum fidium cantu à dæmonis insultu sapius liberavit, & jam obliuioſus rex quærit: Quis sit iste juvenis? Hæc absurda quæſtio, cauſa & occaſio fuit Davidis ad regem introducendi. Accerſitus igitur David ad Saullem, cum capite Goliathi, quod manu gerebat, ſe ſtitit regi. Ad quem rex comiter: De quâ progenie es, inquit, ô adoleſcens? Cui promptè David: Filius, ait, ſervi tui Iſai Bethlehemitæ ego ſum. (a)

Porro præſtium tam feliciter clauſum triumphus ſequebatur illuſtriſſimus. Rex Saul cum Ionathâ ceteriſque filiis curru regio ſublimem ſe ſpectandum dedit. Comitabatur Abner caſtrorum præfeſtus & David, pretioſâ veſte ſplendidi, ſertis redimitti. Etenim Davidem Ionathas ſuis & armis & veſtimentis ornavit. Hos alii atque alii duces militèſque ſequebantur, palmas & prædam ferentes. Poſt hos captivi ducebantur. Hinc illinc Heroum tympana & tubicines conſcinebant. Goliathi caput inter Saullem & David, quod credibile, conto præferebatur. Nam priſco ritu hoſtium capita figebantur contis. Ita Ptolomæo factum à Gallis, quod Iuſtinus memorat. (b) Sic Otho Imperator Piſoni & Galbæ fecit. (c)

Huic agmini triumphali ex urbibus undequaque obviam prodierunt puellæ Hebrææ, quæ ſeſtivistis cantibus & choreis ſalutarent

vi.

(a) 1. Reg. c. 17. v. 59. (b) Iuſt l. 14. hiſt. (c) Tacitus l. 17. Annal.

viciores. Id enim doctæ erant, in nuptiis epithalamium, in triumphis epinicion, in cladibus epicedium, in funeribus lessum canere. Ita triumphantes Saulem & Davidem hoc cantu exceperunt: Percussit Saul mille, & David decem millia. Hæc invidentiæ fuit scaturigo, hæc lerna tot malorum, ab his scintillis odiorum incendium est ortum. Merum mel & rosas sparserat triumphus iste; gaudiis & gratulationibus faustis exsonabant omnia. Repentinos fellis imbres effudit cacodæmon, & omnem Dei hilaritatem scedavit.

O bonæ virgines, quàm innocenter peccatis! Veritas parit odium. In castris Saul multa, sed plura præstitit David: Saul manu & consiliis mille jugulavit, David decem millia. Nam certè in uno gigante illo tot millia & plura porrexerunt jugulum, & receperunt ferrum. Qui unam arboris stirpem excindit, plurimos abscindit ramos. Ita simplices istæ Hebræorum puellæ non errarunt elogio Davidis; imò verò liberaliùs eum laudare potuissent, non solùm enim multa millia hostium in fugam egit, sed & multis millibus suorū vitam servavit, ampliori laude dignissimus. Interea tamē non negamus, ô cantatrices nobilissimæ, cantiunculam vestram aliquâ laborasse imprudentiâ. Fecissetis sanè rectiùs, si Saulis nomen siluissetis. Res nota: Omnis comparatio, etiam inter pares adiosa: longè autem odiosissima est, quando viliores summis æquantur aut præferuntur. Quantum invidiæ concitârunt pauculæ voces illæ: *Constantinus candidi:*

Cyrus

Cyrus instauravit. Narrationem conféro ad compendium.

Constantinopoli ædificia complura terræmotu collapsa restaurantem manum petebant. Cyrus architectorum princeps, vir laudatissimus, pace & bello insignis, Præfæus aulæ, prætorio, urbi; patricius, consularis, dux belli; quidquid intra urbem movente terrâ prociderat, non tam instauravit, quàm sepulchrum in augustiorem formam excitavit, ex quâ re sicut apud cives magnam gratiam collegit, ita apud Imperatorem Theodosium juniorem, non mediocriter offendit. Nam cùm Theodosius ludis equestribus, de more præsideret, & populus novâ urbis specie delectatus identidem acclamarét: *Constantinus condidit, Cyrus instauravit*, vulneratus his vocibus Imperator, Cyrum non solum publicatis bonis in ordinem redegit, sed in Clericum attonsum Smyrnæ non alio animo misit, quàm uti per speciem quidem pontificatum ibi gerreret, reverà autem ut ab improbo populo, qui jam quantum Episcopum interfecerat, mactaretur. Speciosum profectò & aulicum stratagema. Hanc verò tragœdiam pauculæ populares illæ voces concitârunt: *Constantinus condidit, Cyrus instauravit.* (a)

Ita famulum regiû, juvenem pastoritium præferre regi grande visum est piaculum. Hic diabolus tam luculentos excitavit ignes, qui adedò convalescebant, ut demum sanguine fuerint restringendi. Porro in hoc

Sau-

(a) Vide Casarem Baronium ad annum Christi, 441.

Saulis triumpho tria sunt paulò pensicula-
tiùs cogitanda.

S. II.

I. Saul quæsiit, quis esset David? oblitus
certè quem anno priori habuisset armige-
rum & musicum primarium. Diversæ assi-
gnantur causæ. Cùm autem scriptor divi-
nus rem exigui, ut videtur, momenti dili-
genter ac perquisitè conscripserit, aliùs fo-
diendum; latet hic monitum nobilissimum:
singularem gratiam nemini sperandam ab
ullo mortalium ob impensa obsequia. Me-
moriam beneficiorum labilis, infirma, tenuis,
sæpe nulla. Si qua tamen aliquando spirat,
quod rarissimum, levis eam omnem offen-
siuncula dissipat. Fuit qui tam immemori
beneficiorum in os diceret: Etiam si te Ro-
mam usque patientissimis humeris depor-
tarem, si tamen non quàm placidissimè
deponerem, operam gestationis omnem
corrumperem. Nimis quàm facilè est, col-
lectam diu gratiam latione tenuissimâ ef-
fundere. Nemo unquam apud suos seu ma-
jores, seu præfides, sua jactet beneficia, nec
quidem mutiat de illis. Optimates & prin-
cipes nulli famulorum volunt videri esse
obstricti. Famulus es? fac quod potes, age
fideliter & sedulò, hæc tuo domino debes,
officium est, non beneficium, debitum est,
non meritum. Homo aulicus pueriliter co-
gitat suum sibi principem reddere obno-
xium benefactis. Saul à maligno genio sæ-
pius est liberatus. Davide fidibus canente:

& ta-

& tamen post elapsos aliquot menses ignorat, à quo beneficium istud acceperit. Sed dicat: Infinita alia mihi cogitanda sunt; tanta varietas & multitudo famulorum memoriam facilè confundit. Non agrè hoc regi dederò. Sed ob paucula puellaris cantilenæ verba, famuli fidelissimi sanguinem & vitam petere, non memoriæ lapsus, sed perfidi & ingrati animi scelus est. Nullus igitur sua vel obsequia, vel beneficia principibus, aut dominis jactet. Asperum hoc exprobrandi genus est. Christus nos ad modestiam erudiens: Cùm, inquit, feceritis omnia, quæ præcepta sunt vobis, dicite: Servi inutiles sumus; quod debuimus facere, fecimus. (a) Nemo ambitiosè aut anxie sui memoriam, aut ullius hominis favorem & gratiam aucupetur. Fallax gratia & vana est pulchritudo. (b) Divinis favoribus plerumque se indignum gerit, qui humanos tam cupienter exambit, & æquum peccati supplicium est, ut humanam gratiam perdat, qui divinam non desiderat. Pulchelli homines, quàm sæpe fallimur, qui principibus nos mirè placere credimus, & quaritur: Quis est iste? Nolite confidere in principibus, in filiis hominum, in quibus non est salus. (c)

II. Alienis semper inimica successibus invidia, demum ipsa suum bibit venenum. Audito rex puellari carmine, irâ & invidiâ in David timere cœpit. Non rectis ergo

OTU

(a) Luc. c. 17. v. 10.

(b) Prov. c. 31. v. 30.

(c) Psal. 145. v. 2.

oculis Saul aspiciebat David à die illâ & deinceps. Invidia præluſit ira. Iratus eſt autem Saul nimis, & diſplicuit in oculis ejus ſermo iſte, dixitque: dederunt David decem millia, & mihi mille dederunt: quid ei ſupereſt niſi ſolum regnum? (a) Non defuerunt, putem, homines politici livoris pleni, qui regi adhiberent faces, res Davidis extenuarent, teſtis eum vituperiis calcarent, ut illum amolirentur ab aulâ, idque ſpecie tuendi regni. Permittit natura ſui deſenſionem, ſed prohibet alterius injuriam. Eſto te ſervare voluerit rex impius Saul, cur hominem de ſe totoque regno quàm optimè meritum & innocentiffimum rapit in invidiam? Non rectis oculis Saul aspiciebat David. Ex invidiâ hæc natum capitale odium. Quàm neſciit Saul regnare? Senecæ cothurnus docet: Ars prima regni eſt poſſe te invidiam pati. Non minùs verè dicamus: Ars prima eſt cœnobiorum, aularum, Xenodochiorum ſcire pati invidiam. Hæc variè delinquimus, in invidiana vocamur & vocamus, alternâ laboramus invidentiâ. Et licet in invidiam trahi crudele nobis & intolerabile videatur, alios tamen in invidiam trahere tam facilè nobis eſt, quàm facilè vulpes pyrum comeſt. Invidia vetuſtiſſimæ nobilitatis malum eſt; in aulis, ut ajunt, naſcitur, in cœnobiis educatur, in Zenodochiis moritur, reviviſcit ubique; ſed non proinde cœnobia, aulæ, Xenodochia continuò execranda ſunt. Animum Davidis æmulemur, & æmulos omnes ſuperabimus

(a) 1. Reg. c. 18. v. 8. & 9.

mus tolerando. Nec enim plus nocebunt ,
quàm aequissimis rerum arbiter volens per-
mittat. Invideri nonnemi potest , invi-
dere nulli. Invidetur autem commodis, ho-
noribus , felicitatibus alienis. Sed illis
David non terretur , qui Deo nititur. Invi-
dus sibi ipse quàm plurimum nocet. Nam
invidia, ut Annaus loquitur, virus est, quo
alios spargitis , vos ipsos necatis. Invidia
humanæ mentis Tartarum est. Nec tamen,
ut Prosper ait , justius quidquam invidiâ ,
quæ ipsa suum auctorem excruciat & peri-
mit. Invidiam ferre aut fortis , aut felix
potest. Is porrò felicissimus est , qui divi-
næ voluntati ac providentiæ se totum per-
mittit.

§. III.

III. Hoste uno exarmato ad plurium
victoriam faciliior fit gradus: Goliatho caso,
ita Philistæi omnes jugulati sunt , perinde
si omnium capita in uno Goliathi corpore
essent. Ut si suos quisque patimur manes,
ita suo quisque velut nativo & perquam
familiariter trahimur & implicamur vitio. Hos
avaritia ad omnes tenacitatis sordes impel-
lit, illos contaminat libido , istos adurit in-
vidia ; sunt plurimi , quos stimulat iracun-
dia ; non paucos ambitio ad omne scelus
animat ; quosdam pusillanimitas fatigat ,
innumetis dominatur gula ; sunt quos sibi
mancipet pigritia. Hi nostri sunt Goliathi ,
cum quibus committimur. Quisque suum
noverit hostem , cum quo dies noctesque
F digla-

digladietur. In hunc unum collineemus, adversus unum hunc vires convertamus omnes. Tu tuam expugna avaritiam, tu tuam doma libidinem, tu gulam frena, tu superbiam debella, iracundiam tu vince, Invidiam tu retunde, tu pigritiam propelle, quisque suum sternat Goliathum, in hunc unum omnes jaculetur filices: in familiarem hunc & inquilinum hostem machinis omnibus eundum est; hoc debellato rebus hostile universum ruet. Tanti est vel unicum familiare vitium probe subegisse; in eo quilibet seipsum vincat, in quo maxime peccat. Huic victori accinunt beati Genii: Percussit David decem millia. An non qui unicum Absalonem è quercu pendentem triplici conto perfodit, totum ejus exercitum exarmavit? An non qui Sebam populi adversus David concitatorem occidit, bello finem imposuit? Qui arborem à Danièle visam succidit, an non universas volucres & bestias ab illâ hospiratas fugavit? Ita, mi Christiane, in tui Goliathi frontem commensum dirige lapidem, unicum in te vitium, quod tibi ceteris familiarius, & ideo insensius ac nocentius est, viriliter expugna; & pane vitiorum turbam vicisti. Apprehende arma & scutum (a), & exsurge in hostium tuorum principem: sterne Goliathum & grandem debellasti exercitum. Non est gloriosa victoria, ubi laboriosa non fuerit pugna.

(a) Psal. 34. vers. 2.

CAPVT VII.

David Ionatha vestibus amicitur, Saulis lanceâ petiitur.

Natura in hominem tam benefica est, quàm unâ in regem negat, in aliâ sanè liberaliter compensat. Quibusdam tantò acutiorem dat auditum, quàm visum hebetiorem; sæpe quod viribus subducit, ingenio addit; linguam aliquibus in promptam, sed intelligentiam largitur expeditam; Nonnullis minus formæ, plus prudentiæ concedit; multis memoriam aut ingenium negat, sed eis robur ac laceratos tribuit, quàm scilicet negandis istis contractior, tantò dandis aliis benignior. Idem regionibus ac provinciis evenit; sunt quæ vino careant, sed frumento abundant; sunt quibus abundans vinum est, sed frumenti modicum; sunt quæ metallorum jaceant opulentiam, in aliis penuriam fateantur; sunt plurimæ provinciæ quæ metallis egeant, sed pisce & pecore triumphent. Ita Deus nobiscum agit, hinc erigit, hinc deprimat, solatur & punit, ditat & depauperat, vulnerat & medetur, redigit in ordinem, & exaltat ad summa. Providentissimè miscet hæc omnia Deus. Quod in Naamano est cernere. Erat vir fortis & dives, sed leprosus. (1.) Nil usquam adeò commodum tam est, quin sua habeat annexa incommoda.

Hanc mixturam David in aulâ Saulis ni-

F 2

mium

(1.) 2. Reg. cap. 5. vers. 1.

mium quantum expertus est. Ionathas regis filius, Davidem ut animam suam amavit, rex parens eundem voluit occisissimum; Davidi regis filius benevolentiam & fidem summam præsinit, rex Pater Saul malevolentiam & invidiam extremam in hunc ipsum evomuit. Ita Deus solet agere; his mixturis vitam humanam temperat. Eripit & reddit, lætitiâ perfundit & tristitiâ, affligit & reficit, ne nimium subsu'temus, & velut exhilaratæ pecudes lasciviamus; ne tamen nimium depreciantur animis, mediâ eundum est viâ, & assidue Deo inharendum. Hoc artificio usus est David, qui & Ionathæ amorem & Saulis odium velut è manu Dei obviis ulnis accepit. Ionathas tanto Davidis amore arsit, tam intimum illum habuit, ut seipsum exuens juvenem charissimum sui corporis cultu amiceret: Saul porrò Davidem tantis persecutus est odiis, ut iactâ lanceâ eum petierit, periculi confixurus. De hac amoris & odiorum mixturâ, de hac Ionathæ in Davidem benevolentia, Saulis invidia jam disseremus.

§. I.

A congressu cum Goliatho obtentâque victoriâ, & colloquio cum Saule prudenter habito, David in omnium medullis ac visceribus hæsit. Acceptus erat in oculis universi populi, maximèque in conspectu famulorum Saul. (a) Ionathas tanta Davidis charitate flagravir, ut visus sit unus animus duo habitare corpora. Anima Ionathæ con-

glu-

(a) 1. Reg. cap. 18. vers. 5.

glutinata est animæ David: diligebat enim eum, quasi animam suam. Non est arctior in orbe amicitia, quam corporis & animi. Huic simillimus fuit amor Ionathæ adversus David. Parentem Saulem & filium Ionatham dissimillimo fuisse ingenio oportet. Pater victoriam & laudem Davidis suam sibi injuriam & ignominiam interpretabatur. Filius triumphum & encomia Davidis haud aliter accipiebat, atque si ad se omnino pertinerent. Neque enim Davidis animam à sua censebat esse diversam, cum non minus in illius corpore, quam in suo viveret. Atque hinc Platonis dictum valuit; *Amans in proprio corpore mortuus est, vivit in alieno.* Hinc fit, ut qui verè amant, amati incommoda graviter ferant, de suis parum laborent. Sic Arria moritura dixisse ferunt non dolere vulnus, quod sibi adacta in pectus ferro intulerat, sed illud fore acerbum, quod sibi met Pætus conjux illaturus esset. Hunc amorem vates Bilbilitanus ita canit:

Casto suo gladium cum traderet Arria Pato

Quem de visceribus traxerat ipsa suis.

Si qua fides; vulnus, quod feci, non dolet,
inquit,

Sed quod tu facies, hoc mihi Pate dolet. (a)

Hæc vis est amoris, qui amantis sensus & animum in illius, quem amat, transmittit corpus. Ita Ionathas Davidem tanquam animæ suæ dimidium, & velut alterum se amabat. Hinc amborum animæ in unam coalitæ & conglutinatæ dicuntur.

Porro rex pater dissimillimi fuit ingenii

F 3

à filio.

(a) *Martial. l. 1. Epigram. 14.*

à filio. Et dubites certè num parentis odium, an filii amor vicerit certando. Huic amori testando Ionathas suam animam, suas delicias paganâ veste tegi noluit. Suis ergo vestibus se spoliens in hominē amantissimum eas transtulit usque ad baltheum. Inierunt autem David & Ionathas fœdus. Quod nonnemo miretur, regem cum pastore juvene ignoto, tam facilem inire amicitiam. Verum ubi se virtus præbet spectandam, illuc jucunda est amori via, nec difficulter sibi homines conciliat amicos, qui amicum habet Deum. Talis erat David, virtute ornatissimus, Deoque conjunctissimus. Quid mirum si homines virtutis & Dei amantes amicitia sibi devinxit? Deinde similitudo amorem sibi parit & conjunctionem facillimè; quisque sibi quarit sui similem. Uterque tam Ionathas, quam David animo generosus, manu strenuus, honestè amans, minimè invidus, veræ religionis propugnator, virtutis ac Dei cultor. Hinc animorum prona consensio. Hinc spoliavit se Ionathas tunicâ suâ, quâ erat indutus. Non tantum superiores suas vestes Davidi dono dedit, sed & reliquas, ita ut David exuerit pastorem, & induerit principem, nec vestes tantum, sed & arma, gladium, arcum, baltheum à juvene regio accepit. Baltheus militare fuit cingulum; (a) quod ablatum, exauctorati militis erat argumentum. Hoc Christianis militibus probri causâ sæpe contigit. Balthei pro personæ dignitate, bullis argenteis, aureis, gemmeis

(a) Geldtbinden.

meis insigniebantur. Trebonius Pollio gemmatum baltheum gestavit. Salonius Ælinii Pollionis filius, qui natus puer continuo risit, auratos constellatosque baltheos sublegisse dicitur. Vetusti planè usûs erant hi balthei. Nam & Iobus mentionem horum faciens, Baltheum, ait, regum dissolvit, & præcingit fune renes eorum. Ionathæ regis baltheus ab arte & materiâ utique pretiosus, stellatus gemmisque radians, donum illustrissimum, & inter hæc quidem dona maximum fuit, amoris maximi argumentum, idcirco loco ultimo nominatur.

Potuisset Ionathas donare torquem aut craterem aureum, aut marsupium auro factum. Nil horum in donum placuit; vestes dare voluit, nec unum tantum ob causam. Prima: ut inde David primarii amoris indicium conjectaret, seque sciret perinde Ionathæ præcordiis, quemadmodum vestimentis tegi. Altera: Davidem à Ionathâ plus amari, quàm Ionathas amaretur à seipso. Tertia: Vt tale favoris eximii monumentum esset, quod Davidis oculis identidem obijceretur. Quarta: Hoc donum iussit ampliora & optima quæque sperari. Quinta: Moras non tulit amor dum munus aliud pararetur, id quod obvium & proximum erat, è vestigio donavit. Sexta: Volebat Ionathas seipsum in Davide, velut in speculo, videre.

Verùm quantò majore Ionathas Davidem complexus est amore, tantò eum graviore Saul persecutus est odio. Ambitio &

invidia artificiosa prorsus sorores , & ipso pane diabolo artificiosiores. Saul non tantum à cacodamone , sed à geminis his furis incredibiliter exagitabatur. Nam eò regem impium furia illa impulerunt , ut juvenem nemini non charissimum perimere cogitârit. Erubescibat autem palatinis famulis id facinoris imperare aut licet impudentissimus fuerit , nescire tamen non potuit , non faciliè quemquam inducendum , ut hoc flagitii designet in tam charo capite. Ergo, inquit, si familiaris desit manus , ego illius carnifex ero. Ne mihi tamen hæc cœces probro sit, si juguletur insons, hoc stratagematis usurpabo , & configam parieti. Ita factum non mihi , sed insanix meæ adscribetur. Facta hæc omnia , sed stratagemata non successit ; David lanceæ jactum agili corporis flexu declinavit.

Saul invidiâ occæcatus, non id Dei providentiam , sed casum & fortunam interpretatus , fatalem hunc lusum de novo lussit. Tenebâtque Saul lanceam , & misit eam , putans quòd configere possit David cum pariete : & declinavit David à facie ejus secundo. (a) Ita & repetitum quoque facinus successu caruit. Tertium ergo homicidium rex impius moliri statuit, sed certè nec sine specioso vaframento. Cùm enim cogitatum scelus , bis secus cessisset , videbatur impius redire ad se, & dolere , tanquam sibi inscio & invito hasta fuerit elapsa. Sed aliam iterum larvam Saul induens : Amovit eum à se , & fecit eum tribunum super mille

(a) 1. Reg. cap. 18. vers. 11.

mille viros. Pulchrum homicidii mantelum. Chiliarchus constitutus est David, ut periculis obiectus tantò citius periret. Hoc enim Sauli pronissimum cogitare: David juvenis amans gloriæ, & spartam, quam nactus est in Goliatho, tueri ac ornari volens, ad belli discrimina impigrum se præbebit, & perit it. Nec enim omnibus horis Mars cuique felix est. Occidetur, quo non putaverit die. Interitûs culpam mihi nemo impinger. Sed & hic actus nihil processit. Nam in omnibus viis suis David prudenter agebat, & Dominus erat cûm eo. Vidit itaque Saul, quòd prudens esset nimis, & cœpit cavere eum. Omnis autem Israël & Iuda diligebat David; ipse enim ingrediebatur & egrediebatur ante eos. (a) Quartam igitur sanguinariam fallaciam impius rex adhibet. Spondet filiam natu majorem in conjugem, sed eâ lege, quæ raptura sit caput Davidi ante nuptias. Foedus igitur nuptiarum statuens istud; Ecce, inquit, filia mea major Merob, ipsam dabo tibi uxorem, tantummodo esio vir fortis, & præliare bella Domini. Suavia verba, sed animus amarissimus, felle plenus. Quod è sequentibus monstratur. Saul autem reputabat dicens: Non sit manus mea in eo, sed sit super eum manus Philistinorum. Perinde si dicat: Dummodo non cadat meo gladio, licet meo consilio. Videte, ut facinorosus princeps mortiferis criminibus nova identidem nectat, & propudiosam faciat scelerum catenam. Ita fieri solet si quis audeat vel uni-

F 5

câ

(a) 1. Reg. cap. 18. vers. 14. & seqq.

câ letali noxâ Deum laceſſere , brevî alias
 atque alias audebit primis addere. Subtra-
 ctâ Dei gratiâ in omne nefas ruimus , ſcele-
 ra ſcleribus augemus nequiſſimâ conſtan-
 tiâ. Et qui labi potuimus à nobis ipsis , non
 ita poſſumus à lapſu reſurgere. Cave pri-
 mam lethalem culpam, qui metuis multas.
 Diabolus ſemel præcipitatum , jam uſque
 & uſque & uſque in vetitum rapit ludibrio
 miſerabili. Ita Saul homicidia homicidiis
 jam deſtinatis cumulavit. Grandiorem na-
 tu filiam in conjugem ſponpondit. Nam à
 Syris & Hebræis adultiores priùs nuptum
 elocari ſolebant. Conjugium utrimque pla-
 cuit , nam amor pares aut invenit , aut fa-
 cit. Nuptiis jam conſtitutis ſceleſtus rex fi-
 dem promiſſi frangit , & filiam Merob in
 matrimonium alteri tradit. Ita de facili juſ-
 jurandum neglexit , & in fide non ſtetit.
 An non iſtud gravis injuria, turpis contem-
 ptus ? Hoc certè Samſonem ita exacerbavit,
 ut vineas , oliveta , ſegetes incenderit , &
 Philiſtæos mille jugulaverit. Quæſitum ,
 quis hoc feciſſet ? Diſtum eſt : Samſon : &
 addita cauſſa : Quia Thamnatæus, qui filiam
 ſuam in uxorem illi promiſerat , alteri eam
 tradidit. Aſcenderuntque Philitiim, & com-
 buſſerunt tam mulierem, quàm patrem
 ejus. Quibus Samſon inſuper minatus :
 Licet hæc feceritis , inquit , tamen adhuc
 ex vobis expetam ultionem. (a) Eandem
 hanc paſſus injuriam David , nil tamen ſpi-
 ravit vindictæ. Hic ego vociferari poſſim :
 Memento Domine David , & omnis man-
 ſuetu-

(a) *Iudic. cap. 15. verſ. 6. & ſeqq.*

suetudinis ejus. Subinde pueriliter queritur non affligi. Modicæ sunt sæpe ac delicatæ afflictiones nostræ, si eas conferamus ad serias istas, & permagnas. Virgis nos cædit Deus, sed jam detritis, manu percutit, sed planâ, & parcente. Sunt quos baculis, fustibus, flagris contundit. Verùm si Davidis æumnas numeremus, vixdum initium earum spectavimus. Atrociora multò sequentur. Vix hætenus prolusum est tetrioribus, quæ sequentur, calamitatibus. Capitales insidiæ Davidi structæ videri possunt facetiæ & astutiæ aulicæ prout longè acerbiores addentur æumna. Sed hic triplex instillat David documentum. Agnosce providentiam, cede iræ, invidiam averfare.

I. Agnosce providentiam omnis aberrationis expertem, quæ mortiferæ Saulis invidiæ, amorem summum Ionathæ conjunxit. Nam expoliavit se Ionathas tunicâ, quâ erat indutus, & dedit eam David, & reliqua vestimenta sua usque ad gladium & arcum suum, & usque ad baltheum. (a) Ut sciret David à Ionathâ se magis amari, quàm seipsum amaret Ionathas, qui Davidem velut alterum se ab omnibus voluit honorari. Non enim sua solùm vestimenta, sed sua etiam arma omnia illa donavit. Ita Deus cum suis agit, unâ manu ferit, ungit alterâ. Quod & natura passim facit in rebus conditis. Pampini tuentur botros, ne à sole violentiùs lædantur & putrescant. Idem officii præstant arborum fructibus frondes & folia:

(a) 1. Reg. cap. 38. vers. 4.

folia : pictor qui exteriores adium parietes expingit, in sole quidem penicillum movet, sed crassum velarium habet, quo solem arceat; subinde vermiculi fructus, olera qui infestant, sed illos aviculæ, aut immitior cœli aura jugulat; ubi sentit natura vulnus, ibi plerumque applicat maligma. Ita Deus mirissimè agit, percutit & sanat. Hebræum vatem Ionam in fluctus spargi permisit, sed unà etiam piscem grandem præparavit, qui esse videbatur hostis, & erat Servator; cetum hunc dixisses Ionæ tartarum, & erat tutissimum asylum. Fidelis Deus est, qui non patitur nos tentari supra id, quod possumus; sed facit etiam cum tentatione proventum, ut possimus sustinere. (a) Divinam hanc methodum expertus est David; quem Saul pater extremis odiis infectatus est, hunc filius Ionathas amore ardentissimo complexus est. Et qualis illa Dei fuit providentia? Peritissimi jaculatoris relum David non semel levi corporis flexu declinavit. Cogitârat Saul: Evaserit meus fidicen primâ vice, non evadet alterâ. Evasit certè & alterâ. Quàm & illud luculentum providentiæ divinæ fuit specimen? Omnia Saulis molimina in Davidis cædem vergentia, in ampliorem ei felicitatem ac gloriam cesserunt. Ab his odiis commendatior omnibus & charior effectus est David: Omnis Israël & Iuda diligebat David. (b) Cur autem nos non eadem experimur? Genuinam, mi Lector, causam accipe: Nos Deo non eodem

(a) I. Cor. cap. 10. vers. 13.

(b) I. Reg. cap. 18. vers. 16.

dem modo fidimus, nec in omnibus, uti David, divinam adoramus providentiam.

II. Cede iræ. Lethalem lancea jactum exivit David declinando. Quot jurgia, quàm foedas lites, quot rerum damna facile vitaremus & sciremus submittere nos & declinare furiosos aliorum impetus, iramque alienam molli sermone aut silentio mitigare. Silere potuisse, infinitas composuit rixas: Sermo, præsertim durus, suscitaturorem. (a) Prudentis est declinare ictus, & minantibus plagis se subducere, hominem iracundum velis remisque fugere, aut certè non respondere tonanti. Nos saepe contra facinus, ingerimus nos, & plagis exponimus volentes; uti olim discurrentibus lupercis gravidæ sese offerebant verberandas: ita nos amamus verbera, & volumus cadi; vultum importunum ostendimus, & contra intuemur, audacter in os obstitimus, & certamus vociferando; sic adversarium jam ante concitatum & furentem magis prorsitamur, nec declinamus ictus, sed excipimus, & rependimus cum fœnore; in promptu sunt dicta acra & virulenta, quibus injurias non tam arcemus, quàm accendimus: quisquis nos vel minimùm offenderit, acerrimè vindicamus; nullum vel brevissimū quidem erratigratiam facimus, nec verbulo damus veniam. Hoc, ô boni, non est declinare ictus, sed iis se ultrò ingerere. Bernardi sensu: Excusatio perfecta, testimonium conscientiae. Quid luctamur & obstitimus? Bona conscientia præclare plurima silentio refutat.

III. Am-

(a) *Trey, cap. 15, vers. 1.*

III. Ambitionem & invidiam averfare. Vitia duo nequissima, diaboli veneno plena. Saul Davidem sapius occisum voluit, & in eam molitionem crebras vitæ ac capiti struxit insidias, quas tamen tam callidâ texit crudelitate, ut ea omnia fieri amore, possent videri. Iam verò cogitationes illius pessimæ, cruenta consilia, truculentissimæ machinationes, universo patent orbi. Ita prorsus quidquid in nos mutuis molimur odiis, supremo iudicii die patebit. Apertissima erant omnibus vel abditissima pectorum secreta. De re præsentis differens Chrysostomus: Quem oportebat, inquit, ut benefactorem & Salvatorem agnoscere, cum quærebat interficere. O excellentem insaniam! ô stuporis magnitudinem! Sed mente obtenebratus ab invidiâ, perinde atque ab ebrietate, benefactorem, ut hostem, spectabat. (a) David & vitam & regnum servavit Sauli; in hostimentum & gratiam regalem, mors illi paratur. Sic ambitio & invidia, maleficiis compensant beneficia. Vbi duplex hic morbus est ambitionis & invidiæ, uti in Saule fuerat, ibi æger insanire, furere, præcipitare, omnia pessum & in perniciem dare consuevit. Alterius fortuna, lucrum, gloria, successus, ambitioso & invido mœror & mors est.

Philippus Macedo, quem Demosthenes cum curâ expingit, tam insignita fuit ambitionis, ut quidquid uspiam in ejus regno præclarè gereretur, ipsi fuerit adscribendû, ducibus suis rem fortiter ac strennè gerentibus

(a) Chrysost. hom. 46. in cap. 21. Gen.

tibus magis indignari solebat, quàm ignavis
cessatoribus, qui multa corrupissent im-
belli metu ac socordiâ. Alexander filius,
parenti sæpe non impar hac geminâ peste.
Nam, quod Curtius predir, Alexander hos-
tes vinci voluerat; Antipatrum vicisse; ne
tacitus quidem non indignabatur, suæ dem-
ptum gloriæ existimans, quidquid accessis-
set alienæ. Talis profectò ex asse Saul ma-
lignus & invidus. Sauli simillimus Assyrio-
rum rex, qui teste Xenophonte, Gobriam
in venatum assumpsit, qui se illo peritio-
rem in equitando credidit. Oblatam sub
initium venationis ursam rex telo petiit, sed
casso; Gobrias certissimo jaculo feram pro-
stravit. Invidiam rex dissimulavit. Venien-
tem pari modo leonem sagitta regia non
læsit, Gobriæ tetigit. Hæc rex secum nescio
quid dirum mussitans, lanceam satelliti eri-
pit, eaque transadigit Gobriam. Nimi-
rum invidia cœca, præceps, furiosa est. In
Saule id luculentum. Excœcatus, amens,
furore captus rex, dolet regnum suum,
Davidis dexterâ tam feliciter servatum,
ideoque cupit optimè meritum morte sub-
latum. Iure terreat, quod Gregorius Na-
zianzenus dixit: Invidia non solum mul-
tos, sed & optimos tangit. De eadem Chry-
sostomus: Invidia, inquit, diaboli jumen-
tum, cuncta bene gesta consumit. (a) Videte
Christiani, & cavete ab omni vel invidiæ
umbrâ. Invidus tam cœco furore agitur, ut
sibi primus, & plurimum noceat. Ionathas
& David ideo corde amabant inter se, quia
nihil

(a) Chrysost, hom. 42.

nihil eos adurebat invidia. Charitas non amulatur.

C A P V T V I I I.

Despondetur Davidi Michol.

ALEXANDRUM Macedonem ab Annæo Senecâ crebrioribus vituperiis affici, quàm encomiis nemo miretur. Alexander facinora edidit non pauca, quibus ingentes laudes, robore militari partas, turpiter corrumpit, & extinxit. Inter illa & istud numeramus. Clitum Alexander servum fidissimum, militem animosissimum suâ ipse manu jugulavit. Factum herile, non regium. Clitus miles veteranus, & generosus sub Alexandri patre Philippo fecit stipendia, jam ob virtutis ac fortitudinis famam in laude positus. Alexandro certè servavit vitam, cùm Rhofaci manum capiri regio imminentem, ferro amputavit, regem clypeo texit. Cliti soror primos Alexandri annos ad mores, & virtutem formavit aulæ præfecta. At nullius rei facilius quàm beneficiorum oblivio.

In convivio cùm Alexander jam temulentus incaluisset vino, & Clitus Philippum Alexandri patrem paullo intemperantiùs, gestaque in Græciâ bella, præsentibus priora præferens commemorasset, rex ebrius & impotens animi & iræ, procurrit in regis vestibulum, & vigili excubanti hæstâ ablata, constitit in aditu, quo necesse erat iis, qui simul cœnaverant, egredi. Ab-

ierant

ierant ceteri, Clitus ultimus sine lumine
exibat. Quem rex, quisnam esset, interroga-
bat. Eminebat etiam in voce, sceleris, quod
parabat, atrocitas. Et ille jam non suæ, sed
regis iræ immemor: Clitum esse, & de con-
vivio exire respondit; hæc dicentis latus ha-
stâ transfixit, morientisque sanguine asper-
sus: I nunc, inquit, ad Philippum, & Par-
menionem, & Attalum. Malè humanis
ingeniis natura consuluit, quòd plerumque
non futura, sed transacta perpendimus:
quippe rex postquam ira mente decesserat,
etiam ebrietate discussâ, magnitudinem
facinoris serâ æstimatione perspexit. Vide-
bat tunc immodicâ libertate abusum, sed
alioqui egregium bello virum, &, nisi eru-
besceret fateri, servatorem sui occisum.
Detestabile carnificis ministerium occupa-
verat rex, verborum licentiam, quæ vino
poterat imputari, nefandâ cade ultus. Ma-
nabat toto vestibulo cruor paullò antè con-
vivæ: Vigiles attoniti & stupentibus similes
procul stabant, liberiorémque pœniten-
tiam solitudo exciebat. Ergo hastam ex
corpore jacentis evulsam retorfit in semet,
jamque admoverat pectori, cum advolant
vigiles, & repugnanti è manibus extor-
quent, allevatúmque in tabernaculum de-
ferunt. Ille humi prostraverat corpus: gemitu
ejulatúmque miserabili totâ personante
regiâ. Laniare deinde os unguibus, & cir-
cumstantes rogare, ne se tanto dedecori su-
persistitem esse paterentur. Inter has preces
tota nox extracta est: scrutantémque num
irâ Deorum ad tantum nefas actus esset:

G. subit

subit anniversarium sacrificium Libero patri non esse redditum statò tempore. Itaque inter vinum & epulas eade commisit, iram Dei fuisse manifestam. Ceterum magis eo movebatur, quòd omnium amicorum animos videbat attonitos: neminem cum ipso sociare sermonem postea ausurum. Vivendum esse in solitudine, velut fera bestia terrenti alias, alias timenti. Primà deinde luce, tabernaculo corpus sicut adhuc cruentum erat, jussit inferri, quo posito ante ipsum lachrymis obortis: Hanc, inquit, nutrici meæ gratiam retuli, cujus duo filii apud Miletum pro meâ gloriâ occubuerunt, hic, frater, unicum orbitatis solatium, à me inter epulas occisus est. Quò nunc se conferret misera? Omnibus ejus unus supersum, quem solum æquis oculis videre non poterit. Et ego servatorum eorum latro revertar in patriam, ut ne dexteram quidem nutrici sine memoriâ calamitatis ejus offerre possim? Et cum finis lacrymis querelisque non fieret, jussu amicorum corpus ablatum est. Rex triduum jacuit inclusus. Quem ut armigeri corporisque custodes ad moriendum obstinatum esse cognoverunt, universi in tabernaculum irrumpunt: diuque precibus ipsorum reluctatum, agrè vicerunt, ut cibum caperet. (a) Ita Alexander eundem, quem modò occiderat, modò resuscitatum volebat.

Hunc lusum cum Davide Saul lusit sapius. Repetitis namque vicibus Davidem lanceâ configere moliebatur. Sed dextra

Nu-

(a) *Curt. l. 8. c. 3.*

Numinis volans ferrum semper avertit. Post toties cogitatam eadem, mox iterum velut facti pœnitens favorem simulabat, heu, minimè diuturnum. At vero Clitum inter & Davidem ingens discrimen. Uterque quidem de domino & rege suo præclare meritis, sed multò præclariissimè David, non de rege solùm, sed de regno universo. Clitus libertate oris procaciorè malum sibi accersit: At verò David furiosum regem nec verbulo læsit; hoc tamen unum agebat Saul, letho dare Davidem. Cùm cruentæ fraudes non è voto succederent, alias ex aliis insidiis tam funestas, quàm rectas excogitavit. Ita post iniquissimè negatam Merob filium natu majorem, Michol ei minorem natu despondere instituit, sed non alio prorsus consilio, quàm ut eum vitâ expelleret. Quod hoc capite tradendum explicatiùs.

§. I.

Necdum invidia Saulis molliri ullo modo, aut tranquillari potest. Fuit etiamnum in Davidem, cujus hoc maximum erat scelus, insidias evasisse. Negatâ igitur perfidè adultiore filiâ, natu minorem Michol promittit conjugem, eâ tamen conditione, ut priùs centum Philisthæos occidat, quàm hymenæum canat. Non minùs crudeli astu has nuptias pollicitus Saul: Dabo eam illi, ait, ut fiat ei in scandalum, & sit super eum manus Philistinorum. Finis pessimus, intentio longè depravatissima, sub nuptiarum velo homicidium. Atque ut fraud tantò

esset testior, famulos suos Saul compellans: Loquimini, ait, ad David clam me, dicentes, Ecce places regi, & omnes servi ejus diligunt te. Nunc ergo esio gener regis. His auditis David, suæ mansuetudinis ac modestiæ neutiquam oblitus: Num parum, inquit, videtur vobis generum esse regis? Ego autem sum vir pauper & tenuis. (a) Viri rustici filius, nullarum opum, generis obscuri, sanguinis non regii, & quomodo in regis generum atollat? Sapuit David. Nam qui magnum nomen expetit, perpetuas expetit excubias. Et videte sapientissimi juvenis submissionem. Stirpis erat nobilioris quam Saul, qui ortum traxit è tribu Benjamin, ob turpissimum scelus pæne jam extinctâ. Et quæ Michol, quis tandem Saul erat? an non parentis sui agasorem egit, & asinas quasivir? Quid igitur adeò se contrahit David? Modestus erat & animi submissi, alioqui promptè dixisset: Res meas cum Saulis laudibus compono, exaquo illi, aut præferor. (b) Nil horum David mutuit. Nam prudentes & humiles ab origine suâ viliore nunquam oculos abducunt. Et credibile Davidem jam in solium eversum pristinae conditionis suæ nunquam oblitum. Neque verò alienum aliquid à Davidis ingenio & modestiâ cogitaret, qui crederet antiqui statûs instrumenta, tanquam prioris fortunæ monimenta ab ipso fuisse conservata, ut regem se videret, pastorem se fuisse meminisset, & cùm ornamenta delitiæque regis de-

(a) 1. Reg. c. 18. v. 23.

(b) Ich bin so gut als er/oder auch besser

demulcerent, ad memoriam revocaret silvestrem cibum, cibarium panem, fatuas sicomoros, quas in Thecuano campo vellicârat: item pelles, pedum, saga, petasum, quæ Davidem opilionem tegebant. Hæc illi factus erant antidota. Ita & Agathocles, qui ut pristinae fortunæ semper recordaretur, & patre figulo se natum nunquam non meminisset, abacos non argenteis aureisque vasis onerabat, sed fictilibus, quibus assidue ad memoriam suæ originis juvandam utebatur.

Modestissimo Davidis responso ad Saullem relato, rex iterum suo nomine reamtiari jubens; Sic inquit, loquimini ad David: non habet rex sponsalia necesse, nisi tantum centum præputia Philistinorum, ut fiat ultio de inimicis regis. (a) Humanissima verba, sed parricidalis animus; amicissima frons, sed colubrinum tergum. Nam addit facer historicus: Porro Saul cogitabat tradere David in manus Philistinorum. (b) Hic nemini mirum videatur dotis aliquid exigi à viro. Hebræo more ritique gentis contrahabant matrimonium coëmptione; vir uxorem, uxor emebat virum: Si solus vir pecuniam expendisset, emisset ancillam; si uxor sola, emisset servum. Ideo conferendi utrimque nummi, aut rerum pretium, agri, vineæ. Oseas sponsam emit tritico, Iacob geminato servitutis septennio Labani filias Rachelem & Liam coëmit; ita Micholem David coëmit vitæ discrimine; Eccle-

G 3

siam

(a) 1. Reg. c. 18. v. 25.

(b) Ibidem.

fiam Christus sanguine. His nuptiarum pollicitis speraverat Saul inescendum David, ut incautus & præferox irruens in hostem, ab hoste opprimeretur. Sed nec iste sanguinarius dolus successit. Et quàm sapienter Deus consilia tam prava evertit, ut in suum ea redeant auctorem. Sed & Michol fidior fuit marito, quàm parenti. Non multùm ab simili astu Antiochus Cleopatram filiam junxit Ptolomæo, ut aditum sibi strueret in alienum regnum. Sed Cleopatra maluit Ptolomæi uxor, quàm Antiochi filia videri: in partes conjugis concessit, non patris. In rem locutus Daniel: Ponet faciem suam, inquit, ut veniat ad tenendum universum regnum ejus, & recta faciet cum eo; & filiam foeminarum dabit ei, ut evertat illud, & non stabit, nec illius erit. (a) Idem evenit Sauli, quamvis enim astutissimè vitam & sanguinem Davidis peteret, cruentis tamen ausis excidit. Centum Philisthæorum præputia petiit. Quàm vaser est diabolus! Vix callidiùs Saul dotem postulare potuisset, quàm hoc ipso modo, qui certam Davidi necem minabatur; præsertim cum certum designaretur tempus, intra quod Philistai centum à Davide jugulandi essent. Cur autem non capita, non aures Philisthæorum Saul petiit? Astu hoc nequissimo fecit, ne falleret David, & fortè obvium quemque Hebræum ad cælum raperet, præcisumque caput in dotis parte numeraret. Sed hæc tam vafra & sanguinaria regis molimina non terrebant. Nam post

paucos

(a) *Dan cap. II. vers. 17.*

paucos dies surgens David, abiit cum viris qui sub eo erant, & percussit Philistiim ducentos viros, & attulit eorum præputia, & annumeravit ea regi, ut esset gener regi. Dedit itaque Saul ei Michol filiam suam uxorem. Et vidit Saul, & intellexit, quòd Dominus esset cum David. Michol autem, filia Saul, diligebat eum. Et Saul magis coepit timere David: factusque est Saul inimicus David cunctis diebus. (a)

(a) 1. Reg. c. 18. v. 27. & seqq.

§. II.

En Davidis animum prorsus impavidum. Audet, congregatur, pugnat, vincit, triumphat. Et forsan ad populosam Philistæorum urbem, cum copiis occultas vias insidens ex insidiis subito profiliit, & ducentos Philistæos mactavit, attulitque, quam Saul petierat dotem. Ita rex non potuit, quin sponcione ac promissis stare, darétque filiam Davidi conjugem. Sed ô quales nuptiæ? capitalis hostis est socer, diadema pridem promissum deest, insidiæ Saulis non cessant. Sed horum nihil metuendum est ei, cui favet Deus. Leo est David; his catellorum latratibus non exterretur. Pugnantem pro se Deum habet, quem hominum formidet?

Sed videte, &, quaeso, noscite invidiæ genium, qui radicibus tam firmis nixa, si sinatur incrementa sumere, in immensum crescit, auctibus quotidianis robustior, demum ut certum ligni genus lapidescit. His incrementis invidia Saulis adoleſcebat, se-

ipsa quotidie valentior. Tandem, uti avaritia Iudæ, ita invidia regis improbitissimi erupit in apertum. Locutus est Saul ad Ionatham filium suum, & ad omnes servos suos, ut occiderent David. (a) Hactenus tygris ista, pelliculâ se ovillâ textit, jam larvam ponit, & ex ove fit aper, qui dentes excutit in lanienam infantis. Hic Ionathas fortem iniquam misertus hominis multò charissimi, pramonuit David, cautè ageret, & altero die seipsum turis latebris custodiret, regem denuo meditari eadem innoxio. Se tamen illius causam suscepturum. Fecit quod dixit. Captavit igitur occasionem adeundi patris, & mollia fandi tempora. Cùm hilarem, ait Iosephus, ac lubentem offendisset; ausus oratorem agere pro David apud patrem: Ne, inquit, pecces rex in servum tuum David, quia non peccavit tibi, & opera ejus bona sunt tibi valde. Et posuit animam suam in manu suâ, & percussit Philisthæum, & fecit Dominus salutem magnam universo Israël. Vidiisti, & latatus es. Quare ergo peccas in sanguine innoxio, interficiens David, qui est absque culpâ. (b)

Non sterile fuit hoc patrocinium regii juvenis apud parentem, qui verbis filii mirificè placatus juravit: Vivit Dominus, quia non occidetur. (c) Ita Ionathas suum Davidem in pristinum aulicæ dignitatis gradum restituit, modò potuisset etiam in firmum,

Ita David illa sus inter medios hostes & in

(a) 1. Reg. c. 19. v. 1. (b) 1. Reg. c. 19. v. 4. & 5. (c) Ibid. v. 6.

in acie victor, domi iterum coactus est subire mortis aleam. Saul rursus à cacodamone agitatus, atrociter furebat, & ne sceleri deessent arma, lanceam tenebat manu. At David mitigandis furoribus jam notis, fidicinem agebat. Nisúsque est Saul configere David lanceâ in pariete, & declinavit David à facie Saul: lancea autem casso vulnere perlata est in parietem. At David fugit, & in suam domum velut in asylum se recepit; eâ saltem nocte securitatem sperans à regis furoribus. At sceleri nihil securum satis, aut tutum. Mox enim Saul satellites misit, qui domum Davidis cingerent, ne quis effugio pateret locus, eumque manè interficerent, ne forsan præsidio reclus frustra quareretur, per cuniculos occultumque ostium elapsus. Hic Michol animum planè masculum induens, nec lamentis domum implens, sed consilium virile dictans conjugi: Cras, inquit, morieris, nisi hac nocte te servaveris. Vidit enim Michol suas ades selecti militis coronâ cinctas. Et forsan à Ionathâ clam monita est, sibi suoque conjugi prospiceret, insidias capitales à rege strui.

Videte providentiam divinam, quæ tentari quidem suos permittit, sed facit cum tentatione proventum, ut possint sustinere. (a) Quid porro David in hac arenâ consilii ceperit, capite sequenti exequemur. Iam coronidis loco, malignè pavida Saulis conscientia, & mansuetudo Davidis patientissima venit consideranda.

(a) I. Cor. c. Io. v. 13.

S. III.

Saul Davidis prudentiam, successus rerum prosperos, & favores divinos in dies expressius observans, magis cœpit timere David. Vsu quotidiano discimus conscientiam malam à rebus omnibus sibi metuere, & assiduè velut sub carnificis gladio trepidare. Affirmat id sapientia: Frequenter præoccupant redarguente conscientia. Cum enim sit timida nequitia, dat testimonium condemnationis: semper enim præsumit se-
 va perturbata conscientia. (a) Hinc ingentè sibi malorum numerum credit imminere. Cum autem conscientiam jam ante sceleribus obrutam insuper etiam invidia in nefas impellit, magno ea impetu procurrit ad flagitia, & in noxam vertit etiam salubria. Pessimè cum agroto agitur, cum medicinæ transeunt in venena. Recreare plurimum debuisset Saulem prudentia & fortitudo David generi sui. Contrarium evenit. Saul suspitione pessimâ plenus, adversus se geri omnia censebat. Hinc Davidem magis timuit, quàm Philistæos. Hac de re differens Ambrosius contra Cainū: Tuam te facinus, inquit, non frater accusat. Angustæ mentis homo præsentem mortem veretur, perpetuam negligit, & iudicium divinum non reformidat, qui trepidat ad humanum; interitum solum corporis deprecatur. Omnis qui invenerit me, ait Cain, occidet me. Quem times? soli parentes tui in orbe sunt. Potuit timere feras, potuit & parentes
 ipsos

(a) Sap. c. 17. v. 10.

ipſos timere, qui docuit parricidium committere. (a) Ita Saul hominem fidiffimum, famulum obſequentiſſimum, ſuum ipſe generum ſibi obligatiſſimum tantò magis timuit, quantò eum magis tam Dei, quàm populi gratiâ valere animadvertit. Conſcientia bona, iuge convivium, conſcientia mala, iuge convicium & tormentum. Plus habet quietis piſtrinum turbulentiffimum, (b) quàm conſcientia flagitiis turbata. Invidia neminem finit quieſcere.

Quomodo autem David adverſus invidiam ejuſque tot inſidias ſeſe muniit? Socer ei offenſiſſimus, Iurati hoſtes Philiftæi, invidentia inſectatrix aſſidua, nequiſſima: tot adverſarios quomodo debellavit? Manſuetudine Chryſoſtomo teſte, David poſt hæc omnia, perſeveravit regis curare negotia, pròque ſalute ipſius ſuſcipere pericula & in acie ſtare, in praliis omnibus, ſuoque periculo ſervare trucidatorem ſuum. Denique nec dictis nec factis contriſtavit immitem illam beſtiam, ſed conceſſit in omnibus, dictoque audiens fuit. (c) Fecit quod potuit, pro viribus ſuo munere functus, ceterùm ſe ſuâque omnia Deo divinæque voluntati ac providentiæ liberaliſſimè commiſit. Nos quandoque facimus, quod poſſumus; at cùm res non ſuccedit, indignamur, & animum demittimus, velut ſpe omni excuſſâ. Aegyptius rex Pharaon, qui Iosephum vinculis exemiſit, fecit, quod potuit, ſuis tamen con-

(a) Ambroſ l. 2. de Abel & Cain.

(b) Stampſſmül.

(c) Chryſoſt. hom. 1. de David & Saul.

consiliis famem futuram avertere non potuisset; potuit Ioseph. Sed hic ipse Ioseph, etsi quod potuit, fecerit, falsam tamen accusationem, carcerem, vincula vitare non potuit. Navarchus, dum potest, clavum tenet; ubi eum vis tempestatis excusserit: Iam, inquit, nos superis commendemus, dum tempestas peragat iram factorum. Navarchum imitemur; nemo unquam putet suâ diligentiam se confecturum omnia. Sedulo tuum fac officium; cetera permitte Deo. (a) Est qui nos supra nos, nostraque omnia curet ex alto; huic tuas transcribe curas, ubi tuum curaveris officium. Et nosse cupis, quâ ratione hostium tuorum omnium domitor evadas & victor? Christianâ mansuetudine. His armis, hac panopliâ usus est Iacob adversus Esau; & quadringentos viros in suum caput conductos. Nec Hercules contra duos: quomodo Iacob contra cohortem tantam? Invisâ mansuetudine in suam omnes potestatem redegit. Et ipse progrediens adoravit pronus in terram septies, donec appropinquaret frater ejus. (b) Nos modò bis terve proni adoremus, & palmam hosti extorquebimus. Quoties pronus adoravit Iesâus juvenis David? Promiserat illi Saul divitias magnas, & unâ filiam; sed fidem sapius fregit, promissa negavit, David tamen non exposulavit, nec cum rege, nec cum milite regio, sed suum sibi præmium è calo expectavit. Periculossimè bis lanceâ petitus ut parieti figeretur,

(a) Laß Gott walten / laß gut Bögelein
singen, (b) Gen. c. 33. v. 3.

tur, post hæc tamen omnia, in aulam accersitus, promptus adest, injurias non queritur, jamque tertium vitæ periculum, lei hali ferro iterum destinatus adiit. Iure merito vociferamur: Memento, Domine, Dávid, & omnis mansuetudinis ejus. Hac tali mansuetudine ac patientiâ, quidquid uspiam est adversorum, superatur. Mansuetudo triumphat.

CAPUT IX.

Afflictissimus David valedicit.

Hic ferè nobis faciendum, quod Athenis consuetum, ut causas orare inciperent *ἀπὸ τοῦ πρῶτου*. David jactili Saulis hastili jam tertium petitus, pro asylo domum suam habuit, inquam confugit. Mox missi milites, qui domum ita cingerent, ne ulla elabendi rimula pateret. Nilominus David fugiendi è domo solertiam commentus valedixit Micholi conjugii, & properavit ad Samuelem. Saul ternos nuntios & lictores misit in Naioth, qui ad se pertraherent Davidem, irritò semper conatu. Tandem eò ipse rex contendit, nec tamen comprehendere potuit, quem adeò hostiliter quæsivit. Post ludos tam crudeles ob summam animi bonitatem David sibi passus est persuaderi, ut in aulam rediret. Redit. Mox iterum turbæ, & ludi priores. Impius Saul gratiam, quam promissit, mox iterum fallacissimè subtraxit, hostemque publicum promulgavit Davidem. Ita Iona-
thas

thas & David post occultum colloquium mutuis perfusi lachrymis, sibi invicem longum valedixerunt. Atque hic capitis itius primarius erit sermo, Afflictissimus David supremum valedicit.

§. I.

David eâ nocte, quâ tertium lancea volans in eum emissa in suam se domum recepit, nuptiis jam peractis. Sed eam domum regius miles adeò arctè obsedit, ut vix evadendi libertas musculo relinqueretur. Imperatum insuper à rege, ut manè obtruncaretur. Ideo Michol fidelis illi conjunx; Nisi salvaveris te, inquit, hac nocte, cras morieris. Unicum fugæ consilium videtur superesse. Sed fuga longè periculosissima erat & difficillima. Itaq; remedium morbo periculosius poterat videri. Quomodo enim fugiat? Per januam aliquam emittatur? Arctissime omnes obsessæ sunt. Per fenestram demittatur? Vix fieri potest, ut milites id non audiant: quòd si minimum quid audituri sint, accurrent, comprehendent, ad regem ducent; si repugnet, confodient. Non placet fugere? ergo certa mors. Quid igitur faciat David, quibus consiliis tueatur vitam? Omnia prorsus desperatissima censerì poterant. Iosaphat rex, cum imparatum geminus exercitus Moab & Ammon urgeret, ad opem ex alto petendam sese erigens: Deus noster, inquit, cum ignoremus, quid agere debeamus, hoc solum habemus residui, ut oculos nostros dirigamus ad te. (a)

Ad-

Adfuit vocanti Deus. Vicit Iofaphatus sine pugnâ, hostes in seipfos versi mutuis cardibus debellati: spolia eorum opimissima vix triduo poterant auferri. Cùm ergo humani subsidii jam nihil sperari posset, ad divinum David conversus, ardentissimè se Deo commendavit, & psalmum dictante luctu, lachrymis pro sepiâ usus conscripsit istum: Eripe me de inimicis meis, Deus meus, & ab insurgentibus in me libera me. Eripe me de operantibus iniquitatem, & de viris sanguinum salvâ me. Quia ecce ceperunt animam meam, irruerunt in me fortes, &c. sacrum hoc carmen ita claudit: Quia factus es susceptor meus, & refugium meum in die tribulationis meæ. Adjutor meus tibi psallam, quia Deus susceptor meus es. Deus meus, misericordia mea. (a)

Quocirca David divinæ se providentiæ quàm liberalissimè committens audere fugam decrevit. Ergo conjugii amantissimæ Micholi valedicens, providentiâ divinâ ducte, mœstissimum iter ingressus est.

Porro ille abiit, & aufugit, atque salvatus est. (b) At verò Michol conjugii suo fidelissima, quò illi plus daretur temporis ad opportunam fugam, Davidis lectum ita sternere aggressa est, ut ipsissimus David crederetur in lecto decumbere. Ingeniosè profectò piam hanc fallaciam commenta, statuam in lecto reposuit, ad cujus caput, ut jacentis hominis caesariem effingeret, villosam pellem apposuit, & operuit vestimentis. Nuntiatum id regi, prodire domo nemi-

(a) *Psalm.* 58. (b) *I. Reg.* c. 19. v. 12.

neminem, eum utique in aditum latebris adhuc delitescere. Misit ergo rex apparitores, qui raperent David. Hic cara mulier ad extrahendas moras excusat mariti morbum, & totam noctem inquietam & insomnem exegisse illum caussatur. Proinde se rogare, ne afflictum magis affligat; nihil esse in morula tantilla periculi regis voluntati conjugem nec velle, nec posse resistere, qui sciret longis regibus esse manus. Apparitores, qui perquam odioso munere forsan inviti fungebantur, regis filiae libenter gratificati ad regem redeunt, & Micholis responsum referunt, Davidem agrotare. Et videri hoc poterat. At rex nihilo placatior, sed jam effratior, rursus alios misit nuntios, prioribus nequiores cum hoc jussu: Afferte eum ad me in lecto, ut occidatur. Salve Saul, frater Caligulae, qui parentes neci filiorum interesse coegit; valetudinem excusantibus misit lecticam. Mirius hoc: & posset sub Saulis magisterio proficere Caligula. Saul Davidem non in lecto jussit occidi, ne forsan fingeretur occisus, & ita subduceretur morti, ab iis, qui eum minimè oderant. Deinde Sauli fuisset suave praesentis cadis aspectu immane odium exsaturare, dedecore atque infamia etiam propria contempra. Redeunt ergo nuntii, ut omnes domus angulos excutiant, in ipsum Davidis cubiculum irruunt, lustrant & scrutantur omnia. Quid o sedula quæris non curiositas, sed crudelitas! Surrexit, non est hic. Im pridem alibi est David. Pio conjugis ingenio excessit, evasit, erupit David. Lectum, o milites,

milites, excutite, & pro homine hominis imaginem reperietis. Et inventum est simulachrum super lectum, & pelles caprarum ad caput ejus. (a) Videte, ô viri, ligneum Davidem pro vero, si placet, eum ad regem asportate. Quod Iosephus de caprino jecore commentatur, adhibitum illud ad effingendam respirationem, figmentum credimus.

Vbi Saul inaudit siculneos à se custodes adibus admotos, suumque hostem periculis subductum, filiam Micholem mox accersens; Quare, inquit, sic illusisti mihi, & dimisisti inimicum meum, ut fugeret? Illa prudenter subverita, ne patri parum probaretur, quidquid dictura esset, officiosum figmentum excogitans: Quia, inquit, ipse locutus est mihi: dimitte me, alioquin interficiam te. Ad primum respondit de dimisso conjugē, ad alterum siluit de structâ lecti fallaciâ. Neque furibundus rex pium hunc dolum filia notavit. Ita David cruentas regis manus effugit, nec tamen Bethlehemum properavit ad patrem, sed in Ramatha se contulit ad Samuelem, cui ordine recensuit, quidquid furor regius in se fuisset machinatus. Samuel hunc & supplicem & exulem à se unctum regem utique pronissimo affectu complexus ad omnia fortiter toleranda animavit. Ne autem Davidis fuga per cives proderetur, ambo simul concesserunt in Najoth.

Misit ergo insanus rex liatores, qui illinc extractum David ad se raperent. Sed ô rem admirandam, & ô potentiam Numinis! Ap-

H

pari-

(a) 1. Reg. c. 19. v. 16.

paritores subito sunt Prophetæ. Cùm enim hi Saulis satellites vidissent cuneum Prophetarum vaticinantium, & Samuelem stantem inter eos, factus est etiam spiritus Domini in illis, & prophetare cœperunt etiam ipsi. Perinde si quis silvam petat confixurus cervum, & avicularum concentu detineretur, aut si tygris effera raptis catulis, in viâ speculum, vel globum vitreum inveniât, cursum rapidissimum sistet, & catulos putabit sub vitro latere. Ita hi Saulis famuli, minarum & cædis spirantes, ferocia omni positâ Prophetarum medii in Prophetas sunt mutati. Vbi hoc in aulâ rescitum est, missi sunt alii nuntii, qui non minùs prioribus laudare Deû & vaticinare cœpere. Missi sunt tertii, qui & ipsi in Prophetarum societate didicerunt agere Prophetas. Iratissimus Saul, nec satis fidei narratis tribuens in eundem locum celeritate magnâ & ipse etiam contendit, ipsissima tygris. Sed idem ipsi, quod ipsius famulis evenit. Imò antequam eò perveniret: Factus est etiam super eum spiritus Domini, & ambulabat ingrediens, & prophetabat usque dum veniret in Naioth in Ramatha. Et expoliavit etiam ipse se vestimentis suis, & prophetavit cum ceteris coram Samuele, & cecinit nudus (a) totâ die illâ & nocte. Vnde & exivit proverbium: Num & Saul inter Prophetas? (b)

(a) *Interpretes: Cecidit.*

(b) *I. Reg. c. 19. fine.*

S. II.

Interea David elapsus illinc ad suum Ionathã

natham confugit, & opem implorans: Quid patravi, ait, obsecro tanti flagitii, ut parens tuus vitam meam assiduïs impetat insidiis? Cui Ionathas: Mi optime David, mihi hoc securus crede non morieris: quidquid mihi dixeris, id faciam tui amore. Ab his principiis prolixum sanè ingressi sunt colloquium. In eam demum sponsionem conventum est, ut Ionathas diceret: Cras calendæ sunt, & tu in mensâ regiâ desideraberis. Ego animum parentis mei explorabo probè, num aliquid deinceps gratiæ sit sperandum. Hoc unum difficile, ejus rei te certiolem facere: Me solum egredi ad te indecorum, sed & suspectum, famulum mittere, aut cum comitatu venire periculosum. Hoc igitur age. Die negotioso ad notas te latebras, in agri specum te confer, & illic triduum perdura. Non procul ego tres jaculabor sagittas velut ad scopum me exercens, & ubi pedissequo meo dixerò: En sagittæ intra & cis te sunt, adfer eas. Tu mi, David, ad me veni, & crede res bono loco esse. Quòd si servum à pedibus inelamavero: En sagittæ ultra & trans te sunt. Tu silentio abi, idque divinæ voluntatis esse cogita. Firmandis dictis addidit Ionathas: De verbo autem, quod locuti sumus ego & tu, sit Dominus inter me & te usq; in sempiternum. Hac omnia ordine, prout inter eos convenerat, facta. Ipsi Kalendis Saul Davidis absentiam à mensâ notavit quidem, sed dissimulavit. Die postero Saul à bile jam inflammator: Cur, inquit, filius Isai non comparet in mensâ nec heri, nec hodie? Cui Ionathas mode-

stè : Mi pater , ait , veniam petiit abeundi Bethlemum ad solenne sacrificium. Quamprimum rex in fermento totus , & bilem in Ionatham præsentem evomens : Fili matris adulteræ , inquit , num nescire me censes , filium Isai à te amari & foveri in probrum & ignominiam parentum tuorum ? Hoc scito : dum ille vixerit , nec te , nec regnum tuum stabiliendum. Ergo quamprimum accersiri eum jube , capitale facinus admisit ; moriendum illi est. Ad voces tam tragicas parentis, Ionathas : Quare morietur , inquit , quid commisit criminis ? Hic longè gravius Saul excalescens corripuit lanceam confossurus eam filium. Mox Ionathas impransus è mensâ profugit. Die altero ad conditum locum egressus foràs unà cum cursore falerato. (a) Ad quem : Curre , inquit , & affer sagittas , quas jecero. Currente puero , clamavit Ionathas : Ecce ibi est sagitta porrò ultra te : ne cuncteris , propera. Ita pedisequus collegit jacula , & ea domino suo retulit , penitus ignorans , quid arcani eà re ageretur. Nec superfluum hoc fuit. Sic enim amici comites se ingessissent , aut alius aliquis illic supervenisset , scire nihilominus potuisset David , quid sibi agendum. Finito brevi hoc lusu Ionathas vernam aulicum cum suis armis à se dimisit. Iamque arbitris omnibus remotis , David è latebris progressus , ter pronus in terram se abiecit , divitiamque providentiam , filiumque regis tertium adoravit. Iamque Iona-

thas

(a) Mit seinem Lagger.

thas & David suavissimis complexibus copulati, mutuis perfusi lachrymis, mutua sibi fixerunt oscula, & vale mœstissimum dixerunt. Liberaliter Davidi Ionathas afflevit, liberaliùs Ionathæ David. Demum Ionathas; Vade in pace, inquit, quacunque inter nos jurata sunt, firma, fixa, & chalybe scripta sunt in omne ævum. Sic ab invicem divulsi, Ionathas in urbem Gabaa rediit, suum iter persecutus est David exul. Hic tria paullò pensiculiùs cogitanda.

§. III.

Primum. Tres ipsas noctes, & pæne totos tres dies in spelæo David latuit. Quis illi hoc locorum prandia, quis cœnas ministravit? Idem illi faciendum fuit, quod adolescenti pagano pauperi, qui ut scholis vacet, omnem secum commeatum diebus aliquot suffecturum è pago in urbem desert: Ita David panis aliquid sinu abdidit, in ediam triduanam hac annonâ solaturus: spelæum pro tentorio fuit, spelæi solo pro lecto usus est dux tam illustris, gener régis, jam unicus rex, homo Numini commendatissimus. Hic videre prorsus est, quàm non delicate suos filios Deus soleat educare. Quot mœroris ac solitudinum aculeis hoc triduo pectus Davidis confossum? Cogitavit utique: Quis demum finis ærumnarum? quò fugiam, si desperata sit omnis gratia? nusquam toto regno tutus latitavero: extra Hebræum regnum undique & undique hostes & idololatæ: quid animi meis erit parentibus, &

fratribus, totiſque familia, quam hæc tempeſtas in me ſaviens non leviter percelleret? quid amantiffima conjugi mea fiet? An ullus alius præter Ionatham rerum mearum agere patronum audebit? Hæ cogitationes cor Davidis lacinabant. Quid interim aliud dies noctesque faceret, quàm preces & vota ingeminare, divinæ ſe providentiæ committere, quiſquis demum ſucceſſus rerum aut eventus fit, quæcunque vel lata, vel triſtia conſequantur, fiduciam in Deum nunquam amittere, ſerenitatem poſt tempeſtates expectare.

Hic iterum opportuniffimè vociferari illeceat: Memento Domine David & omnis manſuetudinis ejus. David veluti cervus canibus, indagine, foveis, venatoribus cinctus, capturam operiebatur. Quod ipſemet altum ingemiſcens faſſus eſt Ionathæ: Vno tantum gradu, inquit, ego mōsque dividimur. Tot enim Saul habet cordis mei miniſtros, quot ſubditos; in extremâ ſit regulâ, faciliſſimo niſu me quivis præcipitaverit. Et tamen Deus ab interitu ſervare me poteſt. In carceribus olim fame necandis eo loco ſitūque panis ponebatur, ut ſi panem non arriperent, fame perirent; ſi eum prendere niterentur, in ima ruerent, & in cultros ſeſe ac murices induerent perituri. Non abſiniles angultiæ ſtringebant, ut quidquid David eligeret, peſſum iret. Et tamen hoc aliſſimè pectori hærebat fixum: Deus etiânum ab interitu ſervare me poteſt, adjutor meus, protector meus, & liberator meus; adjutor fortiffimus.

Alterum. Post tertiam noctem ab eâ, quâ latere cœperat David, cum sagittis & puero à pedibus in ejus loci viciniam egressus est Ionathas, & sese mittendis jaculis exercuit. Mox puero remisso, ad latitantem in antro amicorum optimum accessit. Hic David modestiæ ac humilitatis suæ neutiquam oblitus, surrexit de loco, & cadens pronus in terram, adoravit tertio. (a) Quàm humilis & quàm gratus? Nulla hic Davidi cogitatio subrepfit, ut suum genus Ionathæ stirpi exaquaret, dicerétque: Par atque una est ratio nostra; rerum gestarum laude non cedo, familiâ inferior non sum, insuper rex unctus sum, ita pares sumus. Cur parens tuus tot meis tamque præclaris meritis hæc rependit præmia? Num ideo illi vitam & regnum servavi, ut jugulum meum peteret? perfidiâ tam crudeli, compensat obsequia & fidem? Nil horum. Non indignatur, non provocat, non insultat ulli, nullum contumaciæ, aut superbiæ signum vel minimum edit, sed Ionatham servatorem suum, uti Iosephus loquitur, solutat, & adorat, eique sese abiturum unice commendat. Insignissimè servavit, quod Siracides jubet: Quanto magnus es, humilia te in omnibus, & ceram Deo invenies gratiâ. (b)

Tertium. Cùm magis ac magis diluculasset, verebatur Ionathas, ne clara dies colloquium arcanum proderet, ita reditum in urbem Gabaam maturare cogitavit. Quando igitur Ionathas & David ultimum vale sibi dicere cogeabantur, ingens inter eos

H 4

obor-

(a) 1. Reg. c. 20. v. 41. (b) Eccli. c. 3. v. 20.

obortus est mœror, & luctus lacrymis largissimis accensus. Et videte, quæso, strenuissimos duces duos complorantes; Ionathas annum ætatis quadragesimum, David vigesimum quartum agebat. Tam autem ardentem & tenerè amârunt, ut illis suavius accidisset mori, quàm ita dividi; & osculantes se alterutrum, fleverunt pariter, David autem amplius. (a) Ionathas ætate grandior, & mœrentis consolator, lachrymis plus imperavit, nec eas tamen penitus retinere potuit: Fleverunt pariter, ita quidem, ut lachrymæ verba intercluderent. Nam Ionathas orsus est quidem dicere: Quæcumque juravimus. Dicta non finiens cœptum sermonem lachrymis abruptit. Fleverunt ergo pariter, David autem liberaliùs, quia annis inferior, & quod etiam hos imbres ciere solet, nullum mali remedium conspexit. Furiosum regem evadere difficillimum. Toto Israëlitis regno cedendum fuit; animam labris primoribus gessit; securitatem aliquam, sed nec tutam, nec diuturnam inter idololatrias quærere, sed invenire vix potuit. Memento Domine David, & omnis mansuetudinis ejus. Iam ærurnarum mare non navigat, sed natat. Hæc tamen omnia in bonum illius erant cessura. Virtus inter solida maturescit. Animus valescere plerumque non solet, dum per secunda plus æquo provehitur, adversis inexpertus. Chrysostomi hac de re differentis sapiens oraculum est: Nihil æquè facit animam philosophiâ

(a) 1. Reg. 6. 20. v. 41.

sophiâ prăditam, atque afflictio. (a) Dices: Quid denique agam, ut calamitas me non cœterat? Chrysostomus rei modum suggerens: Si cogitaveris, inquit, ferendum esse, velis nolis, quod tibi illatum est incommodum. Hac utique prăceptione David animum suum sollertissimè imbuit: Perferendum est æquo animo, quidquid in nos immitit Deus. Nos servuli, ipse Dominus est. Fidamus Domino tam sapienti, tam benigno. Tot alii prăcesserunt: Spes illorum immortalitate plena fuit. (b) Vox illorum in adversis omnibus erat: Quidquid jam tolerandum est, habebit finem; Hoc malum, & hoc, & hoc etiam, & illud, & istud, & demum omnia ad suum venient finem, sequetur æternitas beatissima. Toleremus tenues, breves pluvias, & fidamus cæli domino; serenitas consequetur, nullis turbanda nubilis, æterna.

(a) Chrysost. hom. 24. in epist. ad Ephes.

(b) Sap. c. 3. v. 4.

CAPUT X.

David ad Achimelechum fugit.

O Prime dixit Democritus: Peregrinatio & exilium frugalitatem vitæ docent. Peregrino, præsertim pauperi, res pretiosa est quadra, panis & hydra fontanæ; scamnum sub tecto sat bonus ei lectus est.

Hæc sui experimenta David sumere debuit. Saul illum tam pertinaci crudelitate

H ; per-

persecutus est, ut afflictio exuli pane nusquam licuerit tutò morari. Ex amplà domo profugum nec cocus, nec promus condus, nec arca, nec servus ullus sequebatur. Hinc in viâ velut pauper scholasticus mendicabat panem & gladium, ut coeptum iter posset proseguere. In hac Davidis fugâ quinque potissimum veniunt considerata.

Primum est, Arcta fames, quæ mendicitatem jam uncto regi obtulit. Alterum est, Sedulum latendi studium, cum tamen latere non licuerit. Tertium, Dei cura in iis, quæ ipsi donantur. Quartum, Deo donare, quàm bonum sit. Quintum, Quàm accuratè David examinatus, antequam panem nactus. Hæc omnia complectitur Davidis ad Achimelechum fuga, de quâ hoc capite differemus.

S. I.

Cùm Ionathæ valedixisset David, pedes in fugam se coniecit, velut extremum mendicabulum, non solum sine gladio, sed etiam sine perâ, sine baculo, sine pane, sine viatico, sine equis & vehiculo. Ita inermis & famelicus venit Noben ad Achimelechum sacerdotem, ubi Arca & tabernaculum in stativis erant. Hoc loci David gladium muniendo corpori, panem solandæ fami periiit. Achimelechs non leviter territus & miratus, quid hoc rerum portenderet, Chiliarchum generosissimum, regis generum, sine omni aulico comitatu & armis solum accurrere. David ut turbatum facer-

cerdotem componeret: Negotium est, inquit, conficiendum impatiens moræ, ac secretum; ampliorem comitatum certus locus suppetitabit. Ideo quatuor aut quinque panes ad iter prosequendum rogit.

Achimelechus, ut necessitati sine cunctatione consuleret, annonam Deo consecratam offerens: Non habeo, inquit, laicos panes ad manum, sed tantum panem sanctum (a) Iussu divino singulis sabbathis panes duodecim in aureâ mensâ, hinc & hinc seni, ad numerum Israelis familiarum ponebantur. Atque hi panes, facierum, seu, positionis, dicebantur. Hi sabbatho recentes & à forno calidi ponebantur, sabbatho sequenti auferabantur jam sicci, & reponebantur alii. Ablati in sacerdotum donatæ usum cedebant. Levitis non permisum, his vesci. Ita lex edicebat: Eruntque Aaron, & filiorum ejus, ut comedant eos in loco sancto. (b) Singuli panes octo librarum erant. Hominibus plebeis necessitas horum esum non interdicebat. Eam ob causam Achimelechus exceptionem, & unâ sacros hos panes dare non recusat, aliquid tamen examinis præmittens: Si mundi sunt pueri, inquit, maximè à mulieribus. (b) Sacerdos reverentiâ in generum regium, de servorum tantum puritate interrogat, sed David probè intelligens idem de se queri, non de servis tantum, sed etiam de se respondit, impedimentum hac in parte fore nullum. Erectus hoc responso Pontifex Hebraus,

(a) 1. Reg. c. 21. v. 4.

(b) Levit. c. 24. v. 8. 9.

bræus , panes sacros esurientibus concessit. Verosimile datos fuisse quinque , singulis unum. Nam censemus à Davide quatuor servos , aut alicubi relictos , aut certè præmissos , ita quidem ut Achimelechum David incomiratus pervenerit ; prout è specu solus est digressus. Credibile fidelissimos servorum à Ionathâ submissos, qui tutarentur fugientem ; aut forsan via ipsa pauculos illi aggregavit. Quia verò David non tantùm famelicus , sed & exarmatus Noben venit , idcirco non tantùm panem , sed & ensem petiit. Oblatus ei gladius Goliathi, quem armis omnibus præterens: Non est huic alter similis ; da mihi eum. (a) Hinc facile est conjectare, quàm robustus David & procerus fuerit , cui arma Saulis procerissimi, cui gladius Goliathi conveniebat. Ita in armaturam gladio, in viaticum panibus acceptis, ulteriori se fugæ mandavit. Hæc in fugâ quinque paulò accuratius expendenda

Primum , Vehemens Davidis fames non perdices, non phasianos , non meleagridas, non scitamenta & cupedias , sed panem petit in stipem ; nec anxie quærit , num recens sit , an verò aridus & siccus. Illi certè panes jam per ostiduum induruerant , fami tamen gratissimi erant. Rariorem hanc incediam Christus in exemplum trahens: Non, inquit, legistis, quid fecerit David, quando esuriit, & qui cum eo erant : quomodo intravit domum Dei , & panes propositionis comedit, quos non licebat ei edere , neque his , qui cum eo erant , nisi solis sacerdotibus?

(a) 1. Reg. c. 21. v. 9.

bus? (a) Hic Servator discipulos suos cum Davide, ac servis ejus, se cum Achimelecho confert, & legem necessitatis explicat. E dictis facilè constat, quantum hoc itineris accelerârit David, quando sine omni telo & armis tantus miles, tam insignis dux viam confecit longam, quod non tantùm probro, sed & periculo erat: quomodo enim prædonem, aut ferarum sustinuisset incursum? sed necessitas legum impatiens urgebat; idco non videbatur expectandum, dum alius gladius, aut panes alii adferrentur; quæ obvia erant, in fugæ præsidium judicabat assumenda; pertinax Saulis furor terrebat, si enim triplices nuntios in Najoth misit, quantò magis in Nobe misurus fuit? Severa necessitas impellebat. Memento Domine David, & omnis mansuetudinis ejus. Memento David esurientis, anxii, sitientis, ærumnosi, fugientis, sed quò fugiat, ignari. Sed & nos meminerimus panem petere, sed quotidianum, non delicias, non abundantiam, non cupedias. Quòd si pater parcius subministret panem, aut includat, cogitent liberi, id à parente fieri, aut quia abusi sint pane, aut ne abutantur, & ejus nimium frequenti usu valetudinem corrumpant: annonæ charitatem immittit Deus, aut ut peccantes puniat, aut certè coërceat peccaturos.

Alterum, prudens & cautum latendi studium. Vt fuga tantò foret expeditior, viaticum, arma, famulos, impedimenta omnia reliquit David. Huic autem fugæ apud Achimelechum palliandæ: Gladium meum, inquit,

(a) *Matth.* c. 12. v. 3.

quit, & arma mea non tuli mecum, sermo enim regis urgebat. (a) Officioso figmento vitam tueri studuit, nec tamen penitus latere potuit. Nam Doeg Idumæus, Saulis pastorum præfectus, hæc agi vidit, & audiit, & ea nequam susurro apud regem improbum mox effusiit, unde complurium cades, & mala maxima sunt orra. Terrebarur utique David viri proditoris aspectu, animo præsagiente, hæc omnia ad aures Saulis deferenda, non auditum tamen dixisse David: Quis diabolorum hoc ipso tempore Doegum advexit? Ut illum omnes infertunii diræ malè perduint. Non has voces sparserat David: Dei providentiam & voluntatem adorans, totum se Deo permisit gubernandum, ut quidquid in se Deus decerneret, sanctissimum haberet. Sciebat exactissime David, si Deus voluisset Doegum non intervenire arbitrum, id impediri nutu potuisse. Cum autem præter omnem expectationem res aliter evenerit, hoc ipsum divinæ voluntatis certissimum argumentum est interpretatus, quidquid demum sequeretur mali ex hominis tam importuni accessu.

Ita nos in rebus omnino omnibus geramus: Cum Iudâ Machabæo principe identidem dicamus: Sicut voluntas in cælo fuerit, sic fiat. (b) Dominus faciat quodquod bonum est in conspectu suo. (c) Non importunè hic aliquis quæriverit. Ecce hoc toties, totisque libris urgetur & inculcatur?

He-

(a) 1. Reg. c. 21. v. 8.

(b) 1. Mach. c. 3. v. 60.

(c) 2. Reg. c. 10. v. 12.

Heliotropii quinque libri hoc ipsum clamant : idem aliæ scriptiones sapius commendant: nec est ferè, quod crebrius instilletur, quàm divinæ providentiæ notitia & veneratio, & quæ inde sequitur, cum divinâ voluntate conformatio. Nemo compendiarium docendi rationem miretur: supremæ providentiæ cognitio & consensus cum Dei voluntate, fundamentum est solidissimum omnis tranquillitatis & sanctimonix. Atque hic noster etiam in hac scriptione finis est, spectandum orbi proponere Hebræum David, virum secundum cor Dei, qui fecerit omnes Dei voluntates. Assidua divinæ providentiæ memoria, culcitra est molliissima, cui humanus animus indormiat. Hanc in horto olivifero Christus supponens Petro : Quomodo ergo, inquit, implebuntur scripturæ, quia sic oportet fieri. (a)

Tertium, Cura Dei circa ea, quæ ipsi donantur. Dona voco, quæ debita essent dicenda. Cùm enim Deo quippiam donamus, nunquid sua Deo reddimus? Nihilominus attentissimus est Deus ad hæc dona. In testimonium præsens venit historia. Voluit Deus sibi panes offerri, sed calidos à forno, & iis thus selectissimum imponi. Ipso Sabbatho pinsi debebant à Levitis, è farinâ tenerimâ & candidissimâ, è polline ac flore farinæ. Eximium quid Deus exigit, & plerumque præstantissimum in ipsis orbis incunabulis præ Caini sacrificio, longè magis placuerunt Deo Abelis victimæ. Nam Abel optimum de progenitis gregis sui, & de
adi-

(a) *Matth. c. 26. v. 54.*

adipibus eorum obtulit; Cain autem de fructibus terræ. (a) Quod Deo datur, sit optimum. Hinc illi valde displicent, qui ætatis florem inter nugas & libidines, fluxus & inanibus studiis consumunt, effatam ac marcidam senectutem, velut nobile donum offerunt Deo, illi tum demum servituri, cum vires mundi servitiis exhauserint. Ita panes recentes ipsi comedunt, aridos & in saxum pane durescentes Deo relinquunt. Munus ingratum, quod à manu tam parcâ, tam sordidâ venit.

Duodenorum porrò panum istorum numero Deus rudes Iudæos erudit, quam fidei memoriâ eorum semper meminisset, quando duodecim Israëlitis Tribus, hi panes numero pares significârunt. Solatium ingens, summum est cogitare sapius: Deus assidue memor est mei, nec enim oblivisci potest operis quod condidit. Nemo dixerit: Dereliquit me Dominus, & oblitus est mei. Nunquid enim oblivisci potest mulier infantem suum, ut non misereatur filio uteri sui, & si illa oblita fuerit, ego tamen non obliviscar tui. Ecce in manibus meis descripsi te. (b) Aspice terebratas Christi manus & pedes, & latus; tam in manibus, quàm in pedibus ac latere tuum nomen descriptum leges.

Quantum, Munera numini oblata petire non possunt. Hæc enim vel nobis servantur à bono Numine, vel paullo post restituuntur cum amplo fœnore. Deo donare, est dona

(a) *Gen. c. 4. v. 3.*

(b) *Isai. c. 49. v. 14. 15. 16.*

dona accipere. Non dubitem Davidi fuisse armamentarium spoliis hostium variè auctum, eo tamen tempore Davidi non profuit, sed Sauli; solus Goliathi gladius ob partam victoriam Deo dicatus profuit, nil certè profuturus si ad ostentationem & pompam fuisset domi servatus. Et videte specimen divinæ providentiæ, quâ disponente factum, ut ille ipse Goliathi gladius in tabernaculo servaretur, alioquin inermi nihil in solitudine præsidii adversus leones, ursos, hostes alios fuisset. Tuâ, ô Deus providentiâ gubernantur omnia, nec ea vel momento dormit. Nec tamen religioni aut conscientiæ duxit David gladium Deo consecratum pro telo in sui tuitionem, sicut & propositionis panes in famis solatium accipere, necessitate impellente, sacra templorum vasa liquare aut vendere permissum. Ambrosius affirmans: Melius est, inquit, pauperum vitam & fortunas, quàm templorum divitias non temerare. (a)

Quintum, Achimelechi examen. Si mundi sunt pueri, maximè à mulieribus. Alphonsus Tostatus Abulensis, hæc sacerdotis verba expendens: Quanta, inquit, confusio debet esse eorum, qui Dominicum corpus sumunt immundi. Inter panes propositionis & profanos nihil erat differentiæ, nisi quam fecerat opinio; & tamen solis sacerdotibus, & quidem in loco sacro fas erat eos edere. Quàm igitur purus sit, qui manna verum, mysteria sacrosancta, ipsum Christi corpus, sanguinem, animam, divi-

I

nita-

(a) Ambros. l. 2. de off. c. 28.

nitatem venit sumpturus ut cibum, affirmante Christo: Caro mea verè est cibus, & sanguis meus verè est potus: (a) Quantò æquius hîc quæraturn examine rigido. Si mundi sunt pueri, maximè à mulieribus. Proprio nomine immundities dicitur libido & impudicitia. Priscæ legis varia fuit, & facillius contractu immundities per lepram, tatum funeris, sepulturam. Has immundities contrahebant Iudæi sæpe sine omni animi noxâ, de harum nullâ quærit Achimelechus, quæ solum corpus inficiebant: Veneræ sordes & corpus & animum contaminant. Idcirco quilibet convivium caeleste accessurus conscientiam suam interroget, videâtque ut ea quàm mundissima sit à carnis spurcitie, quæ utramque hominis partem inquinat. Non enim propositionis panes, sed corpus sanguinèmq; purissimum Servatoris Christi sumpturus est. Eam ob causam vociferatur Paulus, & verbis gravissimis monens: Quicumque, ait, manducaverit panem hunc, vel biberit calicem Domini indignè, iudicium sibi manducat, non dijudicans corpus Domini. (b) Ergo epulum Eucharisticum accumbe, si mundus es. Impuris labris hæc ambrosia, hoc nectar libandum non est. Angeli mores indue, & Angelorum panem accipe.

(a) *Ioan. c. 6. v. 56.*

(b) *1. Cor. c. 11. v. 27.*

CAPUT XI.

David insanum se simulat.

Thomas Stapletonus optimæ notæ scriptor res gestas Thomæ Mori (qui in aulâ Anglicanâ vir summus & libellorum magister) stylo prosecutus hæc memorat: Volsaus senator purpuratus in Anglorum regno præpotens senatum cœgerat, è primi nominis optimatibus. In hunc Comites, Barones, & nobilissimæ prosapiæ viri legebantur, penes quos summum fuerat regis imperium. Volsaus illustrissimis senatoribus jam præsentibus explicare instituit, quàm è regni bono foret ex confesso illo unum aliquem eligere, qui personam regis toto regno gereret. (a) Speraverat autem ambitione immodicâ omnium sententias in se ituras. Nec malè animus præfagitur. Suffragia universorum, si unicum demas, in Volsaum conspiraverant. Ultimus omnium sententiam dixit Morus, non ita pridem in eum senatum cooptatus. Atque hic unus, & solus, quod omnes suaserant faciendum, dissuadere institit, sed & dicti rationes copiosas adferre, multaque super eâ re disserere. Itaque senatus jam omnis nutare, & satis ostendere, videri sibi sententias denuo esse perrogandas. Hic Volsaus in fermento totus, & acerbè Moro inequitans: Non, inquit, frontem ducis More, quòd cùm

I 2

omnium

a) *Conestabilis.*

omnium sis novissimus, plus omnibus sapere te censeas? specimen illustre stultitiæ. Cui promptè Morus: Ergo, inquit, gratias Deo maximas agamus, quòd regia Majestas in supremo senatu suo unum tantummodo stultum habeat. Ita deliberatio in aliud tempus dilata; consilium Volsæi rejectum. Et nisi Thomæ Moro pectus pol sapuisset, nunquam certè passus fuisset stultitiæ sese infimulari. Nam primum stulti indicium se sapientem credere: Nec enim quisquam minus tolerat se stultum haberi, quàm qui stultus est.

Cùm David in aulâ regis Achis discrimen vitæ præsens persentisceret, amentem ac fatuum se simulavit. Rex hominem mox ab aulâ jussit facessere. Agat Deo gratias Achis, si solus in ipsius aulâ fatuus fuit David. O mi Deus! si omnes fatui & amentes, & quibus non sanum erat sinciput, ab Achis aulâ fuissent amoliendi, brevi vacua luxisset aula; & forsàn primus ipse rex Achis debuisset aulâ excedere. Equidem stultitiam admisit insignem tam temere Davidem amovendo. Prudentiæ fuisset percontari, & indagare, quidnam tam celebri, tam strenuo duci evenerit, ut ad insaniam redigeretur, apud istud mali continuum, an verò insubidum sit. Nil horum Achis & præceps, sed sine investigatione omni hominem sapientissimum à se dimisit, stultus ipse & insanus, qui se sapere credebat pleno pectore. Atque hoc jam explicatiùs trademus, quomodo David insanum se simulavit, & quæ sit sapiens stultitia

§. I.

David Goliathi gladio & pane mendicato jam viaticatus, toto Israël's regno cedendum sibi ratus in exteras terras peregre abiit, ad Gethæorum regem Achis. Quod regum fasti, his verbis testantur: Surrexit itaque David, & fugit in die illâ à facie Saul ad Achis regem Geth. (a) Quomodo autem à facie Saul fugisse dicitur, cum jam ante aliquot dies Saulis oculos exierit? Res nota. Vbi rex subditos aut servos habet, ibi & aures, & manus, & oculos. *An nescis longas regibus esse manus?* (b) Apud Persas alii regis oculi, reges aures alii dicebantur. Hinc priscum illud: Regum multæ sunt aures, multi sunt oculi. Si David in Israël's regno substitisset, ubi vis in Saulis auribus, & oculis, & manibus fuisset, eam ob causam in regnum Palæstinum transiit. Certè hîc David spiritum tanquam rem vacuum impendit, hostilem terram ingressus forsan solus sine ullo comite, in quâ non ita pridem ducentos viros jugulaverat. Quod si latere voluit inter Philistæos, profectò fugere debuisset Gethæos, quorum necavit columen Goliathum, Cogitaverit David: Cognati eadem illum ulciscuntur mei capitis periculo. Deinde Goliathi gladius utique notissimus, à multis sæpe cum admiratione spectatus, hanc fugam prodere potuisset facillimè.

Sed Davidem hîc excuset necessitas, quæ non infrequenter eò adigit, ut consilium

I 3

quis

(a) 1. Reg. c. 21. v. 10.

(b) Ovid. in epist. Heroidum epist. Helena.

quis capiat desperationis plenum. Fugit igitur ad Achis, qui Saulem plus timuit quam Achis, apud quem latitaturum se speravit. Quod si cadendum esset, maluisset hostili dexterâ, quam iratâ Saulis manu cadere. In eum sensum jam antè dixit Ionathæ: Si est iniquitas aliqua in me, tu me interfice & ad patrem tuum ne introducas me. (a) Deinde Goliathi gladium potuit abscondere. Majoris periculi fuisset ad alios populos Sauli non insensos fugere, intra quos Israëlitarum complures habitabant, quibus nequisset David esse ignotus. Idcirco ad hostes transiit, & regi Achis se suâque obsequia per optimates tradidit, stipendia, si placeret, sub eo militiæ factururus. Placuit, sed non diu. Mox orti sermones spargebantur: Nunquid non iste est David rex terræ? Nonne huic cantabant per choros, dicentes: Percussit Saul mille, & David decem millia? Posuit autem David sermones istos in corde suo, & extimuit valde à facie Achis regis Geth. (b) Hic rumor inter aulicos crescens Davidi dixit: En etiam hic proditus es; actum est de tuo capite, nisi Deus in arenâ suggerat consilium. Hoc unum igitur in mentem venit, simulare insaniam, quâ visâ facile cogitaturi sint aulae procures: Hic sanè non ille David est, tam cordatus & prudens, tam acer & bellicosus, totius Hebræi agminis decus, regis gener, non adeò incommittatus ivisset ad hostes. Hoc ergo consilium in rem visum est expeditissimum.

Quo-

(a) 1. Reg. c. 20. v. 8.

(b) 1. Reg. c. 21. v. 11. & 12.

Quocirca simulans insaniam, os foede didoxit, oculos huc illuc jecit, ore spumavit, barbam salivâ perpluit, manus in januam impexit, in terram corruit. Viso Achis hoc spectaculo excandescens: Quare, inquit, adduxistis eum ad me? An desunt nobis furiosi, quod introduxistis istum, ut fureret me præsente. Hiccine ingreditur domum meam? (a) David igitur quamprimum aulâ ejectus est, quod ipsi optatissimum fuit: nam ita imminentem mortem declinavit; aliò maturâ se fugâ proripuit. Ubi præsens hoc periculum evasit, trigessimum tertium psalmum composuit: Benedicam Dominum in omni tempore, semper laus ejus in ore meo. Clamaverunt iusti, & Dominus exaudivit eos. Iuxta est Dominus iis, qui tribulato sunt corde, & humiles spiritu salvabit. Multæ tribulationes iustorum, & de omnibus his liberabit eos Dominus. Redimet Dominus animas servorum suorum, & non delinquent omnes, qui sperant in eo. Non delinquent, inquit, non quod noxarum nihil contracturi, sed, non aberrabunt à scopo, non deficient in cursu; quò destinârunt, pervenient, non suis, sed Dei viribus freti. Cùm autem necdum periculorum finis ullus concederetur, psalmum quinquagesimum quintum scripsit: Misere mei Deus, quoniam conculcavit me homo, totâ die impugnans tribulavit me. Conculcaverunt me inimici mei totâ die, quoniam multi bellantes adversum me. Quâ in re identidem ad Deum per preces

I 4

con

(a) *Ibid. v. 13. & seqq.*

confugiendum esse docuit. Quòd Deo etiam vota nuncuparit, ex illis verbis liquet: in me sunt Deus vota tua, quæ reddam. (a) In quacunque die invocavero te, ecce cognovi, quoniam Deus meus es tu. In Deo speravi, non timebo, quid faciat mihi homo. Omnes in aulâ meam mentem & fatuum credunt: non refert; modò Deus sermones meos intelligat. Memento Domine David, & omnis mansuetudinis ejus. Ergo David latibuli securi apud Getheæos nihil reperit; quapropter inde in specum Odollæam se recepit, quò etiam parentes ejus, & septem fratres, & quatuor filii duarum sororum convenerunt. Pater vir nonaginta quatuor annorum, hanc filii sortem non potuit non acerbè sentire ut suam. Nam Saul ipsos etiam parentes Davidis, omnémque familiâ ejus variè cœpit exagitare, cùm furiosius rex suummet ipse filium nifus sit confodere, ut per mortem filii vitâ impeteret servi. Hinc Davidis familia omnis coacta est ades deferere, & solum vertere, & cum eâ plures alii, quos malignior fortuna profligavit ædibus, ad Davidem veluti ducem desertorum convolârunt. Vti hodièque fit, cùm quis rixosam nimium uxorem, aut æs alienum, & multa habet nomina, cùm filius à parte, servus ab hero, discipulus à magistro, irâ inter eos intercedente, discordare incipit, mox inde profugiens nomen dat militiæ: ita ad David convenerunt omnes, qui erant in angustia constituti & oppressi are alieno, & amaro animo. (b)

(a) *vers. 13. eod. ps. 55.*

(b) *1. Reg. c. 22. v. 2.*

Vna salus miseris nullam sperare salutem.

Et factus est David eorum princeps fueruntque cum eo quasi quadringenti viri.

Quâ in re divina providentia illustrem sese exhibuit, quæ eam regi Achis mentem iniecit, ut à fatuis abhorruerit, nec fidam insaniam adhibitâ peruestigatione deprehenderit. Simul etiam eadem divina providentia Davidi hominum miserorum & obaratorum submitit aliquantillum exercitum. Hi quidem milites non valde laudandi, sed ob eos non videtur dux eorum comprehendendus, qui hos volones ad se ultro concurrentes sub signis habuit: necessitas hic aurigata est. Cùm enim Saul Davidem tam iniquè infestaretur, coactus est opem quancumque oblatam non respicere. Necessarii sar è fuerant hi milites ad prædas quotidie convehendas, duci & ejus familiæ alendæ. Nec facilè volaticum hoc agmen nisi exercitu grandiore potuit deleri, qui dum scribitur, dum ducitur, hæc velutum cohors fugâ sibi commodissimè potuit consulere. Ita David jam unctus rex pauperimum militem, aut ducem agere cogebatur.

Sed hic maximi momenti præceptio instillanda; at eo fere modo, quo Christus difficiliora captu tradebat: Qui potest capere, capiat. David servavit vitam eâ unâ patientiâ, quâ stultus haberi sustinuit. Quòd si rem ad Ethicæ leges examinemus, cum Ausonio pronuntiabimus.

Stultitiam simulare loco, prudentia summa est.

Id plurimis reverà summe profuit. Lucius Iunius Brutus vir oppidò sapiens metu Tarquinii, stultitiam simulavit. Hic reges exegit, Romam in libertatem asseruit, primus consul in acie excubuit. Illius interitum urbs tota toto anno luxit. Solon Salaminus, cùm capitale Athenis esset rogare legem de insulâ Salamine asserendâ, habitu lymphatici prodiit, & præconis voce carmina recitavit, quæ suaderent Salaminem gladio repetendam. Persuasit, impetravit. Ulysses ne ad bellum Trojanum cogeretur proficisci, amentiam simulans, impares animantes fivæ junxit, littus aravit, salem seminavit. Hi profectò viri persapientes, consultissimi stultos se haberi voluerunt suo bono. Potuerunt dicere, quod Tarsensis Paulus: Nos stulti. Sed non potuerunt dicere, quod addidit Paulus: Nos stulti propter Christum. (a) Nam quæ stulta sunt mundi, elegit Deus, ut confundat fortia; & ignobilia mundi & contemptibilia elegit Deus, & ea quæ non sunt, ut ea quæ sunt, destrueret. (b) Hæc eò dicimus, ut humilitatis apicem & fastigium monstremus. De humilitate volumina bene magna extant conscripta. Laus illius nimium quantum ampla & copiosa, gradus illius multi & diversi, præceptiones & documenta plurima. Quis hæc omnia legat, quis lecta rerineat? Quid ergo breviter summariimq; dicemus; verbo expediā: Optimum humilitatis cōpendium ac breviarium est: Non plaris se-
ipsum

(a) 1. *Ad Cor. cap. 4. vers. 10.*

(b) *Ibid. c. 1. v. 27. & seqq.*

ipsum aestimare, quàm stultum. Hæc omniū sapientium vox est. Sapientissimus Ecclesiastes luculentè: Præstior est, inquit, sapientiā & gloriā, parva ad tempus stultitia. (a) Notum est illud Annæi Senecæ de seipso affirmantis: Si quando fatuo delectari volo, non est mihi longè quærendus; me rideo. (b) Venusini vatis sollers præceptio est: Misce stultitiam consiliis breven; dulce est desipere in loco. (c) Socratis præclarum monitum est, ut sis beatus, te alicui stultum videri sine. Atque hoc compendium, hoc humilitatis fastigium est, seipsum in stultorum tribu censere, nec iniquè ferre, ab aliis albæ mentis hominem haberi. Quisquis hæc sese cogitatione armaverit, omnes tolerabit injurias, quasunque concoquet calumnias, omnium hominum arragantiæ & contumaciæ se submittet. Vitiorum mater superbia non ei nocebit. Non loquimur de simulata sanctorum hominum stultitiā, quā mundum deceperunt. Simon Salus, Paulus Simplex; Marcus Saulus, Salaunus Simplex, Iacobus Tutertinus, alii, sed sermo nobis est, de illâ Pauli hortatione: Si quis videtur inter vos sapiens esse in hoc sæculo stultus fiat ut sit sapiens. Sapientia enim hujus mundi stultitia est apud Deum. (d) Nos stulti vestro & sæculi judicio habemur in hoc mundi theatro idque propter Christum crucifixum, quē simplici & incultâ dictione prædicamus. Nos
stulti

(a) *Eccles. c. 10. v. 1.*

(b) *Senec. ep. 50.*

(c) *Horat. l. 4. carm. o de 12.*

(d) *1. Cor. c. 3. v. 18.*

stulti propter Christum, (a) vos vobis prudentes estis ob doctrinam & eloquentiam, nos verò stulti. Sed objiciat quis : Quomodo mihi hanc persuasionem induam, ut stultum me credam ? Deus mihi perspicacem intelligentiam, præ multis, reor, concessit ; qui ergo me stultum dicam ? Quæso te, mi bone homo, quomodo Salomon sapientissimus omnium, de seipso potuit affirmare : stultissimus sum virorum, & sapientia hominum non est mecum. Non didici sapientiam, & non novi scientiam Sanctorum. (b) Dices fortassis : Erravit Salomon, & stultitiam commisit gravissimam. Nunquàmne nos erramus ? & nihil unquam stultitiæ committimus ? Sunt qui velint hæc verba Salomonis esse jam pœnitentis, & ex idololatriæ & libidinum voragine vocati. (c) Sed potuit etiam ante lapsum ex verâ humilitate, atque animi demissione verissimè pronuntiare : Stultissimus sum, si me, si mea, si, quæ ex me habeo, si, quæ proprio studio collegi, secluso Deo spectem. Idcirco addit : Sapientia hominum, seu more aliorum hominum parta, non est mecum, non enim meâ industriâ, meoque Marte obtinui sapientiam, vel scientiam Sanctorum qualis solet Prophetis sanctis instillari ; sed si quid nactus sum scientiæ, seu humanæ, seu divinæ, id omne didici & accepi à Deo. Deinde, stultissimus sum, inquit, virorum, si con-

(a) 1. Cor. c. 4. v. 10.

(b) Prov. c. 30. v. 2. & 3.

(c) Ita Rabbini, Liranus, Arboreus, Hugo & Pineda in Prævio Salomone, l. 8. c. 1.

si conferar cum aliis, qui Dei sui que cognitione, saltem actus illâ me longè præcellunt. Rursum si sapientiam meam etiam si maximam, cum ignorantia meâ, vel cum sapientiâ divinâ comparem, cum illa infinitè ab istâ distet, merito me stultum potius, quàm sapientem venditabo. Simili ferè modo rogatus aliquando Socrates. Quid sciret? Hoc unum scio, inquit, quod nihil sciam. Quod audiens alius: Imò, ait, ego ne hoc quidem scio. Voluit ergo Salomon primo loco inculcare, veram sapientiam submisso sui sensu, & verâ humilitate scitam esse.

Vir magni nominis in solitudinem contendit, ut Abbatem Mosén videret. Cumque illum ipsum haberet obvium, quasi vitæ, quæ via duceret ad tugurium Abbatis Mosi? Cui promptè Mosés ipse: Quid hoc monstrum, mi Domine, quæris? homo factus & hæreticus est. Et cum dicto se proripuit. Vir primarius cognitionem rei certiores capturus, ad vicinum templum interrogans: Dum, inquit, Abbatem Mosén quæro, ut illius & aspectu & colloquio fruâr, occurrit mihi senex, qui virum & factum, & hæreticum esse affirmabat. Num ita se res habet? Cui præsentem: Quo vultu est, ajunt, ille senex? Ad quæ hospes: Vir longus, & niger, attritis vestibus amictus. Mox alii: Hic ipsissimus est, inquit, Mosés Abbas, extremus osor inanis gloriæ, qui sanctimoniâ tam dextrâ tegit stultitiâ.

Cleanthus, Laërtio teste, appellatus asinus,

(a) Ioan. Major in speculo suo.

nus, convicium neutiquam refutans, se patrem esse bajulandæ Zenonis sarcinæ affirmabat. Sive quod Zenoni admodum curta esset supellex, sive, quod illius austeritate nihil offenderetur. (a) Sed exemplis non agimus, res liquet. Anno millesimo sexcentesimo decimo nono Coloniae liber editus ita frontem inscriptus: *Stulta sapientia, seu sapiens stultitia*. Hic liber volvendus ei, qui humilitatis cupit mysteria penetrare. Augustinus unumquemque ad hoc sermone adhortatus. Dic te stultum, inquit, & sapiens eris; sed dic, sed intus dic, quia est, ut dicis. (b) Nec ullus sibi ipse tam eruditus, sapiens, ingeniosus videatur, ut præceptionem Augustini aspernetur. Quandoquidem Annaeus Seneca affirmatissime dixit: Nullum magnum ingenium sine mixturâ dementiæ fuit (c) Ergo dic te stultum, & sapiens eris. Et quid opus plurium testimoniis? Hoc Pauli apertissimum præceptum est: Si quis videtur inter vos sapiens esse in hoc saeculo, stultus fiat, ut sit sapiens. Sed tam potens est argutatrix domina Philautia (d), ut nec Seneca, nec Salomon, nec Augustinus, nec Paulus ulli facile persuaserint, ut stultum se dicat. Omnes nimium quantum, & poltoto pectore sapimus. (e) Veritas illa de caelo

(a) *Lært. l. 6.*

(b) *Aug. in c. 11. Mat. Confit. tibi Pat. &c.*

(c) *Sen. de tranquill. animi, fine.*

(d) *Amor sui ipsius.*

(e) Wir hören daß Grass wachsen. Daß wir Narren seyn / kan uns niemandt einpfeiffen.

lo descendit : Ne sis sapiens apud temetipsum. (a) Qui sibi ipsi vel obolo uno pretiosior est, quam stultus, omne sibi pretiū detrahit, nec ad humilitatis fundum pertingit unquam. Hæc sapiens stultitia omnes humilitatis leges completitur. Qui potest capere, capiat. (b) David in Achis aulâ hoc uno fatuitatis commento vitam sibi servavit. Ad cælum, & ad inmortales delicias compendiarie prorsus semita est intelligens fatuitas. Si quis videtur sapiens esse in hoc sæculo, stultus fiat. (c)

Saul alioqui fastuosissimus rex, certè tamen fassus : Apparet enim, inquit, quod stultè egerim, & ignoraverim multa nimis. (d) Cuius nostrum convenit hoc dicere, omnes enim peccamus, & in multis offendimus omnes. (e) Vbi autem multum peccari, ibi multum est stultitiæ. Quàm stultum est illud loqui cum Deo, & interim vagari animo, joculari cum cælo, garrere cum servo. Arqui tale quid facimus quotidie, cum precari nos credimus, mente tamen evagamur aliò, & videri nihilominus sapientes volumus. Hinc viri sapientes & sancti se fatuos ultro proclamârunt.

Davidem igitur, sub fatui schemate, denno libitinam eludentem expendimus. At necdum discriminum finis.

(a) *Prov. c. 3. v. 7.*

(b) *Matth. c. 19. v. 12.*

(c) *1. Cor. c. 3. v. 12.*

(d) *1. Reg. c. 26. v. 21.*

(e) *Iac. c. 3. v. 2.*

C A P V T XII.

David summa pericula evadit.

Mithridates rex Ponti, idioma-
tum & linguarum viginti duorum
peritus, ausus & Romanos bellis
fatigare, antequam juventutem excederet,
compluribus & maximis vitæ periculis ob-
jectus est. Tutores illum perferoci equo im-
posuerunt, in speciem ut jaculari disceret,
animo ut vitam ei sine vi adimerent. Sed e-
vasit juvenis. Vbi cruentus dolus non suc-
cessit, veneno eum tollere tentârunt, sed ea
ille antidota opposuit, ut venena vim suam
perdiderint. Veritus autem animosus juve-
nis, ne post elusas has insidias aperto Mar-
te pugiones & gladios in se stringerent, si-
mulavit ingens venandi studium: Ita qua-
driennium in silvis & nemoribus transegit,
nusquam uno loco diutiùs nocte unâ mora-
tus. Ita insidias sibi structas vitavit, & in
eam sese corporis affectionem duravit, ut
par fuerit asperis rebus tolerandis omnibus.

Multo tempore David nihil in urbibus
inveniens asyli, in lucis & antris vitam ino-
pem egit. Nam ex aulâ regis Achis bidui
itinere in speluncam Odollam fugit. Inde
ad Moabitas in Maspha venit, ubi Moa-
bitarum regi parentes suos aliquanto tem-
pore alendos commendavit. Ex eo lo-
co, Prophetâ Gad monente, concessit in
Iudæam in saltum Hareth, inde Ceilam &
Ziph abiit. Hinc in deserto Maon sese abdi-
dit,

dit, ubi extrema periculorum, & summum
vita discrimen adiit. Sed & hoc periculum
amolitus est Deus. Quod hoc capite expli-
cabitur.

S. I.

In specu Odollâ David inter principes cu-
ras habuit, parentes, & imbellem turbam
in tuto locare. Hinc regem Moabitarum
Saulis hostem submissè rogans: Maneat,
oro, inquit, Pater meus & mater mea vobis-
cum, donec sciam, quid faciat mihi Deus. Et
reliquit eos ante faciem regis Moab. Man-
seruntque apud eum cunctis diebus, qui-
bus David fuit in praesidio. (a) Inde consen-
su dato, profectus est David in metropolim
Maspha, in ejus praesidio collocatus, quò
tam ipse, quàm Moabita adversus Saulem
forent tutiores. Dum hic cum suis quadrin-
gentis aliquot mensibus agit, plures è lu-
dais palantes milites eò convolârunt au-
gmento commodo, ut sexcentorum fieret
phalanx. Dum in praesidio est David, mone-
tur à Prophetâ Gad, ut in terram Iuda re-
deat. Nullae rationes additæ monitioni. Vi-
sum est enim monitori satis esse, hoc uni-
cum significare: Noli manere in praesidio;
proficiscere & vade in terram Iuda. Fortas-
sis Moabitarum rex aliquid adversus David
machinari cœpit, ut vel traderetur Sauli, vel
occideretur. Idololatriæ & hominibus im-
piis fidendum non est. Aut forsan ideo avo-
catus David, ne illi sexcenti milites idolo-
latrîâ paullatim combiberent, aut certè ut
K ipse

(a) 1. Reg. c, 22. v. 3. & 4.

ipse David graviora passurus, mansuetudinem & patientiam illustriorem exhiberet orbi. Sine causâ nihil fit in terrâ. Sæ rationum Deus habuit, sed eas Davidi noluit aperiri. Nec enim Deus facti sui rationem homini solet reddere. Hinc nos pessimè curiosi non sine noxâ quærimus: Cur hoc? cur istud? Quare me Deus sic affligit? cur adversario meo tantum in me licentiæ permittit? cur preces meas toties repetitas non exaudit? Sile lingua improba, quid obstrepis Deo? Qui nos sumus, ut cum Deo disputemus? Dei velle, loco omnium causarum est.

David obsequentissimus, quamprimum audit: Proficiscere in terram Iudæ, mox loco se movit in silvam Hareth profectus. Vbi Saul inaudit, Davidem denuo visum, incensus irâ, oratione acerbissimâ omnem in David bilem egurgitavit. Nam ad aulicum suum famulitium conversus: Audite me, inquit, nunc filii Jemini, nunquid omnibus vobis dabit filius Isai agros & vineas, & univexos vos faciet tribunos, & centuriones? quoniam jurastis omnes adversum me, & non est, qui mihi renuntiet, maximè cum & filius meus foedus inierit cum filio Isai. Non est qui vicem meam doleat ex vobis, nec qui annuntiet mihi, eò quod suscitaverit filius meus servum meum adversum me insidiantem mihi usque hodie. (a) Ego princeps & rex vester è vestrà tribu, tantum benevolentia à vobis non obtineo, quantum servus fugitivus, & in domum

(a) 1. Reg. c. 22. v. 7. & 8.

minum suum rebellis; quod sanè omni honestati adversatur. Tam speciosa, quàm falsa oratio. Eà tamen sic moti Saulis famuli, ut Doëgus, qui hactenus siluit, in proditorem eruperit dixeritque apud Achimelechum in Nobe visum à se David, qui & panes & gladium acceperit à sacerdote. Mox igitur accersitus Achimelech & omnis sacerdotum chorus Noben habitantiū. Quos furiosus Saul insuavissimè salutans, & Achimelecho in os continuò exprobrans: Quare, inquit, conjurastis adversum me tu & David? Hostem meum cibis & armis juvisti, ut tantò magis contra me invalesceret improbus insidiator. Cui Achimeleclus modestè: Ex omni aulico, inquit, famulitio dominus meus rex non inveniet, arbitror, fidiorem genero suo Davide, qui ad omne regis imperium paratissimus, vel jubentis nutum attendit. In tam obsequiosâ fidelitate, insidias non putem facilè quemquam suspicari posse. Reverà rex, mihi servo tuo, super hoc negotio nil penitus innotuit. At vero Saul jampridem violentos ac furentes impetus volutans animo exclamat: Morte morieris Achimelech, tu & omnis domus patris tui. Mox ad satellites conversus: Convertimini, ait, & interficite sacerdotes Domini. Nam manus eorum cum David est, scientes quod fugisset, & non indicaverunt mihi. At vero regii stipatores velut statuae insensiles stabant, nec vel unus omnium admovit capulo manum. Obedire magis oportet Deo quàm hominibus, nulli dominorum obsequendum est, cùm peccatum

jubetur. Saul igitur amens furore & Doëgo præcipiens : Convertere tu, inquit, & irruere in sacerdotes. Conversusque Doëg Idu-mæus irruit in sacerdotes, & trucidavit in die illâ octoginta quinque viros vestitos ephod lineo. (a) Iosephus asserit trecentos octoginta quinque cæsos. Numeravit, ut credibile, tam servos, qui cum sacerdotibus venerant, quàm omnes eos, qui ex Achimelechi familiâ sunt occisi. Neque hîc furor regius stetit. Univerfos insuper qui Noben habitaverant, viros feminasque, ipsos etiam infantes, ipsa etiam jumenta iussit interfici. O invidi! ô vorago quantos glutis! nec satiaris.

Porro ex Achimelechi familiâ unicus effugit Abiathar, qui cruentam hanc omnem tragediam Davidi recensuit. Dum hac narratur, tristis adest nuntius, qui Ceilam obsideri, & omnem ejus viciniam à Philistæis vastari narrat. David oraculum per sacerdotem consultit, Num Philistæis occurrendum? Solebat Deus respondere Sacerdoti, qui haberet indutui Ephod, idque non propter Ephod, sed ex promisso. Responsum est igitur Davidi; Occurrendum esse Philistæis, & Ceilam liberandam. Sed inviti erant milites sexcenti, qui causabantur se parum tutos in Judæâ, quanto minùs id sperandum in finibus Philistæis. Eam ob rem oraculum denuo consultum, respondit: Surge & vade in Ceilam, ego enim tradam Philistæos in manu tuâ. Divinâ voce mirificè animatus David, Philistæos

(a) 1. Reg. c. 22. v. 18.

stros aggressus, pecore illorum abacto, ipsos pane ad internecionem cecidit & Ceilam obsidione liberatam ingressus est. Sed novæ mox turbæ. Saul in exitium generi vigilantissimus, quamprimùm audiit urbe clausum: iam, inquit, capta est hæc avis. Mox omnem vim belli ad Ceilæ obsidionem trahere destinavit. David hoc rescians oraculum iterum interprete factore interrogavit, an Ceilani se tradidissent Sauli. Responsum: Traditurus. Continuo David cum sexcentis suis excedit urbe, huc illuc incerto itinere facturus excursions. Quod ubi Saul intellexit, præcipiente manibus et pedibus, dissimulavit iras coram suis, tanquam aliud bello parasset, et Ceilam obsideret. At vero David cum suis collit in tum desertas similitudines delatus est, ut nec panis, nec nec aquæ, nec commensum cūlquam perueniret illuc inferri, sed nec diu in loco substitit. Silvam nempeque Ziphæi cives, mox hospitem habuit astantem in suum Ionatham, qui ad ipsum redulo revifens, & ad toleranda quævis acerba animans: Ne timeas, aiebat, favam sed inanem patris mei sedulitatem. Fide Deo, non comprehenderis. Te regem Israël suæ pronuntiabit dies: ego à te secundus ero, ita bene spero: neque hoc pater meus ignorat. in eam rem alter cum altero foedus inist favente Deo. Et David quidem in nemore permansit, Ionathas domum rediit. Mox autem Ziphæi cives in adulatione projecti iter susceperunt ad Saulem in Gabaâ, & eblaudientes ei nuntiârunt: Nonne ecce David la-

titat apud nos in locis tutissimis silvæ, in colle Hachilâ, quæ est ad dexteram deserti? Nunc ergo sicut desideravit anima tua, ut descenderes, descende: nostrum autem erit, ut tradamus eum in manus regis. Ad quod Saul promptissimè: Benedicti vos à Domino, inquit, quia delistis vicem meam. Opium nequam, ô colubrum amabili & picto volumine tortuosum! Addit Saul: Abite ergo, oro, & diligentius præparate, & curiosius agite, & considerate locum, ubi sit pes ejus, vel quis viderit eum ibi, recogitat enim de me, quòd callidè insidier ei. Considerate & videte omnia latibula ejus, in quibus absconditur, & revertimini ad me ad rem certam, ut vadam vobiscum: quòd si etiam in terram se obstruxerit, perscrutabor eum in cunctis millibus Iuda. (a) Ziphæi accepto imperio reversi velut venatici canes indagârunt omnia. At verò David solitudinem è solitudine mutans, in desertum Maon cum suo milite se recepit. Mox adfuit Saul cum exercitu, & ita cinxit hoc latibulum, ut nulla penitus relicta sit spes evadendi. Inclusus magis & vallatus erat David, quàm in domo suâ. Iam igitur actum est: effugii locus nullus est. Nec efferri quidquam, nec inferri potest. Spes elabendi omnis decollavit. O mi David miseremur tui tuorumque pereuntium, miseremur & collachrymamus. Modus juvandi nullus est. Vos veluti feras Saul indagine clausit: capti estis ad unum omnes. O bonæ victimæ, jam vobis culter imminet, jam ad macellum & ad a-

ram

(a) 1. Rég. c. 23. v. 9. & seqq.

ram statis, periistis omnes, regio gladio cadetis. Nec ipsa vos salus juverit.

Sed ô Dei providentiam ab omni æternitate pervigilem, & ô Dei potentiam infinitam! Dum David in omnem horam cruentas Saulis irruptiones metuit, subito ad regem Saul nuntius pervolat, qui præsentissimum ab hoste periculum indicat, rogansque & urgens regem: Festina, inquit, & veni, quoniam infuderunt se Philistiim super terram. Continuo Saul periculis gravissimis coactus obsidionem coeptam jamjamque ex voto finiendam solvens abiit rebus irritis. Ita David cum suis omnibus jamjam jugulandus, liber & incolumis evasit. Iam unguibus sævi leonis hæserat, jam dentibus lacerandus erat, & tamen ei potentia Numinis libertatem subitam concessit. Considerate hîc, obsecro, admiranda Dei opera, & vigilantissimam momentis omnibus providentiam. Sed hîc ordine stricto documenta paucula expendamus.

Primum; Obedientia Davidis eximia. Monuerat eum Propheta nondum sat nectus, rediret in regnum Iuda. Nullas huic monito rationes adjecit. Objicere potuisset David suum suorumque periculum, si ipse Sauli vicinior, illi à Moabitis remotiores irent. Nil obduxit David, sed obediit promptissimè. Non enim attendit verus obediens, Bernardo teste, quale sit, quod præcipitur. (a) vir obediens loquetur victorias. (b)

Alterum; Adulatio aulica quid tragoedia-

K 4

rum

(a) Bern. de præcept. & dispens.

(b) Prov. c. 21. v. 28.

rum non excitavit? Octoginta quinque Sacerdotes occisi, urbs Nobe internecioni data: Doëgus unus assentator regius, hanc Camerinam movit. Ita non rarò voces pauculæ damnum creant in omnem vitam luentum. Divinus psalter attestatur: Dilexisti omnia verba præcipationis, linguâ dolo-sâ. Præcipationis verba sunt, quibus alter alterum fraudulenter trahit in exitium. Addit David: Propterea Deus destruet te in finem, eveller te, & emigrabit te de tabernaculo tuo, & radicem tuam de terrâ viventium. (a) Impunè non feres venenatos linguæ savientis morsus. Hoc David omnibus iis occinit, qui adulando, mentiendo, obtrestando, mordendo, calumniando alios in exitium conantur præcipitare.

Terrium; Invidiæ fructus multò deterri-mi. Peccârit sanè Achimelechus, quod ne-tiquam asserendum: quid illius tota domus, quid tot innoxii sacerdotes, tot cives, tot innocentissimi infantes, quid tota urbs Nobe deliquit? Sed invidia, etsi oculatissima videatur, oculis tamen & auribus caret, inde in omnem rabiem efferata ruit. Sed advertite, obsecro, quâ Deus pessimâ Saulis voluntate usus ad puniendos Heli posteros. Divina maledictio in nepotes, abnepotes, & pronepotes nondum fuerat sopita. Consideranda simul etiam admiranda Sacerdotum illorum patientia. A viro unico octoginta quinque viri caduntur, nullus resistit, nullus quiritatur, nullus recusat mori. Hinc à nonnullis martyres censentur. Quis autem perversissimam Saulis nequitiam satis

(a) *Psal. 51. v. 6. & 7.*

de-

demiretur? Præceperat illi Deus, ut quidquid esset Amalecitarum perderet, eorum regem occideret; huic tamen vitæ garatim fecit, & meliora prædæ in iubentis injuriam servavit: hos verò sacerdotes nec verbulo ladendos unico, sed nimis quàm crudeli imperio jugulavit omnes, uxores & liberos, aliquot innocentum millia contrucidavit. Vel inde liquet, quid indomitus possit affectus, uti sunt invidia, ambitio, iracundia, luxuria; ubi hæ pestes, & vel harum unica occupârit animum; jam vale cælum, valete superi, vale Deus, salvete inferi. Affectus vitiosus cùm jam sui juris & libertatis est, eò impellit hominem, ut vel in apertos ruat inferos contempto cælo. Nullum hoc ret nefas ambitio, nullum invidia. Saul invidiæ, deterrimo affectui, obsequentissimus, susque deque habuit, quid vellet, juberet Deus. Tales nos sumus, cùm maligno impetu animi abripimur, quodcunque vetitum pro licito interpretamur.

Quantum; Mansuetudo Davidis maxima. Cùm enim ei Abiathar sanguinolentam Tragœdiam, tot sacerdotum funera, vacuatam cædibus urbem, narrâisset, non ille mox in iras assurgere, bilem evomere, diris devovere, non centum millia diabolorum (quod nos solemus) in auctoris caput detestari: sed seipsum accusans: Ego, inquit, sum reus omnium animarum domûs patris tui. Reum se proclamat, etsi remotissimam huic cædi ansam præbuerit, idque ignarus secuturæ tempestatis tam cruentæ. Nimirum, quod Gregorius dixit, Bonarum men-

tium est ibi culpam agnoscere, ubi culpa non est. Ita David: Ego, ait, sum reus. Et reus non erat. Quod enim fecit, necessitate adactus fuit. Memento igitur Domine David, & omnis mansuetudinis ejus. Neque enim injurias suas adversus Doëgum aliis ultus est armis, quàm oratione & mansuetudine. Eâ namque occasione psalmum scripsit quinquagesimum primum. Quid gloriaris in malitiâ, qui potens es in iniquitate? Doëgus eò prolapsus est iniquitatis, ut hoc facinore patrato, non ingemuerit, non saccum & cinerem arma poenitentiae sumpserit, sed insuper etiam gloriatus fuerit, tanquam fortium virorum opera ediderit. Sed expecta paullulum Doëge, & tua tibi veniet dies, non impune tibi erit tam barbarum & immanefacinus: sicut tu Achimelechi familiam trucidasti, ita te tuamque trucidabunt alii. Sæpiusculè poena scelus quantò tardior comitatur, tantò gravior. Consuevit Deus moram supplicii compensare supplicii augmentis: Serus punit, sed severus. Iusti, Doëge, ridebunt te, quòd Saulis potentiâ, tuisque opibus non Deo fretus oppresseris infontes non multo tempore. Tu interibis æternùm. Tuum erit epitaphium: Ecce homo qui non posuit Deum adiutorem suum, sed speravit in multitudine divitiarum suarum, & pravaluit in vanitate suâ. (a)

Quintum; Fiducia in Deum nunquam ponenda seu cælum ruat, seu terra; sive omnia misceantur in horrendum chaos. Sum-

mum

num hujus fiducia mysterium est in rebus etiam minimis. Cum in extremâ staret tegulâ David, cum omnia undique viderentur desperatissima, jam conclusus, jam reti involutus, jam unguibus fixus hærebat, nec effugiendi rimula patebat ulla; subito Deus adfuit, ostenditque nunquam sibi complures modos deesse, quibus suos in libertatem asserat; in summis periculis, in mediis flammis servare novit illatos. Undique & undique vallatus erat David, militum jamjam irruptorum gladiis objiciendus. Sed eo ipso tempore, quod credibile, orabat David, illud animo volvens: Ego autem speravi in misericordiâ Dei in æternum, & in sæculum sæculi. (a) In extremo res apice versabatur. Repentè Philistæi irruptionem faciunt, Saul avocatur, exercitus abducitur. Ita David evasit liber, ita conatus Saulis elusi, ita Deus carnificinæ suos subduxit. Fidendum Deo semper. Nec enim unquam tam arctæ res esse possunt, qui fiduciam in Deum excludant. Supremis David angustiis pressus, fidebat tamen Deo, & hunc in modum canebat: Deus in nomine tuo salvum me fac, & in virtute tuâ judica me. Deus exaudi orationem meam, auribus percipe verba oris mei; quoniam alieni insurrexerunt adversum me, & fortes quesierunt animam meam, & non proposuerunt Deum ante conspectum suum. Ecce enim Deus adjuvat me, & Dominus susceptor est animæ meæ, &c. Quoniam ex omni tribulatione eripisti me, & super inimicos meos de-

(a) *Psal. 51. v. 10.*

despexit oculus meus. (a) Porro in gratiarum actionem cantandum cum Davide: Anima nostra sicut passer erepta est de laqueo venantium, laqueus contritus est, & nos liberati sumus. Adjutorium nostrum in nomine Domini, qui fecit cælum & terram. Benedictus Dominus qui non dedit nos in captionem dentibus eorum. (b) Quantumcunque res turbulentæ sint & desperatæ, spes & fiducia in Deum nunquam est abjicienda. Plerumque ubi spei humanæ nihil est, auxilii divini plurimum est. Qui confidunt in Domino, sicut mons Sion non commovebitur in æternum. (c) Omnia si perdas, ô Christiane, fiduciam servare memento. Fiducia seu robustior spes non confundit. (d) Scitote, quia nullus speravit in Domino, & confusus est. (e) Placularet dixit Cassiodorus: Magna contra diabolum arma sunt, in suis viribus fiduciam non habere, sed Deum rogare, qui adversarium possit opprimere. (f) Quotidie pro se quisque animo dicat: In te Domine speravi, non confundar in æternum. (g)

(a) *Psal. 53. toto.* (b) *Psal. 123. v. 6. & seqq.* (c) *Psal. 124. v. 1.* (d) *Ad Rom. c. 5. v. 5.* (e) *Eccli. c. 2. v. 11.* (f) *Cassiod. in psalmos.* (g) *Psal. 30. v. 1.*

C A P V T XIII.

Paratissimam David vindictam negligit.

Theodosius Imperator interrogatus, quid tandem sermones de se tam sinistros & male-

maledicos, nec facta multò meliora tolerare posset: nec enim justitiæ displiciturum, si homines oris tam improbi è medio tollerentur: Vtinam ego possim, inquebat, vel mortuos ad vitam revocare! Vox Casare digna. Nam & Antisthenes dicere solebat: Regium est, cùm feceris bene, audire malè. Quemadmodum etiam prisci Lacones cùm Rempublicam cuperent incolumem, id Deos rogabant, ut injurias possent perpeti. Existimabant enim, neminem facinus ullum memorabile facturum, qui tolerandis injuriis succumberet.

Rex David inter omnes profectò reges, imò inter omnes pane homines prædicandus rex mansuetissimus. Injurias concoquere, seipsum frangere, veniam dare hostibus, vindictam substringere noverat exactissimè. Habuit is hostem capitalissimum jam suæ potestatis, obterere eum ut vermiculum potuisset, jugulandi Saulis paratissima erat occasio. Fuerunt imò, qui ad eam eadem impellerent & stimularent. Nec defuit cogitatio: Occidar, si non occidam Iamque manus injustæ pruriebant ire in Saulis jugulum, & tamen continuit se David contentus particulâ chlamydis abscissâ. O regem verè mansuetissimum. Ita David expeditissimam sui ulciscendi opportunitatē animo ingenti negligit, quod jam explicatiùs trademus.

§. I.

E deserto Maon in loca tutissima se David contulit, ubi semitæ tam difficiles, angustæ, præcipientes occurrunt, ut solis ibicibus

bus sint aperta. Vbi verò Saul audiit Davidem è Zyp hæo nemore cessisse, tria millia selectissimi militis ad signa convocavit, cum David vix sexcentos sub signis duceret. Quâ quidem ratione uni adversus quinque milites pugnandum erat. Sed nec illi sexcenti omnes in familiâ Martis censeripotuerant. Nam inermes aliqui, plerique fugitivi, fame exhausti, plures parum animosi. Hinc David in extremo vitæ discrimine versabatur. Dum autem Saul exercitum ducens de viâ non nihil secessisset alvo citante, ignarus in hoc ipsum spelæum delatus est, ubi David cum suis sexcentis latuerat. Fortè fortunâ hæc specus angustiorẽ & cacum præbens aditum, in magnam sese diffundebat amplitudinem. Hinc nulla Sauli oborta suspicio latitantium copiarum. Quâ in re divina se providentia, tam amantem suorum, quàm vigilantem pro suis, mirissimè ostendit. Nec dubium quin Saul putârit, in illud cavum celo pluvio pecus agi, nec quemque hostium delitescere, cum proximè viam fuerit. Quòd autem non viderit, nec audiverit armatas copias in id latibuli immerfas, partim curruum & exercitus transvectio, partim subita à sole digressio in causâ fuerunt.

Rabbini more suo hîc mirè nugantur, Davidem à Deo quassisse, cur in orbe patiatur muscas, stultos, araneas? Ad hæc Deum respondisse, non frustra, sed orbis bono hæc condita, idque usu fore cogitum. De muscis quidem, vel inde id constare ajunt. Cum Sauli dormienti David poculum & hastam adi-

adimeret, inter Abneris pariter dormientis pedes incautum pedem posuit, non facile retrahendum, nisi excitato Abnere; quod erat tota in se castra concitare: hinc repente musca id effecit morfu, ut Abner pedes diduceret, ita David, ajunt, evasit indemnis. Stultos & stultitiam usu esse in Achis regis aulâ expertus est David; ubi se stultum simulâsse, unicum vitæ præsidium fuit. Tertium paullò aptius finxit Rabbīnorum deliratio. Davide specum ingresso aditum omnem aranearum telis prætextum, ne recentis latebræ suspicio esset: quod de Felice beato Martyre vetus prodit historia: sed mittamus Rabbīnorum somnia.

Cū igitur Saul ad os speluncae in alvo exonerandâ hæreret, milites Davidem vehementer incitârunt, faceret demum miseriarum finem, & jugularet Saulem; hoc uno sublato, se omnes fore salvos; nil opportuniùs jam posse fieri; oblatum ultro tempus non prætermittendum: ergo facinus pulcherrimum auderet. His vocibus, sed & suomet impetu concitatus David, tacitus adserpit ad Saulem ut eum occideret, id certè facere cogitârat, quod ipse factus: Cogitavi, ait, ut occiderem te. Cogitavit, non decrevit. Nam Sauli proximus repentè facinus patrandum perhorrescens, oram duntaxat chlamydis projectæ abscedit.

Vix istud fecerat, continuò percussit cor suum David, veluti reverentiam regi debitam temerâset: & mox ad suos versus: Propitius sit mihi Dominus, inquit, ne faciam hanc rem. Deus illum objiciet morti; sua
illum

illum dies auferet. Absit à me, ut ego sanguine regio manus meas polluam. At milites Davidis has religiones, & hos conscientiae metus non capiebant. Quocirca ipsi suas manus huic facinori consecrare paratissimi: Si tu nolis, inquiunt, nos in eum irruemus. Hinc David suum militem modis omnibus coërcere studuit, alioqui rex certò animam eiecisset cum alvo.

Vbi Saul aliquantulum à specu digressus, David in apertum prodiens ex antro vociferari coëpit: Domine mi rex. Respiciente Saule, David prono corporis flexu adorans regem: Quare, inquit, verbis obtestatorum credis? Non insidiatur tibi gener tuus, rex magne, sed insidias patitur. En ipse hodie tuis vidisti oculis, quis meus in te sit animus. Iam in manu meâ eras, & cogitavi, ut occiderem te, sed pepercit tibi oculus meus. Dixi & statui nunquam inferre manus meo Domino. Imo vide, pater mi, vide, & propius intueri partem tuâ chlamydis in meâ manu; unâ eadêmque operâ te jugulare potuissem, quâ vestimenti tui limbum præscindere. Agnosce demum, obsecro, nihil à me hostile cogitari, nullas à me tibi insidias strui, quod tu tamen in me machinaris, idque unum agis, ne ego vivam. Iudicet Dominus inter me & te; & ulciscatur me Dominus ex te; manus autem mea non sit in te. Verbo veteri iactatur: Ab impiis egredietur impietas. Ego igitur dextram à te meam abstinebo. Dominus vindex omnium est. Quem persequeris rex Israël, quem persequeris? Canem mortuum persequeris, & puli-

pulicem unum. Sed ego hanc omnem causam arbitriis divinis committo, ad Dei nuntus me totum fingo & accommodo. Dei tribunal specto. Potens est Deus tuas omnes contra me molitiones retundere. Finierat David, & contiaud Saul blandissime: Fili mi David, ait, agnosco voces tuas. Et mox sonoro verba turbavit fletu (videte crocodilli lachrymas) jamque sermonem captum resumens: Iustior, inquit, tu es, quàm ego, tu enim mala quæ intuli, beneficiis superasti, tua me virtus triumphat. Hoc insuper hodie addis benevolentia, & ingenue detegis, quam mihi feceris vitæ gratiam. Non diffiteor, in tuam me potestatem Deus tradidit occidendum, & tamen tua mihi perpercit æquanimitas. Quis ille, qui suum inimicum cadi tam opportunum inveniat, & incolumem dimittat? Remuneretur hoc Deus, referatque tibi parem gratiam: (O voces vulpinas!) Et quandoquidem non ignarus sum te Israëlitis regem certò futurum, hoc unum te oro, religione jurisjurandi pollicere familiam meam à te non extinguendam, nec nomen meum extirpandum. Neque hoc recusans David jurejurando se Sauli obstrinxit. Ita Saul domum, David in loca concessit tutiora. Noverat quippe David inconstantiam Saulis, & effrænes animi affectiones, quare non minùs cavendum sibi censuit, cum omnia prolixissime Saul promitteret, quàm cum mortem minaretur. Diabolus Saulem rexit & impulit, quò voluit; cum diabolo nullæ induciæ, pax nulla sanciri potest. Nunquam magis ini-

L. : micus

micus nocet, quàm cùm blanditur. Ioab Amasam inter benevolentiae signa jugulat, Absalon Amnonem in convivio inter Sirenum cantus trucidat. Videtur subinde diabolus feriri; fraudes sunt non feriae. Nonnunquam vim concitandi ad vetitum remittit, ut resumptis viribus tantò potentior insurgat ad nocendum. Huic veteratori nunquam fidendum. Sed hinc nobis triplex nascitur consideratio.

Prima; inaequalitas ingeniorum, & inde cura vel neglectus aeternorum. Saul tria millia selectorum militum eduxit, ad vestigandum servum fidelissimum, cujus omnis noxa fuit, strenua integritas. E diverso David quibuscunque potest modis coërcet suos, ne confodiant hostem capitalem, qui virtutis nihil, hoc unum habuit boni, in regem fuisse unctum. Quod etiam David reveritus: Non mittam, inquit, manum meam in eum, quia Christus Domini est. Quod beatus Gregorius observans: Etiam si, ait, magistratus, aut dominorum quispiam erret, nec faciat, quod aequum est, subditi tamen nequaquam permissum est iis obtreddere. Quia subditorum mentes ab omni se pelle obtredditionis abstinentes, praepositorum vitam, nullo linguae gladio percutiunt. (a) Itaque qui resistit potestati, Dei ordinationi resistit: qui autem resistunt, ipsi sibi damnationem acquirunt. (b) Idcirco dixerat David: Propitius sit mihi Dominus, ne faciam hanc rem; hoc mihi Deus prohibessit, ne Chri-

stum

(a) *Greg. part. 3. Pastoral. admonit. 5.*

(b) *Ad Rom. c. 13. v. 2.*

flum domini obtruncem. Deo judici relinquendus est. Saul cognito hoc tanto beneficio, eliminare debuisset è pectore, quidquid in eo simultatis latuisset; imò si vel regno cessisset, vitæ servatæ gratiam non exaquasset. Verùm considera, inquit Ecclesiastes, quod nemo possit corrigere, quem Deus despexerit. (a) Nónne demum rex Saul post tot luculenta testimonia pro Davide dicta, post tot irritos conatus suos, post tot evidentia innocentia David argumenta respiscere, omnéque odium evomere debuisset? Verùm tam constanter nequam esse solet, quem affectuum tyrānis occupavit. Ita si quem ambitio, avaritia, libido, temulentia, invidia, similesque animi pestes corripunt, haud facilè is eluctatur è luto: posset si vellet; sed qui sibi vim faciant, vix ulli sunt.

Et videte mihi Saulem virum summe politicum, ad res caducas & fluxas attentissimum, cetera nec pensi habentem. Nil ipsi curæ est, quam facinorum veniam à Deo exoret. Illatum multiplex Davidi damnum qui sarciat, sollicitus est; hoc unum laborat, ne sua post se familia intercidat. O miser quid proderit tibi, si tuum genus inter Hebræos floreat, & tunc spiritus inter diabolos ardeat? Horum talium politicorum ingens ubique numerus, qui omnes curas & cogitationes conferunt in nugas, somnia & umbras, nihil de futuris, de æternis solliciti: Vocaverunt nomina sua in terris suis. (a) Quandoquidem ea non sunt scri-

pta in calis. Omnia negligit, qui negligit æterna.

Altera consideratio, Davidis mansuetudo & humilitas. Capitalem hostem compellans David: Pater mi, ait, vide & cognosce. Ætate Saul pater fuit Davidis, nam annum sexagesimum excefferat, David viginti septem annorum erat. Dein affinitate Saul pater dici poterat, quia socer. Hunc infidiatorem suavissimè affatus: Pater mi, ait, vide. Et quem persequeris, rex Israël, quem persequeris? canem mortuum persequeris & culicem unum. Hebrais vile & exosum animal canis, cane mortuo nil abjectius. Huic sese confert David, imò & pulci. Quid agit Dominus meus rex, quòd arma moveat, & bellum gerat cum cane mortuo, aut pulice uno? Non id operæ precium, nec tanti est familia mea, ut adversus eam bello certet tantus princeps. Miratus hanc modestiam Chrysostomus: Tanta vis est, inquit, orationis se humiliantis, quæque nihil sonat iracundum, nihil minax, ut hostem infensissimum frangat. Quod & Salomon dixit: Responsio mollis frangit iram. Eodè teste Sicut fremitus leonis, ita & ira regis. (a) Nam indignatio regis, nuntii mortis, & vir sapiens placabit eam. David vel eo etiam nomine verè sapiens, quia Saulis iram compressit, & lachrymas expressit è silice. Quid igitur Davide felicius, ait Chrysostomus, qui ex homicidâ fecit patrem, ex lupo ovem, qui fornacem iracundiæ multo implevit rore: idque non verbis solùm, sed & factis; & incli-

(a) Prov. c. 19. v. 12,

inclinans se David pronus in terram adoravit? (a) Summa & mansuetudo & humilitas. His geminis alis in solium erectus est David.

Notus de Regulo apologus. Ferunt inito concilio de rege sibi praeferendo decretum ab avibus, eam pro reginâ fore, quæ ceteris celsius subvolaret. Regulus inter volucres minima, alis aquilæ se insinuans in ejus scapulis resedit. Evolat ardea, & ceterarum se visui, non item aquilæ subducit. Nam aquila longe sublimiori volatu aëra tranavit, & cum cerneret nullam avium audere virium periculum amplius subire, jam defatigata coepit descendere. At ecce tibi regulus suâ humilitate illuc provectus à scapulis gestatricis recens subvolavit, & vicit omnes. Quo stratagemate Basilicum sibi nomen acquisivit. Haud aliter David, pulici & mortuo cani se comparans, eâ humilitate ac mansuetudine in regale solium longe supra Saulem evolavit. Hoc ajo: prae-euntem habemus Deum, sequamur nos; hac tali humilitate ac mansuetudine cuncta penetrabimus.

Tertia, vindictæ continentia. *Non mihi si centum linguae sint, oraque centum*, satis explicem hanc Davidis contra seipsum pugnam & victoriam. Capitalissimum hostem jam unguibus concluderat, & tamen illi pepercit; potuisset illum ut musculum, aut vermiculum obterere, & tamen ei pepercit. Plurima suadebant eadem, & tamen ei pepercit. Nec suadebant tantum eadem pluri-

L 3

ma,

(a) 1. Reg. c. 24. v. 9.

ma, sed & impellebant, & pane cogeabant; ipsius scilicet inimici aspectus, cohortatio militum, metus à militibus ne averfantem cadis Davidem tollerent, deinde facinoris patrandi facilitas, præteritorum memoria, futurorum formido, homicidium à Saule sæpius in Davide tentatum, perpetua infidia, nulla usquam locorum securitas: illa verò cogitatio maxime urgebat; tandem aliquando finem tot miseriis imponeret: Hæc omnia inflammabant, ut auderet, quod cogitaret, & tamen ei pepercit. Taceat jam Tullius suum, quem cælo attollit, Iulium Cæsarem, qui solas oblivisci injurias, ipsis etiam parcere consuëssit hostibus: eò certe Iulii virtus non ascendit, quò Davidis, qui non in se solum iram omnem vindictæque cupidinem extinxit, sed etiam in suis militibus. Et confregit David viros suos sermonibus, & non permisit eos, ut confurgerent in Saul. (a) Nos in vindictam pronissimi, cum nostras vires ad lacerandum inbecilliores animadvertimus, calum & terram in subsidium vocamus. Superos imploramus vindices, Acheronta movemus. (b) Contrarium rogat David. Propitius mihi Dominus sit, ne faciam hanc rem.

Chrysostomus hæc objicienda diluens: Ne dicas, inquit, illum nihil eorum affectuum sensisse; considera, quàm vehementer exasperatus sibi temperarit. Iam cogitabat Saulem occidere, sed Dei amore continuit se. Hujusmodi sunt Sanctorum animæ, priusquam

(a) 2. Reg. c. 24. v. 8. (b) *Wil Gott nicht helfen/ so helff der Zeuffel.*

quam concidant, resurgunt, priusquam ad peccatum perveniant, refrenantur; eò quòd sobriæ sint, sempérque vigilant. Hæc non audiamus tantùm, verùm etiã imitemur. (a)

O Christiani, obsecro, amore Domini IESU veniam date inimicis, sepeliantur injuriæ, cadant odia, deponantur simulates, inimicitie omnes extinguantur, placeant amor & concordia. Multò generosius sed & lucrosius est parcere, quàm perdere. Et quamvis tempus locusque vel maximè invitent ad laudandum hostem, cavete tamen; opinemini concessam vobis ulciscendi opportunitatē, sed oblatam potiùs servandi hostis occasionem. Negligimus à fronte capillatam? in longum ibunt odia, & sub ipsum vitæ finem recrudescunt. Periculosissimum prorsus est, ne ipsis odiis immoriamur. Quanti fuerunt, qui herente in extremis labris animâ, jam ad æternitatem ducendi, contumacissimè tamen veniam negârint hosti Non ignota cano. Sapricius sacerdos & Nicephorus civis Antioclenus, amici quondam intimi, demum alter ab alterius se familiaritate turpiter disjuncti. Nicephorus sapiusculè misit, qui veniam rogarent. Accessit demum & ipse Sapricius, atque ad illius pedes abjectus per Christi sanguinem & mortē rogavit, faceret culpæ gratiam. Sed semper reiectus est. Ortâ interim in Christianos sævâ tempestate, Sapricius quidquid tormentorū admovebatur, constantissimè tulit. Tandem duci jussus est. Nicephorus in viâ hominem aggreditur, & ignoscentiam per Christum

L 4

I E-

(a) *Chrys. tom. I. hom. de David & Saul.*

IESVM orat; rejicitur. Redit denuo, & idem flexis genibus lacrymisque infusus flagitat, iterum rejicitur. Ita perventum est ad supplicii locum: hic Sapricius mente titubans, causam interrogat, ob quam perimendus sit? Quia, inquit, diis sacrificare noluisti. Ad quos Sapricius: Gladium, inquit, abstinete, & promptè faciam, quod clementissimi Cæsares nostri jusserint. Ita pedem, quem in cælo jam fixerat fædissimè retrahens, ejurato Deo idolis fecit, & ad inferos se præcipitavit. Iustus es, Domine, & rectum iudicium tuum. Noluit Sapricius iterum ac sapius rogatus gratiam offensæ facere: Noluit Deus æquissimè supremam mortis beatæ gratiam, noluit jam paratam martyrii palmam & lauream tribuere. Ignoscere, Saprici, noluisti inimico, nec Deus ignoscet tibi. Pereat, qui servari non vult, abeat ad inferos, qui spernit cælum; ardeat cum diabolis, qui Deo ignoscentiam jubenti refragatur.

Idcirco, Christiani, quævis potius patiamur, quàm ut contra ullum hominem simularis aliquid aut odii aut amaritudinis animo nutriamus. Nunc ergo, inquit Paulus, deponite vos omnia, iram indignationem, malitiam. (a) Quoniam sumus invicem membra. (b) Dimittite, & dimitemini. (c) Non dimittitis? nec Deus dimittet vobis. Certissimum, malè merenti par erit. Neque hîc curiosius scrutemur jure an injuriâ malevolum in nos animum gerant inimici. Ut ut sit, nostrum est dicere: ignosco hanc illi

(a) *Colos. c. 3. v. 8.* (b) *Ephes. c. 4. v. 25.*
 (c) *Luc. c. 6. v. 37.*

illi offensam condono, mitto hanc noxam, istud & istud & illud animo indulgeo. Si hoc prompte integrèque faciamus, in angustiis licebit cum fiduciâ magna succlamare ad Deum: Memento Domine David, & omnis mansuetudinis ejus. Te jubente præmium reposco. Propter te sapius, mi Deus, hosti meo de corde meo veniam dedi. Et ego nunc delictorum veniam rogo. Nihil est, quod dubitemus, aut metuamus; veniam certò impetrahimus. Chirographum Christi est; Dimittite & dimittemini.

CAPUT XIV.

Nabalis injurias David condonat.

L Apides arsisse sapius sacræ profanæque litteræ testantur. Plinius Major id asserens: In Lyciâ, inquit, lapides facile tacti, ut lignum ardent. Quod Hebræorum judicum historia confirmat his verbis: Ascenditque ignis de petrâ, & carnes azy-mosque panes consumpsit. (a) A morte Samuelis, avo Davidis non absimilis ortus est ignis, ad quem viri duo, una femina stabat. Virorum unus ligna, situlam resinæ & folles ferebat manu, animando igni. Eidem extinguendo femina lac & aquam portabat, unaque vasculum, quo aquam & lac effunderet in ignem. Vir alter ea gerebat instrumenta, è quibus difficile conjectes, sopire voluerit ignem, an excitare, scilicet siphonem, massam niveam & harpagonem. (b) Siphone ac

L 5

har-

(a) *Iudic. c. 6. v. 21.*(b) *Sprinz/ Schneeball/ Fennhaden.*

harpagone tam refici potest ignis, quàm dividi & extingui. Nec nescimus in monte Æthnâ, Solino teste, ignem & nivem amicissimè simul habitare, servatâ utrinque cōcordiâ. Hæc ego symboli vice pramiserim.

Nabal homo horridus, impolitus, agrestis, barbarus, oratione ac moribus asper & durus, oris ferrei, homo pane lapis; de eo certè dictum: & factus est quasi lapis. (a) Vir iste inhumanus, hebes, faxeus, ignem excitavit, qui homines & pecudes hausisset, nisi eum prudens fœmina sopiisset. Primò igitur Nabalem cum lignis, pice, follibus: dein uxorem illius cum aquâ, lacte, ac vasculo describemus. Addemus hîc Davidem cum siphone, massâ niveâ & harpagone. Hic ad Nabalis domum properavit, ut feriret, occideret, mactaret, multum sanguinis funderet; sed in occursum prodeunte Nabalis conjuge, continuit impetum & restinxit ortum incendium. Hoc igitur capite geminos viros illos Davidem & Nabalem, faminamque prudentissimam Abigailem ita considerabimus, ut à singulis his hominibus præceptionem triplicem hauriamus. Dicendorum summa est: Injurîæ Nabalis à Davide condonatæ.

(a) 1. Reg. c. 25. v. 37.

§. I.

Samuele Hebræorum iudice defuncto, David cum sexcentis suis è silvâ in silvam errabundus commigravit. Vbi autem intellexit in Nabalis adibus festum diem & convivium agitari ob tondendas oves, decem è suis

suis misit, qui egeno militi sportulas ac stipem (a) peterent, unaque dicerent, se suosque ipsi nunquam obfuisse, nihil pecoris abegisse, sed illius potius custodem egisse, quare jam necessitati, & fami non negaret opem, sed daret, quidquid manus ejus inveniret. Nabal homo tam fatuus, quam opulentus, non tantum equestri stipe vacuos, sed contumeliis insuper oneratos dimisit. Non obolum, non miculam suppeditans: Quis, inquit, est David, & quis est filius Isai? Hodie increverunt servi, qui fugiunt dominos suos. Num ego meis consortibus paratas escas, potumque auferam, ut viris ignotis dem? Ite, nihil do. His auditis David: Heus, inquit, viri manum admove te capulo. Nabali pereundum est, ira juro, & toti ejus familiae; omnem domum ejus evertam cadibus, & nec cani quidem parcam. Interim servorum quispiam Abigaili dominae narrans, quam inhumaniter & barbarè respondisset herus: Observa domina, inquit, expende viri tui deparcam rusticitatem. Rogaverat David nostrum dominum non grandia, dignus cum suis qui impetraret. Nam viri isti sanè modesti, toto tempore, quo castra nobis vicina habuerunt, nihil unquam de pecore rapuerunt; imò etiam ab omnibus aliorum injuriis nos defenderunt. Quocirca vide quid hac in re agendum, & dum licet, tibi consule. Vir tuus ad finem deduxit nequitiam suam, atque omnibus asper est, nullius admittit verba. Grande malum imminet huic domui,

(a) Ritterstetor.

domui, nisi quis maturius ei occurrat. His vocibus Abigail exterrita, mox ducentos panes, duos cados vini, quinque coctos arietes, quinque modios farinae, uvae passae centum sportulas, ficuum fiscinas ducentas in viam composuit. Hac annonâ oneravit asinos, præcepitque servis, ut maturarent iter, seque præcederent. Confestim ipsam etiam asinâ vehens, secuta est suos. In occursum properante David mox è jumento desiliens & ad Davidis pedes accidens, eâ oratione animum iratum molliit, ut David continuo placatus, à destinatis caedibus temperârit. Eo die Nabal hilaritati simul, & ebrietati plurimum indulgens, nihil periculorum somniavit. Die altero narravit ei uxor, quid in ipsum tempestatis coxisset David: *Et emortuum est cor ejus intrinsecus, & factus est quasi lapis. Cumque pertransissent decem dies, percussit Dominus Nabal, & mortuus est.* (a) Incendium excitavit vir iste ingens, & auxit lignis, pice, foliis.

Primus igitur è tribus, quem sumpsimus depingendum, est Nabal. Quem sacer historicus his encomiis insignit: Vir ejus durus, & pessimus, & malitiosus. Durus erat, agrestis, asper, barbarus, præsertim ob ingratum animum. Nabalis servus ingenuè id fassus: Nec unicam, inquit, oviculam, non ungulam, non flocculum oviculæ perdidimus in horum viciniâ: imò pro muro erant nobis, tam in nocte, quàm in die, omnibus diebus, quibus pavimus apud eos greges.

Idem

(a) 1. Reg. c. 25. v. 37.

Idem & David asserens : Verè, inquit , frustra servavi omnia , quæ hujus erant in deserto , & non periit quidquam de cunctis , quæ ad eum pertinebant , & reddidit mihi malum pro bono. (a) O ingrati animi crimen quàm in orbe liberaliter à diabolo factum copiosè provenis ubique? Quòd si, ait Ambrosius, gratiam homini non referre, simile homicidio est, quantum crimen est non referre Deo? Nec Quintilianus à vero aberrans : Maximum, inquit, omnium vitiæ signum est ingratitudo. Nabal quia ingratus, ideo tam rudis & inhumanus. Et quamvis depulsam ciadem opportune illi narrârit uxor, ille tamen nec uxori, nec Deo gratias egit, nec ullam morum emendationem promissit, verissimus stupor. Ita lignis ignem auxit, sed & picem adjecit immisericiordiâ, vir pessimus. Nam etsi nil unquam à Davide commodi habuisset, tamen illi ejusque militibus, ejusdem religionis hominibus, ut Israëlitis, ut egenis, & in extremâ necessitate constitutis misericordiam tribuere, & opem ferre debuisset, præsertim tam modestè petentibus: Inveniant pueri tui gratiam in oculis tuis. (b) Sed & immittissimus Nabal, nec multum nec modicum dedit, quidquid petebatur, recusavit, omnis commiserationis expers, vere pessimus & monstrum hominis Quis enim verò credat, eundem & parcum & prodigum esse posse? Nabal tenacissimus simul & profusissimus homo fuit. Deparcus in eo erat, quòd excubitoribus tam fidis & pauperibus nec vappæ
fex-

(a) 1. Reg. c. 25. v. 21. (b) 1. Reg. c. 25. v. 8.

sextarium, nec panem quidem unicum, nec unicum quidem hœdulum dari suffinuerit. Nihilominus decoctor iste sumptus effudit: Ecce, erat ei convivium in domo ejus, quasi convivium regis. Abigail uxor Nabalis auctoritate suâ inde rapuit quinque jam coctos arietes, nec defectus ullus est notatus. Sed ejuscemodi monstra tellus alit multa. Sunt homines, qui tenacissimi simul sint & profusissimi: tenacissimi cum egen-
tibus, cum domesticis, cum pupillis & viduis dandum; profusissimi, cum pompæ res agitur, cum novæ vestes diſcandæ, cum convivia apparanda. Transgressiones hic ubique plurimæ. Annonæ charitatem querimus, eam interim prælautis conviviis & vestitu insolentissimo nimium quantum augemus & incendimus. Iam plurium annorum bellis premimur & exhaurimur, (a) nos tamen vestiarios & convivales sumptus non imminuimus: perinde si laudis sit, aut patri-
monium in vestem, aut plurimum censûs in convivium effundere. Minuendus hic luxus, aut certe publicis cladibus multò gravius feriemur. Sed & maledicentiæ folles inflavit Nabal. Non solum enim vacuos donis, sed & oneratos conviciis dimisit. Repulsam pati, durum: insuper contumeliis affici multò durius; læsa patientia fit furor: Si negas stipem, non nega humanas voces, amicum vultum: Vtrumque negans Nabal & maledicentiæ folles inflans: Quis, inquit, est David, & quis est filius Isai? hodie increverunt servi, qui fugiunt domi-

nos

(a) *Maximè ab anno 1618. æt. aunum 38.*

nos suos. Tollam ergo panes meos, & aquas meas, & carnes pecorum, quæ occiditonsoribus meis & dabo viris, quos nescio, unde sint? (a) Hoc habent morosi & acerbi homines, qui licet maximè sint monendi, minimè tamen sustinent moneri, imò nec quidem rogari. Nabal veluti rubus aculeatus fuit, quem nemo tangit impunè, filius Belial, ut nemo posset ei loqui. Amplam habet familiam Nabal, & plurimos cognatorum, qui ab ipso minimè degeneres, monitorum impatientes, monitoribus asperi, difficiles & animo intractabili, admonitiones etiam blandas repugnanter ferunt. Ita Nabal linguâ improbâ velut folle incendium excitavit.

Abigail restinxit ignem. Nam aquam & lac suo utrumque vase attulit. Aquam submissionis & humilitatis affudit huic igni. Nam procidit coram David super faciem suam, & adoravit super terram, & cecidit ad pedes ejus. (b) Tam supplici gestu orationem orsa, pæne tertio quovis versu Davidem dominum, se ancillam proclamavit. Nec ante verbum prolocuta, quàm sibi benevolentiam sui auditoris concilians: Loquatur, obsecro, ait, ancilla tua in auribus tuis, & audi verba famulæ tuæ. Dein sibi, licet innocenti, culpam impingens: In me sit domine mi, ait, hæc iniquitas. Itaq; vicit perorando fere antequam inciperet pugnare. Nullum est incendium, quod aqua submissionis non frenet. Responsio mollis frangit iram:

(a) 1. Reg. c. 25. v. 10, & 11.

(b) Ibid. vers. 23.

iram: Sermo durus suscitatur furorem. (a)
 Quisquis viderit iracundiæ ignem in pectore alieno gliscere, mox submissionis aquam affundat, & ignem sopiet etiam vehementer.

Vas aquæ & lactis prudentia est. Peroravit Abigail perquam prudenter, caloribus Rhetoricæ ac legibus erudite prorsus usa. Prudentis ac submissæ orationis membra hæc erant. 1. Improbam mariti stultitiam ab optimo rege non esse attendendam ostendit. 2. Divinam laudat providentiam, quæ animosissimum principem abstinuerit à cæde. 3. Rogat efflictum munus non grande admittere dignetur. 4. Culpam, si quam commiserit, deprecatur. 5. Laudando & opprime precando erudit suavissime, & dehortatur à cæde: Quia tu, Domine mi, ait, prælia domini præliaris; ideo nil unquam crudelitatis & malitiæ reperiatur in te. Hinc Deus ab omni hoste ubique te proteget, eritque anima domini mei custodita, quasi in fasciculo viventium, apud Dominum Deum tuum: vita tua custodietur in numero & congregatione eorum, quos Deus tutelâ singulari vivos & incolumes, adversus omnem machinationem aut vim hostilem servat. Ita contigit Davidi. Nam innumeris præliis implicitus, & infinitis variorum insidiis appetitus, ope tamen divinâ semper incolumis evasit: Pergit porro Abigail: Inimicorum tuorum anima rotabitur, quasi in impetu & circulo fundæ. (b) Quicumque tibi & Deo (cui tu militas) adversantur,

quan-

(a) *Prov. c. 15. v. 1.*

(b) *1. Reg. c. 25. v. 19.*

quantumcunque sibi potentes ac sapientes videantur, quia tamen tutelâ Dei sunt destituti, stabiles nunquam erunt aut securi; sed sicut lapis, vel fundâ excutitur, aut in fundâ rotatur, & circumagitur, sic impii angore ac turbine perpetuo implicantur, dum in orcum excutiantur. 6. Prædicit à Deo evehendum in regale solium, & tunc ingentifore solatio sanguinem innoxium non effudisse. 7. Rogat demum ancillæ suæ infirmæ meminerit, cum plenè rerum potitus fuerit. Oratio prudentissima, plena salis & optimi aromatis. Illud in eâ singulariter observandum: Erit anima Domini mei custodia quasi in fasciculo viventium. Sicut hortulanus colligit flores, stringitque filo, ne diffuant, ita Deus sanctiores homines plerumque durius trahit, & vinculis continentia ligat, eos tamen hac ratione servat. At verò homines solutioris, effrenatæ libidinis, impotentis iræ & invidiæ, singularis arrogantia, ultionis & vindictæ cupidissimi, nunquam tranquilli agunt, perpetuo velut turbine rotantur, denique velut lapide fundæ impositi, in ignem æternum excutuntur. Atque hæc Abigail prudentiâ veluti vasculo submississimam suam eloquentiam propinavit Davidi. Addidit etiam lac liberalitatis, quod plenâ manu effudit in exortum ignem. Nemo Abigailem audit dicentem: Nostri convivii finem expectabo, & auferam inde reliquias; hæc contenti sunt hi vagi milites. Non ita Abigail; munificè prorsus largita est duas vini serias, (a)

M

pa-

(a) Zwanz Weinsägt.

panes ducentos, quinque coctas oves, quinque farinae modios, centum fscellas uvæ passæ, ducentas ficuum corbularas. Hoc tali hæc incendium sopivit, alioqui vix multo sanguine extinguendum. Nimirum, quod Chrysostomus dixit: Officiorum assiduitate hostes conciliandi sunt. (a) Dare Deo accipere est, inquit Nazianzenus. Deo autem dat, qui stipem pauperibus non negat.

Tertio loco describendus nobis est David, cujus anceps est aspectus: nam, ut supra diximus, incendiarium siphonem, massam niveam, & harpagonem fert manu. Siphon vomens oleum, submississima erat, obsecratio, quæ militibus aditum aperiebat; nil certæ stipis præscribebat, non æstimatione incendii indicebat, hoc unum petebat: Quodcumque invenerit manus tua, da servis tuis; mendici sumus, nec album, nec atrum panem recusamus. Sed hic ipse Davidis sociorumque tam modestus ac mollis rogatus, iussit convalescere luculentos ignes. Oleum erant Davidis verba, sed quia hominem furibundum offenderunt, in flammam abierunt. Hic porro considerandum, quæm David castrensem inter suos disciplinam sanxerit; Nabali dici iussit ex vero: Ex multis annis salvos faciens tuos, & omnia tua, modicum quid peto. His missi milites addiderunt: Nunquam pastoribus tuis molesti fuimus, nec aliquando defuit quidquam eis de grege, omni tempore, quo fuerunt nobiscum in Carmelo. Interroga pueros tuos, & indicabunt tibi. Deus! quæm seria hæc milita-

(a) *Chrys. ho. 38. in Gen.*

litaris disciplina ! famelici, egentes, obarati stipendiis carebant, & tamen alieni pecoris nil attingebant. O duces, ô milites, quàm ista nihil ad vestros mores sunt? Vos rapinis & deprædationibus omnia confunditis, amicum etiam pecus abigitis, & vel nudos spoliatis, pauperrimos reculis omnibus exuitis, & ut cruenta sint spolia, vitam ipsam rapitis. Hęc memoranda sunt facinora vestra.

Verùm & hamã usus est David, quã ignẽ & fovemus & dissipamus : nam exposito Nabalis durissimo responso, classicum imperrans cani; Heus, inquit, milites accingatur unumquisque gladio suo. Hęc faciat Deus inimicis David, & hęc addat, si reliquero de omnibus, quæ ad ipsum pertinent usque manẽ, mingentem ad parietem. (a) Funeribus domum Nabalis opplebimus. Hic quidem David gravius deliquit, sed solã voluntate decrevit omnes jugulare, sed nemo unus jugulatus est. Pessimẽ quidem egerat Nabal, sed ejus solius delictum tot cordibus non erat puniendum; nec ullo jure David in tot innoxia capita sævire potuisset. Peccavit igitur, præsertim cùm crimen jurejurando decerneret. Quod Augustinus affirmans : Juravit temere, inquit, sed non implevit jurationem majore pietate. E duobus peccatum minus elegit. Ita & Herodes multò rectiùs fecisset, si scelestum, quo se obstrinxerat, jusjurandum violasset, quàm quòd viri sanctissimi caput amputari mandarit. Ita & nos improbè juramus in lites & aliorum damna, in negandam hosti

M 2

ve-

(a) I. Reg. cap. 25. vers. 13. & 23.

veniam, in inferendam alteri calumniam, aut injuriam; & multò improbius jusjurandum istud non contemnimus & relinquimus.

Porro & massam niveam, sed liquatam David, vindictæ veniam ad hoc incendium attulit. Oratione prudentis femina placatus omnem iram posuit, omnem ulciscendi cupidinem abiecit, sed eò per notitiam divinæ providentiæ pervenit, cui gratias agens: Benedictus, inquit, Dominus Deus Israël, qui misit hodie te in occursum metum, & benedictum eloquium tuum, & benedicta tu, quæ prohibuisti me hodie, ne irem ad sanguinem, & ulciscerer me manu meâ. Alioquin vivit Dominus Deus Israël, qui prohibuit me, ne malum facerem tibi: nisi citò venisses in occursum mihi, non remansisset Nabal, usquæ ad lucem mingens ad parietem. (1)

Ita David providentiam Dei luculentam agnoscens, divinæ voluntati suam hætenus adjunxit, ut in eo solo suaviter acquiesceret, quod Dei natu consilioque gestum cogitavit. Hinc nullæ penitus auditæ super hoc mulieris occursum querele. Fuissent, qui dixissent: Quis diabolorum hanc feminarum advexit? Turbavit hæc omne nostrum consiliū. Nil horum David, sed: Benedictus Deus, benedicta hæc prudens femina, benedictum potens ejus eloquium. Ergo Domine, memento David, & omnis mansuetudinis ejus. Irâ exacerbatus venerat David, sed iras mox compressit, acerbam animo ultionem coxerat David, sed à feminâ persuaderi se passus, in-

(1) 1. Reg. c. 25. v. 32. & seqq.

injurias omnes promptissimè condonavit. Nec invalidæ fuerunt hujus mulieris rationes. Duplici ea usa est argumento. 1. Talem principem, regis generum, personam publicam privatas exercere injurias non decet. Aquila non columbulas, non muscas venatur. Hadrianus jam Imperator jam desit ultionem ex illo petere, quem insectatus fuerat privatus. Cùmque ille alter occurreret; Evalisti, ait Imperator, nec enim mihi amplius licet injurias persequi. In eam rem Annæus Seneca insigniter philosophatus: Proprium est, inquit, magnitudinis veræ, non se sentire percussum. Immanis fera latratum canum lenta respexit: sic irritus ingenti scopulo fluctus assultat: qui non irascitur, inconcussus injuriâ perstitit; qui irascitur, motus est. Plus mihi nocitura est ira, quàm injuria. Quid nî plus? illius modus certus est: ista quousque me latura sit, incertum est. Non possum, inquis, pati. Grave est, injuriam sustinere. Mentiris. Quis enim injuriâ non potest ferre, qui potest iram? Adjice nunc quòd id agis, ut & iram, & injuriâ feras. Quare fers ægri rabiem, & phrenetici verba, puerorum protervas manus? nempe quia videntur nescire, quid faciant. Quid interest, quo quisq; vitio fiat imprudens? imprudentia par in omnibus patrocinium est. Illud non venit in dubium, quin se exemerit turbæ, & altius steterit, quisquis desperet laceßentes. (a) Pumiliones illi angustii & degeneris animi, nil injuriarum possunt concoquere. Spartanâ se nobilitate genium

M 3

nemo

(a) Sen. l. 3. de Ira, c. 25.

nemo certiùs probaverit , quàm libenter ac faciliè ignoscendo. 2 Argumentum oratrici mulieris : Deum habet propitium , qui propitius est aliis. Res omnium pulcherrima , addo , & divina , animi moderatio. Nec verò majus est aliquid , nec ferè mirabilius , quàm quòd is , qui multos vicerit , seipsum demum vincat , possitque ignoscere , qui potuit vincere , & incolumes velit esse eos , quos jure velle posset petire.

Athaulphus Gothorum rex , qui Alarico in regnum successit , moderationis hac in re illustre dedit specimen. Is Româ post Alarici interitum hostiliter repetiâ , in animo habuit eam receptam funditus evertere , diversoque urbem loco statuere , ac Gothium pro Româ nominare , memoriâ Cæsarum omni abolitâ , ut Athaulphi fama noménque in posteros transmitteretur. Sed Placidæ coniugis suasu adèd est mutatus , ut brevè non hostis , sed amicus urbis , non everfor , sed instuarator sit dictus.

Recentioris est memoriæ , quod subjungo. Alphonfus Major Sicilia & Apulia rex , à Genuensibus navali prælio victus , cum fratre ducibusque non paucis captus , Philippo Vice-Comiti traditus (erat tum Genua Vice-Comitum) non modò non hostile quippiam ab eo passus , sed amicè & regali ter habitus , amplis muneribus donatus , cum suis omnibus incolumis est dimissus. Pulchrum est reges vincere , sed multo pulchrius est , suis affectibus imperare.

Rex David tam à suis , quàm ab alienis plurima perpeffus , hoc uno semper plurimum

num excelluit, quia parcere scivit & ignoscere. Memento Domine David, & omnis mansuetudinis ejus. Quisquis in se delinquenti facilem condonarit veniam, facilem à Deo impetrabit.

CAPUT XV.

David in summâ desperatione sperat.

O Deus! verè refugium nostrum & virtus, verè adjutor in tribulationibus. (a) David à lapidatione proximè aberat, jam perditus, jam desperatus videbatur, animos tamen resumpsit, & in summâ desperatione felicissime speravit. Deus illi refugium & virtus, Deus adiutor fuit. Rem gestam ordine narrabimus.

(a) *Psal. 45. v. 2.*

S. I.

Ziphæis Davidem nequiter prodentibus, Saul cum tribus millibus selecti militis, nemus obsidione cinxit, in quo David latitabat in colle Hachilâ. Fœdisfragus rex nihil eorum, quæ promissetat, servavit. Cùm enim vidisset partem sui vestimenti præcisam, ingentibus calum pollicitationibus onerans, sed & plorans: Scio, inquit, quòd certissimè regnaturus sis, & habiturus in manu tuâ regnū Israël. (a) Ita magnifica quæque adpromisit. Quàm autem promissis egregiè stetit? Nm neglectâ nihilominus fide Micholem, quæ Davidem conjugem per fene-

M 4

stram

(a) *1. Reg. c. 24. v. 21.*

stram demiserat, alteri nuptum locavit, nunc novam orsus tragoediam. Quis non diabolum citius à malo avertendum putet, quàm homines tam nequiter pertinaces? Ergo David in omnem se partem versans, milit è suis, qui castra Saulis explorarent: Suos exploratores secutus ipse David cum Abisai in regium tentorium clam penetravit. Hic Saulum dormientem, & hastam ad caput jacentis fixam reperit. Proximus Sauli Abner, inde alii atque alii in terrâ fusi dormierunt. Hic Abisai ad David: En, inquit, paratissimam occasionem: Inimicus tuus in manu tuâ est. Sine, confodiam illum. At David reprimens virum: Cave, inquit, hoc feceris: quis enim regem sine noxâ interficiat? Deo hanc in illum potestatem permitamus. Sua illum dies rapiet, aut domi aut in bello cæsum. Tu hastam regiam & scyphum aufer: abeamus. Non nemo hoc loco quarat: quí tandem fieri potuerit, ut ingressos, & colloquentes nullus dormientium, sed nec excubitorum audierit? Sacer historicus hanc assignat causam: Omnes dormiebant, quia sopor Domini irruerat super eos. (a) Iam in montis supercilium evaserat David, cum Abnerem Imperatorem & castris præfectum inclamans: Heus vos, inquit, cur regem non custoditis? Vnus aliquis è turbâ ingressus est, ut illum jugularet. Capitalem negligentiam admisistis. Videte, ubi sit hasta & scyphus regis? Dum loquitur, vocem loquentis Saul excipiens: Nunquid vox hæc tua est, inquit, fili mi David?

(a) 1. Reg. c. 26. v. 12.

David? Ad quem continuo David: Vox mea est, ait. Domine mi rex. Nunc ergo audi verba servi tui: Si à Deo adversum me incitaris, volentem habes victimam. Quòd si obtrectatores hanc in me fabam cudant, videant illi, in quorum terras me ejicient. Quid turba venatorum perdicem unam insequitur? quid rex Israël pulicem unum quarit? Hac Davidis oratione Saul motus: Pecavi, ait, revertere fili mi David: nequaquam enim ultra tibi malefaciam, eò quòd pretiosa fuerit anima mea in oculis tuis hodie. Apparet enim, quòd stultè egerim (vetus cantilena) ignoraverim multa nimis. Ad quæ David: Hastam, inquit, & scyphum regis hinc vestrum aliquis referat. Dominus retribuet unicuique secundum justitiam suam & fidem. Vnguibus regem tenui, & dimisi. Sicut autem magnificata est anima tua hodie in oculis meis, sic magnificetur anima mea in oculis Domini, & liberet me de omni angustia. Saul verò omni Vertumno & Proteo mutabilior, extemporalem pieratem præ se ferens: Benedictus, inquit, tu fili mi David, & quidem faciens facies, & potens poteris. (a) Ita utrinque discessum est.

At David, crebrâ jam calamitate eruditus, & piscator ictus sapuit. Noverat is sui soceri turpissimam inconstantiam, idcirco re deliberatâ statuit redire ad regem Gethaum Achis, à quo non ita pridem dimissus fuerat ut stultus. Interà temporis rex omnia exactius cognovit. David igitur cum suis sex-

M 5

centis

(a) 1. Reg. c. 26. v. 24. & 25.

centis regem adiit, petiitque habitationem in aliquâ urbium regni. Ipsam metropolin plures ob causas visum est fugere. Ergo rex Achis Siceleg urbem assignavit. David, qui quotidianis excursionibus inde institutis, plurimum convexit prædæ, cujus meliora obtulit regi. Placuit ea res, præsertim cum præda eriperetur regis hostibus, quos inter Saul etiam censebatur. Eâ de causâ petitus est bello, quod ei fatale fuit. In eo autem bello David è suis regi triarios, prætorianos corporis custodes dedit, quæ obsequia summè placuerunt. Sed horribilis hinc orta tempestas. Nam regii cubiculi proceres, & belli duces indignissimè ferebant hominem non suæ religionis, ignotum, exterum sibi præferri. Hinc illæ eorum voces, quibus regi in os opprobârunt: Quid sibi volunt Hebrai isti? Revertatur vir, & sedeat in loco suo, in quo constituisti eum, & non descendat nobiscum in prælium, & fiat nobis adversarius, cum præliari cœperimus. Quomodo enim aliter poterit placare Dominum suum, nisi in capitibus nostris? Nonne iste est David cui cantabant in choris, dicentes: Percussit Saul in millibus suis, & David in decem millibus suis? (a) Hæc magna fuit invidia, sed pretiosa, & bono Davidis à divinâ providentiâ singularissimè permessa. Anceps hærebat utique David, suosne oppugnaret, an amicos defereret. Deinde nisi hæc invidia illum à regis copiis amovisset, Amalecitas prædatores insequi non potuisset. Ita hæc

(a) 1. Reg. c. 29. v. 3. 4. & seq.

hæc invidia Davidi plus boni contulit, quam
 omnis affectus regius. Igitur rex Achis pro-
 cerorū suorū invidiā & nequitiā compulsus
 facere, quod minimè voluisset, accersito ad
 se Davide: Vivit Dominus, inquit, quia rectus
 es tu in conspectu meo, & exitus tuus &
 introitus tuus mecum est in castris, & non
 inveni in te quidquam mali, ex die quā ve-
 nisti ad me usque in diem hanc, sed satrapis
 non places. Revertere ergo, & vade in pace,
 & non offendas oculos satraparum Philis-
 thiim. Adversus hæc obducens David:
 Quid enim sceleris commisi, ait, ut fidelissi-
 mis obsequiis meis diffidas, & à tuis me ca-
 stris submoveas? Cui Achis: Scio, inquit,
 quia bonus es tu in oculis meis sicut Ange-
 lus Dei: sed principes Philistinorum dixe-
 runt, Non ascendet nobiscum in prælium.

Ita, ô reges! ô principes à vestris guber-
 namini consiliariis, vestri porro consiliarii
 à suis affectibus reguntur & commodis. Sa-
 trapis non placet. Spiritui sancto non placet.
 O non probas Ethicæ leges! Ita David invi-
 diā excussus cum suis paratissimam fortu-
 nam deseruit. Memento Domine David, &
 omnis mansuetudinis ejus.

Dum apud Achis regem versaretur Da-
 vid, Amalecitæ subito incurfu Siceleg ur-
 bem de prædati incenderunt; Achinoam &
 Abigaillem uxores David omnesque urbis
 incolas captivos abduxerunt. David his ma-
 lis superveniens cum suis, non invenit nisi
 locum urbis, bustum miserabile. Videte,
 obsecro, mitissimum hercœm, clade variâ
 undique opertum & miserè perditum: A-
 mici

mici & inimici deferunt, Iudæi & idololatæ infestant, Saul illum in omnibus latibulis persequitur. Invidia eum ex aulâ regis Achis eiecit; apud externos omnes exosissimus est, meri undique hostes; Siceleg combusta; uxores omnium liberique aut abducti, aut occisi. Cùm ergo venissent David, & viri ejus ad civitatem, & invenissent eam succensam igni, & uxores suas, & filios suos, & filias ductas esse captivas, levaverunt David, & populus, qui erat cum eo, voces suas, & planxerunt, donec deficerent in eis lachrymæ. De hoc planctu illud Nasonis dici potuerit:

Fine carent lachryma, nisi cùm stupor obstitit illis,

Et similis morti corpora languor habet. (a)

Ad complementum calamitatis unum hoc deerat: Volebat populus lapidare David, quia amara erat anima uniuscujusque viri super filiis suis & filiabus. Urbis incensa culpa impingebatur Davidi, quòd omne præsidium inde abduxisset. Quo loco conjunctissima duo perpendenda. 1. Et contristatus est David valde, cùm videret jam lapides in se colligi. 2. Confortatus est autem David in Domino Deo suo. Quidquid malorum ingruat, quantumcunque turbulentæ sint res & adversæ, CONFORTE MVR, idque in Domino Deo nostro. Ruat calum, fidat terra; Deus perennat, Deus dextrâ porriget. Confortemur in Domino Deo nostro. Hoc David præsidio nixus, interrogavit oraculum, an hostes Amalecitæ sint insequendi.

Re-

(a) Ovid. l. de Ponto eleg. 2.

Responsū est, insequendos. Quare nil penitus interponens morę, cum sexcentis suis fugientem hostem cœpit insequi. Vbi ventum est ad torrentem Besor, ducenti milites nimium defatigati, substitērunt. En novæ miserix; neque tamē animū contraxit David, sed supra vires quadringentis persecutus iter strenuē virum Ægyptium in agro invenit viribus prorsus exhaustū, & jam pæne umbram hominis: nam tribus diebus & tribus noctibus nec cibi quidquam, nec potūs gustaverat. Hunc David allocutus: Cujas es tu, inquit, & quò tendis? Cui Ægyptius, Servus sum Amalecitæ, à domino meo hîc desertus ob morbum nudius tertius contractum. Mox hominem David cibo potūq; iussit refici. Vbi sibi revixisse visus est, interrogans eum David: Viâsne tenes, inquit, num potes ad meos me hostes perducere? Cui Ægyptius: Si per Deum, inquit, mihi juraveris, me nec occidendum, nec hostibus tradendū, quò volueris, te ducam optimâ fide. Nil cunctatus David, testem Deum advocans iurjurando se contrinxit, & ad hostiles copias perductus est. Et ecce illi discumbebant super faciem universæ terræ comedentes & bibentes, & quasi festum celebrantes diem, pro cunctâ prædâ & spoliis, quæ caperāt de terrâ Philisthiim, & de terrâ Iudâ. Sed heu! extrema gaudii luctus occupat. Nam percussit eos David à vespere usq; ad vesperam alterius diei, & non evasit ex eis quisquā, nisi quadringenti viri adolescentes, qui ascendebant camelos, & fugerant. (a) Hâc tantâ stragem

(a) 1. Reg. c. 30. v. 16. & seqq.

gem quadringenti solùm viri, & quidem ex itinere fessi ediderunt. Sic omnia recuperata, uxores, liberi, servi, & quidquid spoli-
orum ab Amalecitis fuerat abductum; nec unico quidem homine desiderato. Ingen-
tem insuper prædam pecoris ante se ege-
runt milites David triumphali carmine can-
tantes: *Hæc est præda David.* Ita quem antea lapidibus erant in terram dejecturi, jam ca-
lo evehunt. Hinc liceat discere.

I. In manu Dei sita omnia. In manu tuâ,
Domine, omnes fines terræ, omnium
hominum animæ, omnes divitiæ, omnes
victoriæ: Tu, Domine, momento om-
nia potes vertere. Facile est enim in o-
culis tuis subitò honestare pauperem. (a) Su-
bito, dum non speratur, venit contritio. (b)
Subitò cecidit Babylon. (c) Sapienter dixit
Seneca: Momento mare vertitur; eodem die
ubi luserant navigia, sorbentur. (d) Esthere
in reginam assumptâ omnium Iudæorum ju-
gulis laqueus & gladius imminebat. Decre-
tum jam factum, regis annulo signatum ad
omnes provincias missum, edictum jam val-
vis fixum & universis provinciis impera-
tum, ut toto Assueri regno, omnes omnino
Iudæos, senes, pueros, mulieres, parvulos
nullo discrimine, uno die occiderent, &
bona eorum diriperent. Damnatio capitis
certissima. Nil certius omnium Iudæorum
interitu. Subitò non tantùm facta vitæ gra-
tia, sed Iudæis insuper concessum, conver-
sione

(a) *Eccli. c. II. v. 23.* (b) *Isa. c. 30. v. 13.*

(c) *Hier. c. 51. v. 8.*

(d) *Sen. epist. 4. med.*

sione rerum admirandâ, omnes suos hostes interimere. Ita hic summus luctus in repentinum gaudium mutavit, lachrymæ in cachinnos triumphales verterunt; ita paullo antè David panè lapidibus insternebatur, jam cœlo extollitur. Amalecitæ risu & gaudiis fluebant, vino se ac epulis sepelebant. Subitò vertit alea, hostes collectam omnem prædam iterum amittunt, jugulantur omnes, ut oves. Israëlita post summam desperationem omnia recipiunt, jam multo quàm antè ditiores. Humana vita mare est, momento vertitur. Nullius spes unquam labascet, Deus gubernat, Deus imperat, fidamus Deo.

II Providentia Dei nimis quàm admiranda. Invidia certè Satraparum plus profuit Davidi, quàm magnum auri pondus: nam homides, pecunia, pecudes, ceteraque spolia omnia ab Amalecitis ablata, nunquam fuissent recuperata, si David ex aulâ regis non expulsi set procerû invidia. Primo quidem intuitu David hanc invidiam sibi commodaturam non vidit, sed ejus commodum re ipsâ comperit. Ita nos in plurimis initium videmus, finem & exitum non videmus. Exordium saepe infelix epilogum habuit felicissimum. Ex omni malo Deus eliquare novit bonum. Paulus affirmatissimè hoc pronuntians: Scimus, inquit, quoniam diligentibus Deum omnia cooperantur in bonum. (a)

III. Fiducia Davidis in Deum summa. *Contristatus est quidem David valde: in eas enim*

(a) Rom c. 8. v. 28.

enim angustias adactus est, ut etiam suos jam hostes senserit, & ad extremum pæne calamitatis venerit; Nihilominus *confortatus est David in Domino Deo*. Ibi sæpe maxima spes est, ubi nulla spes est. Quod Ambrosius confirmans: De divinâ misericordiâ, inquit, ampliùs sperandum est, cum humana præsidia deficiunt. In eam spem erigens Isaias: Dominus, inquit, auxiliator meus, & scio, quoniam non confundar. (a) Solet Deus creberrimè in extremum necessitatis apicè differre auxilia, ut sciant omnes, quoniam ipse adiutor fortis est. Ita David in suamet domo cinctus, vix ullam effugii spem habuit, & tamen sciebat, quia non confunderetur: In saltu Maon arctissimè obsessus, jam hostis cassibus hærebat, sciebat tamen, quia non confunderetur; ad Siceleg urbem summa rerum omnium desperatio fuit, & sciebat, quia non confunderetur; in rebus planè arctissimis non frangebatur David animo, quem in Deum semper erectum ferebat. Intrepidus de seipso poterat affirmare: Scio, quoniam non confundar. Sed unde hoc sciam? dices. Oraculo cœlesti crede: Spes non confundit. (b)

IV. Quisquis igitur Dei providentiam agnoscit, & Deo fidit, huic reverà difficile non est suam divinæ voluntati adungere, ut in eò suavissimè acquiescat, quod Dei nutu consilioque geritur: inde nullas effundit super ullo infortunio querelas, sed quidquid contigerit animo ad tranquillitatem com-

(a) *Is. c. 50. v. 7.*

(b) *Ad Rom. c. 5. v. 5.*

composito excipiet, & quæ cæteros mortali-
um mœstitiâ lachrymisque turbare so-
lent, ille approbabit. David in hoc genere
eximius, divinæ voluntati obsequentissi-
mus, approbato in omnibus Dei consilio,
dicebat Sauli. Si Dominus incitat te adver-
sum me, odoretur sacrificium. (a) Non igno-
ro te vitæ meæ insidiari, nec simplici tan-
tùm vice fatale in me telum torsisse: Si hac
Dei sit voluntas, en habes me victimam;
paratissimus sum duci, mactari, comburi.
Nos omnes, ô Christiani, victimæ sumus; si
Deus in nos immittat lionem, obrecta-
torem, amulum, vexatorem, tyrannum, di-
reptorem, hostem insensissimum. Quod
Paulus impensissime commendans: Obse-
cro itaque vos fratres, inquit, per miseri-
cordiam Dei, ut exhibeatis corpora vestra
hostiam viventem, sanctam, Deo placentem,
rationabile obsequium vestrum. (b) In lege
priscâ præcipiens Deus: Offeres, inquit, to-
tum arietem in incensum super altare;
oblatio est Domino, odor suavissimus victi-
mæ Domini. (c) Voluntas humana est aries
ille imponendus ut victima; subjiciendus
ignis è providentiæ divinæ notitiâ, & in
Deum grandi fiduciâ. Hoc, oblatio est Do-
mino, odor suavissimus. Nil sanè acceptius
offerre Deo possumus, quàm nostram ipsi
voluntatem, quæ tunc demum gradissima
est victima, si se divinæ quàm arctissime
conjunxerit. Idem cum Deo velle, suprema
inter mortales felicitas est.

(a) 1. Reg. c. 16. v. 19. (b) Ad Rom.
c. 12, v. 1. (c) Exod. c. 29. v. 18.

C A P V T X V I.

David mortem Saulis deplorat.

Post Amalecitas usque ad internecionem caesos, post recuperatam omnem prædam, nuntius è Gelboanis montibus pervolavit in Siceleg, scissâ veste, caput cinere sparsus, toto habitu luctum præ se ferens, ut primo statim occurso sciri potuerit, nil falsi nuntiandum. Hunc interrogans David: Vnde venis, inquit, nihilque ex illis locis grati rumoris adfers? At cursor sine ambagibus: E castris, inquit, ad volo, è populo Hebræo multi caesi, plurimi fugati, Saul & Ionathas occubuerunt. Saul quidem, cum ego casu in montem Gelboë venissem in hastam suam incumbens, ubi vicinos hostes vidit, miserabili me prece compellans: Accede, ait, & cum morte luctantem interfice, ne ludibrio fiam hostibus. Quando igitur ei ampliùs vivere non licebat, parui, & mortuo hoc diadema, & armillam hanc detraxi, atq; huc domino meo attuli regia mortis argumentum. Hoc miseri simplicitas in suum narravit exitium. Nam David Hebræo ritu vestem lacerans, fatóque alieno illachrymans, & ad nuntium conversus: Quomodo ausus es, inquit, regem, Christum Domini interficere? Mox uni satellitum iubens; Hunc, inquit, interfice. Ita in conspectu David interfectus est infelix nuntius. His miseriis præmissis, ardore tanto luctum funebrem exorsus est David, perinde si pa-

rentes

rentes aut liberos charissimos, aut amicos fidelissimos amisisset. Ita hosti infensissimo parentavit. Mi Deus, quam mirabilia sunt consilia tua! Repentè mutat alea, momento vertitur mare. Rex Hebræus Saul, unà cum filiis uno in pralio vitam, regnum, famam, coelum, omnia perdit: David tot annis jam exul, paullò antè ferè lapidatus, domum redit in triumpho, nihilominus seipsum vincit, & propter occisum hostem serio luxit, de quo jam differendum. Argumenta luctus quinque edidit, & unâ incomparabilem suam mansuetudinem David proposuit orbi. Summa igitur hujus capitis est: David obitum Saulis deplorat.

§. I.

Beatus Ambrosius nec mirari satis, nec depradicare potest hanc Davidis maximam mansuetudinem, qui mortem regis ingratiissimi tam serio deslevit luctu. Improbissimus Saul tot annis dies doctesque, tam variis insidiis fidiissimi famuli vitam appetiit: inde coactus fuerat in sylvis, montibus & speluncis habitare, imò Iudææ finibus excedere, in hostiles terras emigrare, ob continuam insectationem Saulis, quem tamen in infausto, ut merebatur pralio, cecidisse, animo doluit: doloris signa hæc dedit.

I. More suæ genti vestem conscidit, quòd in magno luctu amabat fieri. Nemo audiit Davidem dicere: Deo bene juvante, virille nequam interiit: euge, optimè factum. Hanc necem millies est meritis. Agnovit quidem David divinam providen-

tiam, iusta Dei iudicia, -coelestem vindictam, non tamen eâ de re sibi applausit, nec gratulatus est sibi ipse sui hostis interitum.

II. Flevit, & alios ad fletum commovit; sunt quidem & gaudiorum lachrymæ, sed hic reverà non erant. Cogitaverat utique David, non sine intimo animi sensu & miseratione: Eheu, rex miserrimus aternitatem adiit, peccatis coopertus, ab infausâ morte ad mortem aternam transiit, suisque met flagitiis immortalis. Hinc mitissimus David, si potuisset, ad vitam revocasset, vel hunc hostem suum.

III. Ieiunia iniit. Planxerunt, fleverunt, & jejunaverunt usque ad vespèram, super Saul & super Ionatham filium ejus. (a) Ævo priscorum Patrum hoc tale jejunium servabatur, ut ad cœnam usque ciborum abstinentia proferretur; consuetudinem mutavit tempus.

IV. Epicedium seu carmen lugubre composuit sanè artificiosum, cui epilogum hunc attexit: Quomodo ceciderunt fortes in pralio: Doleo super te, frater mi Ionatha, decore nimis & amabilis super amorem mulierum. Sicut mater unicum amat filium, ita ego te diligebam. Quomodo ceciderunt fortes, & perierunt arma bellica? Poësis subinde versus intercalares miscet. Ita Catullus in Pelei & Thetidis epithalamio:

Currite ducentes sub tegmina currite fusi.
Et ad Manlium: O misero frater adempte
mihî!

(a) 2. Reg. I.

mihî! Idem divinus. Psalter observavit psalmo centesimo sexto, in quo sapius repetit intercalarem hunc versum: Confiteantur Domino misericordiae ejus, & mirabilia ejus filiis hominum. (a) Ita & lessum hunc mortualem distinxit hoc versu: Quomodo ceciderunt fortes in pralio.

V. Cladis nuntium occidi jussit rex David, idque non injuriâ. Putavit hic nuntius, evangelia sibi reddenda lauta. (b) & caput perdidit. Et videte, quàm æqua sint Dei judicia, & quàm Deus nil criminis dimittat impunitum. Vt regis Davidis gratiam examibret, Saulem à se interfecit mentitus est. Profectò bene sibi coherencia locutus non est. Ita capite laus mendacium, qui suo se testimonio peremit. Deinde quia Amalecita erat, pridem interficiendus fuerat. Tertio Sauli hoc tale roganti parere non debuisse, uti febriensi quavis anxie petenti, frigida non adferenda. Iamque à Saulis morte licuit Davidi regiâ potestate uti, & in reum publicè confitentem ferro animadvertere. Ita Saulis obitus Davidi neutiquam bonus & voluptabilis fuit nuntius, non evangelium mors fuit.

Ah! quàm longè absumus ab hac tali mansuetudine ac benignitate in hostes. Sunt plurimi, non dubitem, etsi cæterà parum liberales, etsi minimè opulenti, aut certè deparci, si tamen audirent sibi nuntiari, hostem suum à Deo punitum, publicè casum,

N 3 - - - - - exi.

(a) Vers. 8. 15. 21. 31.

(b) Er woll ein guß Botten Brodt dar von tragen.

eximiam aureorum summam, statim expedirâ hilarique manu numerarent, aut brevi numerandam promitterent. Sunt quippe non pauci, tam vindictæ cupidi, ut facile mille philippeos effunderent, dummodo liceret inimici plagis aut injuriis satiari. Hem, quale desiderium, qualis sitis, quam nec Christi sanguis, pro inimicis etiam fusus satis restinxerit. Rex David Christi patientis, tôtque Christianorum martyrum exempla ad imitationem nondum habuit, & tamen tam mitis & benignus in hostes fuit. Miratus hoc Bernardus: Quid David mansuetius? inquit, qui illius mortem lugebat, qui suam semper sitiebat. Quid benignius, quàm ut ejus molestè ferret decessum, cui succedebat in regnum. Iure dixit: memento Domine David, & omnis mansuetudinis ejus. Verè oleo misericordiæ unctus est. Amicis pariter & inimicis, sapientibus & insipientibus debitores sumus, utiles omnibus, humiles in omnibus. (a)

Videtur hîc David in exercendo amore hostium, nobile monstrâsse compendium, cùm Amalecitæ diceret: *Quare non timuisti mittere manum tuam, ut occideres Christum Domini?* Saulem non ut hominem mortalem, sed ut unctum à Deo regem respicere debuisses. Idem nobis in plurimis facitandum: Non rem, non hostes, non nosipfos, non illatum damnum tam anxie contemplemur, sed Christum Dominum, qui & hostes amari imperans: Ego autem, inquit, dico vobis: diligite inimicos vestros, benefa-

cite

(a) Bern. serm. 12. in Cant.

cite his, qui oderunt vos. Quid porro præmii promittis Christe? Ut sitis sibi Patris vestri, qui in coelis est. (a) Actum est, Christiane, si injuriâ attendas, inimicū respicias, damnum expendas: Christum aspice ultorem, judicem, remuneratorem. Paulus patientiam persuasurus, in eundem hunc Christum intendens digitum: Aspicientes, inquit, in auctorem fidei & consummatorem IESUM. (b) Augustinus Pollentium erudiens docet, fidem non tantum esse necessariam, ut credamus supernaturalia, sed ut ea etiam quæ in Christi lege videntur insuavia, aspera, difficilia, fiant jucunda, levia, facilia. Nil ei difficile, qui per fidē Christum intuetur malorum vindicē, bonorum munerariū.

Noverat Christus nos insigniter avaros, nil facile dare alteri, nisi spe lucri. Ut igitur pecuniam à nobis extorqueret in stipem, seipsum nobis proposuit fide aspiciendum, vadem & sponsores se dedit, damnum omne in se suscepit hac certissimā cautione: Quamdiu uni ex minimis meis fecistis, mihi fecistis. (c) Eadem ratione Christus dominis & magistratui nos obsequi jubens, seipsum statuit intuendum, hac omnino lege: Qui vos audit, me audit: qui vos spernit, me spernit. (d) Ita homini paremus, quem ceteroqui sperneremus. Exemplo, quod dicimus, demonstramus. Est in Austria vestigium redemptor, vir acerbi facit, turbidus, & iracundus, altercator, insolens.

(a) *Matth. c. 5. v. 44. & 45.* (b) *Ad Hebr. c. 12. v. 2.* (c) *Matth. c. 24. v. 40.* (d) *Luc. c. 10. v. 16.*

lens, fremebundus in omnes. Quisquis modestiæ amans huic vestigal pendit, sed secum cogitat: Non tibi, sed Casari. Tibi quidem nec oboli partem pensitarem, sed quia Casaris nomine portorium exerceas, do quod exigis: Ita nos in omnibus aspicientes Christum, dicamus: Non tibi, sed Christo. Videt quis inimicum & expallet, & infren-der: oculos ergo in Christo figat, dicatque animo: Non tibi, sed Christo gratiam cul- pæ facio. Videt quis mendicum ulcerosum, fame confectum, centunculis male tectum, primo hoc aspectu satur est; sed fide aspi- ciat Christum, qui omnem in egenos beneficentiam liberalissimè remunerabi- tur, mox utrâque dabit manu. Atque hoc est, quod ingerit, & urget David: Non timuisti mittere manum in Christum Do- mini? non tibi homo caducus, rex impius, atrox tyrannus, sed Christus Dominus fue- rat aspiciendus. His sanè fidei oculis non adversarius, non obrectator, non ini- micus, non rerum adversarum impetus est spectandus, sed Christus Dominus. Nos profundi, sed pessimi scrutatores offen- sarum initia, odiorum radices, injuri- rum damna investigamus in nostrum exi- tium. O vani! quid nostra ipsi mala arces- simus? Christum attendamus, eâ de re cer- tissimi, amorem quem inimico propter Christum impendimus, ipsi impendi Chri- sto. In hunc modum Ambrosius illud divi- ni carminis exponit: Pone me ut signacu- lum super cor tuum, ut signaculum super brachium tuum. (a) Qui enim ad metam si-

(a) *Cânt. 8. v. 6.*

gnumve

gnumve jaculantur, oculos & manus ad illud ipsum signum collineant, ad quod sagittas. Cælestis sponsus duo exigit: Dilectionem & beneficentiam in hostem: Cor dilectionem, beneficentiam manus suppeditat. Ut neutrum desit, pone me ut signaculum super cor tuum, ut signaculum super brachium tuum: Ne defigas oculos in inimicum, in ejus atrociam dicta, scelerata facta, ne tuas ipse miseras curiosus rimeris animum oculosque in me ut signum collinea, à me dilectionem recipies & beneficentiam.

Ephesios Paulus ad ponendam omnem iram permoturus, rationes sic colligans: Omnis amaritudo, inquit, & ira, & indignatio, & clamor, & blasphemia tollatur à vobis cum omni malitiâ. Estote autem invicem benigni, misericordes, donantes invicem, sicut & Deus in Christo donavit vobis. Estote ergo imitatores Dei, sicut filii charissimi. (a) Principio ejectionem à pectore vult Paulus omnem amaritudinem, hæc enim, ut Thomas Aquinas loquitur, radix prima est tot malorum fructuum. Oritur autem illa ex consideratione offensa: porro ex amaritudine consurgit ira, ex hac appetitus vindictæ, inde indignatio respuens omnem excusationem, ex indignatione nascuntur clamores, hinc sermones pessimi. Videte ut Vera sequatur Vibiam. (b) Hic Paulus imperans: Tollantur, inquit, à vobis hæc om-

N 5 niâ.

(a) Ephes. c. 4. v. 31. 82. & c. 5. v. 1.

(b) Also gehet der Bettlers Tanz auff einander.

nia. Qui fieri possit? Donantes invicem, sicut & Deus in Christo donavit vobis. Dei hostes eramus omnes, nec quidquam in nobis fuerat, quod Deum flesteret ad veniam. Ita Dei filius seipsum pro reis substituit, hic Pater iras remisit, non tot reorum capita attendens, sed infontem filium. Deus in Christo donavit nobis: nos in Christo donemus quibuscunque offendentibus.

In Clara Valle, ut memorant, homo religiosus fuit miræ mansuetudinis, qui nunquam iratus, impatiens numquam est visus. Hic eam ipse sibi legem fixerat, ut pro omnibus illis, à quibuscunque demum offenderetur, saltem Dominicam orationem recitaret, si non vacaret prolixius precari. Exemplo tam religioso permoti plures, idem facturos statuerunt, & ista lex etiamnum hodie illic perseverat. Sed cum hic ipse negotium templi curaturus peregre mitteretur, nemus transiit, in quo pradones & equum ei & omnes sarcinas rapuerunt. Ille more suo, oculos, id jam doctos, in Christum erigens, submissis genibus precari coepit pro suis pradatoribus. Dū orat, unus aliquis eorum curiosior redit visurus, quò iret monachus. Cum autem observaret in preces fusum, rediens ad socios: O socii, ait, monstrum hominis vidi: homo ille injurias precibus remittitur. Verendum ne diabolus nobis grande malum creet per illum; vir ex asse probus videtur; reddamus illi sua. Hic unus, ut oculis suis fidem faceret, rediit, & cum lacrymis etiamnum orantem vidit. Mox ei omnia, quæ ablata fuerant sunt restituta.

stituta. Gavissus ille plurimum, non tam de reclusis receptis, quàm de prædonibus mutatis. Die quo religiosus vir iste mortuus, alius in remoto cœnobio moribundus, diu à sensibus alienatus, demum ad se rediens narravit illum talem à se visum inter beatos, eodemque die obiit. Diæta cum tempore examissim congruebant.

Ita David, ita Numinis amici non offensas, non inimicos, non injurias contemplantur, sed Christum, quem & imitari conantur. Epictetus hac in re optimè philosophatus: Vnaquæque res, inquit, duas habet ansas: unam tolerabilem, alteram intolerabilem. Si frater injuriam fecerit, non eâ prehendere, quâ facit injuriam, ea enim ejus ansa non est tolerabilis; sed illinc potiùs: esse fratrem, esse unà educatum. Sic prehendens eum, quâ est tolerabilis. Pari modo dixerim: Vnaquæque res duas habet facies, suavem alteram & jucundam, alteram deformem & horrendam. Si ergo hominem consideraveris ut inimicum, ut obtrektatorem, ut noxium, horrenda & deformis facies offendet aspicientis oculos: Si verò considerâris, ut humanæ naturæ participem, Christi sanguine expiatum, cæli heredem; suavis & jucunda tibi facies obtinget. Davidem imitemur, & Christos Domini intueamur. Non refert, quem aspicias, sed refert quàm plurimum, quâ facie quem aspicias.

C A P V T XVII.

Abnerem David luget occisum.

A Saulis obitu David consulto Domino migravit è Sice'eg in Hebron. Hierusalem arcem Iebusai atiamnum tenuerunt. Hebrone rex secundum est sanctus, & promulgatus. Sed adhuc miserrimus rerum status in Hebrâ Republicâ fuit. Nam duo reges in uno regno, duo capita in uno corpore, duo soles in uno calo malè conveniunt. Post Saulem mortuum, mox Abner militiæ princeps filium Saulis Isbosethum per castra circumduxit ut regem, cui tribus Israël undecim adhaeserunt, & ut regi suo in omne obsequium jurârunt. Ita regnum miserè convulsus & laceratum: Ita novis David agitabatur ærumnis. Hic duo viri nobis probiùs noscendi: Davidis Imperator bellicus Joab, cujus & cognatus fuit; Abner Saulis dux castrensis; uterque manu & consilio promptus, acer & experiens, strenuus, uterque in suum dominum severus & rigidus; neuter pius, neuter amans tranquillitatis.

Ioabo gemini erant fratres Abisai & Asaël; Asaëlem Abner quamvis non immerentem confodit. Ioabus fratris necem ulturus, invidiâ insuper stimulante, Abnerem sui regis nomine evocavit, & inopinantem trucidavit. Cordolium hoc erat Davidi, quis enim illum non suspicatus fuisset hujus cadis auctorem? Vt autem à se Da-

vid suspicionem hanc amoliretur, funus Abneri nobilissimum instruxit, ipseque eum brevi, sed concinnâ oratione funebri laudavit. Præterea Legatos misit Jabesius, quos amplissimè ab eo commendavit, quòd spreto vitæ discrimine, Saulis & filiorum regia cadavera pro Philisthæis mœnibus suspensâ occultâ vi rapuerint ad sepulturam, Deo hoc obsequii genus amplissimè remuneraturo. Videte, obsecro, ut David injuriarum omnium immemor suum hostem non ut hostem, sed ut Christum Domini considerârit, oculos tot cladibus turbatos, lacrymis fatigatos, à malis publicis reflexos ad Deum erexerit, suamque voluntatem ad divinam, quàm integerrimè conformârit, & hostem suum Abnerem luxerit. Hæc isto capite prosequenda.

§. I.

Sunt qui sanguinem spectare horreant, suum è venâ missuri oculos avertant, aut linquente animo deficiant. David sui sanguinis animosus contemptor Hebræorum regnum foedè discerptum reperit; procerum cades, aliorum proscriptiones, everfam justitiam, corruptam militiam, omnia turbatissima. Sed ille magno constantique animo abductos à tot malis oculos ad Deum erexit. Hinc illæ toties iteratæ voces: Ad te levavi oculos meos. Sed inspiciamus brevem ordinem malorum.

I. Decennio vitam inopem & vagam persecutus est exul, in silvis & spelæis, in montibus & ferarum latibulis coactus habitare

bitare ut fera, idque inter pericula continua. Tandem Deus insidiatorem & capitalem hostem è medio sustulit. Sed nondum miseriarum finis. Secutâ ingens discordia. Duo reges de regno uno litigârunt.

II. Facta est longa concertatio inter domum David, & inter domum Saulis. (a) Isbosethus Saulis filius jure hæreditario se regem ferebat; David successionem extinctam, electionem à Deo institutam opponebat liquidiore jure. Hæc controversia septem annos cum dimidio tenuit. En Deus opulentat suos, sed præmissâ paupertate; honorat suos, sed probris prius & maledictis atque contumeliis insigniter vexatos.

III. Clades à Philisthæis illata cùm Saul filiique occumberent in acie, nondum obduxit callum: Nam fugit populus ex prælio, & multi corruentes è populo mortui sunt. (b)

IV. Eductis utriusque partis militibus dixit Abner Ioabo: Surgant pueri, & ludant coram nobis. Ioabo annuente, viginti quatuor, utrimque duodecim, velut ad militare ludicrum progressi decretoriis armis conflixerunt, apprehensoque unusquisque capite comparis sui, defixit gladium in latus contrarii, & ceciderunt simul: vocatumque est nomen loci illius Ager robustorum in Gabaon. (c) Cruentus & nimium crudelis lusus, qui Davidi non potuit non displicuisse.

V. Micholem Saulis filiam, Davidis conjugem,

(a) 2. Reg. c. 3. v. 1. (b) 2. Reg. 1.

(c) 2. Reg. 2.

jugem, volente perfido patre alius uxorem duxit. Tantò autem violentius & acerbius est divortium, quantò ardentior erat constantiorque amor conjugum.

VI. Mors etiam Asaëlis Davidem percutit. Hanc secuta est cades Abneris, quem dolo interfecit Ioab, & suum insuper regem acri aceto perfundens: Quid fecisti, ait, ecce venit Abner ad te, quare dimisisti eum? Et abiit, & recessit. Ignoras Abner filium Ner, quoniam ad hoc venit ad te, ut deciperet te, & sciret exitum tuum, & introitum tuum, & nosset omnia, quæ agis. (a)

VII. Hinc Abneris perfidè cæsi conscius putabatur David; idcirco huic suspicioni amoliendæ plurimum laborans: Mundus ego sum, inquit, & regnum meum apud Deum usque in sempiternum à sanguine Abner filii Ner, & veniat super caput Ioab, & super omnem domum patris ejus. Inde ad Ioabum ipsum, & ad omnem populum conversus: Sciindite, inquit, vestimenta vestra, & accingimini saccis, & plangite ante exequias Abner. Porro rex David sequebatur feretrum, velut patrem, aut matrem, humaturus. Cùmque sepelissent Abner in Hebron, levavit rex David vocem suam, & flevit super tumulum Abner; flevit autem & omnis populus. Plangensque rex, & lugens Abner, ait: Nequaquam ut mori solent ignavi, mortuus est Abner. Manus tuæ ligatæ non sunt, & pedes tui non sunt compeditus aggravati: sed sicut solent cadere

CORAM

coram filiis iniquitatis, sic corruisti. Congeminânsque omnis populus flevit super eum. Cûmque venisset universa multitudo cibum capere cum David, clarâ adhuc die juravit David, dicens: Hæc faciat mihi Deus, & hæc addat, si ante occasum solis gustavero panem, vel aliud quidquam. Atque hujusmodi mala principium regni infestârunt. Tam turbato rerum statu nihilominus David legationem mittens ad Iabesitas, eosque plurimum collaudans: Benedixi vos à Domino, inquit, qui fecistis misericordiam hanc cum domino vestro Saul, & sepelistis eum. Et nunc retribuet vobis quidem Dominus misericordiam & veritatem: sed & ego reddam gratiam, eò quòd fecistis verbum istud. (a) En David Saulem regem & Abnerem castrorum Praefectum, tot annis capitales hostes, sed illum ut Christum Domini, istum ut ejusdem religionis consortem intuitus, in utrumque admirabilem amorem, mansuetudinem incredibilem, arguentis variis exhibuit. Memento, ô Domine, David, & omnis mansuetudinis ejus. Idem in adversis à nobis facitandum. Nam miseriæ nostræ, nostrique hostes, non facie illâ, quâ minantur horrida, sed eâ, quâ præmium spondent mitibus, sunt afficiendi. In Christi vultum defigamus oculos. At nos plerumque hic erramus largissimè: quidquid oculorum domi habemus, ærurnis & hostibus nostris infigimus. Et quamvis plurimum solatii admoveatur, nos tamen identidem hoc respon-

(a) 2. Reg. 2.

respondeamus: Ego autem aliud cerno, aliud experior. Hinc labyrinthus noxarum, Siracides commonefaciens: Ne festines, inquit, in tempore obductionis. Sustine sustentationes Dei; conjungere Deo, & sustine, ut crescat in novissimo vita tua. (a) Ne ergo tempore nubilo præcipita, cum ira, cum vindicta cupido, cum invidia, similisque animi motiones noctem inducunt rationi; ne festina, obsecro, &, quod Basilii moner, da locum cogitationibus sanctis, & averte oculos ab eo, quod illos adeò lædit. Non possum, inquit. Potes, si velis. Oculos ab injuriis & contumeliis aversos converte in Dominum I E S U M, aut in Christum Domini David: Memento David, & omnis mansuetudinis ejus.

Cervus seipsum præcipitat, quod Pierius docet, dum hostem nimis avidè aspectat. Corvus, aut quod alii malunt, aquila ferinam esuriens arenâ se mergit, eâque, quantum potest, implet alas. Multo pulvere armata in cervi caput pervolat, frontem rostro feriens. Cervus cupidè visurus, quis hostium arcem suam incurset, oculos pandit, aquila in hiantes oculos arenam excutit, visumque turbat. Hinc fero pavidâ cursu saltuque se proripere, per avia ruere, nonnunquam ex alto se præcipitare. Ita fit præda hosti. Hoc ergo cervum necat, videre vel le quis feriat, & inde cœco ferri cursu. Idem nobis evenit. Aquila vel corvus, homo improbi oris, altercator, turbidus, contumeliosus rostro nos ferit, convitiis afficit.

O

ma-

(a) *Eccli. 2. v. 2. 3.*

maledictis figit : Hic niger est, hunc tu Romanane caveto. (a) At nos confestim omnes oculos in hunc unum conjicimus, & fremebundi quærimus : Quis iste nebulo, qui audeat hanc contumeliam in me jacere? quis iste trifurcifer, qui hanc in me fabam cudere non vereatur: faxo sentiat, quid egerit; simili eum lixivio perfundam. Sic iræ ac vindictæ pulvis oculos implet, & fascinat; inde impetum sumimus, & quò nos furor abripit, excurrimus, & calcamus obvia; nec est, qui currentem hanc insaniam sistat. Obnitenti dicimus: Sine me, sic oportet hos tenebriones tractare. Sic irâ incitati cæco cursu properamus ad præcipitium. Ne festines in tempore obductionis: ne oculos ad corvum, sed ad Christum verte præcipientem: Ego autem dico vobis, diligite inimicos vestros.

Divinus Paulus de amore vero differens: Caritas, inquit, non quærit quæ sua sunt, non irritatur, non cogitat malum, non enim de ullo mali quid suspicatur; Nam Caritas, uti Gregorius loquitur, malum, quod patitur, non considerat, (b) oculos non suis ærumnis, sed Christo in crucem actò affigit. Causa, ob quam adeò facilè proritamur ad iram, & acerbamur, hæc est: injurias etiam leviores attentissimè consideramus; inimicos nostros, tanquam eos depicturi, & omnes eorum motus acutissimè observamus. Hinc nostræ tot querelæ, quas de adversariis spargimus: Est homo garrulus;

(a) *Horat. lib. I. serm. sat. 4.*

(b) *Greg. l. 10. moral. c. 9.*

lus; sit. Est obrectator; sit. Est proditor; sit. Est nequam intus & in cute; sit. Pessimus est trifurcifer; sit. Iam pridem patibulo dignus, sit. Sed quid hoc dicis, ô bone; tu mihi semper hominem peccatis noxium monstras, ego tibi Christum ostendo pro omnium noxis mortuum. Ergo averte oculos tuos, ne videant vanitatem; homo vanitati similis, sine crocitare corvum, tu attende Deum, & injurias animo non iniquo perferes. Non possum, inquis, oculos abducere ab eo, quod mordet, quod dolet. Ostendam te posse. Si te amicissimi viri filiulus lapide secundum pedem feriat in plateis, nam accurrens & puerulum humi dejicies, atque pedibus calcabis? Non facies, sed substringes iram, & coërcebis manum, illud tecum cogitans; Est amici mei & magni viri filius; jactus lapidis dissimulandus ob parentem. Mi puerule, tuus tibi parens bono est, alioquin insignem saltem colaphum abstulisses. Ob temerarium lapidis jectum meruisses plagas, sed parenti tuo parcitur. Idem humanitatis exhibetur, si optimatis servus in domo alienâ vitrum frangat, in facetias spargat, pavimentum colluviet, aut crasse aliud quippiam agat, an eum continuo ædium dominus expellet fuste? Non profecto, sed dissimulantur hæc tales offensa, non enim servus, aut noxa servi, se dominus attenditur, qui alit servum illum; & quamvis magni pretii crystallinum frangat, factum tamen excusatur, quando non est difficile servi illius domino damnum hoc sarcire. En, obsecro, quàm facile possimus.

siquidem velimus, iras comprimere, dolorem subticere, damnum spernere; nimirum filio indulgetur ob ejus parentem, servo agnoscitur ob ejus herum, vel cani parciunt ob ejus dominum; cur homo homini non indulgeat, non ignoscat, non parcat ob Deum?

Hoc virtutis compendium David sibi nunquam passus est eripi. Oculos ab eo, qui laeserat, ad Deum flectere insignissimè novit. Hinc illæ voces crebrè repetitæ: Propitius sit mihi Dominus, ne faciam hanc tem Domino meo Christo Domini. Ita cum antro abditus Saulem insidiatorem opportunissimè nactus esset, & ad eandem partem à suis partim à seipso urgeretur: Hoc, inquit, ne utiquam fecerit; contineo me, & servo propter dominum parco.

Si filius matri in domo charissimus moriatur, minuendo luctui, vestes & omnia, quæ filii erant, subtrahenda sunt matri, sed & ipsa horum aspectum fugiat, ne nova identidem lugendi seges succrescat. Contrarium nos facimus, & luctuosi nobis accidit, assiduè sub aspectum protrahimus. Deceptus quis mille florenos perdidit, hoc ita sensui animoque affigit, ut dispendii hujus oblivisci non possit. Quidquid illi solatii affuderis, hoc unum ille recantabit assiduè: Mille florenos perdidi. Atqui nos Deus potest reddere. Florenos mille nequissimus impostor rapuit. Atqui nihilominus caloposiri potes. Quis mille mihi reddet florenos? Quanti non rarè principes & reges, totas provincias & regna perdiderunt, dam-

num tamen tam iniquè non tulerunt. Ille iterum opponet : Mille floreni grandis pecunia , horribilis ja ctura. Atqui jam curis plurimis supersedere poteris. Amissio mille florenorum cura maxima. Atqui pecunia magnum peccandi illicium. Quid tu de peccatis somnias, modò ego mille florenos reciperem. Quidquid denique huic hominì dicatur, mille florenos ille oggeret.

Apologo veteri rem explicamus. Equus in scholam missus est, ut alphabetum & litteras appellare , syllabas ordinare , nomina & voces formare disceret. Sed quidquid dixisset illi Magister, indocilis quadrupes hoc unum assidue ingeminabat , *Avena*. Huic equo nos simillimi in scholâ Christi, indociles , discipuli , verba pessimè formamus. Christus voce præt , jubétque nos sequi , idemque dicere : Diligite inimicos vestros, diligite. Nos autem usque & usque vociferamur: Crucifigite inimicos vestros, crucifigite , occidite. Hoc inde oritur, quia dies noctesque damna & injurias ab aliis illatas fixissimè contemplamur. Christiane, averte hinc oculos tuos, & ad Deum erige. Nos cum Davide precamur quotidie: Averte faciem tuam à peccatis meis. Id Deus facturum se promittit, sed eâ lege: Averte tu prius faciem tuam ab inimicis tuis. Ignosce tu aliis, si me vis ignoscere tibi.

Alexander Macedo , quod Iosephus narrat , Hierosolyma cum exercitu contendit. Huic Iaddus Pontifex veste pontificiâ indurus , cum candidatâ plebe obviam processit. Rex Alexander hunc prono corpo-

ris flexu veneratus adoravit. Syrii reges alique obstupuerunt, vix credentes, regem mentis sat compotem: Parmenio familiarium regionum intimus ausus etiam interrogare, cur Hebraeorum Pontificem tam in-sueto cultu veneraretur, cum regem omnes adorent? Cui Alexander: Honorem hunc, inquit, non huic homini, sed Deo exhibui, cui servit Pontifex. Nam etiamnum in Macedonia hunc virum hoc habitu secundum quietem vidi, quod me animaret ad occupandum Persarum regnum. Istius visi, hac vestis me monet. His dictis Pontificem complexus urbem inivit, in qua Danielis vaticinium audit, à Græco Principe occupandam Persiam; se eum esse interpretatus, iussit petere Iudæos, quod vellent. Illi hoc unum petere instituerunt, vivere patriis legibus, & ut septimo quovis anno tributorum immunitas daretur. Concessit omnia. Quemadmodum ergo Alexander dixit: Honorem hunc non tam Pontifici, quam cuius est ille Pontifex, Deo exhibui. Ita nos dicamus in omnibus: Non tibi, sed Deo; Non te, non tua, sed divinam voluntatem respicio.

Ismenias Thebanus ad Persarum regem legatus, Aliano teste, (a) nec populo suo indignum quid facere, nec in Persicos mores delinquere volebat. Ducebat eum Tithraustres, qui regi à cubiculis, quo gestu regem adorare mos gentis posceret. Ismenias ne quid in libertatem patriam aut peregrinos ritus peccaret, ubi in conspectum regis pervenit, annulum permisit excidere digito,

III

(a) *Alian. l. 1. Var. hist. c. 21.*

ut dum cum prono corporis flexu recipe-
ret, non absimilis esset regem adoranti.
Dum ergo se inclinaret: Non tibi, aiebat, sed
annulo. Quod Ælianus memorans: Ismenia
Thebani, ait, sapientissimum & planè Græ-
cum factum silentio præterire non potui.
Imitemur quâ licet, jubet Christus, jubent
à Christo Apostoli, ut non sapienti solum,
sed & insipienti, ut non amico tantum, sed
& inimico nos submittamus, & illum &
istum diligamus. Reluctatur natura? Dica-
mus ergo; Non tibi, sed annulo, hoc est,
divinæ voluntati pareo; quæ ab æternis sæ-
culis te mihi virtutis cotem dedit. Dei vo-
luntas ab omni ævo in ævum omne se pro-
tendens annulus est nostrarum moderator
actionum. Igitur non tibi sed annulo. Ita
suis quisque miseriis, suæ se necessitati at-
temperet, dicatque non tibi, sed annulo. Est,
qui mensam accumbat & comedat, non
in cibi gratiam, sed ejus, qui cibum appo-
suit. Quidquid in nos Deus immiserit ad-
versi tolerandum ac dicendum: Non tibi,
sed annulo. Ad divinam me voluntatem
conformo, fluxa omnia nichilum facio.
Non tibi, non isti, non rei creatæ ulli, sed
annulo, sed Deo, cui servio, hoc præsto.
Hoc virtutis compendio usus est David. Ars
ista discitur agendo.

CAPVT XVIII.

David Isbosethi sicarios necat.

SVblato Saule Isbosethus Saulis filius in undecim Israëlitis tribus rex fuit, regnante David in unicam tribum Iuda. Hanc regum & regnorum discordiam excitavit Abner supremus dux Saulis, & tota militiæ. Sed inter Isbosethum regem & Abnerem discrepatione orta, iratus Abner in Davidis partes transiit. Abnere caeso, Isbosethus rex imbellis animo fractus est, & regnum nutare cœpit. Iamque nutans tristis casus evertit. Gemini fratres sub Abneris signis stipendia fecerant *Rechab* & *Baana*, sed ob noxam militarem è castris proscripti sunt. Hi Abnere interfecto, & Davide jam roborato, ineundam sperârunt gratiam diro facinore. Post meridiem urente Sirio in Isbosethi regis palatium sicis armati subrepserunt. Ianitrix dormitârat, aulicos plerosque omnes somnus & somnum sepeliverat. Rex ipse in suo sibi lectulo suaviter meridiabatur. In hujus conclave penetrârunt sicarii, dormientem in lecto confoderunt, caput amputârunt, palatio clam excesserunt, reliquum diei totamque noctem faciendo itinere consumpserunt: Nam, quod Adrichomius censet, ex urbe Manahim in Hebron triginta tribus horis ambulandum. Ergo die altero Isbosethi regis caput attulerunt in Hebron, ubi non tantum à Davide singularem gratiam initu-

ros, ob felicem nuntium, sed & amplum præmium accepturos sperabant. Contrarium evenit. Nam ad regis Davidis aures admissi capite hostili oblato ita præfati sunt: Ecce caput Isboseth filii Saul inimici tui, qui quærebat animam tuam, & dedit Dominus domino meo regi ultionem hodie de Saul, & de semine ejus. Ad quos David: Nuntium occisi Saul, inquit, interfici jussi, & vos sceleratos sicarios patiar vivere? Vos hominem insontem in suâmet domo, in suomet lectulo latronum more jugulâstis, & à me flagitii præmium speratis? Dabo equidem, sed quod meriti estis. Mox ad præfens satellitium versus: Irruite, inquit, & nefarios interficite. Extemplo factum. Amborum cadavera manibus & pedibus præcis ad piscinam Hebron suspensa. Isbosethi caput Abneris tumulo inhumatum. O Deus! quàm hic alia longè ab hominum opinione cernimus! fuisset, qui seriâ assimatione judicasset: Vbi rex David sui hostis, & eementiti, atque subdititii regis caput viderit, cor ei gaudio subsultabit, amplissimis præmiis factum remunerabit, utrumque aureo torque induet, officiis aulicis honorabit. Totum alium se gessit rex David, mercedem improbis, quam meruerant, persolvit, ut videret Orbis, quàm non fuerit appetens vindictæ: Memento Domine David, & omnis mansuetudinis ejus. Huic in hostes amoris confirmando, filium Ionathæ Miphibosethum debilem, claudum, deformem juvenem regis mensæ admovent: Miphiboseth, inquit, comedet semper panem

super mensam meam. (a) Idque mente optimâ fecit, nam prius interrogârat: Nunquid superest aliquis de domo Saul, ut faciam cum eo misericordiam Dei: Tam mitis animus Davidem adeò conjunxit Deo, ut unus fuerit amborum spiritus: Atque hinc David etiam in hostes tam suavis ac benevolus extitit. De quo caput hoc differet.

(a) 2. Reg. c. 9.

S. I.

Orator Græcus aurei oris, in oratione, quâ docet, quàm periculosum adire spectacula, aliùs provectus: Omnes, inquit, Davidem mihi spectare imaginem mansuetudinis & tranquillitatis: sicut autem agris oculis panniculus viridis præpanditur, sic cùm videtis hostes vestros etiam per imaginationem tantùm, dolent oculi vestri. Hic igitur viridem vobis panniculum admoveo, ut quamvis ira & vindicta millies obturbent, tamen non noceant. Ne quis autem mihi dicat, inimicum habeo scelestum, improbum, corruptum, incorrigibilem. Quidquid mihi dixeris, non est tamen Saule deterior. Saul totis pæne octo annis, voluntatem occidendi Davidis millies iteravit, perseverans in malitiâ. Pro quot peccata lethalia, etiam si eum, quem occisum voluit, nunquam occiderit. Quid tu habes contra inimicum tuum conqueri, dic, obsecro, num pecuniam tuam, num domum aut prædia tua, num honorem & famam tuam, num corpus & valetudinem tuam invasit? Site ad paupertatem redegit, si plagis & verbe-

ribus affecit, si contumeliis & injuriis vexavit, at nondum vitam ademit. Ponamus adimere eam sæpius tentârit, tu tamen illum tot beneficiis nondum affecisti quot David Saulem, qui in hostem etiam mortuum fuit beneficus. At pares sitis, quâ omnia tu & David, longè tamen generosius & admirabilius fuit in lege priscâ hosti parcere, quàm in novâ. Quis Davidi Dominicam orationem, & voces illas præivit? Dimitte nobis debita nostra, sicut & nos dimittimus debitoribus nostris: Quis ei parabolam Christi de decem millibus talentis, & duobus servis exposuit? Quis illi Christum inculcavit in cruce clamantem: Pater, dimitte illis. Quis illi Stephanum monstravit vociferantem, Domine, ne statuas illis hoc peccatum? Quis illi tot divinas Christi conaciones explicavit? Quis illi Christi præceptum interpretatus: Diligite inimicos vestros, benefacite his, qui oderunt vos, orate pro calumniantibus vos. Nil horum audit, caelesti epulo nunquam interfuit. Dominicum corpus & sanguinem ut cibum & potum nunquam sumpsit. His subsidiis nos omnibus juvamus, tot Christi & Christianorum monitis instruimur, exemplis accendimur. Quapropter inexcusabilis es, ô homo. Auxiliorum istorum David nil habuit, & tamen, inquit Chrysostomus, ad evangelicæ philosophiæ fastigium pervenit animi moderatione. Illud igitur unum spectemus, non quidem, ne quid mali patiamur ab inimicis, sed ne quid illis mali faciamus.

Dic enimverò , quid vindictæ cupidissimus Saul sit. lucratus? sceptrum, diadema, regnum, victoriam, corpus, animam, famam. omnia perdidit, cum filiis occisus, ad furva regna Proserpinæ migravit æternum Orbi ludibrium: At verò David an non in hodiernum usque diem predicatur & canitur, illustris in terrâ, illustris in calo? Sed dicas? Tu si hîc sis, & tam infestum habeas inimicum, idem aequè senties, quod ego. O mi bone, aliud est sentire, aliud sensui nimium indulgere. Non nescio, conviciis ab inimico affici, aut in suspensionem abduci, videtur aliquibus omni morte intolerabilius. Age igitur, & istud expendamus: Aliquis tibi maledixit; furem, scortatorem, adulterum, percussorem, hominem nefarium appellavit. Hoc si verè dicit, corrige; sin falso, irride. Si tibi conscius es, eorum, quæ obijciuntur, resipisce; si non es, despue, & Christum attende, quia Christus jubet: Beati estis, cùm maledixerint vobis; & persecuti vos fuerint, & dixerint omne malum adversum vos, mentientes propter me, gaudete & exultate, quoniam merces vestra copiosa est in cælis. (a)

Porrò Miphibosesthum mensæ regis semper adhibitum, Chrysostomo instar miraculi est. Quàm enim hoc rarum & inauditum à rege potentissimo hominem caduco, debili, non firmo corpore claudicantem tanti æstimatum, ut eum rex quotidie in oculis gesserit, mensæ suæ semper adhibuerit? Hinc quisquis regiam mensam accubuit,

sua-

suaviter coactus est cum hoste redire in gratiam. Cum enim cernerent nepotem Saulis, qui tanta mala patravit adversus Davidem, tantis honoribus decorari, etiam si feris omnibus fuissent immitiores, pudore tamen ac rubore cum omnibus inimicis redibant in gratiam. Quid illius mensâ sanctius? quam cingebant filii hostis, & illius quidem hostis, qui & vitam adimere conatus est. Quantum horremus illorum liberos parentum, qui nos laferunt? Apage; clamamus, apage infaustum prolem: procul, ô procul mali corvi mala ova: Tametsi non nesciamus hîc vincendi sui materiam esse copiosissimam. Qui enim sub vitæ finem in extremis angustiis amici commodissimi, patreni optimi ac fidelissimi sunt futuri, nisi hostes nostri beneficiis nostris adjuti? (a) Hæc autem illustrissima Davidis exempla non miremur tantum ut spectatores, sed imitemur etiam ut victores indolis viciosæ. Atque hanc virtutem suam in suo quisque hoste experietur. Ego hæc, ait Chrysostomus, identidem monere non desinam. Nec quisquam mihi dixerit. Tace, nil promoves. Ego verò non tacebo, sed opportunè importunè necessaria hæc ingeram. Hominis est plantare, Dei est incrementum dare. Atque hæc quidem è Chrysostomi super hac redifferentis penore deprompta, tantò promptiorem inveniant assensû, quantò illustriorè habent auctorem, Sed de eadem Davidis in hostem benevolentia insigniter Augustinus: Hæc singula dicent-

(a) Hoc non mihi, sed Chrysostomo credite.

centis verba adnumeremus : Beatus David licet virtutibus multis fuerit exornatus, inquit, nulla tamen actio eum familiarius Deo conjunxit, quàm dilectio inimicorum suorum. Et in tantum non fuit simulata vel falsa dilectio, ut ipsos etiam adversarios suos fleret, & in illis qui eos occidere præsumperant, vindicaret. Ipsémet ejus rei testis luculentissimus David: Si reddidi, ait, retribuentibus mihi mala, decidam meritò ab inimicis meis inanis. Persequatur inimicus animam meam, & comprehendat, & conculcet in terra vitam meam, & gloriam meam in pulverem deducat Ecce quali maledicto, ait Augustinus, seipsum condemnat, qui de inimicis diligendis Dei præcepta contemnens, odium in corde servare non metuit. Vnde considerandum est, quâ fronte, vel quâ conscientia versiculum istum ex ore suo proferre poterit, qui inimicis suis mala pro malis retribuit. Per Salomonem quoque Spiritus sanctus clamat, & dicit: Cùm ceciderit inimicus tuus, ne gaudeas: ne fortè videat Deus, & displiceat illi, & avertat iracundiam suam ab eo, & utiq; cùm ab illo averterit, ad illum dirigat, qui de inimici ruinâ gaudebat, secundum illud: Qui ruinâ latatur alterius, non erit impunitus. Item: Homo homini reservat iram, & à Deo quarit medelam? Et in hominem sibi non habet similem misericordiam, &c. Ipse cùm caro sit, reservat iram, & propitiationem quærit à Deo: quis exorabit pro delictis ipsius? Dicitur quidem in veteri testamento: Diliges proximum tuum, & odio

habebis inimicum tuum. Sed qui sano intellectu scripturæ divinæ sensum agnoscere cupit, sententiam istam hoc modo intelligat, ut diligat omnem hominem proximum suum, odio habeat diabolum inimicum suum. Quod etiam in uno homine malo impleri potest. In ipso enim uno qui malus est, & proximum habes & inimicum. Nam quod homo est, proximus tuus est: quod malus est, non solum tuus, sed etiam suus inimicus est: Dilige ergo in eo carnem & animam, hoc est, proximum tuum, quem Deus fecit, & odio habe malitiam, quam ipso consentiente diabolus intromisit. Quod cum sancto & pio animo feceris, vices cælestis medici agis, odio habens morbum, & diligens ægrorum. (a) Illa porro vatis regii dira detestatio percellit omnes Christianæ legis de diligendis inimicis contemptores. In veteri testamento legimus, ait Augustinus, itinera eorum, qui injuriam retinent malefacti, in mortem. Iob ad interitum hostis non ausus dicere aut cogitare, BENE. Si gavissus sum, inquit, ad ruinam ejus, qui me oderat, & exultavi, quod invenisset eum malum. Non enim dedi ad peccandum guttur meum, ut expeterem maledicens animam ejus. (b)

Nullum vas argenteum tam est immundum, quin possit purgari, saltem igne. An non ergo stultissimus sit, qui plurimas fordes in argenteo malleo cernens, mox famulo imperet: Excute in aquam hanc pelvim,

(a) Aug. tom. 10. serm. 168.

(b) Iob, c. 31. v. 29. & 30.

vim, nimis est sordida? Nullo modo id faciendum: hæc talia vasa etiam contusa & fracta sunt pretiosa. Haud aliter nos cum inimicis nostris agimus, ut prius læsi sumus, mox eos ad patibulum, ad rotam, ad Tartarum ablegamus. Nequiter hoc & impie. Neutiquam sic agendum: homo est, quem sic rejicis, qui animam habet. Christi sanguine lotam, quasunque sordes illa contraxerit, igne purgari potest. Hunc ignem Paulus commonstrans: Si esurierit inimicus tuus, inquit, ciba illum, si sitierit, potum da illi; hoc enim faciens, carbones ignis congeres super caput ejus. Noli vinci à malo, sed vince in bono malum. (a) Augustinus hanc Pauli præceptionem cum curâ explicans: Aliqui sic exponunt, inquit: Ecce ciba inimicum tuum, ut ardeat æternum. Non ita obsecro, non ita; sed si benefeceris hosti tuo, quantumcunque ille frigidus & torpidus sit, sentiet hos calores, liquefcet, & erroris seipsum arguet. Sic argentea vasa non abjicienda, sed igne sunt purganda. Quòd si Deus lege cavit, ne quis inimici sui bovem aut asinum in luto hærescentem transiret ope non commodatâ, quantò minùs homo supremi numinis imago, animantium rex, negligendus? Ergo, ergo, inquis, omnium sim amicus? Ita sanè omnium, quod vel Catonis anulus persuaserit, cujus illa non ignota inscriptio: Amicus unus, inimicus nullus. Omnes profectò ut unum Christianus amor stringit, & complectitur. Augustinus, quem dixi, hortatu serio

(a) *Rom. c. 12. v. 20. 21.*

ad hunc amorem extimulans : Illud fratres
charissimi, ait, cum grandi tremore confide-
rare debemus, quod in psalmo terribiliter
Spiritus sanctus dixit: Cum enim illam cæ-
lestem Hierusalem, id est, congregationem
omnium Sanctorum, quæ cum Christo est
regnatura, ad laudandum Dominum pro-
vocaret, cum dixisset: Lauda Hierusalem
Dominum, Qui posuit fines tuos pacem.
Ergo ut ipsi videtis, Hierusalem illa cælestis
muros de pace constructos habet. Qui enim
talem pacem, & talem charitatem habet, ut
omnes homines diligat, & pro bonis oret,
ut meliores fiant, pro malis supplicet ut ci-
tò se corrigant, de quâ parte voluerit intra-
re, illius cælestis Hierusalem portas apertas
merebitur invenire; qui autem non vult ha-
bere talem charitatem, qualem & Christus
præcepit, & Apostolus docuit, ex omni par-
te Hierusalem clausas portas inveniet. Et
quia oleum charitatis habere noluit, clausis
januis sponsi cum illis fatuis virginibus il-
lam nectendam audiet vocem: Amen dico
vobis, nescio vos unde sitis. Quomodo enim
illis quinque virginibus, quæ charitatis
oleum habuerunt, illa cælestis Hierusalem
aperiet januas suas, ut intrent in gaudium
Domini sui; sic illis è contrario, qui sine
charitate vivunt, claudet, & eternâ à se sepa-
ratione repellet, & implebitur illud, quod
in Psalmo dicitur de Hierusalem: Quoniam,
inquit, confortavit seras portarum tuarum.
Clavis portis, & confirmatis seris, nun-
quam exiet amicus, nunquam intrare pote-
rit inimicus: quia sicut justus nunquam erit

P

exi-

exiturus à gloriâ, ita & peccator nunquam poterit liberari à poenâ. Et pòst paullò: Vnde nimis dolendum est, inquit, quòd cùm illi à charitate Dei nec tormentis poterant separari, nos interdum otiosis fabulis separamur, & nonnunquam ob parvissimum convicium & cujuscunque miseri hominis detractionem ita derelinquimus charitatem, ut non solùm cum eo multis diebus, sed etiam mensibus fortassis & annis nec loqui, nec ad convivium pervenire velimus: & non attendimus, quia dum nos invicem odio habemus, ita muros civitatis Hierusalem contra nos claudimus, ut nullus nobis aditus permaneat, per quem intrare possimus. Et quia civitas illa habitatorem Deum habet, dicente Ioanne Evangelistâ, Deus charitas est. Qui charitatem habere noluerit, quâ fronte, vel quâ conscientiâ ad Dominum, qui est charitas, præsumat accedere? Hac omnia, Fratres charissimi, dum vobis paternâ pietate frequenter insinuo, absolvo apud Deum conscientiam meam. (a)

Idem ego hic cum Augustino vociferor, dum ista sæpius & dictis & scriptis publicis inculco, manus meas lavo, & conscientiam meam absolvo. Odium vel contra illum hominem retinere, est cælo excidere.

(a) *Aug. loco suprâ citato.*

CAPUT XIX.

David seipsum triumphat.

Isbofetho è vivis sublato, comitia in urbe Hebron sunt indicta, ad quæ omnes Israël Tribus convenerunt; huc senatores, satrapæ, præfides, toparchæ, duces, omnis ordinis magnates, imò & cum ducibus milites confluxerunt, tã grandi numero, ut regum Chironicon testetur, armorum trecenta quinquaginta septem millia illic fuisse numerata. Ab his omnibus David rex est salutatus. Hæc princeps comitiorum causa. Consensus omnium maximus. Omnes isti viri bellatores expediti ad pugnandum, corde perfecto venerunt in Hebron, ut constituerent regem David super universum Israël: sed & omnes reliqui ex Israël, uno corde erant, ut rex fieret David. (a) Tandem videmus, inquiebant, hoc divina voluntatis esse, cui diu satis restitimus. Hunc sibi virum elegit Deus: quis illi jus constituendi reges eripiat? Per illum reges imperant. Huic supremo regum dominatori & regum regi non ultra refragabimur. Quis David in bellis omnibusque aliis rebus gerendis fuerit, hætenus satis perspeximus.

Ita David in urbe Hebron tertium rex unctus est. Inaugurationem regis convivium excepit, eo apparatu & convivarum numero, quem nemo crederet, nisi cæli testimo-

nio id sciret. Nam illis trecentis quingenta septem millibus virorum David epulum gratuitum triduanum præbuit incredibili apparatu. Nam undequaque com-
 meatus farinæ, ficuum, vini, uvæ passæ, olei, carniū ad omnem copiam convehatur. Gaudium quippe erat in Israël, fueruntque ibi apud David tribus diebus comedentes & bibentes. (a) Sed unde Davidi sub initium regni sumptus tam immensi? Munera ingenti numero allata plurimum juverunt. His gaudiis expletis nihil cunctatus David ad Solymæam arcem expugnandam copias eduxit. Urbem Hebræi, sed arcem Sion Iebusæi occupabant. Arx ista tam inexpugnabilis visa, ut Iebusæi per ludibrium regi David iusserint dici, meros cæcos & claudos in muris collocandos, ipsum nihilominus eò non penetraturum. Non ingredieris huc, ajunt, nisi abstuleris cæcos & claudos. (b) Perinde si dicerent: Securi sumus, hos etiam custodes oculis & pedibus captos non auferes, muros non transcendes, non subibis arcem. Audax hercle cavillatio, turpi sarcasmus in regem jactus, sed qui in hostes recidit.

Ut hanc ludificationem à se amoliretur David, præmia proposuit iis, qui arcis muros conscendissent primi. Ioab usque imperator exercitus in muris primus fuit, arx occupata, Iebusæi omnes jugulati. Mox eo loco David regiam domum urbis amplitudine cœpit adificare, hinc Civitas David est dicta. Siquidem mons Sion cubitos ducentos

la-

latus, quadringentos longus, ait Burcardus, urbi commodæ locum potuit præbere. Sed antequam David bellicis apparatus vires, quas cuperet sibi pararet, exterisque regnis pravalesceret; Philisthæi gemino eum bello incurfarunt, utroque turpiter victi. Et quia David non ignavus miles domilabatur, sed ipsemet se campo dedit, res memoratu contigit dignissima. Philisthæi ad Bethlehem oppidum, ad specum Odollam David castra posuerat. Hic labore fessus & arens siti, appetensque frigida: O si quis, inquit, daret mihi aquam de cisternâ Bethlehem. Mox viri tres robustissimi, quò regi gratificarentur, per castra hostium perruperunt, & desideratam aquam attulerunt. At verò David noluit bibere, sed magis libavit eam Domino. Quâ unâ re illustrius meruit præconium, quàm si centum millia Philisthæorum solus interfecisset. Seipsum triumphavit rex fortissimus. De facinore hoc laudatissimo, sui victoriâ, hic paullò copiosius differendum.

S. I.

Christus suos hortatus ad toleranda adversa omnia, & ad quotidianam suimet victoriam: Si quis, inquit, vult venire post me, abneget semetipsum, & tollat crucem suam quotidie, & sequatur me. Si hanc Domini IESU cohortationem rex David vel semel audisset, legissetque, rem magnam fecisset. si hunc aquæ potum tantopere desideratum rejecisset: quantò autem majorem fecit, qui ea Domini verba nunquam legit, nunquam

auduit, quæ nobis millies inculcantur. Sed ut illustrissimū hoc facinus animo altius imprimamus, particulatim illud expendemus.

I. Cupitam aquam non adferri iussit, nec ut adferretur consensit: spontè cucurrerunt tres generosi milites. Docuit rex David eos, qui ut obsequantur genio, voluptatem, quam appetunt, continuò eam præsentem esse volunt, quidquid ei laboris, molestiarum, sumptuum impendendum, id ipsi non pensi habent. Apud hos nullius pretii sunt divina verba: Abneget semetipsum, & tollat crucem suam quotidie.

II. Seipsum David suamque importunam gulam objurgans: Absit, inquit, ut in conspectu Domini mei hoc faciam. Quid tu Catillo, non satis hic aquæ habes ad restringendam sitim? Ita Pescenninus Niger, Imperator, milites in Ægypto ignavioris gulæ damnans: Nilum, inquit, habetis, & vinum petitis?

III. Offensionem & malum inter milites exemplū promptissimè metuens & cavens: Num, inquit, sanguinem hominum istorum, qui profecti sunt, & animaram periculum bibam? Propitius sit mihi Dominus, ne faciam hoc. Potionem licet vilissimam, maximi tamen æstimavit per tanta pericula, tantâ animositate comparatam. Sapienter dixit Seneca: Nonnumquā magis nos obligat, qui parva dedit magnificè. (a)

IV. Noluit bibere. Ori jam inhianti, jam imminenti potum hunc eripuit. Aversatus scil. hoc Creticum, quod sanguine fuisset emptum.

(a) Seneca lib. 1. de Benef. c. 6.

emptum. Hac insigni abſtinentiâ univerſum exercitum ſitire docuit, & ſitim vincere, Annibal Dux Pœnus non rarò cùm maximè ſitiret, fontem adiit, ſed inde nec guttulam hauſit; ita non tolerando tantùm, ſed torquendo ſitim triumphavit. Poëta id jure prædicat:

Exercet que ſitim & ſpectato fonte recedit. (a)

V. Libavit eam Domino. Sacrificium reverà Deo gratiſſimum, Vincere ſeipſum: quod rex David docuit inſigniſſimè, quâ verbis, quâ exemplis. Nam acriter ſibimet imperans & corpus & animum domuit; cupiditates fregit, ſitim coërcuit, ſeipſum reprehendit velut publicè profeſſus, erraſſe linguam, quæ cupiditatis & gulæ negotium egiſſet.

Sui ipſius victoria, virtutibus omnibus ingentia ſuggerit, decus omnium, nec quidem idololatriſ ignotum. Alexander Macedo, quod Quintus Curtius narrat, cum expedito agmine loca deſerta Suſitanorum intrans, nocturno itinere duxit exercitum. Aquarum penuria priùs deſperatione, quàm deſiderio bibendi ſitim accendit: quæ ubi ſagraræ cœperunt, haud ſecus, quàm continenti incendio cuncta torrentur. Caligo deinde immodico terræ fervore excitata, lucem tegit: camporumque non alia, quàm vaſti & profundi æquoris ſpecies eſt. Nocturnum iter tolerabile videbatur, quia rore & matutino frigore corpora levabantur. Ceterùm cùm ipſâ luce æſtus oritur: omnemq; naturalem abſorbet humorem ſic-

citas, ora visceraque penitus uruntur. Itaque primum animi, deinde corpora defecere. Pugebat & consistere & progredi. Pauci à peritis regionis admoniti, præpararant aquam. Hæc paullisper repressit sitim. Deinde crescente æstu, rursus desiderium humoris accensum est. Ergo quidquid vini oleique erat hominibus ingerebatur, tantaque dulcedo bibendi fuit, ut imposterum sitis non timeretur. Graves deinde avidè hausto humore, non sustinere arma, non ingredi poterant: & feliciores videbantur, quos aqua defecerat, cum ipsi sine modo infusam, vomitu cogerentur egerere. Anxium regem tantis malis circumfusi amici, ut meminisset, orabant animi sui magnitudinem unicum remedium deficientis exercitus esse: cum ex iis qui præcesserant ad capiendum locum castris, duo occurrunt, utribus aquam gestantes, ut filiis suis, quos in eodem agmine esse, & agere pati sitim non ignorabant, occurrerent: qui cum in regem incidissent, alter ex iis utre resoluta, vas, quod simul ferebat, implet, porrigens regi. Ille percontatus, quibus portarent, filiis ferre cognoscit. Tunc poculo pleno (sicut oblatum est) reddito: Nec solus, inquit, bibere sustineo, nec tam exiguum dividere omnibus possum. Vos currite, & liberis vestris, quos propter illos attulistis, date. (a) O factum cælo dignum! modo illud non abfuisset: *Libavit eam Domino.* Necessarium prorsus non solum, ut quis abneget seipsum, sed etiam ut sequatur

tur

(a) *Q. Curtius l. 7.*

tae Christum. Vbi duo quadam singularius notanda.

Primum. Qui seipsum cupit vincere, eâ se parte oppugnat, quâ minimè oppugnari vellet; res sibi charissimas subducere conetur. Ita Deus Abrahami virtutem exercens: Tolle, inquit, filium tuum unigenitum, quem diligis, Isaac. (a) Facile Abrahamus trecentas oves, aut etiam tria millia illarum, facile Ismaëlem, facile quidvis aliud dedisset. Sed non oves Deus volebat, non boves, non pecudes, non ancillæ filium, non hostiam Isaci succedaneam, ipsum voluit Isaacum, rerum omnium charissimum, filium unigenitum, pignus amantissimum, matris solatium, thesaurum Abrahami summum. Hunc voluit natum dilectissimum. Hunc dando Abrahamus dedit omnia. Ad hanc coticulam solida virtus exploratur.

Cassianus memorat Mutium cum ostendi filio in cœnobium religionis causâ se contulisse, ut in eam familiam admitteretur. Vt ergo viri virtus variis experimentis inspiceretur, filius vilissimè vestitus hîc duris colaphis objurgabatur, idque studio in patris conspectu. Fuit ut filius acerbè fieret, abbas puerilibus lacrymis velut indignatus, & mox imperans ipsi patri: In aquas, inquit, puerum frugiperdam abjice. Mutius pater, tanquam sibi à Deo id imperatum, puerumprehenditmersurus quem genuerat, nisi eâ de re præmoniti retraxissent currentem. Mutii virtus explorari certius non poterat, quàm in re omnium charissimâ.

P 5

Ideo

(a) Gen. c. 22. v. 2.

Ideo quisquis teipsum cogitas vincere, attende quid diligis, quid horreas. Sunt, qui nihil iniquius ferant, quàm ignominia notari: Hic teipsum aggredere, hinc vince, quisquis horres & fugis erubescere. Sunt, qui pecuniam ubicunque demum obviam exosculentur; aliorum genius libidines sectatur. Diversis trahimur desideriiis & amoribus; & tum maximè vivimus, cum animum explemus. Suam ergo quisque affectionem principem jugulare studeat, & eam se maximè parte conetur vincere, quàm sese maximè sentit vivere.

Videmur nobis quandoque rem maximam fecisse, si aliquot ceræ libras vel tabellam pietam, vel telam pretiosam, vel inauratum calicem, vel vestem sacrificam obrulerimus templo. Liberalitas pia; sed sacrificium pretiosius, sui victoria; suas edomare libidines, habendi cupidinem frenare, laudis appetentiam & insatiabilem gloriæ avaritiam coercere, vindictam substringere, linguæ petulantiam continere, pravas consuetudines amputare, rem sibi charissimam Dei causâ subtrahere, assuetis saltem aliquamdiu propter Deum carere. Sed hinc plerumque trunci sumus & canes ad venandum invitissimi: assueta relinquere durum est.

Videte regem David; is aquæ, quæ Bethlemi fluit, à puero assuevit, hinc bibendi cupiditas tanta, sed eam generosissimè repressit, & vel licitam ipse sibi voluptatem negavit. Imitemur strenuè, & Christi causâ frequenter etiam licita nobis subducamus. Gregorius ad hanc tam necessariam indu-

xiām

striam instigans : Solus , inquit , in illicitis non cadit , qui se aliquando & à licitis cautè restringit. (a) Certè affectio , qua hodie licitæ appetentiæ facit servum , cras faciet illicitæ.

Illustre quid Pelagius Scriptor Græcus memorat. Pius juvenis servierat religio seni , qui foetenti laborabat ulcere. Iuvènem perpetuò vellicabat hæc cogitatio diu novæque molestissima : Abi hinc , abi : quid enim hic facis ? quis foetores hos ferat ? mancipium nimis miserum es. Quòd si denique tu agrotas ipse , quis tibi serviet ? At ille , ut sese fortissimè vinceret , ulcus lavit , defluentem cum tabo liquorem vasculo excepit , & quoties sitiebat , hoc falernum suæ sititi propinabat , & inde bibebat. Hinc alia nata est cogitatio si non vis fugere , saltem non bibe. Mirè Deo placuit tam fortis sui que victor animus , sanitatem seni reddidit : suum juveni præmium ingens non negavit. (b)

Atque hæc sunt libationes sanctæ in novâ Christi lege , hoc suave gratumque sacrificium , vincere seipsum , consuetudinem malè inolitam deferere , rem charam in Dei honorem abdicare. Hoc est gratissimum potum Domino libare , seipsum abnegare , sui odio salutari. Alioqui nostra cum Deo pessimè partimur ; ovi vitellum nobis servamus , albumen Deo relinquimus. Conjectori olim quidam detulit , teste Tullio , somnasse se , ovum pendere ex fasciâ lecti sui cubicularis. Cui conjector : Sub lecto
in

(a) *Greg. l. 5. moral. c. 8.*

(b) *Pelag. libell. 17. n. 25.*

inquit, defossus est thesaurus; illic fode & operæ pretium invenies. Fodit, & invenit auri aliquantum, idque argento circumdatum. Misit conjectori, quantulum visum est de argento. Tum ille Nihilne de vitelle? (a) Idem ex homine quaesierit Deus: Nihilne, mi homo, de vitello mihi tribuis? Itane tibi nucleum servas, mihi offers putamina? Si me amas, te ipsum vinctes, & vel charissima non negabis. Hoc primum.

Alterum: Aëus in sui odio & victoriâ sit generosus, acer, non lentus & segnis, sed violentus & heroicus. Divorum res gestæ testantur, uno nonnunquam generosiore actu diaboli tentantis impetum repressum, ut illecebrosus veterator ad idem eos vitium non amplius allestârît. Abisai opportunitatem commodissimam nactus, occidendi Saulis, dixit Davidi: Nunc ergo perfodiam eum lanceâ in terrâ semel, & secundo opus non erit. Non dispari ratione potest quis generoso actu unico, tam insigniter se vincere: & genium sub jugum mittere, ut deinceps non multum laboret in seipso ad rationis obsequium componendo. Credibile prorsus est Davidem, ab hac sui victoriâ fuisse summâ cibi potusque moderatione.

Quæstio est Philosophis, num uno actu acquiri possit habitus? Hanc litem relinquimus scholæ. Nec enim in virtutum officiis, vitibus humanis omnia, sed divinis metienda; & solet Deus tam sanctæ actioni tantum gratiæ largiri, ut aliæ ab eâ sint facillimæ.

(a) Cig. l. 2. de divinat.

ma. Exemplo, quod dicimus, demonstra-
mus. Est qui simplici vice hosti suo benignè
faciat; inde hoc illi nunquam factu diffi-
le. Theologorum scito: Plus valet unus actus
intensus, quàm mille remissi. Idcirco qui
plurimum cupit in sanctis actionibus pro-
movere, & facilem sibi reddere viam virtu-
tis, his principiis ordiri debet, & in iis po-
tissimum se vincere, in quibus ut plurimum
malè vivax est, facile autem observabit, quò
sui eum amores & cupidines trahant, atque
id maximè cavebit; quod autem malignior
natura refugit, quod horret, ad illud se maxi-
mè impellet & concitabit. Perinde ut equos
eò concitamus, quò mininè volunt. Sunt
equi formidolosi & contumaces, qui aut
trabem, aut pontem, aut funem dependen-
tem refugiunt; quod ubi strenuus eques ad-
vestit, virgâ, flagello, clacaribus ad eum
ipsum, quem horret locum, adigit, nec de-
sistit, dum aut concidant, aut pergant. Ita
vero nomine Christianus sibi ipsi calcar ad-
mover, perpellit ad ea, quæ natura delica-
tior averfatur, charissima quæque Domino
libat. Nemo fortior, quàm suipfius victor.
Qui hanc artem aut nescit, aut eam exerce-
re negligit, in lyceo virtutis nunquam pro-
ficit. Antiochenus martyr Ignatius: Ego
meipsum urgebo, inquit, ut devorer. Igno-
scite mihi, filioli, quid mihi profit, ego scio.
Possè sibiipsi imperare, virtutis est com-
pendium.

C A P V T XX.

Arcam deducit David, & irridetur.

Quamprimum Davidi licuit stabilem regni sedem figere, principem sibi curam esse voluit, cultum divinum. Idcirco Arcam velut exulem & neglectam ex urbe Gabaa è domo Abinadab Pontificis Hierosolymam statuit transferre, præscente tamen & consentiente toto Israël's populo. Hanc Arcæ transmissionem summis studiis, solennitate celeberrimâ, maximis sumptibus instruxit. In viâ calcitrantes boves periculum, aut certè metum lapsûs crearunt Arcæ; nutabat plaustrum novum ruituro simillimum. Hic Oza auxiliarem operam commodaturus admovit manus. Sed Deus adjutori intempestivo iratus, temeritatem ejus morte subitâ punivit. Ad ipsam Arcam Oza corruens expiravit. Funere repentino territus David, Arcam deduci jussit in ades Obededom, quem Deus, ob commodatum hospitium omni rerum opulentiâ ditavit. Acto trimestri Arca in Sionis arcem evecta, singulari ad id domo structâ, in quâ diversaretur, dum templo extrema manus accessisset.

Hæc Arcæ transvectio maximâ symphoniæ varietate, admirandâ sacrificiorum multitudine, concursu hominum incredibili latissimis tripudiis, expensis planè regis celebritate summâ, laudatissimâ pietate instituta est. Testatur sacer historicus ad
hæc

hec solennia virorum principum ac nobilium triginta millia, *omnes electos ex Israel* (a) convenisse. Cetera plebis Alphonsus Tostatus numerat ducenta viginti quatuor millia: vulgus putem fuisse innumerum. Et quamvis tam immensa hominum multitudo convenerit, singulis tamen panis, carnes affa, alia opsonia gratuita liberalitate distributa, uti dicemus. In hac sacra solenni pompâ, sexto quovis passu septem boves, & arietes vel oves septem mactabantur. (b) Sæ hominum fuit huic labori, & pecudes tantum jugulabantur, interim tantisper subsistebant levita. Atque iterum iterumque sex passus faciebant, ita ut ad sextum quemque passum, victimæ caderent septenæ, idque longâ prorsus viâ servabatur è domo Obededom in Arcem Sion. Super omnia verò Davidis ardens in Deum animus eminebat, etenim saltabat totis viribus ante Dominum. (c) Sicut autem supplicationem primam subita mors Ozæ, sic alteram hanc irrisus regis conjugis aliquantum turbavit. Hinc capitis istius epitome; Arcam transportat David; & irridetur. Quâ in re Davidis gemina virtus eluxit. 1. Optimus in Deum affectus. 2. Laudatissimus sui contemptus. De his jam differendum.

(a) 2. Reg. c. 6. v. 1. (b) 2. Reg. c. 6. v. 13.

(c) 2. Reg. c. 6. v. 14.

§. I.

I. Optimus in Deum affectus; saltabat totis viribus ante Dominum. Quantum potest, laborat, currit, saltat, pugnat, qui totis

viribus seridèque amar. Id scilicet quod facit, manibus pedibùsque obnixè facit, & summis opibus viribusque nititur. Ita David ardentissimos in Deum affectus expromendo, hoc insigniter testatus est, tanquam si diceret: Plus facerem, si plus possem. Quod Bernardus expendens: David, inquit, saltando placuit Deo, non propter saltum, sed propter affectum. Et ut populus universus cerneret, quàm serio Deum coleret, regem quasi exuit, induitque levitatem: Porro David erat accinctus ephod lineo. (a) Ephod Hebræis ferè, quod nobis superpellicium, vestis candida, amiculum linteum. (b) Quod verò Michol dixerit, *discooperiens se*, non ita interpretandum, ac si David ante Arcam positâ omni veste saltârit, cùm Regum Chronicon affirmatè dicat: Porro David erat indutus stolâ byssinâ; David etiam indutus erat ephod lineo: sed sicut pauperculus ludimagister in pago, aut oppido, cui nigram togam negat inopia, cùm in templo agit, amiculum lineum primis vestibus injicit. (c) Ita David ante Arcam saltans vestitus fuit, sed non regiè. Si nostro hoc ævo rex potentissimus catelle ferculum cum thuribulo velut diaconus pereiret, id spectaculi sanè plurimi non caperent. Haud aliter mirabantur tunc plerique omnes potentissimum regem, in eam degenerare humilitatem, ut psaltem ageret saltantem: videbant tamen hæc maximæ pietatis

(a) 2. Reg. c. 6. v. 14.

(b) Echorock.

(c) Echorock über Hosen und Wammes.

tatis esse argumenta , quibus omnium pectora mirificè imbuebantur. Sola Michol Davidis conjunx, tam altum sapiebat, ut sui conjugis factū sinistrè interpretata, diceret per irrisum: Quàm gloriosus fuit hodie rex Israël, discooperiens se ante ancillas servorum suorum, & nudatus est, quasi si nuderetur unus de scurris? (a) Quando nec vestitum regium David habuit, nec incessum. Adhuc & illud accessit: *David percutiebat in organis armigatis.* (b) Appensam ad collum gestans lyram (c) fidicinem agebat, simul & citharam pulsans, cantans, & saltans: perinde si dixisset; Non possum Deo satis gratus, satis submissus, satis devotus esse, Deum satis extollere non possum. His in Deum sanctissimis affectibus rex magnus sic arsit, ut Arcam reverentiā & submissione summā velut pauperculus è pago scholasticus præiret amiculo lineo, paludamenti vice indutus. Super omnia, quod nemo satis miretur, saltabat totis viribus. Solida laudis est, in rei honestæ virtutisque studio omnibus opibus, viribusque elaborare. Hinc plurimis sapius loculcandum: Totus ora, totus canta, totus labora, totus ausculta, templum aut mensam Dominicam totus frequenta: hoc scilicet imperamus; in eo, quod agis, nervos omnes contende; in hanc curam totā mentem incumbe. Nimis quàm saepe hinc delinquimus: oramus, sed non toti, os garrit, sed ab ore lingua diverit; in templis cantamus, sed solā voce, non totā mente; laboramus, sed segniter & remisè, non totis viribus;

Q

con-

(a) 2. Reg. 6. (b) Ibid. (c) Sarpff.

concionem auscultamus , sed aure non utrâque. David saltabat totis viribus : nec enim poterat , quidquid fecisset , suæ devotioni satisfacere. Hinc tantos sumptus fecit regiâ prorsus liberalitate ; nec , enim publicam eleemosynam egenis , (a) sed aliis singulis viris feminisq̃ue largam sportulam , prout regum facti memorant , divisit. Et partitus est universæ multitudini Israël , tam viro , quàm mulieri , singulis collyridam panis unam , & assaturam bubulæ carnis unam , & similam frixam oleo. (b) Hic sumptibus regiis opus ; ut ducentis viginti quatuor millibus hominum dari posset collyrida primò , non vulgaris , sed artopitii clibanicæ panis (c) largior quadra , deinde carnis assæ aut lixæ non frustillum , sed segmentū amplum seu ossa , (d) tertio placenta lata seu laganum , aut artolaganum , quales in xenodochiis coqui solent. Hæc omnia David fecerat suo in Deum affectui testando. Itaque non saltabat tantum , sed & cantabat , & Deum laudabat , & munera donabat totis viribus.

(a) Spend.

(b) 2. Reg. 6. vers. 20. (c) Torten.

(d) Gutes Stuck Fleisch.

S. II.

II. Laudatissimus sui contemptus in hoc rege prædicandus. Hæc virtus tantò laudabilior , quantò difficilior , tantò pulchrior , quantò rarior. Prior illa virtus , tam ingens in Deum affectus suaviter exercetur , hæc non sine luctâ in opus prodit ; tantis præsertim

sertim fastigiis laboriosum est, seipsum ab-
jicere. Itaque hîc David Davidem vicit. Re-
gina Michol, non magnam hîc habet lau-
dem, nam 1. sacram hanc pompam non
duxit, cùm aliæ tamen femina huic interes-
sent. 2. Elationem præ se tulit, ut regis fi-
lia stipatæ plebis congressum averfata.
3. Conjugem suum censurâ nimis gravi per-
stringens, nimis eum & scurris contulit,
quali saltibus absurdis fatuum egisset. Et
certè nisi David vir mitissimus fuisset, re-
sponsum ferreum dedisset tam facile non
digerendum. Memento Domine David, &
omnis mansuetudinis ejus.

Audite Conjuges, & quicunque alii:
asperiora subinde verba sunt glutienda, non
continuo faciendus pugnus, intentandus
pugio, stringendus gladius. David non tan-
tum non acri & contorta oratione, non ma-
ledicentiâ, non conviciis usus, sed mansue-
tissimè & submississimè: Ludam, inquit, &
vilior fiam, plus quàm factus sum, & ero
humilis in oculis meis. O mea conjux, Deo
abundantiùs honorando, meipsum magis
præbebo deridendum, præsertim illusori-
bus ad hoc natis; omnem calcabo fastum
in ejus gratiam, qui me extulit ad solum:
vestimenta plebeja nec in rege sunt indeco-
ra; hæc ego in honorem ejus non abjiciam,
qui mihi dedit purpuram; Deo enim place-
re cupio, non hominibus. Ludam, ô bona
domina, ludam, & vilior fiam. Tu ad hu-
manos oculos expendis omnia, sed erras
splendidè, alia sunt judicia Dei, alia homi-
num, illa observanda, hæc spernenda &

repudianda. Quò quisque vilior est sibi, hoc pretiosior est Deo. Ero igitur humilis in oculis meis, nec magni me aestimabo, meoque me pede metiar, non giganteo. Exemplis terreor recentibus, nam etiánum patris tui Saulis intueor præcipitia; non sequar.

Modestia & submissio (Humilitatem appellamus) ignota ferè virtus idololatriæ, nota satis Christianis, sed plerumque semitam, quæ ad illam ducit nesciunt, aut eam intrare nolunt. Hæc ad humilitatem semita, sui despicientia est. Virtus tam præclara quàm rara. Nos magni nimium nosipsos aestimamus; humiles videri volumus, non viles; pretio nostri nimium abripimur. Hinc viles Deo, nobis pretiosi sumus. Atqui nemo ferè humilis dici potest, qui seipsum animo contemnere nondum didicit.

Contemptus sui velut aurum quod conchulis infundi solet, (a) pretiosum quid, sed perquam exiguum, & paucissimis locis venale. Inter religiosos viros primaria hæc quæstio est: Quantum quisque despicientiæ sui profecerit. Ad veræ humilitatis virtutem nunquam perveniet, qui humilitatis fundamentum sui contemptum ignoravit. Sed heu, quàm pauci sunt, qui persuaderi se sinant, ut seipsos spernant. Ohe, satis est, inquit, satis si alii nos contemnant, cur ipsi nos abiciamus in nosmet injuriis? repugnat hoc naturæ. Repugnat sanè, sed vitiofæ ex Adamo propagatæ. Hinc illæ lacrymæ, hinc indignissimè ferimus haberi nos de-

(a) *Müschete Goldt.*

despicatui. Nemo nos tangat, ulcus est, quaquâ tangimur. Aliter nos homines sancti tam priscae, quàm novae legis erudiunt. Ludam, ait David, & vilior fiam. Interpret horum Bernardus: Ludam, inquit, ut illudat. Bonus ludus, quo Michol irascitur, & Deus delectatur; bonus ludus, qui hominibus quidem ridiculum, sed Angelis pulcherrimum spectaculum præbet; bonus ludus, quo efficiamur opprobrium abundantibus & despectio superbis. (a) Quis iste lusor, quis lyricen, quis saltator iste? Israëlitis & Iuda, regni geminati ter unctus rex, nihilominus lusu repetito fieri vult vilior, sui ipsius insignissimus contemptor. Nec imitatoribus caruit. Davides, hoc viro nomen, Eusebii discipulus, quod Theodoretus narrat, homo in semetipsum durissimus ac severissimus, centum quinquaginta monachis præfectus per annos quadraginta quinque, nunquam visus est ab ullo iratus, sibi semper simillimus. Ad hunc Theodoretus ipse Cyri episcopus revisit sapius tanquam ad magistrum discipulus: cumque unâ sederent diversis colloquiis attenti, Publius sacerdos antistes (b) Vicarius in colloquendum conclave irruens, & cœnobii patrem atrociter exagitans: Hæc lenitas, inquit, omnibus est detrimento, nec enim modestia sed amentia est. At Davides velut adamantinam habens animam, non pungebatur iis, ait Theodoretus, quæ suâ naturâ solent pun gere, nec vultum mutavit, nec colorem duxit, nec sermonem turbidè abrupit, sed

Q 3

Pu-

(a) Bern. epist. 87. (b) Prior.

Publium lenissimè hoc unum rogavit, faceret quæ vellet, modò sineret cœptum sermonem cum præsentibus pertexi, uti necessarium. Certè Davides tam turbulento nugatori tam sedatè nunquam respondisset, nisi didicisset seipsum contemnere. (a)

Turonensis Præsul Martinus sui contemptum & amabat, & tantis studiis ambiebat, ut à suomet ministro sacerdote Briccio superstitionis & amentia sæpius damnatus & fœdis calumniis proscissus, nec minimum iræ signum ederet, honorem læsum patientiâ defenderet, calumnias silentio refutaret. Injurias quippe aliis irrogatas castigabat, suas dissimulabat. Hoc tam raræ virtutis ab unâ sui despicientiâ habuit Martinus.

Laudem ex eâ re parentes maximam adipiscuntur, præsertim si summi ordinis sint, quando liberos sic educant, ut ii sese non æstimare discant. Fuit ut magni Principis filiulus pueruli lusu vitreum orbiculum frangeret. Citatus ob id ad ferulam: Quid, ait, princeps sim, & vile vitrum non ausim pertundere, ni priùs licentiam rogem? Hoc dicti mater rescians; Quid tu puer, inquit, Principem te jactare audes? Fungus es. Et quotiescunque interrogatus fueris, quis sis, me volente ac jubente respondebis semper: Fungus sum. Ab eo tempore complures sapiculè subornati sunt, qui magnâ audientium recreatione quærerent: quis enim es tu: Non aliud parvulo Principe respondente, quàm hoc: Fungus sum. Quod mater filio, id sui contemptor sibi occinit perpetuo:

(a) *Philotheus, sive Theophiles apud Rosv.*

tud: Fungus es. Et quisquis ex te quæsierit :
Tu quis es ? dic cum veteri Poëta: (a) Cau-
dex, stipes, fungus sum.

Vir doctissimus juxta & facundissimus
Innocentius de Angelo, quod præsci An-
nales memorant, ut æstimationem sui &
pretium calcaret, seipsum aliis & cepis one-
ravit vilissimè vestitus, urbem, in quâ notis-
simum eruditio fecerat, obivit, nec aliud
ambiit, quàm contemni ab omnibus, quan-
do se ipse plus omnibus contemneret. Sui
contemptor illud Davidis assidue usurpat,
Ludam, & vilior fiam. Quidquid cachinno-
rum domi vestra est, ô dicaces sanniones,
in me unum expromite, irridete, protervè
mihi illudite, omnibus me ignominiis ap-
petite; graviora me ipso iudice sum meritis;
stultitias ingentes & plurimas commisi, cur
iniquè feram, hominem temerariè stultum
irridiculo haberi ? isto vas dignum oper-
culo.

Certa ad Humilitatem via, sui despicien-
tia. Et tantò quis Deo est vilior, quantò si-
bi pretiosior; tantò autem pretiosior, quan-
tò ipse sibi vilior.

(a) Terentio.

CAPUT XXI.

*Prohibetur David ædificare
templum.*

A Rcâ in tabernaculum recens condi-
tum deductâ, & bellis aliquantu-
lùm sopitis, David omni cogitatio-
ne

ne curâque in propagandum Dei cultum incubuit, doluitque se domum à Cedro structam habitare, Arcam Dei hospitio non digno diversari. Idcirco Nathanem vatem accersens deliberationem habuit. Consilium struendi templi valde probavit Nathan. David Nathanis autoritate animatus, propè decrevit aedificium sacrum aggredi. At nocte proximâ Deus Nathani suam sententiam aperuit, nolte se à Davide condi templum, sed à Davidis filio. Ne verò Davidi hoc Dei decretum videretur durius, ingentes additæ promissiones: Fidelis erit domus tua, & regnum tuum usque in sempiternum ante faciem tuam, & thronus tuus erit firmus jugiter. (a) Mox loco confurgens David ingressus est Arcæ tabernaculum, & precatione prelixa summas Deo gratias egit, de tantis in se suisque favoribus, rogavitque Deum, ut porro suus esse Pater non desineret. Hæc illustra quatuor documenta erunt expendenda.

1. Omne gaudium Deus luctu temperat.
 2. Ingens aedificandi templi desiderium repressit Deus, & Davidis filium templi architectum elegit. Quâ in re David divinæ voluntati suam insigniter subjunxit. 3. Humanissimam Deus munificentiam Davidi exhibuit, nihilominus eum ad sui contemptum provocavit. 4. Ad Arcam in tabernaculo sitam in divinas se precationes rex optimus effudit. Atque hæc paullo explanatiùs jam tradenda.

(a) 2. Reg. cap: 7. vers. 16.

S. I.

I. Omne gaudium Deus miscere luctu solet. Cælestia solum & æterna gaudia ab his mixturis sunt immunia. In ceteris ubi mel, ibi fel. Vbi uncia mellis, ibi sapissime dua sunt fellis. Solennis Arceæ pompa duplex, lætabiles & festos dies peperit, triumphos habuit splendidissimos, merum mel. Sed Deus sat fellis affudit: nam Oza subitâ morte corruit. Ita hoc gaudium sine luctu nequit finiri, idque in supplicatione primâ. In altera omnia iterum latitiis & triumphis exultabant: sed neque hinc fel defuit. Vix enim David domum rediit cummulatus gaudio, mox eum invasit conjux, & mediastinum vilissimum fatuæ levitatis arguit & irrisit. Hinc assentior veteri Iambo:

Domus & foris agrè quod sit, semper est satis.

In hac mortalitatis valle ubi copiosissimè crescit Absinthites, nemo bibit merum meracum; nullo id pretio comparabile est: nemo gaudiis ex omni parte sinceris fruitur.

Afflictio, indivisa virtutum est comes.

Rectè agis? Non procul erit invidia. Male agis? in sinu mala conscientia, in tergo hæret Nemesis. Vbi mel, ibi & fel perpetua conjugatione.

II. Decreverat David ædificare templum, idque animo finèque optimo. Huic Deus per Nathanem respondens: Nolo, ait, ut tu id facias, tuo hanc filio reservabis curam. Objecerit hinc David: Præclarissima

Q. 5.

qua-

quæque pro divinis honoribus cogitavi agere; non finor. Sineris, mi David, sed non fineris tuo id arbitrio facere, sed divino. Et ne istud regem gravius affligeret, sententiæ in calo latæ redduntur causæ. 1. Multum sanguinem effudisti, & plurima bella bellasti; non poteris ædificare domum nomini meo, tanto effuso sanguine coram me. Filius, qui nascitur tibi, erit vir quietissimus, faciam enim eum requiescere ab omnibus inimicis suis per circuitum, & ob hanc causam Pacificus vocabitur: Pacem & otium dabo in Israël cunctis diebus ejus. Ipse ædificabit domum nomini meo. (a)

2. Bellatorem te volo, non architectum. Sed etsi jam non sint bella; non multò post erunt, & tibi otium ædificandi non dabunt.

3. Voluntas Dei, cui placuit ita fieri, nec aliter. Potuisset Davidi Deus septennium pace opimum indulgere, quod templo struendo daret, quanto quidem tempore Salomon structuram eam perfecerat. Sed aliud divinæ voluntati visum est. Voluntas Dei pro sexcentis causis, pro mille rationibus est. Causarum satis est; Deum velle, nil ultra quaras. Id quidem Davidi acerbus fuit nuntius, ab ædificio templi se exclusum; quia tamen ita Deo placuit, suam penitissimè ad divinam voluntatem conformavit. Facturus, quod voluerit Deus, ædificare, non ædificare, ligna, lapides colligere, quos alius componat, in utrumque paratus. Nihilominus David graviter sensit, se animo & votis non posse obsequi, quandoqui-

(a) 1. Par. 22. vers. 8. 9. & 10.

doquidem eum Nathan, antequam decretum Dei sciretur, in illis ædificandi cogitationibus plurimum confirmârat his verbis: Omnia, quæ in corde tuo sunt, fac, Deus enim tecum est. Vestra Majestas magno animo id instituti, quod mente versat, aggre-diatur. Res magnæ molis est & opus præclarissimum, quod Deo non poterit non placere.

Placuit certè Deo, Davidem hoc velle, imò eum hoc velle, voluit Deus; noluit tamen, ut ipse ædificaret, sed filio ædificaturo materiam præpararet. Quod certè plurimum afflisset optimum regem, nisi suam divinæ voluntati perfectissimè afflisset.

III. Deus in Davidem humanissimus & liberalissimus: Quod cogitasti in corde tuo, inquit, ædificare nomini meo bene fecisti, (a) hoc ipsum mente tractans. (b) Veluti gratias agit Deus famulo suo de operâ sibi non præstitâ, sed præstandâ. Ita benignissimus Deus cum suis suaviter solet agere. Quod in psalmis laudans David: Cum sancto, inquit, sanctus eris, & cum viro innocente innocens eris, & cum electo electus eris. (c) Profectò & cum humano humanus eris, cum liberali liberalis eris. Nimirum nostros mores induit Deus, & quales nos in illum sumus, talis ille in nos est. Verè, quod Paulus dicit, benignitas & humanitas apparuit Salvatoris nostri Dei. (d) Liberalissimum in Davi-

(a) *Hebraicè: gratum fecisti.*

(b) 3. Reg. cap. 8. (c) *Tsal. 17.*

(d) *Ad Tit. cap. 3. vers. 4.*

Davidem Deus sic egit , perinde si dixisset : Permittere non soleo, ut mei me famuli liberalitate vincant : tu mihi ædificare volebas domum , sed quæ dirui potest, & diruetur , ita quidem , ut nec lapis super lapidem sit mansurus , at ego ædificabo tibi domum æternam. Quod dilucidè Dei vicem promittens Nathan : Prædicitque tibi Dominus, inquit , quòd domum faciat tibi Dominus. Qualem, obsecro? Stabiliam thronum regni ejus usque in sempiternum. (a) Interea tamen , ne ob hanc humilitatem Dei ac liberalitatem sese efferat David , in memoriam illi revocatur originis vilis : Ego te tuli de pascuis sequentem greges. Cogita quis fueris : opilionem exuisti, me jubente, & induisti regem. Diadema tibi & sceptrum, me donante , gratis obvenerunt. E tantillo tantus evasisti , favente Numine. Ita nobilissimi quique , cujuscunque sint ordinis & dignitatis, si abavos, atavos, tritavos, & ad originem familiæ primam revocent gradum, quem invenient? Senecæ id credemus: Bona mens, inquit, omnibus pater , omnes ad hoc sumus nobiles. Nec rejicit quemquam Philosophia , nec eligit : omnibus luctet. Patricius Socrates non fuit: Cleanthes aquam traxit , & rigando hortulò locavit manus : Platonem non accipit nobilem Philosophia, sed fecit. Quid est , quare desperes his te posse fieri parem? Omnes hi majores tui sunt , si te illis geris dignum. Geres autem , si hoc protinus tibi persuaseris, à nullo te nobilitate superari. Omnibus

no-

(a) 2. Reg. cap. 7. vers. 8.

nobis totidem ante nos sunt, nullius non origo ultra memoriam jacet. Plato ait: Neminem regem non ex servis esse oriundum, neminem non servum ex regibus. Omnia ista longa varietas miscuit, & sursum deorsum fortuna versavit. Quis ergo generosus? ad virtutem bene à naturâ compositus. Hoc unum est intuendum, alioqui si ad vetera revocas, nemo non inde est, ante quod nihil est. A primo Mundi ortu, usque in hoc tempus, perduxit nos ex splendidis sordidisque alternata series. Non facit nobilem atrium plenum fumosis imaginibus, nemo in nostram gloriam vixit: nec quod ante nos fuit, nostrum est. Animus facit nobilem: cui ex quacunque conditione supra fortunam licet surgere. Puta itaque te non esse equitem Romanum, sed libertinum: potes hoc consequi, ut solus sis liber inter ingenuos. Quomodo? inquis, si mala bonaque non populo auctore distinxeris. Intuendum est, non unde veniant, sed quò eant. Si quid est, quod beatam vitam potest facere, id bonum est suo jure: depravari enim in malum non potest. (a) Ita hæc dona originis & prosapię gratis & dormientibus obveniunt.

Ludovicus XI. Galliarum rex, quod Ecclesiastes notus memorat, (b) in ade summâ Canonicorum, sacris interfuit, audiitque eo mane unum aliquem è Canonicorum coetu obiisse. Dum in templo est, videt casu in vicino facello dormientem sacerdotem: huic dici jubet, defuncti mystæ sacerdotium

(a) Seneca epist. 44.

(b) Pilipp. Bosquier in Scipione Claudicant.

tium ad ipsum transiturum, ut omni vitâ possit verè dicere, fortunam sibi optimam obvenisse dormienti. Ita Deus è caulis, è pascuis Davidem ad purpuram, ad solium evexit. Munera Dei sunt gratuita.

IV. Davidis ad Deum precatio affectuum sanctiorum plena fuit. Orationis exordium à sui contemptu ducens: *Quis ego sum, Domine Deus*, inquit, *& quæ domus mea, quia adduxisti me huc usque.* Singularis hic favor est, gratia merissima. Tanta nec petere, sed nec sperare ausus unquam fuisssem, quanta in me unum congelessi beneficia: Quid tibi, mi Deus, in me tantopere placuit, ut me sordibus extractum, eveheres in regale solium? Ut verò monstraret, quàm seriò hæc precaretur, *Ingressus est rex David, & sedit coram Domino.* Perinde rex fecit atque is, cui nuntii venerunt optatissimi, ob quos ad templum properat, & in preces effusus gratias Deo meminit. Ita *rex David sedit coram Domino*, non sellam regiam occupando, sed constantissimè precando. Vatablus quidem, Nemini, ait, sedenti licuit orare, nisi regi. Hic tamen non istud jus regis, sed diuturna precandi constantia significatur. Vetus erat verbum: Romanus sedendo vincit. Siquidem gens togata longanimitati patientiâ hostes vincere conabatur. Sic Isaïas præcipiens: Descende, inquit, sede in pulvere, virgo filia Babylon. (a) Quo jussu poenitentia prolixior indicitur. Iosephus Hebræus de hac venerabundâ regis sessione ita loquitur: Procidit in faciem David, & stratus humi

more

more supplicantis adorabat Deum. Exordium itaque à sui contemptu duxit. Melius sanè nequisset exordiri. Huic tali exordio iuncta narratio affectuum optimorum referta. Nam in ea decies se servum confitetur, undecies Dei in se dominium extollens: Domine Deus, inquit, Domine Deus meus, Domine exercituum, Deus Israël, &c. Incipe ergo, & benedic domui servi tui, ut sit in sempiternum coram te, quia tu, Domine Deus, locutus es, & benedictione tuâ benedicetur domus servi tui in sempiternum. (a) Capite superiori diximus vicem moniti: *Totus ora*. Id accurate David præstitit: Totus oravit, omnes precationi vires impendit; effudit omne cor suum coram Deo.

Narrationem secuta est confirmatio, exacta gratiarum actio. Hic David disertissimus: O mi Deus, inquit, cumulasti me beneficiis maximis; nunquam me satis exhibere poterò gratum, tamen si dies noctesque agendis gratiis impendam: è mille me periculis eruisti, nulle me donis immerentem affecisti. Hæc ego verbis nunquam explicavero. Quid ergo addere poterit adhuc David, ut loquatur ad te? (b) Hoc solatio est, cor meum medullitus intimè à te penetrari, & hoc me tibi mille modis devinctissimum fatetur servum. Nec enim promeritis meis vel minimum, sed divinæ benignitati tuæ totum adscribi debet, propter verbum tuum, & secundum cor tuum fecisti magnalia

(a) 2. Reg. cap. 7.

(b) 2. Reg. 7. vers. 20.

gnalia hæc. Ita tibi placuit, ita factum est; meo prorsus immerito, tuus in me favor liberalissimus fuit.

Hoc orationis exordium, hanc narrationem, & confirmationem admittendus clausit epilogus iste: Propterea invenit servus tuus cor suum, ut oraret, oratione hac. (a) Quousque igitur, quæso, excurrendum, ut inveniat quis cor suum? Nil esse potest propinquius. Sunt tamen non pauci, quorum cor totum pæne Orbem pervolet. Hi raro domi suæ sunt, animum suum vix unquam inveniunt. At David: Invenit cor suum, inquit, servus tuus. Cor Davidis in corde Dei se absconderat, & cor Dei in corde Davidis inveniri poterat. Hoc ajo: Quidquid volebat Deus, & nolebat, hoc David voluit noluitque. Ideo: inveni, ait, cor meum non in me, nec in meâ voluntate, sed in Deo, divinâque voluntate. Quod Chrysostomus in Davide summi æstimans: Propter hoc, inquit, omnia diligebat à Domino missa, non de his, quæ fiebant iudicans, sed unum solum elaborans, ut in omnibus obediret, & leges ab eo petitas sequeretur. (b) Beatus, ter beatus, qui cor suum, suamque voluntatem sic perdit in Deo, divinâque voluntate, ut ea nusquam, nisi in Deo sint reperienda. Res summi lucris est ita perdere. Immensum divinitatis pelagus omnia infinito fenore sibi commissa reddet.

(a) 2. Reg. cap. 7. vers. 27.

(b) Chrys. to. 5. to. 38. de Humil. & Quie. e

CAPUT XXII.

Legati Davidis ignominiosissime habentur.

ARCÂ in Sionis arcem deductâ , & perquam honorificè locata , Deus velut in gratiarum actionem diversè septem bella concitavit adversus David. 1. Philisthæum , quo David rex illud obtinuit, ut cum Hebraei antea Philistæis tributâ penderent, deinceps vicibus mutatis Philisthæi Hebraeis vedigales essent. 2. Moabiticum , quo pariter David palmam retulit. Et percussit Moab & mensus est eos funiculo , coarctans eos terrâ , factusque est Moab David serviens sub tributo. (a) 3. Syrium primum, quod gessit contra Adarezer regem , quem etiam vicit, captis aut cæsis septem millibus equitum , & viginti millibus peditum, Victoria illustrissima. 4. Ammoniticum Hanone Ammonitarum rege victo. Eduxerat Hanon triginta tria millia armatorum: sed fusi fugatique omnes. 5. Syrium secundum, nam Adarezer nondum satis contusus rediit cum Syriis, Damascenis. Ammonitis. Hoc bello à Davide interfecta sunt octoginta septem millia hostium. Ita expressè sacer historicus numerat quadraginta millia peditum , & totidem millia equitum, & septem millia currum. (b) Vnâ etiam occisus Adarezeris in militiâ Impe-

R

ra.

(a) 2 Reg. cap. 8.

(b) 2 Reg. c. 10. & 1. Par. c. 19.

rator Sobach. Partâ hac victoriâ David armamentarium & geminas Adarezeris regis civitates invasit, inde arma aurea & phatras aureas, pondus æris immensum abstulit. Hinc æreum mare, & columnæ, & altare templi fustum. 6. Amalecitarum, nam & Amalecitas subegit. Regum Chronicon testatur: Omnia vasa aurea, & argentea, & ænea consecravit rex David Domino, cum argento & auro, quod tulerat ex universis gentibus, tam de Idumæa & Moab & filiis Ammō, quàm de Philisthiim & Amalec. (a) 7. Idumæum, quo non minùs David, quàm sex prioribus triumphavit, Regum fasti testes: Fecit quoque sibi David nomen, cum reverteretur captâ Syriâ in valle Salinarum, caesis decem & octo millibus, & in Gabim ad viginti tria millia; & posuit in Idumæa custodes, statuitque præsidium, & facta est universa Idumæa serviens David. Et servavit (b) Dominus David in omnibus ad quacunque profectus est. Et regnavit David super omnem Israël, faciebat quoque David iudicium & iustitiam omni populo suo. (c)

Ita Deus Hebræum hunc regem bellis fecit felicissimum: ne tamen unquam deesset, quod morderet & affigeret, publicâ Davidem ignominâ permisit affici. Miserat Legatos David ad regem Ammonitarum Hanonem, qui parentem functum lugebat, Recreando huic luctui, misit Hebræus rex noster Palatinos procures, qui humanissimè

sola-

(a) 1. Par. c. 18. v. 11. (b) Salutavit in Reg. Chron. (c) 2. Reg. c. 8.

solarentur juvenem patre orbatum. At regis consiliarii hanc humanitatem pessimè interpretati: Venère, ajunt, non ut solatores, sed ut imitatores. Facile hoc regi persuasum est. Raso barbæ Legatis parte mediâ rasæ, talaes togæ turpiter præcisæ. Ita cum ignominiâ & dedecore dimissi. E joco tam barbaro bellum ingens exarsit. Hic explicandum, quantus iste fuerit potentissimi regis irrisus, quibus causis & unde ortus, quomodo demum repensus.

S. I.

I. Maximam fuisse regii despicationem, vel ex iis verbis liqueat: Erant enim viri confusi turpiter valde, grandem enim contumeliam sustinuerant: Decalvavit, rasit, & præcidit tunicas eorum. (a) Convelli barbari, priscis ludibrium summum est visum. Persius adstruit:

*Idcirco stolidam præbet tibi vellere barbam
Iupiter?*

Hinc vetus verbum: Leoni mortuo barbam vellere. Christus hoc ignominia à populo suo perferens: Corpus meum, inquit, dedi percurientibus, & genas meas vellentibus. (b) De Moabitis Isaias: Moab ululabis in cunctis capitibus ejus calvitium, & omnis barba radetur. (c) Inter Hispanos summæ fuit ignominia hostis sui barbam prendere: hoc autem minari, inter atrocissimas minas consuebatur: Rex Alexander Macedo, teste Plutarcho, ne suis Macedonibus hoc inju-

R 2 ria

(a) 2. Reg. c. 10. v. 1. & 1. Par. c. 19. v. 4. & 5.

(b) Is. c. 50. v. 6. (c) Idem, c. 15. v. 2.

riæ inferretur, barbas omnium radi jussit. Germani veteres de homine admodum serio affirmabant: Barbam sibi non finit pelli. (a) Si ergo gravis est immutatio, barbam alienam prendere ac vellere, quanta erit tondere, auferre, & quidem tam turpi modo, ut dimidia tantum pars barbæ raderetur? Accessit & illud: dimidia pars capitis ad cutem attonsa. Nam decalcavit eos. Ita dimidiam partem veluti canes rasi puerorum sibilis & ludificationibus in plateis regii Legati exponebantur. Cur autem hoc irrisuonis genus in Hebræos excogitatum? Quia illi ut scædum quid & impium horrebant comam aut barbam ad cutem tondere, quando hoc idololatris in luctu & funeribus usitatum. Sed & lex vetus Levitici jubebat: Neque in rotundum attondebitis comam, neque radetis barbam. (b) Idcirco Hebræi, hoc ut prodigium abominati, quod Ammonitæ non ignorabant. Accessit illud ignominie hujus auctarium, vestes ad umbilicum turpiter accisæ: Iudæi certè, Legati maxime, & pene omnes Orientis incolæ talares tunicas gestabant. Atque has juvenis rex ad lumbos fere præcidi jussit, idque in conspectu aulicorum & civium, ut eos nemo non irridiculo haberet, & exhibilaret. (c) Ita demum, ubi eis tam proterve illusum, (d) dimissi sunt. Contemptus horribilis adversus

(a) Er läßt ihm nit in Barth greiffen.

(b) Levit. c. 19. v. 27.

(c) Non absimilis historia in vita S. Fulgentii.

(d) Man hat ein Loch in sie gespott.

sus tam potentem regem. Si quis nostrum in cumulum rapiat, quidquid unquam irrisi-
onis aut contemptus pertulit, non æqua-
bit vel minimam partem hujus in regem
potentissimum excogitati despectus.

Discamus, obsecro, non nimium horrere
ab aliis contemni. Optime dixit Plutarchus:
Auspiciandæ Philosophiæ magnum instru-
mentum est, Contemptus. Et certe ad sub-
missionem & humilitatem Christianam via
est humiliatio, seu, despiciatio. Nec seipsum
unquam seriò contemnet, qui se ab alio vel
levissime contemni non tolerat. Sapienter
dixit Seneca: Quem quis contemnit, calcat
sine dubio, sed transit. Et in acie jacens
præteritur: cum stante pugnatur. (a) Cur,
quæso, tot perniciosis miscemur litigiis?
Quia contumaciter stamus, & vel mini-
mum contemni nolumus. Christianæ Phi-
losophiæ omnis expers est, qui à nemine
sustinet sperni. Sed hic porrò quarendum,
unde regis tanti contemptus?

(a) *Sen. epist.* 105.

§. II.

II. A merâ eâque falsâ suspiciōe, quam
temerarium excepit judicium istud, secuta
est calumnia aperta; Exploratores sunt.
Quâ in re consiliarii regii geminam admi-
serunt noxam. 1. Publicum bonum minime
spectarunt, sed suum in Hebræos odium.
Neque hoc tantum, sed & malignum impe-
tum secut sunt, & quod ille suggerebat,
primo furore censuerunt exequendum. Nec

cogitârunt fatui; hic telam exordimur, quam difficilè pertexemus; populis & provinciis luendum erit, quod jam audemus; plebentur achivi, quod nos deliravimus. Nil horum: Satisfaciendum animo, saturandum odium, sic fiat. Nil sperandum boni, ubi affectus tam prâvos extrudit impetus. 2. Non tantum non bonum publicum, sed nec conscientiam attenderunt: quis eorum quâsiit? An nobis hoc licet facere? An non delinquimus in jus omnium populorum, cum Legati ubique gentium inviolabiles & sacrosancti habeantur? Quicumque Principibus à consiliis sunt, id unicè spectent, ex æquo & bono suadere, affectibus privatis ac commodis longissimè sepositis. Utilitas publica & conscientia propria, his summè curanda. Sunt, quæ speciem utilitatis publicæ præferant; sed quia eis conscientia refragatur, aliud statuendum. Vbi autem privata spectantur commoda, ibi præsumptor & choragus est affectus. Expertus id Roboamus rex, qui senatores juvenes, clavo inexpertos & fatuos secutus, ex uno regno fecit duo, alterumque perdidit. Expertus id Asuerus, qui Amanum maximè doctum minimè fidelem comperit. Eam ob causam Esther candidissimè: Aures principum, inquit, simplices, & ex suâ naturâ alios æstimantes callidâ fraude decipiunt. Quæ res & ex veteribus probatur historiis, & ex his quæ geruntur quotidie, quomodo malis quorundam suggestionibus regum studia depraventur. Expertus hoc & Hanon rex juvenis, in quem illud Ecclesiastæ pronun-

nunciatum : - Væ tibi terræ , cujus rex puer est. (a) Nimirum Syracidâ teste ; Qualis rector est civitatis, tales & inhabitantes in eâ. Rex insipiens perdet populum suum. (b) Quod Hanon tam stupidus , non adeò accusandus, sed quòd tam credulus. Facillimum illi fuisset deprehendere suos stare à partibus , & è vicioso loqui affectu , idcirco alii etiam super eâ re fuissent interrogandi; An æquum sit Legatos tali ignominia notare. Nil horum ; sed prout dictabat impetus , ita agebatur. Perge igitur, perge, mi puer rex, damno tuo doceberis.

Hic nostrum quivis videat , quantum sit malum suspicio & temerarium judicium. De Legatis David temere dicebatur : Sunt exploratores, Quibus obsecro, argumentis, quibus indiciis hoc affirmatur? Num id constat , an solis incertisque spargitur rumoribus? Quòd si hos timeris , legationem admittite , sed gladium circumspicite. Suspicio & temerarium judicium principia rerum pessima, peccatis grandibus nos involvunt. Quanti non dederunt locum timori, aut livori , & dederunt suspicioni. Heliacerdes cetera non improbus , suspitione tamen & judicio temerario insuper atque calumniâ in Annam feminam sanctam, censor iniquus fuit. Verè, quòd Itali dicunt, respectus, suspicio , & despectus , evertunt mundum. (c)

(a) Eccles. c. 10. v. 16. (b) Eccli. c. 10. v. 2. 3.

(c) *Sospetti , rispetti , è despetti guastano el mundo. Alii, El rispetto, el despetto, el sospetto guastano tutto.*

S. III.

III. Temerarius hic despectus Legatorum, quàm grandi fenore fuit repensus? Regum Chronicon testatur: Videntes autem filii Ammon, quòd injuriam fecissent David, tam Hanon, quàm reliquus populus, miserunt mille talenta argenti, ut conducerent sibi de Mesopotamiâ & de Syriâ Maacha, & de Soba currus & equites. Hæc prima peccati pœna, tres auri milliones^(a) ad initium belli uno velut jactu consumpti. Tanti hæc irrisio & ludus stetit. His sumptibus Ammonitæ triginta tria millia militum collegerunt. At David misit Iobabum imperatorem suum, qui pane melior seipso, cum Abisai fratre rem præclare gessit. Neque enim prudenter tantum, sed etiam contra quàm solebat, religiosè: Esto vir fortis, inquit, & pugnemus pro populo nostro, & civitate Dei nostri: Dominus autem faciet, quod bonum est in conspectu suo. ^(b) Ad primum verò congressum Syri sunt fugati. Ammonitæ fugam Syrorum cernentes, mox & ipsi certatim fugere coeperunt. Ita victor rediit Iobab. Syri resumptis animis velut jam fortius auri, non multo post tempore in aciem redierunt cum rege Adarezere, qui castrorum Præfectum habuit Sobachum. Univerſus Syrorum & Ammonitarum exercitus centum & triginta octo millia militum complectebatur,

præ-

(a) Trigesies centena millia aureorum.

(b) 2. Reg. cap. 10. vers. 12. & 1. Par. cap. 19. vers. 13.

præter septingentos currus, seu septem millia armatorum, qui è curribus pugnabant. Contra hunc tam immensum exercitum David Israël's populum omnem sub signa evocavit ad prælium, & transmissio Jordane, felicissimè confixit cum hoste. Nam unico hoc congressu octoginta septem millia virorum è Syris & Ammonitis interfecit, ipso etiam Imperatore Sobacho caeso.

Videte, obsecro, in quantas lacrymas mutatus sit risus! (a) Ita luerunt Ammonitæ irrisum, quo Legatos dimiserant. Tres auri milliones in bellum expensi. Congressu primo omnes in fugam acti, altero supra octoginta millia hominum mactati. Annon insigniter puniti? Sed & plura sunt passi, quod suo loco dicemus. Ite nunc consiliarii stulti, & illudite Hebræo regi; in vestrum recidit caput hic lusus.

Hoc certò sciamus; qui alteri illudit, finem suum conspuat. Isaias clamat: Væ qui spernis, nonne & ipse spernèris? Cum fatigatus defieris contemnere, contemnèris. (b) Minatur & Salomon: Parata sunt derisoribus judicia. (c) Quisque caveat vel ullum hominem contemnere, ultorem nimis robustum & irrisorem sentiet Deum. Quisquis autem cavere cupit hoc vitii genus, cum primis caveat humanæ gentis pestes maximas, suspicionem, temerarium judicium, affectus vitiosos, & similes illis impetus. Qui male suspicatur, in temerarium judicium,

R 5

(a) Der Spott ist ihnen in Buesen gerunnen.

(b) Is. c. 33. (c) Prov. c. 19. v. 29.

cium, facillime prolabitur; qui temere iudicat, pravos affectus cumulat: hinc impetus furiosi, hinc lerna malorum. Ita diabolus, cum scelerum principiis non obsistitur, flagitiorum longissimam nescit catenam. Repeto: Respectus, suspicio, & despectus evertunt Orbem.

C A P V T XXIII.

Adulterium David & homicidium patrat,

CVM Augustino hic exordiar: Dicam ergo non quod volo, sed quod cogor; dicam non exhortans ad imitationem, sed instruens ad timorem. Post tot illustres victorias David parum civiles egit gratias; à seipso suâque virtute degeneravit turpissime. Quia verò Deus tam insignis artifex est, ut è plumbo eliquare aurum, è malo possit educere bonum, hic ipse David lapsus plurimum nobis profuit: quem idcirco Deus voluit Orbi patefcere. Rem gestam brevi complectar. David rex à pomeridiano somno in solarium ascendit, otiosus & curiosus obambulando diem fregit. Hic feminam palatini famuli lavantem vidit. Iudæis assidua lavationes in usu erant, pleraque legibus iussæ. Hic autem unicus curiosior in alienum hortum prospectus, in peccata lethalia complura, regem sanctissimum traxit, coram Orbe & Angelis pudefecit. Siquidem è curioso illo oculorum otio ingens nata est tentatio, quam

Da.

David potuisset, & verò etiam debuisset vincere. Sed heu ! tot urbium expugnator, tot gentium victor & domitor, à libidine se vinci passus, fecit quod caro & diabolus suggessit. Vt autem commissum scelus, & quæ sequi solet infamia tegeretur, Uriam rex è bello ad se vocavit, eumque varia per speciem interrogans, hoc unicum laboravit, ut eum ad conveniendam uxorem mitteret. Urias generosum militem non decere ratus, belli tempore ad conjugis blandimenta divertere, domi suæ pernoctare noluit. sed inter pratoriam cohortem noctes singulas exegit. Rex non desistere, sed urgere hominem & humanissime monere, rediret domum, uxorem conviferet, quietum tandè somnum domi suæ caperet ; insuper è regiâ mensâ misit fercula domi fruenda, inidò Uriam ad mensam suam adhibuit, eumque epulis & vino probe sepelivit. Sed Urias, quid rerum ageretur, ignarus, quantò magis urgebatur, ut domum rediret, tantò minus ibat, ne scilicet mollis & ignavus miles aut uxorius haberetur. Vbi rex vidit omnem humanitatis conatum frustra esse, & ita denique patefaciendum scelus, consilium iniit cruentum, epistolium misit Ioabo Imperatori suo ; Uriam in aciei fronte collocaret, ubi certissimum innuineret periculum. Factum. Urias è medio sublatus. Hoc imperio David non unum sed plura commisit homicidia. Sed horum nihil curat libido. Atque hic viri tam sancti tam gravis lapsus, complura hoc loco dissertanda suggerit. 1. Cur Deus Davidem ita labi per-

permiserit, ut id omnes scirent. 2. Occasiones lapsûs. 3. Vitiorum catena explicanda. 4. Quid in tali lapsu deterrimum. 5. Quàm grave scelus sit adulterium, hoc capite dicendum.

S. I.

I. Permisit Deus tam sanctum vatem in hac dedecora incurrere, ut Dei iustitia simul, & misericordia in tali viro potentiùs elucerent. Vniuersæ viæ Domini Misericordia & Veritas. (a) Misericordiam & iudicium cantabo tibi Domine. Deinde voluit Deus, ut sciremus è talibus delictis sanctissimos etiam hos viros fuisse non tantùm homines, sed imitabiles; atque ut ejuscemodi fœdiores lapsus non solùm avertaremur, sed omnes etiam peccandi occasiones fugeremus. Nam qui amat periculum, in illo peribit. Hic nos Augustinus erudiens: Non sit delectatio Minorum, inquit, lapsus Majorum; sed sit casus majorum, tremor minorum. (b) Præterea hic etiam maximorum columinum ruinis virorum tam sanctorum flagitiis casibus erudire nos voluit Deus, ne noxis talibus contractis animum desponderemus, & verum resipiscendi modum disceremus. Augustinus hic geminam præceptionem instillans: Audiant, inquit, qui non ceciderunt, ut non cadant; audiant, qui ceciderunt, ut surgant. Peccatum cum desperatione certa mors. Multi cadere volunt

(a) *Psal. 24. v. 10.*(b) *Aug. tom. 8. in ps. 50.*

lunt cum David, & nolunt surgere cum David. Non ergo cadenti exemplum propositum est, sed si cecideris, resurgendi. Attende, ne cadas.

I I. Prius aliquis lapsat, quam in peccatum penitus corruat. Ad prolaphonem hanc variae sunt opportunitates. 1. Somnus pomeridianus, praesertim in molli lectulo vocatus. Accidit, ut surgeret David de stratu suo post meridiem. Somnus in stragulo pomeridianus vitiosa consuetudinis pronubus. Meridiatio (a) corpori valde noxia, ut scholae medicorum docent: nisi aliud exigat consuetudo, aut regionis ratio. Atque ut cibus & potus extra prandium cenamque sumptus officit, ita somnus non suo tempore admissus incommodat, mollioris animi, & deliciis fragili argumentum. Invitum ab hoc somno vinci non adeo turpe, illum ultro accersere, & ad eum se componere, plane damnandum. 2. Otium, alter ad vitia pronubus: Deambulabat David in solario domus regiae, & nihil ferii meditabatur. Otium Bernardo rimosa navis, quae ob neglectum nautarum, sensim haurit aquam, & demum mergit. Otium Laurentio Iustiniano, stagnans palus est, plena fœdidis bestiis. Quisquis otiosus est, brevi & vitiosus erit. Iners otium, magister vitiorum felicissimus. Malus esse compendio discas, modo incipias otiosus esse. Davidi proxenera fuit otium ad flagitium non unum. 3. Oculi curiosi, emissarii ductores ad vitia certissimi. David vidit mulierem
se

(a) Mittagsschlaf.

se lavantem. Hic Chrysostomus præclare monet: Audiant curiosi; aperuit in vano oculos, & suscepit sagittæ ictum. Oculos curiosus potentissima fax tam foedi incendii. Inverecundi oculi & verecunda mens, magnum in Orbe prodigium, vix uspiam reperiendum. Nemo dicat pudicum se habere animum, nisi & pudicos, cantos, castos habeat oculos: si oculi vagi, volantes, emissitii sint, & velut seductæ columbæ columbarium alienum subeant, cor inquietum protinus sequetur. Quod Ezechiel Propheta dixit: Oculos eorum fornicantes, cor eorum fornicans, & recedens à Deo comitabitur. Idcirco Iobus: Pepigi foedus, inquit, cum oculis meis, ut ne cogitarem quidem de Virgine. (a) Nam quod Clemens Alexandrinus asserit, Visus, amoris principium est. Eosdem oculorum navos monstrans Petrus: Oculos, inquit, habentes plenos adulterii & incessabilis dilecti. (b) Oculos quàm cautissimè custodiat, qui mentem cupit custoditam.

III. Mirabilis inter vitia cohæsiō, & velut catena. Agmen in Davidem duxit otium. Mox adfuit curiositas humanæ gentis vitium. Hoc infecutum est cordis adulterium. Huic proximum ipsum adulterii flagitium. Insuper Vrias redditus est ebrius. Dein per epistolam infamatus, brevi & occisus. Inde contractum cum adulterâ connubium, hanc denique criminum catenam secuta offensio & exemplum pessimum aulæ, civitati, toti

re-

(a) *Iob. c. 31. v. 1.*(b) *2. Pet. c. 2. v. 14.*

regno proditum. Ab hoc multiplici facinore visus est David indurari & lapidescere, & inde non tam Deum, quàm infamiæ foetorem toto regno spargendum metuere. Hinc in omnem se partem flexit, ut hanc sceleris notam sic aboleret, ne in vulgus emanaret. Vriam vocavit, quasi de rebus bellicis interrogaturus, *Quæsitque quàm rectè ageret Ioab & populus, & quomodo administraretur bellum?* (c) Reipsâ, totus in eo erat, ut Vriam domum amandaret. Hinc illæ voces tam humaniter inculcatæ: *Vade in domum tuam, & lava pedes tuos,* (a) quiete ac bonis perfruere. *Secutusque est eum cibus regius.* At Vrias propositi tenax, & ignarus hoc unum agi, ut domum rediret, inter regium satellitium, legionem Cerethi & Pheleti excubavit. At David denuo suavi comitate urgens: *Nunquid non de via venisti?* ait, *quare non descendisti in domum tuam?* Cui Vrias: *Supremus Dux belli Dominus meus Ioab, & Arca Dei sub pellibus, procul à culcitris, & extra delicias habitant, sed & aliis generosis Ducibus ac militibus terra lectus est, & ego unus cæteris effeminatior ad uxorias delicias secedam, & somnum lecto fulciam?* *Per salutem tuam, & per salutem animæ meæ non faciam rem hanc.* O mi Vria, hæc militaris generositas exitio tibi erit. Sed unum adhuc arietem huic viro admoventum censuit David, ut quem sermones blandissimi non potuerunt domum ablegare, saltem expugnarent pocula. Ergo eum

voca-

(a) 2. Reg. c. II. v. 7. (b) Ibid.

(c) Aug. 10. 10. ser. 231. de Tempore.

vocavit, ut comederet coram se, & biberet, & inebriavit eum: qui egressus vespere dormivit in stratu suo cum servis domini sui, & in domum suam non descendit. O pravam Davidis consilium, necavit Vriam, antequam necaret, prius ebrietate, dein gladio. Diserte hic Augustinus: Qui alterum cogit, ut se bibendo inebriet, inquit, minus malum ei erat, si carnem ejus gladio vulneraret, quam animam ejus per ebrietatem necaret. (a) Sed neque hoc stratagemate Vrias percelli potuit, ut domum suam ab aulicis excubiis secederet, tametsi plures aliæ causæ, ad id eum instigarent. Cogitandum venerat: Quid dicet uxor mariti, odium interpretabitur abnoctationem tam contumacem; me sui oblitum causabitur, cum ab eâ jam quatuor mensibus absum. Num conjugem penitus insalutatâ redeam in castra? Nôrunt Superi, quando in Hierusalem sumus reversuri: quid verò commilitones dicent, quàm nullus sum paterfamilias, qui rem domesticam tam nihili ducam? Quid dicet socer meus, & mei cognati? His omnibus spretis Vrias rerum inscius à suâ domo abnoctavit constantissimè. Quis hic, obsecro, non videat sublimiore ista consilio gesta? Quis luculentum Dei judicium in Davidem non reprehendat? Astutior fuit Davide sapientia divina: Deus est, Iobo teste, qui apprehendit sapientes in astutiâ eorum (b) Ergo Deus voluit crimen Davidis non abscondi, sed detegi ac publicari: idque è singulari gratiâ.

Quan-

(a) *Aug. tom. 10. ser. 231. de Tempore.*

(b) *Iob c. 5. v. 13. & 1. ad Cor. c. 3. v. 19.*

Quando igitur David frustra omnia tentari animadvertit, Ioabo duci epistolium scripsit his imperiis: Ponite Vriam ex adverso belli, ubi fortissimum est prælium, & derelinquite eum, ut percussus intereat. Epistolam, inquit Chrysostomus, ferebat plenam sanguine, (a) quidem suo, ita ut coactus fuerit suæ mortis fieri minister. Hac autem epistolâ prius infamatus est miser Vrias quàm necatus. Siquidem Ioabus secum ita cogitaverit. Vtique vir iste piaculum grande commisit, sed parcitur honori, morte in illum decretâ generosiore: idem cogitaverint & illi milites, qui iussi eum in extremis periculis non juvare. En catenam, quam nexuit David è pluribus flagitiis. Nam penultimus catenæ annulus fuit homicidium, & quidem non unius sed plurium, & multiplex. Nec enim, quod Tostatus observat, eâ ratione quibat ab hoste interfici, quin simul plures tollerentur, & animus hosti cresceret è fugientium pavore. Denique cum adulterâ jungit connubium David, affectu certè non laudando. Nam matrimonia ejuscemodi lege prisâ videntur vetita, quamvis censa valida jam inita. Ideo Nathan exprobrans: *Et uxorem illius*, inquit, *accepisti in uxorem tibi.* (b) Hanc obsecro, catenam iterum considerate, & illius annulos numerate: Otium, curiositas, cordis adulterium, ipsa fidei maritalis violatio, ebrietas Vriæ, dehonestamentum, cædes, homicidium plurium, conjugium cum

S

adul-

(a) Chrys. tom. I. in psal. 50.

(b) 2 Reg. c. 12. v. 9.

adulterâ, pessimum in toto regno exemplum. Tales catenas nescit faber ab orco: Nullum peccatum solum & incommittatum incedit. In plurimis id observandum. Eam ob rem Isaias clamat: Tunc invocabis, & Dominus exaudiet, si abstuleris de medio tui catenam: Dissolve colligationes impietatis. (a) Virtutes sibi nexæ sunt; qui unam habet intimè familiarem, omnes habet. Pari modo & vicia sibi mutuis nexibus copulata sunt, qui uno gravius laborat, omnibus laborat. Hac illa catena est de medio auferenda, hæ colligationes impietatis dissolvendæ.

I V. Deterrimum in tali lapsu est labendi frequentatio. Cùm scilicet non tantùm semel delinquitur, sed sæpius: cùm quis peccandi assidue in eam se consuetudinem abducit, ut difficillimum videatur non peccare. (b) Chrysostomus graviter dehortatur: Concupisti, ait, & peccasti? si cupis agere poenitentiam, ne adjicias peccatum super peccatum. Hanc peccandi consuetudinem Siracides deplorans: (c) Cor nequam, inquit, gravabitur in doloribus, & peccator adjiciet ad peccandum. Fili, peccasti? ne adjicias iterum, sed & de pristinis deprecare. Ne adjicias peccatum super peccatum. (d) Hi profectò periculosissimè vivunt, & palàm ad inferos tendunt, vera diaboli mancipia, qui pec-

(a) *Is. c. 58. v. 6. 9.*

(b) Nichts ärger, als an dem Sündigen ein Handwerk machen.

(c) *Eccli. c. 3. v. 27.*

(d) *Eccli. c. 21. v. 1. & c. 5. v. 5.*

peccata graviora identidem repetunt: hodie delinquant, perendie idem liberiùs agunt, idem alterâ, idem terciâ hebdomade, & quidem audaciùs committunt; ita cum peccatorum numero crescit & peccandi animus. Quisquis es, cave, ne in hanc voraginem descendas, ne adjicias peccatum super peccatum. Peccandi consuetudo res determinata. Atqui hoc libidini proprium est, nunquam expleri, nunquam satiari. Libido vitium præceps & cœcum, pudorem & prudentiam omnem exterminat. Homo libidinofus velut avidum mare absorbet & glutit omnia, modò suæ obsequatur libidini. Cum bellicæ cladis nuntius diceret Davidi: Direxerunt jacula sagittarii ad servos tuos ex muro desuper, mortuique sunt de servis regis, quin etiam servus tuus Urias Hethæus mortuus est: David hoc nuntio nihil turbatus, factum Ioabi laudavit. Imò suorum occubitus ut rem minutulam æstimans: Non te frangat res ista, inquit, varius eventus est belli, & nunc hunc, nunc illum consumit gladius. (a) Nemo miretur has voces regis, suorum militum morti parum ingemiscens: Libido excæcat, efferat, dementat, præcipitat. Hoc Chrysostomus expendens: In ipsum, inquit, peccati barathrum præcipitatus est David, sed citò surrexit. Adulterium & homicidium non repetiit; nec adjecit peccatum super peccatum.

V. Adulterii gravitas. Adulterium tam grave peccatum est, ut lobus pudicâ conscientiam dixerit: Si deceptum est cor meum

S 2 super

(a) 2. Reg. c. II. v. 24.

super muliere, hoc enim nefas est & iniquitas maxima. Ignis est usque ad perditionem devorans, & omnia eradicans genimina. (a) Homicidium Augustino teste, adulterii fructus. (b) Siracides affirmative pronuntiat: Omnis homo, qui transgreditur lectum suum, contemnens dicit: Quis me videt? tenebræ circumdant me, & parietes cooperiunt me, & nemo circumspicit me, quem vereor? Delictorum meorum non memorabitur Altissimus. Et non intelligit, quoniam omnia videt oculus illius, quoniam expellit à se timorem Dei huiusmodi hominis timor, & oculi hominum timentes illum: & non cognovit, quoniam oculi Domini multò plus lucidiores sunt super solem, circumspicientes omnes vias hominum & profundum abyssi, & hominum corda intuentes in absconditas partes. Et erit dedecus omnibus, eò quod non intellexerit timorem Domini. Sic & mulier omnis relinquens virum suum, & statuens hereditatem ex alieno matrimonio. Primo enim in lege Altissimi incredibilis fuit; & secundò virum suum dereliquit; tertio in adulterio fornicata est: dedecus illius, non delebitur. (c) Adulterium, inquit Ambrosius, feris etiam ac barbaris detestabile. (d) Adulterium vel ipsa bestia detestantur, & inter se acerbè vindicant. Omni avo hoc flagitium Deus abominatus est. Cum natura etiamnum leges diceret

ante

(a) *Iob. c. 31.* (b) *Aug tom. 8. in psal. 50.*(c) *Eccli. c. 23. v. 25. & seqq.*(d) *Amb. lib. 1. de Abrah.*

ante promulgatum decalogum, adulterii supplicium mors fuit, & quidem mors in flammis subeunda. Hanc sententiam Iudas in Thamar nurum suam dixit: Producite eam, ut comburatur. (a) Si sæculo tam rudi adulterium tam serio punitum, quid faciendum lege clarissimâ jam latâ: Non moechaberis. Hebræis certe legibus etiamnum Christi ævo tam adulteri quàm adulteræ lapidibus obrui jubebantur. Arabes, Parthi, aliæque nationes, edictum in adulteros cum poenâ & iudicio perscripserunt & sanxerunt capite. Prisci Saxones tam moechum, quàm moecham aut laqueo aut flammis necârunt. E Romanis Imperatoribus aliquot sub poenâ capitis adulterium vetuerunt.

Nunc locis plurimis connivet virtus blandimentis sopita: adulteria passim committuntur impunè; magistratus cessant, neque hanc reipublicæ pestem poenis coërcent, aut tantum levioribus. Gravissimum supplicii genus est, luere marsupio. Ita immanè crescit & roboratur hoc flagitium. Quod Oseas gravissimè questus: Homicidium, inquit, & furtum, & adulterium inundaverunt. (b) Severas rationes exigit Deus ab iis, qui luem hanc alunt connivendo. In ipsos adulteros jam lata est sententiâ, & à Paulo promulgata: Neque fornicarii, neque idolis servientes, neque adulteri regnum Dei possidebunt. (c) Libanius disertus Phi-

S 3

loso.

(a) *Gen. c. 38. v. 24.*(b) *Os. c. 4. v. 2.*(c) *I. Cor. c. 6. v. 9. & IX.*

lofophus: Vndenam, inquit, putas tam crebra audacter committi adulteria? Nonne ex eo, quod adulteri è judiciis tam facilè abfolvantur? Discrimen legum ftatuens Hieronymus: Alia sunt, inquit, leges Cæfarum, alia Chrifti; aliud Papinianus; aliud Deus nobis præcepit. Sic forfan mollior humanarum explicatio, divinarum nimis quàm exacta eft: quoniam qui talia agunt, regnum Dei non consequentur.

Balduinus Flandriæ Toparcha, ex hoc Constantinopolis Imperator, quod Nicetas narrat, tantis odiis profecutus eft adulterii flagitium, ut quâvis hebdomade per præconem bis publicè proclamari jufferit: Nequis in palatio meo pernoctato, qui alienam conjugem contigerit.

Bafilii Seleucus dicta confignans nobili oratione: Grave malum eft, inquit, fornicatio, & omnino grave, immortalis digna cruciatio: hîc enim mille contrahuntur noxæ. Quare hortor, vos de hoc morbo liberetis, aut templorum adyta ne fubeatis. (a) Nefcitis, clamat Paulus, quoniam corpora veftra membra funt Chrifti? Fugite fornicationem. Omne peccatum, quodcunque fecerit homo, extra corpus eft; qui autem fornicatur, in corpus fuum peccat. Fugite fornicationem. (b)

(a) *Bafil. orat. 41. fub finem.*

(b) *1. Cor. cap. 6.*

CAPUT XXIV.

David pœnitentiam de peccatis agit.

QVando igitur David lethali vulnere non uno seipsum sauciavit, Nathane[m] medicum Deus submisit, qui oleo & vino, imò & aceto vulnera curaret. Suaviter exorsus Nathan, ampullam olearii in affectas partes rorare iussit, mox eas acri aceto persfricans dolores quidem excitavit, sed qui facerent sanitati. Nathan parabolâ usus & imagine: Duo, inquit, in urbe unâ erant à fortunis dissimilimi cives. Alter opulentus, greges ovium, & bova[m] armenta habuit, pecuniis & pecore abundans. Tenuis vitæ alter, & sine censu oviculam aluit unicam, eamque ut filiam educavit, eâdem cum liberis mensâ, eodem pane, ex eâdem patinâ & poculo. Dormientem hanc animantem paterfamilias non minùs, quàm ipsos liberos in sinu fovit. Cùm autem adventor quidam peregrinus ad divitem diversaretur, ille suis ovibus numerosissimis & bobus parcens, ut hospiti convivium strueret, unicam viri pauperis oviculam jugulavit, & inde caput cœnæ statuit suo diversori. Quid tibi, rex optime, videtur de cive hoc tam opulento simul & iniquo? At rex David iracundiâ grandi exardescens: Quisquis hoc fecerit, exclamat, oves quatuor pro unâ reddat, & factum iniquissimum capite luat. Ad quem continuò Nathan: Tu es ille vir, inquit, te ipso iudice ca-

dis. Et caussam hanc omnem à capite arcessens : Nonne, ait, beneficiis te Deus innumeris cumulavit & obruit? A pedo & peraso ad diadema & solium evexit, tot Saulis insidiis subduxit, è periculis tantis eruit, in domum opulentissimam deduxit, Israël & Iuda regnum tradidit, paratus dare plura, meliora. Tu autem, mi rex, hæccine benefactori summo reddis? hæc scelera in conspectu Dei patrare audes, adulterium & homicidium, aliasque illius vicinas culpas admittere non vereris? itane sciens in malum ruis? Vxorem non tuam polluisti, Uriam Hethæum interfecisti; relictam ab illo viduam tibi conjugem accepisti. Sed paratæ sunt jam delinquenti virgæ; castigabit serius Pater exorbitantem filium. Cælestis curiæ decretum audi: Non recedet gladius de domo tuâ usque in sempiternum. Tu enim fecisti abscondite; ego autem faciam verbum istud in conspectu omnis Israël, & in conspectu solis. (a) Mox David in lugubres voces erumpens: Peccavi Domino, inquit; Nec distulit Nathan confitentem reum in spem bonam erigere: Dominus quoque transtulit peccatum tuum, ait, non morieris. Veruntamen complures aliæ breviores poenæ te sequentur. Filius tibi nasciturus brevî extinguetur. His auditis David, variis seipsum suppliciis affecit, inediâ, lacrimis, rigore strati: nam terræ indormivit, ut vel hac ratione parvulo servaret vitam, neque enim decretoriam Dei voluntatem intellexerat. At ubi post exactos his rigoribus septenos dies

puer-

puerulus morte sublatus, rex lotus, unctus, in regem vestitus, ad arcæ tabernaculum properavit, seseque ad divinam voluntatem penitissime conformavit. Inde latissimus ad prandium abiit. Cùm id aliqui è familiaribus satrapis mirarentur, & quærent. Quid hoc ritus aut moris? Cùm infantulus etiamnum viveret, rex inediâ se afflixit, in terrâ secubuit, lacrimis se proluit, nunc eo mortuo è terrâ surgit, & hilaris mensam accumbit. Ad ista rex: Propter infantem, inquit, dum adhuc viveret, jejunaui & flevi. Dicebam enim: Quis scit, si forte dolet eum mihi Dominus, & vivat infans. Nunc autem quia mortuus est, quare jejuno? Nunquid potero revocare eum amplius? Ego vadam magis ad eum, ille vero non revertetur ad me. (a) Dum hæc expendimus, tria nobis veniunt differenda. 1. Quomodo peccati gravitas, & sequentes peccatum poenæ sint propositæ. 2. Quam serio respuerit rex David, & quæ poenitentia signa ediderit. 3. Quam integre voluntati divinæ se attemperarit.

(a) 2^a Reg. c. 12. v. 22. & 23.

§. I.

Quod primum attinet; Peccati gravitatem Nathan ita statuit ante animum, & ante oculos regis, ut excusationis nil prorsus invenerit. Vide, inquiebat Nathan, ingrati animi crimen. Eras rustici viri filius, tuorum fratrum minimus, pastorculus contemptus, & Deus te in regem extulit. Hunc

benefactorem tuum sic ausus es offendere? Has illi gratias rependis? Et quoties Deus vitæ tibi gratiam fecit, quoties Saulis unguibus hærebas captus, morti proximus? tot tantisque periculis subduxit te Deus tuus, Servator tuus, hunc ipsum tu injuriis lacestis? Quot te victoriis, quot beneficiis aliis ornavit? itane tu respondes beneficiis? hunc eis honorem habes? Agnoscis utique Deum, locis omnibus præsentem, & tamen in illius oculis flagitia patrare gravissima reveritus non es. Quare contempsisti verbum Domini, ut faceres malum in conspectu ejus? Homicidium cum adulterio copulasti. Honestam feminam in sceleris societatem traxisti, fidelem servum hac injuriâ dejectum insuper infamasti, insuper & necastisti, incredibili totius regni, & omnium hostium offensione. Ergo peccatum non claudus comes sequetur supplicium. Et sicut tu in Vriam innocentem, ita Deus in te nocentem stringet gladium, qui non recedet de domo tuâ usque in sempiternum; bella tibi ex bellis orientur; aliquid quietis non tibi, sed filio tuo dabitur ad struendum templum. Tu conjugem alienam etsi unicam violasti, idem hoc tuo fiet gynæceo: tollentur uxores tuæ in oculis tuis. Absalon id audacissimè fecit. Copiosissimum te probrum, idque publicum insequetur. Tu enim fecisti absconditè, ego autem faciam verbum istud in conspectu omnis Israël. Porro infans natus à toro non legitimo morietur.

Videte, quæso, quàm cathartici medicamenti soleat Deus illorum animum purgare,

gare, qui noxiâ intemperantiâ lethalem contraxere morbum. Hæ pœnæ irrogantur peccati, talibus piaculis luendæ sunt noxæ. Profecto David ad hoc usque tempus excors, & uxoriis blandimentis captus, decem mensibus, de resipiscentiâ nihil cogitavit, altum hæsit in sordibus, non quidem eadem reperens, sed nullam agens pœnitentiam. Cùm autem Deus hæc illi in os opprobriari juberet, tandem in semet descendit, reum se proclamavit, & Nathani se curandum subjecit his vocibus: Peccavi Domino. Hoc primum.

Alterum, Pœnitentia Davidis seria. *Peccavi, ait.* Virtutum se prodit prima, peccati notitia. Nec peccasse tantum fatetur, sed *Domino*: E quibus verbis liquet ad peccati notitiam accessisse, verum de peccato dolorem. Est dolor, sed inutilis & imperfectus. Inutilis qui humana tantum spectat, & peccati damna sed non æterna considerat, jacturam famæ, nominis, pecuniæ, dignitatis, patriæ, sanitatis, vitæ sed solum caducæ. In Saule rege talis dolor. *Peccavi, ait.* Sed mox aliò abreptus, & malè regno suo metuens: Sed nunc, inquit, honora me coram senioribus populi mei, & coram Israël. (a) Talis & in Antiocho rege fuerat dolor. Ingemiscebat ille tot à se mala Hierosolymis patrata, non ob numinis reverentiam, sed ob morbi & mortis sævitiâ. O Christiani, quàm chara, quàm pretiosa, sed & quàm rara est contritio vera! Ille verè dolet, quem seriò peccati pœnitet. Alius dolor nō malus, sed imperfectus.

(a) I. Reg. 15.

perfectus, horret gehennam, & cæli tantum æstimat jacturam, non Numinis offensam. Dolor verus ad sinceram pœnitentiam necessarius, divinam injuriam offensamq; considerat: hinc mœror oritur, qui spretam & abjectam Dei gratiam, qui Deum super omnia diligendum, peccatis gravissimè læsum deplorat. Hinc lugubres illæ voces: Peccavi Domino. Quas David sæpius ingeminans: Tibi soli, ait, peccavi. Vriam quidem summis injuriis affeci, Bethsabeam illius conjugem vitiaui, quosdam militiæ meis imperiis occidi, multis millibus pessimo exemplo nocui: sed si hæc omnia cum injuriis Deo illatis compono, minuta sunt hæc omnia ad illas maximorū montium moles. Itaque David doluit, non ob sceleris infamiā, non ob vulgi sermones, nec ob filioli mortē, sed ob summi benefactoris offensionem. Eheu cogitabat, tot Dei potitus donis, tot Deo injurias rependi: Peccavi Domino!

Doloris ac pœnitentiæ hujus argumenta fuerunt complura, 1. Psalmus pœnitentiæ scriptus: Misere mei Deus secundum magnam misericordiam tuam. Hoc lugubre carmen jam omnibus templis personat; tot in eo doloris testimonia, quot psalmi verba. Ita nimirum divinæ sapientiæ placuit, quod Eucherius dixit, ut Davidis naufragium sit alii portus. 2. Nulla hîc excusatio, nulli sceleris prætextus; reprehensionem amarā animo æquissimo admisit, velut vulgaris opifex à magistratu objurgatus. Nec inique tulit acerbiores voces illas in os objectas: Tu es ille vir. 3. Veniam illis facillimam

nam dedit, à quibus gravissime læsus est, quales fuerunt nequam Semei, rebellis Absalon, superbus Adonias, perferox Ioabus, complures alii. 4. Voluntarias pœnas ultro suscepit, & commissa crimina in seipso quàm acerrime vindicavit. Iansenius arbitratur, eum à severâ inedia & assiduis vigiliis morbum contraxisse: Nec æger ipse hoc negans: Genua mea, inquit, infirmata sunt à jejuniis. (a) Laboravi in gemitu meo, lavabo per singulas noctes lectum meum, lacrimis meis stratum meum rigabo. (b) Gemitibus ac suspiriis fessus, non cessabo tamen à memetipso exigere supplicia. Non pauculis tantum guttis mei stillabunt oculi; perfundam lectum lacrimis & natate (c) faciam, ut lavari possit his oculorum rivulis. Doctissimus Bellarminus censet, eum aliquam multas noctes suspiriis & lacrimis totas impendisse, non paucas eodem fletu ac gemitu mutilasse. Mi Deus, quid faciendum illis, qui tot lethalia peccata cumulant, & rident? 5. Lapsus sui oblitus nunquam: Quoniam, ait, iniquitatem meam ego cognosco, & peccatum meum contra me est semper. (d) Oculis meis assidue obversatur scelus meum; quocunque me vertero, meam ipse turpitudinem intueor, perpetuam me cruciant amaritudines. Fuerunt mihi lacrimæ meæ panes die ac nocte: Quia cinerem tanquam panem manducabam, & potum meum cum fletu misce-

(a) *Psal.* 108. v. 24. (b) *Psal.* 6. v. 7.

(c) Ita Hebraus contextus habet.

(d) *Psal.* 50.

miscbam. (a) Pane sordidissimo, & cineribus largiter consperso vescbatur, uti faciunt, qui vitam asperitate summâ trahunt. Franciscus Assisias, sui ipse hostis laudatissimus, Bonaventurâ teste, cibaria cocta tempore sanitatis vix admittebat, admissa verò cinerè condiebat. Hæc illius erant aromata.

6. Pœnitentia omnium optima, culpas non repetere. Nullum ampliùs David adulterium commisit, hanc grandem noxam non genuit; suffecerat semel corruisse. Quod peracutè observans Augustinus: Sed quia, inquit, in isto viro immoderatæ hujus libidinis non permansio, sed transitus fuit, propterea etiam à Prophetâ illicitus ille appetitus hospes vocatus est. Idem sentiens Chrysostomus: Quis, ait, iste peregrinus? Concupiscentia. Vt ergo illius ostenderet castitatem, peregrinum nominavit concupiscentiâ. (b) Nec enim unquam antea, nec postmodum unquam hanc culpam repetiit. Hoc cerè deterrimum est, cùm quis noxam aliquam ita committat, ut eandem iterum iterumque ac sæpius, tam denique frequenter committat, ut assiduitate assuescat, videaturque non posse non assiduè facere, quod toties malè fecit. Quod David semel deliquerat, non perfunctorio luctu deplorans: Peccavi, ait, Domino. Mox Nathan delicti gratiam fecit, dixitque: Transtulit Dominus peccatum tuum. Quàm mitis Deus! In opulentum civem, qui oviculam rapuerat egeno, sanguinis sententiâ dictavit rex,

& ca.

(a) *Psal.* 101.

(b) *Chrys.* tom. I. in *Psal.* 50.

& capite puniri tanquam rerum capitalium præfectus iussit. At ipse cædis & adulterii convictus, ubi binas dixit voculas, mox de reis exemptus est. Tantum, inquit Augustinus, valent tres syllabæ, *Peccavi*. Ita tribus fabis tres auri montes lucrari possumus. Nihilominus è plurimis hominum, ne quidem tres syllabæ ullo modo extorqueri possunt.

Sed hic, obsecro, quam attentissimè consideremus, quem Deus juris ordinem servet. Æterni supplicii gratiam fecit, admis- sam culpam remisit, temporariam tamen pœnam, eamque satis rigidam exegit à Davide. Hic Dei mos est, aequalitate inter culpam & pœnam servatâ. Nam uti capillus minimus suam habet umbram, sic & minima peccata suam habent pœnam. Dixerat quidem Nathan: Transtulit Dominus peccatum tuum, dimissa est culpa & æternum illius supplicium, sed non dimissa est temporaria pœna. Longissima malorum series, sed brevior te sequetur; labe, ignominia, dedecus, seditiones, bella, calamitates variae te prement, liberorum probra, cædes, supra te affligent: tres filii jugulabuntur: Amnonem Absalon, Absalonem Joab, Adoniam Salomon occidet, sed nec aliunde deerunt peccati pœnæ. Videte, quâ ratione Deus debitorum solutionem expediat, & suæ ipse justitiæ satisfaciât. Quod in Davide Augustinus factum,prehendens: Vt, inquit, & confessus in æternum liberaretur, & afflictus temporaliter probaretur. (a) Pœnas sempiternas condonat Deus, pœnas tem-

(a) Aug. l. 2. contra Faustum, c. 67.

temporarias reservat & expetit. Hinc illi stultissimè considerati, & cum ratione insani: Hæc omnia, inquit, exomologesi delemus, & unâ fideiâ parietes dealbamus plurimos. Ita mei, ita immortalem culpam, sed breviorē pœnam non tollitis. Multa scelera, multa pœnarum genera. Hinc nemo miretur tam varias & crebras hominū afflictiones: ita nomina Deus exigit, dū vivimus, nosque favore singulari punit, ne puniat; punit pauculis momentis, ne puniat æternum.

Tertium hoc capite sub oculos ponendum, est conformatio ad divinam voluntatem insignissima, quo ferè omnia spectant, quæ de Davide differimus. Nesciebat David, an decretoria Dei voluntas esset, filiolum recens natum extinguī, ideo dixit: Quis scit, si fortè donet eum mihi Dominus. Ideo etiam pro vitâ parvuli preces ardentissimas fudit, septem diebus inediâ se maceravit. Iosephus arbitratur eâ hebdomade totâ nil penitus cibi admisisse regem. Ego putem nil cibi cocti gustasse, sed è bellariis aliquid libi vel panis saccharati, ad vitam solum sustentandam sumpsisse. Sed & repudiato lecto humi cubuit, & vigiliis se affixit. Insuper solitarius egit, & vitam incultam, non lotus, non unctus, posito cultu regio, velut captivus sacco vestitus duxit.

Monebant Prisci depillationibus ac gravædini curandæ:

Esurias, sitias, vigiles, sic reumata cures.

Rex David, esuriit, sitiit, vigilavit, oravit, jejunavit, sic crimina curavit, vitam tamen infantulo non servavit: auxiliū omne concidit,

cidit, actum egit; infans mortuus est. Plinius olim : Rem bonam , inquit, fecisti, regule, quod mortuus sis. Idem ego hic usurpem ? Rem optimam fecisti , mi parvule , quod mortuus sis. Nam adultior factus , fuisses digitis notatus; dixissent : Hic ille puer , hic ille juvenis est furto conceptus. Et non minus curvis parvisque moribus, crediderim, fuisset iste parvulus atque alii Davidis filii plerique omnes à parentis sanctimoniâ multum degeneres. Igitur favoris fuit divini parvulum hunc maturius extinguere.

Hic autem David virum se gessit , cum suam divinæ voluntati perfectissimè subjunxit. Infante mortuo non vanè lamentatus , nec verbulo adversus Deum questus, surrexit lotus, unctus, vestem indutus regiam, ingressus est Domum Domini , atque sic precatu : Tuâ, mi Deus , placita & decreta ex toto placent: sorte meâ contentissimus sum; sanctissimam voluntatem tuam obviis ulnis amplector. Tuum velle ac nolle meum est. Filiolum meum te nolente nolim vivere: gratias tibi ago, quod mihi veniam & vitam indulseris , & eâdem bonitate filiolo meo lucem & vitam ademeris. Tuo , Domine , nutu vivimus , ad tuum nos arbitrium totos fingimus & conformamus; moniti te sequimur.

Ita nos in omnibus loqui oportet & agere. Sin aliter agimus , & reluctamur , aut inviti nutus divinos sequimur , animi tranquillitatem nunquam consequemur. Exemplo monitramus , quod dicitur : Valetudo modis omnibus curatur , mors tamen non

evitatur. Quisquis es, divinam voluntatem latus amplectere. Pari modo iactura fit decem aut viginti millium, aut plurimum Philippeorum. Non defuit industria cavendo huic dispendio, damnum tamen caveri non potuit. Lava igitur & unge faciem tuam, dic centies, iterumque centies: Fiat voluntas Dei, fiat, fiat. Aliæ atque aliæ infestant miseriæ, calamitates premunt diversa? Hoc ipsum assidue cogitandum; Sicut Domino placuit, ita factum est, ita fiat: Benedictus Dominus Deus Israël, à sæculo & usque in seculum. (a) Hoc est agere hominem secundum cor Dei, hoc in summis miseriis facit esse beatum.

(a) Psalm. 40. vers. 14.

C A P V T XXV.

David occisum deflet Ammonem filium.

IN diversoriis ea est ratio; dum cenant diversitores & potitant, nigram tabelam caupo pererrat cretâ, & rationes scribit, quas symposio finito exigit. Decoxit hactenus David, tandem Deus adfuit, & rationes exegit. Dictum Davidi: Hoc & hoc condonat tibi Deus, culpam & culpæ poenam æternam remittit, non item poenas temporarias; longa te malorum series expectat. Peccati præmium poena.

Amnon maximus natus filius Davidis, viginti annorum juvenis, impuro amore insanians, suam sororem Thamar deperxit. Ignem subdidit diabolus, & unum alium

quem è familiaribus Amnonis concitavit hominem sagacem sed nequam Ionadabum, qui consilium patibulo aut rotâ lendum suggerens. Ita, inquebat, dominè mi age; agrotum te finge, & accessum Patris operire in lectulo, præsentem roga, illud solatii non neget agro, jubeátque sortitiunculam parari à sorore, & fidâ ejus manu porrigi. Annuit non gravatè David Pater, jussitque fieri, quod agrotus posceret, licet regiæ virgines summè custodiri solerent. Quis autem hoc furtum suspicaretur à fratre, eoque, ut putabatur, agro committendum? Patrato jam incestu Amnon sororem multò gravius odisse cœpit, quàm antea amârat; ita blanditiis in feritatem versis conclavi eam ejecit ejulantem, ut tantò facilius citiùsque flagitium innotesceret.

David etsi hoc sceleris commissum graviter acceperit; quia tamen Amnon primogenitus erat & charissimus, noluit factum acerbius castigare. Absalonem autem id odii cœpit in fratrem, ut hoc unum cogitârit, quâ facinus istud vindicaret. Absalonem paulatim nosse discamus, juvenem varii, insolentis, elati, indomiti ingenii, qui odium adversus fratrem conceptum biennio toto suppressere potuit & tegere. Tandem cum ejus oves tonderentur, qui dies Hebræis festivissimus erat, convivium regium in villâ suburbanâ parans, astutè ac nequiter tam parentem quàm fratres omnes ad illud invitavit. Negavit principio Pater cum filiis se venturum, ut sumptibus parceretur. Vrsit

Abfalon, & enixius rogavit; cum tamen minime vellet adesse Patrem, sed abesse suspicionem. Tandem impetravit fratres omnes convivas. Interea domi cum servis etsi aliquantulum renitentibus rem componit, & fratris eadem imperans: Attendite, inquit, cum Amnon frater meus inceperit mero calefcere jam madidus, eum signo dato jugulate. Ego sum, qui precipio vobis, regis filius, vester dominus. Factum ut jussierat, & in mensa obtruncatus est Amnon. Mox solutum omne convivium: quivis regionum juvenum mulam insidens Hierosolymam properavit. Fama tamen quantumvis celeres prevertit, nuntiatumque est regi, omnes ejus filios esse occisos. Hic tria nobis precipue discenda. 1. Amor impurus quam non sit stabilis & diuturnus, sed saepe inimicitarum semen: quam in re etiam liquebit, quomodo Deus peccata puniat peccatis. 2. Quomodo Abfalonis biennio potuerit coerceri odium. 3. Luctus Davidis maximus, quid habuerit solatii.

§. I.

I. Impurus amor inconstantissimus, homini à fronte formoso sed in draconem desinenti simillimus. Amnon sororem Thamar ita deperit, ut maciem contraxerit. Amor profecto magnus, sed impurus. Hic ignis non à Christo in terram missus, sed à diabolo fulmen ex Orco est. Hic Amnonis amor pessimus cum crederetur fore maximus,

mus, mutavit. Nam flagitio commisso ex-
sam eam habuit, odio magno nimis, ita ut
majus esset odium, quo oderat eam, amore
quo ante dilexerat. (a) Idcirco eam extrudi
domo jussit complois supra caput manibus
publicè lamentantem. Lex certa: Amor
malè conciliatus non est diuturnus. Pari
modo: Connubia sine Deo auspice infeli-
cia. Omnis amicitia qualem non virtus copu-
lat, minimè firma, infamis & vacillans est.
Amici parum stabiles sunt, qui potando, hel-
luando, ludendo, furando coeunt amicit-
tiam. Amores malè conciliati, non diutur-
ni. Non ignota herba Helenium è lacrimis
Helenæ, aut è quercu, ad quam Helena se
suspendit, natum dicitur, & rixas provo-
care. Amor impurus velut Helenium litis
& rixæ seminarium est, dissidia, furores,
bella, cruces parit.

Hypanis fluvius, si Herodoto fides, à suo
fonte diebus quinque exilis quidem sed
dulcis fluit, deinde per quatuor dierum spa-
tium amarissimus est potatu. Talis amor
Ammonis fuit, ante commissum scelus mul-
sum & mera videbatur dulcedo, scelere pa-
trato amaror ingens, aloë Gallica. (b) absyn-
thum merum, chrysulca mordacissima. (c)
Quàm verè Tullius: Amores, inquit, &
deliciæ maturè & celeriter deflorescunt, &
in omnibus rebus, voluptatibus maximis
fastidium finitimum. (d) Spureus amor &
libido,

T³

libido,

(a) 2 Reg. cap. 13.

(b) Enghien.

(c) Schaidtwaasser.

(d) Cicero pro Calio.

libido, velut Hypanis, aliquamdiu fuit dulcis, sed aqua sequitur marina & salsa. Denique quod in Hebræorum itinere evenit, ad ultimum falsissimo claudentur mari. (a) Hunc impurus amor, hunc inconcessa voluptas habet exitum, mare falsissimum, multam & amaram poenitentiam, quanquam nimium seram, desperationem profundissimam. Sic Amnonis amor maximus, in summum mutavit odium. Et hæc adumbratio est hominum ad inferos dejectorum, qui ea, quæ hinc perditè amarunt, detestabuntur æternum, tam peccata, quàm peccatorum causas, socios, illecebras, epulas, merum, Veneres, pecunias, pompas, & omne luxus & luxuriæ choragium. Hæc omnia ad ultimum falsissimo claudentur mari.

II. Absalon potentissimi, sed & sanctissimi viri degener filius, homo fraudulentus, versipellis, simulator, honoris nimium quàm appetens, vindictæ cupidissimus. Hinc voces illæ blandiores: sed nunc soror tace, frater tuus est; neque affligas cor tuum pro hac re. (b) Intereà eadem animo coquebat. Porro non est locutus Absalon ad Amnon nec bonum, nec malum, oderat enim Absalon Amnon. Sic autem cogitabat hæc vulpes: si odium præmaturè prodam, cavebuntur insidiæ; mentem igitur blandis vocibus, humano vultu tegam, dum pulchri facinoris adsit opportunitas. Ita biennio cruentum odium humanitatis larvâ velavit.

Sed

(a) Num. cap. 34. vers. 12.

(b) 2. Reg. cap. 13. vers. 20.

Sed non adeò grande mirum hoc fuit; Confessionis & Communionis sacrosanctæ mysteria ignoravit. Inter Christianos mirum & abominandum est, reperiri, qui totis animis intima odia pectore sepulta, aliasque conscientiae maculas foedissimas confessione non aboleant, aut nequiter id simulent se facere, non faciant; homines deplorandi, suo exitio læti, in seipsos fraudulentissimi.

Absalon biennio elapso patrem invitavit ad convivium, non ut compareret, sed ne res suspecta fieret. Hoc egit Absalon, ut paternis oculis fratrem jugulandum subduceret, & in suburbanam villam elegeret. Hic in fratrem humanissimus, deliciarum aut ceremoniarum nil omisit, hilaritatem simulavit, vultum vocemque finxit, poculis invitavit. Sed miser Amnon coactus est suo sanguine respondere. Nam cum convivia jam hilarescerent mero, ferveretque epulum, clamor subito cooritur, & interficitur Amnon. O miserum! ita temulentus mitteris ad orcum? Nulla hinc mortis, nulla poenitentiae cogitatio. Dein Amnon nondum cum sorore, fratre, Deo reconciliatus in immensum æternitatis antrum præceps dejectus est. Hinc Chrysostomus: Inter quos, inquit, stuprator ille sororius aderat. (a)

Huic malo causam dedit non levem David, qui noluit contristare spiritum Amnon filii sui, quoniam diligebat eum, quia primogenitus erat ei. (b) Ita incestum filii non castigavit, partim amore, partim verecun-

T 4

diâ

(a) Chrys. l. 3 de Provid. (b) 2. Reg. c. 13. v. 21.

diâ ductus. Quippe cogitaverat David : Ego ipse sum castigabilis , nam liberis meis pessimo exemplo nocui ; cur exprobrem , quod ipse feci ?

Animosum facit innocentia ; libertatem adiungit sceleris conscientia. In educandis tertè liberis rex David vix quidquam laudis obtinuit : regias curas solertissimè tractavit , liberorum curam nec severam , putem , nec seriam gessit. Hinc nec Absalonem patrà jam cade è fugâ reprehendi & in carceres abduci iussit. Cùm enim Absalon ad Prolemaum regem socerum profugisset , pater eum reperere ut reum non instituit. Ingentia quidem luctûs edidit specimina , docuitque hoc facinus sibi ne utquam probari , non immemor tamen idem à se factum : Vriam mero sopitum , dein fraude occisum. Quocirca filium fratris carnificem non eo quo debuisset conatu infecutus est. En , obsecro , ut Deus peccatis puniat peccata , adulterium incestu , Vriæ cadem Ammonis homicidio : non quòd velit crimina designari , sed ea , quæ designantur permittere , & dirigere ad pœnam , ut peccatum fiat peccati supplicium.

Queritur Deus de contumacia plebis Hebrææ : Non audivit populus meus vocem meam , & Israël non intendit mihi : & dimisi eos secundùm desideria cordis eorum , ibunt in adinventionibus suis. (a) Equidem mirabilis isthæc est pœna. Magistratus in hunc quidem virgis , in illum gladio , in istum laqueo , in alios rotâ aut rogo ani-

mad.

(a) Psalm. 80.

madvertit : quis unquam furem punit , ut
ulterius furetur ; latronem ut plures occi-
dat ? Sic Deus solet : Ut qui nocet , noceat
adhuc , & qui in sordibus est , sordescat ad-
huc. (a) Hinc longè præstat fulmine affari ,
quam in peccatum lethale vel unicum labi.
Dimisi eos , inquit Deus , ibunt in adinven-
tionibus suis : qui lascivire vult , lasciviat ,
qui obrectare aliis , obrectet ; qui perire
cupit , pereat. Idem affirmat Paulus : Tradi-
dit illos Deus in desideria cordis eorum , in
immunditiam. (b) Tradidit ipsos pessimis
ipsorummet affectionibus : quemadmodum
olim Romæ leonibus , pardis , tigridibus ,
aliisque feris retradebantur lacerandi , ita
Deus hominem tam protervè delinquen-
tem propriis objecit appetitionibus. Et ple-
rumque in quo quis peccat , in eo & puni-
tur.

III. Luctus Davidis maximus. Lugebat
tex David 1. Nathanis memor yaticinantis:
Suscitabo super te malum de domo tuâ.
2. Filiaë Thamaris incestum male dissimula-
tum deflevit, non malè ratiocinatus: Si Pa-
ter punivisset incestum, filius non commi-
sisset homicidium. 3. Amnonis filii primo-
geniti mortem deploravit, mortem eheu
sempiternam. Sacer historicus satis id dilu-
cidè significat: Luxit David filium suum
Amnon cunctis diebus. (c) Omnem vitam
occupavit hic luctus, veluti ob hominẽ
æternitate luctuosâ clausum. 4. Luxit ob

T s inf.

(a) Apoc. cap. 22. vers. II.

(b) *Ad Rom. cap. 1. vers. 24.*

(c) 2 Reg. cap. 13, vers. 37

infamiam tam apud Hebræum quam alios populos contractam. Animus male sibi metuens præfagiebat: omnibus circumcirca nationibus irrisui, & ludibrio, fabula vulgi eris; carmen de te cantabitur; passim dicent: Hebræi Deo scelerum ultore gloriantur, & tanta nihilominus patrant scelera. 5. Subita illa quantumvis falsa fama incredibili mœrore optimum regem perculit. Delatus erat rumor ad aures regias: Percussit Absalon omnes filios regis, & non remansit ex eis saltem unus. Surrexit itaque rex, & scidit vestimenta sua. Sed & rex & omnes servi ejus fleverunt ploratu magno nimis. (a) Hæc maximi luctus sunt argumenta. En quantâ vi irruant supplicia peccati!

Neque solus rex David, & regium cum eo famulitium, sed & omnes filii regis peræquè luxerunt. Nam 1. Spectatores & testes fuerant cædis, quâ fratrem frater inter epulas peremit. Intranses, inquit historicus, levaverunt vocem suam, & fleverunt. Labes foedissima, incestus in regiâ domo & parricidium. Famam de adulterio & homicidio rex parens vix aliquantulum domuerat, jam recens accedit macula geminatii flagitii, dum fratrem incestissimum sicarius frater non in acie, sed inter epulas & symphoniam jugulat. Hic certè causâ mœroris plurima. Quid miri aut novi, si acerbitate luctus contabuisset David. Memento Domine David, & omnis mansuetudinis ejus, omnis afflictionis ejus.

Chry-

(a) 2. Reg. cap. 13. vers. 30. 31. & 36.

Chrysoſtomus tam acerbis afflictiſſimi regis caſibus permotus: Sufficere, inquit, iſta poterant, Davidis vitam inter eos numerare, qui ſemper in luctu & miſeriis vixerunt. Quippe fabulas omnes, omnemque tragœdiam vicerunt regis hujus clades, adeo illi monſtroſa, & invicem ſibi ſuccedentia domuiq; ſuæ contigerunt, cum clades cladibus ſuccedere ſemper pergerent. Conſidera queſo, Fabulas, inquit Chryſoſtomus, omnemque tragœdiam Oedipi, Atrei & Thyęſtæ, Etheoclis & Polymicis hi tragici caſus ſuperarunt. Hinc regum faſti aſſerunt. Rex & omnes ſervi ejus fleverunt ploratu magno nimis.

Quid in luctu tanto ſolatii? Filia violata, filiorum unus occiſus, alius fugitivus, quid hæc ſolatii? Unica Dei voluntas. Nam ita ſecum ratiocinatus eſt David: Ob peccata mea poenas à me Deus expetit: ille quidem ſons puritatis nec libidine delectatur nec carde, ſed quia hæc ſimul & delicta & delictorum ſupplicia ſunt, Deus me liberorum meorum vitiis punit. Deus hæc fieri permiſit, ut mihi eſſent caſtigatiō & ſupplicio. Quid igitur adverſus Deum Deiſſimam voluntatem jure conquerar? Hæc omnia & his plura commeritus ſum. Faciat Dominus, quod bonum eſt in oculis ſuis. Nimirum hoc unicum ſupereret ſolacium, ſed ſolacium ſolidiſſimum & optimum. Vbi vera cum divinâ voluntate conformatio eſt; ibi nulla adverſus Deum querela, nulla cum Deo lucta eſt. Faciat Dominus, faciat, quod bonum eſt coram ſe. Hæc una res malum omne mitigat, hoc ſolatio-
rum

rum abundè satis instillar. Velle in omnibus, quod vult Deus, homines secundùm cor Dei, filios Dei efficit, calòque recipit extra calum.

C A P V T XXVI.

David ab Absalone regno pellitur.

VETERI dicto: Heroum filii noxx. Absalon Davidis degener filius jugulato Amnone ad avum regem Gessur Ptolemaum profugit. Triennio hic exul mansit. Ejus Patrocinium Ioabus dux belli ita suscepit, ut per Thecuitidem prudentissimam mulierem apud regem causam ejus egerit. Hoc unum petebatur, liceret exuli Hierosolymam redire. Impetratum est, sed eâ conditione, ne patris vultum subiret. Hac lege Absalon Hierosolymis biennium exegit, cum patre nunquam locutus. Nec desinit Ioabus aliquid amplioris gratiæ rogare, veller jubere rex in conspectum venire filium, qui ausum temerarium jam quinquennium luisset. Impetratum est & hoc. Admisit Absalonem parens amplexatus eum & osculatus non sine lacrymis utrinque fufis.

Sed Absalon inquieti, factuosi, versipellis ingenii juvenis, multa movit in aulâ non movenda, suam interim domum equis & curribus magnificè instruxit, cœpitque cogitare, quamvis occultissimè, quibus artibus diadema & sceptrum sibi raperet, & parentem excuteret solio. Vt tanto suavio-
rem

rem res fuceffum fortiretur , omnes eos , quibus negotii aliquid in aulâ fuit humaniffimè nec fine blandis ceremoniis allocutus. Vnde es tu, inquiebat , mi bone , quâ patria & domo ? quæ ita funt negotia? Vix ullam in aulâ negotiorum executionem eft videre; parens differt & procrastinat; pleraque omnia largitionibus aguntur , libelli supplices fupprimuntur ; juri & iuftitiæ cæcus nafus affingitur : & utinam ego his malis mederi poffim ! Hæc nequam juvenis fimplicium auribus inflillabat, eâque re Patrem tribunâque regium clam traducebat, ut omnium favores fibi colligeret. Sed & aliam ftropham commentus, veniam petiit à parente voti cauffa peregrinandi in Hebron. Annuit Pater. Hebrone non rem divinam, fed bellicam curavit, militem collegit , quofcunque potuit , in fuas partes traxit. Inter hos etiam numerabatur , qui Davidi à confiliis erat , vir primi nominis Achitophel. Nimirum hæc novitas plurimis placebat, uti plebs eft molitionum novarum avidiffima. Hinc Abfalôn magnis indies viribus augefcebat. Rex demum in Hebron unctus eft , & publice proclamatum : Regnavit Abfalôn in Hebron. Mox nuntii ad regem David pervolant : Toto corde univerfus Ifraël fequitur Abfalôn ; non ex metu , non fîmulatè , fed ferio & animofe. Rex David non diu cunctatus : Surgite, inquit, fugiamus ; neque enim erit nobis effugium à facie Abfalôn. Feftinate egredi, ne forte veniens occupet nos, & impellat fuper nos ruinam , & percutiat civitatem

tatem in ore gladii. (a) Ita fugam mattabant omnes, tam rex quàm regii famuli & civium multi. Rex pedes abiit, decem conjuges regiæ in domûs custodiam relictæ. In viâ David familiarium quosdam conspexit, quos actis gratiis, unâ cum Arcâ domum remisit. Nam quid Deus ex alto in se decrevisset, nondum perspiciebat: Si inveniret gratiam, inquit, in oculis Domini, reducet me. Si autem dixerit mihi: Non places, præsto sum: faciat, quod bonum est coram se. Interim in tantâ trepidatione præsentissimus sibi rex, jussit certior se fieri ex urbe quidquid de hoste resciri posset. Ita ibat itinere hoc pedestri ac tristissimo, incertus quò iret. Ah! quàm moesta & lugubris supplicatio! Rex annorum pæne septuaginta clivum olivarum scandebat flens, nudis pedibus incedens & operto capite; sed & omnis populus qui erat cum eo, operto capite ascendebat plorans, omnesque flebant voce magnâ. Hic quinque dictionis membra nobis explicanda sunt. 1. Unde hæ turbæ tantæ: quis populum concitavit? 2. Cur tumultuationis medium placuit fugâ? 3. Exempla magnorum quanti faciendâ? 4. Afflictiones Davidis catenatæ. 5. Conformatio regis cum divinâ voluntate.

S. I.

Annus verè ac sapienter: Multorum, inquit, quia imbecilla sunt, latent vitia, non minus ausura, cùm illis vires suæ placuerint, quàm illa, quæ jam felicitas appetuit.

ruit. Instrumenta illis explicandæ nequitia
desunt: sic tutò serpens etiam pestifera tra-
ctatur, dum riget frigore; non desunt tunc
illi venena, sed torpent. (a) Serpenti similli-
mus erat Absalon, dum exul, inops, multis
odiosus, sese continuit; at Hierosolyma re-
vocatus, in conspectum Patris admissus
blandos sentire calores, & ita sensim coepit
vomere venenum, & quidem primò o-
mnium, ritu serpentum, in parentem. Pruden-
ter ac sanctè submonens Augustinus: Multi,
ait, res adversas timent, res prosperas non
timent. Periculosior est res prospera animo,
quàm adversa corpori. Prius corrumpit pro-
spera, ut inveniat, quod frangant adversa.
Fratres mei adversus felicitatem, acrius vi-
gilandum est; propterea videte, quemad-
modum eloquium Dei in nostrâ felicitate
tollat nobis securitatem: Servite, inquit,
Domino in timore, & exultate ei cum tre-
more. In exultatione, ut gratias agamus; in
tremore, ne cadamus. Hoc peccatum non fe-
cit David, cum persecutorem Saulem pate-
retur. Quando David sanctus Saulem ini-
micum patiebatur, quando illius persecu-
tionibus agitabatur, quando per diversa fu-
giebat, ne in manus ejus incideret: non con-
cupiscebat alienam, non adulteratâ uxore
occidit virum. Erat in infirmitate tribula-
tionis suæ tantò in Deum intentior, quantò
miserior videbatur. Utile quiddam est tri-
bulatio, utile medici ferramentum, tan-
quam diaboli tentamentum. Factus est se-
curus devictis hostibus, pressurâ caruit, tu-

IIIOT

(a) Sen. epist. 42. med.

mor excrevit. (a) Sed ad institutum.

I. Quæ tanti motûs ac seditionis causa fuit? Primaria, Deus, qui peccatum peccato, ut superiore capite demonstratum est, & prava filii machinatione patris facinorosa puniens: Ecce, inquit, ego suscitabo super te malum de domo tua. Altera causa, Ambitiosa imperandi libido. Ita secum ratiocinatus Absalon: Ego successor sum Patris: sed quis imperii tam diuturni finem expectet? jam annis triginta parens imperat, diu satis & nimium quàm satis: det tandem locum successori. Exilio quinquennali me maceravit: hoc ipsum ille gustet; redeat in auctorem sententia, quam tulit. Causa tertia, Nimia parentis in liberos indulgentia. Peccatorum impunitas, præsertim in hominibus parum ingenuis parit audaciam. Apposite dixit Chrysostomus: Semper enim scelera, dum non resecantur, crescunt. Omnia virtutis semina parentes in liberis corrumpunt, quando non primis annis punienda puniunt. Dum in Absalone fratris occisi facinus non vindicatur, in patricidium facinus recidivum iteratur. (b) Si- racides in eam rem præmonens: Læta, inquit, filium tuum, & paventem te faciet, lude cum eo, & contristabit te. (c) Quarta, cæcus populi furor, quem non ratio, sed sua vel aliena regit libido. Populo placebat Absalon, solus è fratribus regiâ natus, juvenis formosissimus, humanissima vulpes, auda-

(a) Aug. in ps. 50. l. i.

(b) Chrys. 1. 1. hom. de Absalone.

(c) Eccli. c. 30. v. 9.

audacissimus veterator, promissor liber-
lissimus. Ita, quod Chrysostronus dixit,
unius parricidæ furor, tot millia insanire
compulit. Nimirum novitas ipsa placuit:
Plures enim orientem solem, quam occi-
dentem adorant. Quinta causa tam admi-
randi motus bellici fuit Achitophel, qui
Davidi à secretis consiliis erat, oraculum
Hebrææ curiæ. Hic vir civiles has turbas
plurimum promovit. Facem admovit jam
furere paratis. Omnium voces volabant: Si
vir iste sapientissimus harum partium sit,
nil profectò temerè agetur: Coloris aliquid
habuerunt hi vulgi sermones. Sed videte,
quaso, quàm proutum sit decipi, præsertim
deceptionum amantibus. Achitophel cete-
ra prudentissimus hac in re stultus fuit. Sed
illum ad hoc adegit vindictæ amor, preut
in talibus promptissimus præfultor est dia-
bolus. Bethsabea ante conjugium à Davide
vitiata, neptis fuit Achitophelis, hinc ille
non tantum conspirationis socius, sed for-
san & auctor.

I I. Cur David his malis remedium à fu-
ga petiit? Arx Sion, seu, civitas David mu-
nitissima fuit; à cæcis & claudis propugna-
ri potuisset. David ipse miles cordatissimus,
exercitatissimus, in acie nunquam victus,
nunquam fugitivus ex acie, neque tunc mi-
litaribus copiis destitutus. Sed hic aliud la-
tuit mysterii. Rex pius facile intellexit hic
sibi pugnam non esse cum homine, sed cum
ultore Deo, qui Absaloni filio armis por-
rexisset in patrem; ideo hic non ducem
agere, sed reum pœnas meritum volebat;

nec enim Absalonis, sed Dei iram metuebat. Quā in re maximæ Davidis regis virtutes eluxerunt. 1. Amor in subditos: maluit enim non sine infamiā fugam capessere, quā urbem periculis objicere. Potuisset equidem cum Cerethæis & Phelethæis multo tempore obsidionem tolerare, noluit, ne suos cives ad paupertatem redigeret. 2. Submissio & humilitas; nam poenas, quas Deus ab ipso repetebat, promptissime admisit, easque auxit, nudis pedibus incessit. 3. Patientia & mansuetudo admiranda: Nec vultum edidit minūs moderatam & placidam. Quis illum audiit dicentem: Fulmine trifulco pereat sicarius hic & latro filius; pereat immanis bestia, in genitorem tam impia. Nil horum imprecatus David, imò regem vocavit, non parricidam. 4. Fiducia in Deum maxima: Omnia videri poterant perditissima, desperatissima; nihilominus David: Tu autem Domine, inquit, susceptor meus es, gloria mea, & exaltans caput. Non timebo millia populi circumdantis me: Exurge, Domine, saluum me fac Deus meus. Domini est salus, & super populum tuum benedictio tua. (a) Inscriptio hujus carminis est ista: Psalmus David, cum fugeret à facie Absalon filii sui. Quanta hæc fiducia fuit in rebus pæne deploratis, de divinā bonitare sibi polliceri: Quia Dominus suscepit me? Fiducia cum patientiā inexpugnabilis armatura.

III. Exempla illustrium virorum summi in utrumque momenti sunt. Reginis deli-

(a) *Psalm. 3. v. 4.*

catissimis & liberis tenerrimis, sine equis, sine pilentis aut leviticis in fugam se pedibus dare, res multo difficillima & pance impossibilis. At cum viderent reginæ earumque liberi parentem jam senem nudis pedibus fugam capefcentem, nemo dixit: Non possum sequi. Exempla magnorum occulta vi cogunt sequi, & jubent facere viribus vix superabilia. Orator potentissimus exemplum, vix unquam non persuadet. Vrias negat licere sibi in lecto molliter cubare, cum Imperator loabus capiti indormiat. Cato milites suos ad omnia fecit promptissimos, quos ipse pedes per confragosa & ardua, per rupes & saxa ubique præcessit:

Ipse manu, sua pila gerens præcessit anhel

Militis ora pedes: monstrat tolerare labores,

Non jubet.

Vix ita paruisent, si talia sub capitis poenâ præcepisset Rex David hoc ipso itinere mœstissimo ad Ethai Gerhaum fugæ comitem: Cur venis, inquit nobiscum? Revertere & habita cum rege, quia peregrinus es, & egressus es de loco tuo. Heri venisti, & hodie compelleris nobiscum egredi? Ego autem vadam, quo iturus sum. Revertere, & reduc tecum fratres tuos, & Dominus faciat tecum misericordiam, quia ostendisti gratiam & fidem. (a) At verò Ethai exemplo regis motus: Vivit Dominus, inquit, & vivit Dominus meus rex, quoniam in quocumque loco fueris, Domine nū rex, sive in morte, sive in vitâ, ibi erit servus tuus. Si rex ingre-

V 2

dia.

(a) 2. Reg. c. 15. v. 19. & 20.

diatur lintrem & familiarium quosdam in ripa
stantes annuente manu invitet ad confes-
sum, quis recuset? si flumen trajiciat, quis se-
qui abnuat? si montes scandit, quis comitari
cunctetur? Hac Christianis potentissima sit
ratio, hæc panoplia impenetrabilis, cum
blanditur caro, cum favit diabolus in ve-
titum impulsurus, pro se quisque dicat:
Christum inter flagra, spinas, ludibria vi-
deo; in cruce nudum, vulneratum, dolori-
bus exhaustum cerno, & ego me volupta-
tibus mergam? Vivit Dominus, non faciam
rem hanc. Bernardus in rem hanc disertus:
Quid magis indignum, quid detestandum
amplius, quid gravius ponendum, quam
ut videns Deum exili parvulum factum, ul-
tro apponat magnificare se homo super ter-
ram? Intolerabilis impudentia est, ut ubi
fese exinanivit majestas, vermiculus infle-
tur & intumescat. (1)

IV. Arumnæ Davidis catēnatæ. Iure
hoc quidem: nam & ipse catenam fecerat,
& scelera sceleribus colligarat. Tandem di-
vinum imperium urget: Catenam, quam
cudisti, tolera. Et videte, obsecro, egressum
& supplicationem prorsus lugubrem? Rex
cum reginis & liberis, fleus, nudi pedibus,
fiente omni populo, velut mendicus cum
paupertino grege urbem deferit, fugam in-
tendit, filio degeneri cedit, non arcæ pecu-
niaræ, non cistæ vestiariæ, non regia supel-
lex, non amplius commeatus, nec ullus le-
ctorum nec mensarum apparatus sequitur.

Deo

(1) Bern. serm. I. de Nativit. Dom.

Deo nixi. Miratus hanc lacrymabilem pompam Salvianus: Quale spectaculum, inquit, cum tantus & tanti nominis, cunctis regibus altior, mundo major cum suis fugeret, in comparatione sui egestuosus, in comparatione sui solus, fugiens cum metu, cum dedecore, cum luctu, à seipso exulans, pæne jam post seipsum vivens. Ita Dei judicio à se aliter affectus, quocunque se vertat David, præsens est calamitas. 1. Peccatum in oculis. 2. Offensus Deus. 3. Filius rebellis. 4. Regnum tot laboribus partum eripitur, & ille quidem, qui eripit, est filius. Et quomodo regem affecerit horribilis nuntius de populi clamore in urbe Hebron audito: Vivat rex Absalon: Pereat rex adulter & homicida, pereat senex delirus, regni fastidium. Quomodo hæc regium cor lancinarint? sed non est servus major domino suo. Christus audiit: Crucifige, crucifige. Non hunc, sed Barrabam. Et quidem electus populus ita clamabat. Plurimum nobis hi clamores proderunt, si eos cum obrectatorum dictis conferamus, & unà cogitemus: Graviora passi sunt nobis longe sanctiores. Porro super illa omnia David per Abiathar sacerdotem pro more rituque gentis ex Deo quæsit: Quo eundum, quid faciendum? Responsi nihil redditum. Silentium offensionis argumentum. Etiamnum Deus noxis prioribus irascitur. Sed, ô Domine, an non jussisti lugenti David dici: Transtulit Dominus peccatum tuum? Iussi, & peccatum transtuli, sed nondum peccati pœnam. Nondum tibi, mi David, plenè reconcilia-

tus sum. Aeternas tibi condonavi poenas, non temporarias, quas inter calamitates istas exigo. In his tamen arumnis omnibus summa fuit Davidis cum divinâ voluntate consensio ac conformatio, quod quintum dictionis membrum est.

V. Inter Dei & Davidis voluntatem summus fuit conspiratus. Sadoco sacerdoti rex religionum curam commendans: Reporta inquit, Arcam Dei in urbem. Si invenero gratiam in oculis Domini, reducet me, & ostendet mihi eam, & tabernaculum suum. Si autem dixerit mihi: Non places, praesto sum, faciat; quod bonum est coram se. (a) Si Dominus Deus dixerit, nolo te regem, nolo te victorem; praesto sum. Si dixerit: exulem, fugitivum te volo, ut tuus filius adversum te faciat, quod fecerat Saul tuus socer; praesto sum. Volo te speluncas & antra petere, mendicatio vivere; praesto sum. Volo te quotidianis terrestri periculis, & omni horâ irruptionem mortis operiri; praesto sum. Volo te probris omnium & ludibriis tuorum etiam subditorum affici, praesto sum. Luto & lapidibus, non conviciis solum, & maledictis te peti volo. Vxoribus tuis vitium offerri, omnibus te contumeliis vexari volo; praesto sum Domine, praesto sum. Ego te erutum è sordibus in solium evexi, à pedo & petafo ad sceptrum & diadema, extuli, regem ex opitione feci: Nunc iterum in sordes te dejiciam, & ad pedum & mendicitatem te reducam; praesto sum Domine, praesto sum; facias, quod bonum est coram te. Et ut rex David omni

(a) 2 Reg. 6. 13. v. 25. 26.

populo probaret se divinis placitis contentissimum, torrente Cedron jam transmissio, ascendit summitatem montis, in quo erat adoraturus Dominum. (a) Ex illo montis supercilio videre poterat arcem Sion & urbem, & ita eminus valedicere, regnumque Deo per preces transcribere. Ita totus in infinita divinatorum iudiciorum profunditate acquiescebat: Restituat Deus regnum, non restituat; victoriam concedat, auferat, in utrumque paratus est David, aut illud aut istud divina voluntatis decretum amplecti.

Comes Elcearius, illud sanctitatis archetypum, cum savâ maris tempestate iactaretur, fracto jam malo, velis ventorum vi disceptis, ululantibus nautis & desperantibus, unicus orabat Elcearius. Mari aliquantulum detumesciente, evitato jam naufragio, interrogatus est Elcearius; An non æquè atque alii timuisset vitæ? Ad quos ille: Totum me, inquebat, divina voluntati tradidi, paratus vel aliis salvis mergi. Ita prorsus David, salvo filio, salvis ceteris paratissimus fuit perire.

Et hæc voluntas cum divina tam exactè consentiens, ita Deum vincit & expugnat, ut hominem non possit odisse summa bonitas. Hæc illa voluntas est, quæ hominem summis malis, mediis flammis cinctum, nihilominus reddit beatum. Ita nos comparemus, Christiani, ut in rebus omnibus, tam adversis, quàm prosperis, promptissimè pro se quisque dicat: Præsto sum, faciat Dominus, quod bonum est coram se.

(a) 2 Reg. c. 15. v. 32.

C A P V T XXVII.

David à Semei convitiis & lapidibus appetitur.

Ubi David miserrimâ fugâ torrentem Cedron & olivarum clivum transmisisset, advolavit servus Miphiboseth Siba. Hic duos ante se asinos egit ducentis panibus, duabus vini seriis, (a) ficibus & uvulis passis onustos, fugienti regi donum. Quod ut oratione insuper commendaret: Rex vive, inquit, munusculum prorsus exiguum adduco, vinum in viâ deficientibus, jumenta verò ceteris non assequentibus servient; panem, ficus, uvas passas in refectiunculam fervorum regis adfero. Cui rex: Vbi hæret Miphiboseth? Ad quæ Siba respondit: Hierosolymis remansit, dixitque: Hodie restituet mihi domus Israël regnum Patris mei. Hic trifur mendacissimus homo, ex asse nequam, in dominum suum mendacium conflavit, Davidem nimis credulum fefellit. David enim auditis Sibæ fucatis verbis, mox sententiam pronuntians: Tuz, inquit, sint omnia, quæ fuerunt, Miphiboseth. (b). Inde David ad oppidum Bathurim venit. Hic obviam habuit saluatorem inexpectatum, hominem scelestissimum Semei, qui suum regem non convitiis solum & maledictis atrocissimis excepit, sed & luto ac lapidibus petivit.

Abi-

(a) Weinlägl.

(b) 2 Reg. v. 16. v. 4.

Abisai Iobai frater veniam à rege petiit, liceret maledico huic jam amputare caput. At acquissimam defensionem rex inhibens: Sinite, aiebat, Deus hoc illi iussit, ut mihi malediceret. Quid ab hostibus expectem, cum filius meus me oppugnet? Interea non cessabat Semei probris omnibus, maledictisque regem insectari, minuere maiestatem. Eodem die Absalon urbem Hierosolymorum cum exercitu velut triumphator ingressus est. Hic tria nobis dissertanda. 1. Quàm audax fuerit hæc impudentia Semei, legitimum regem tam diris contumeliis tali tempore insectari. 2. Quàm modestissime tolerat David maledicta Semei. 3. Quàm eximie in his ipsis injuriis suam cum divinâ voluntate conjunxerit.

S. I.

Vt hujus injuriæ gravitatem investigemus, expendendum probe, quis calumniis fuerit confixus, quis calumniator, quomodo verba fecerit ponderosa lapidibus, quando hoc fecerit. Quis hæc passus? Religiosissimus & mansuerissimus princeps, regum potentissimus David, tertium electus & unctus rex, dux fortissimus, quem ea calamitas affligebat, ut vel saxa moverit. Hunc ipsum regem optimum tam foedo fellis imbre perpluit scelestus & vilis homo. Et quis calumniator iste? Civis & subditus regis, quem rex nec verbis nec facis læsit.

1. Nimis quàm audacter impudens & furiosus fuit Semei, civilium & divinarum legum contemptor, qui regem in os, audiente omni

ni populo, conviciis & contumeliis gravissimis oneravit. Hoc ei impotens sui affectus & vindictæ studium suggessit. Semei cognatus Saulis erat, qui Davidi semper infensissimus. Putavitque homo temerarius & præferox Semei, opportunum esse tempus, quo Davidem, regno jam propè perduto, acerrimè criminari posset. Hinc quidquid fellis domi habuit, in regem, imò in suum ipse caput effudit. Nam post annos sexdecim capite luit, quod hñc linguâ deliquerat. Deliquit autem horrendum in modum. Etenim non solum regi turpissimè maledixit, sed eum insuper luto & lapidibus appetens: Egredere, clamabat, egredere vir sanguinum, & vir Belial. Reddidit tibi Dominus universum sanguinem domus Saul: quoniam invasisti regnum pro eo, & dedit Dominus regnum in manu Absalon filii tui, & ecce premunt te mala tua, quoniam vir sanguinû es. (a) Abi in malam maximam crucem tyranne sanguinarie; diu satis subditorum tuorum sanguinem sorbuiisti, nunc tuus jure petitur. Adulter es, idcirco prout meruisti, lapidandus es. De tuo corio jam ludetur; pro pari reddetur: regnum iniquè partû tuo filio cedit in spoliû. Extrema omnia meritis es. Tandem caussa melior triumphat.

Videte, obsecro, quàm hominem pravi affectus excæcent, quàm seducat turpiter vindictæ libido! vir iste centies jusjurandum jurasset, se vera dicere, cùm omnia fuerint falsissima. Nimirum ita furere solent affectus cæci. Summa fuit injuria, quod ille

ritè

ritè factum censuit. Quàm nos delicati simus, & pane nullius patientiæ hoc paradigma monstrat. Cum enim nos vel obliquus ferit oculus, vel asperius verbum perstringit, mox injurias vociferamur intolerabiles. Umbra sunt illæ injuriæ, quas nos ferimus ad Davidis, ad aliorum gravissimas collatæ. Et videte regis nostri patientiam.

II. Semei maledicta & calumnias rex David modestissimè simul ac mansuetissimè tulit, ad omnes verborum contumelias patientissimus. Sat hominum habuisset; qui os viri nequissimi oppilarent. Abisai manus pruriebant in conviciatoris cadem. At vero David non tantùm Semei jugulari vetuit, sed ei etiam patrocinator, & facinus extenuans. Dimittite eum, inquit, ut maledicat, Dominus enim præcepit ei, ut malediceret David: & quis est, qui audeat dicere, quare sic fecerit? Ecce filius meus, qui egressus est de utero meo, quærit animam meam, quantò magis nunc hic filius Iemini maledicet mihi? Dimittite eum, ut maledicat juxta præceptum Domini. (a) Opprobrarat Semei regnum Saulis iniquè occupatum. At David pio usus artificio, non verbis Semei respondit, sed Deo se stitit; eum Deo causam suam pertractans: Domine Deus meus, inquit, si fecit istud, si est iniquitas mea in manibus meis. Si reddidi retribuendis mihi mala: decidam meritò ab inimicis meis inanis. (b) Mi Deus, si Sauli

re.

(a) 2. Reg. c. 16. v. 10. & 11.

(b) Psal. 7. v. 4. & 5.

regnum vi malâ invasi, perdiderim omnia; mei me inimici pessumdent. Ambulabat itaque David & focii ejus per viam cum eo. Semei autem per jugum montis ex latere, contra illum gradiebatur, maledicens, & mittens lapides, adversum eum, terramque spargens. Nihilominus mitissimus David suis illud inculcat: Dimittite eum; ut maledicat, juxta præceptum Domini. Quomodo Deus hoc præcepit? Paucis quidquid hic obscuri in lucem dabo.

Hæc Semei maledicta, uti omnes injuriæ ac peccata, duo hæc velut utero clausa gerunt, *Culpam & Pœnam*. Culpa non præcipitur à Deo; hæc enim voluntatis malitia est, quam averfatur, justo tamen judicio permittit Deus: quando igitur maledicentia Semei, quæ gravis culpa erat, Davidi fuit acerba pœna, voluit & præcepit Deus, ut David ore tam maledico, linguâ tam impiâ puniretur. Culpam non voluit Deus, sed voluit pœnam. Idem in omnibus omnino injuriis & peccatis videre est. Culpa iis inest & pœna. Culpam Deus permittit, non præcipit: nec verò præcipere potest: est enim non ens, seu distortio, fœditas, depravatio turpificati animi & malæ voluntatis. Exemplo rem monstramus. Curvam in charta lineamprehendunt oculi, distortio ipsa & curvamen recti privans, quid rei est? Ita Deus dum permittit culpam, infligit pœnam, maledicentiam Semei non imperavit, per eam tamen irrogavit pœnam Davidi. Et hoc est, quod vociferatur David. Dimittite eum, ut maledicat juxta præceptum

Domini, qui me noxium non vult impunitum. Idcirco quidquid supplicii de me sumpserit benignus Pater, patientissimè perferam. Chrysostomus hanc patientiam adeo demiratur, ut existimet robustiorem censendam esse tolerantiam Davidis hæc talia patientis in calamitate, quàm in folio regali confidens ea pertulisset. Nam ubi concidimus, inquit, tunc magis nos pungunt acriusque mordent convicia. (a) Et videte crudelē diaboli vafritiem, cūm cerneret Absalonis tyrannidem, tranquillè ac leniter à mitissimo parente tolerari, alium in eum immisit adversarium, qui tantam patientiam amarissimis calumniis expugnet. At nihil agis Acherontice Panurge: rex David eadem perseverat æquanimi tate; maledictis non movetur, convicia publica probrosissima veluti surdus non audit, ovicularum rex bellicosissimus induit. Obstupescenda prorsus patientia, submissio & mansuetudo prorsus prodigiosa, vel eo ex capite, quia vindictam non solum iustissimam, sed & paratissimam in promptu habuit: etiamnum rex fuit, quamvis exul; etiamnum jus gladii retinuit, & tamen Abisai gladium, obrectatoris jugulo jam imminuentem coercuit. Et quā tandem iram in statione continere, vindictam substringere, animi commotiones reprimere potuit?

III. Divinæ voluntati suam iterum integerrime conjunxit, ut in eo solo suavissime acquiesceret, quod Dei nutu consilioque gestum sciret. Quando igitur sciverat

Da-

(a) Chrys. tom. 1. de fide Anna.

David, velle Deum, ut sibi malediceretur, hoc ipsum & ille voluit. Hinc voces istæ: Dimittite eum, ut maledicat. Voluntati divinæ refragari nequitiam debemus, etiamsi ea calices infundat amariores, finite virum loqui, quæ vult, non ea sua solum, sed divina loquitur autoritate: Deus illi hoc negotii adversus me commisit.

Atque hoc Deo volente velle, nolente nolle, Panoplia est ad omnes injurias æquo animo excipiendas; tranquillè tolerantur omnes afflictiones & pœnæ, si omnium auditor credatur Deus. Sed hîc milies hallucinamur & impingimus, qui fraudes, rapinas, cædes, & quidquid similium malorum est, qua culpam habent, permittit ea Deus, quæ pœnam inferunt, vult ea Deus, & immittit. Videte mihi hominem ægrum, cui pharmacum porrigitur austerum, vehemens, discussorium, quod penetret viscera laceret: quæ hic æger stomachari & furere, execrari pharmacum, diras omnes pharmacopolæ imprecari. Quam autem id insipienter & fatue? Pharmacopola quid deliquit: è præceptione medici, & è charta medicamentum composuit: cum medico age, mi æger, hunc accusa, si potes. Omnes injuriæ medicinæ sunt, quia pœnæ sunt, qui injuriam infert, pharmacopola est, potionem exhibet, quam medicus dictavit, non aliam, non amariorem præbere potest, quàm ei medicus permittat, jubeat. Medicus est Deus, hic medicinas præscribit, dictat, præcipit, in curatione admovenda pharmacopaus illi subservit. Medici est, moderari omnibus quæ

ad ægri valetudinem sunt, medici est imperare. Hinc illa Davidis verba, Dominus præcepit ei. Quod Augustinus merito commendat his verbis : Agnoscens culpam suam, amplexus est poenam suam, quærens gloriam non suam. (a) Eundem hunc regem depradicans Bernardus : Parum est, inquit cum per seipsum humiliat nos Deus, si tunc libenter accipimus, nisi quando & per alium hoc facit, sapiamus similiter. O vere hominem secundum cor Dei, qui se ulciscenti potius quàm exprobranti succensendum putavit, quæstum existimans maledicta, at ille intendebat, quid in occulto ageret Deus. (b) Hoc Davidem tam mitem reddidit adversus pessimum nebulonem illum. Agnovit enim divinæ justitiæ instrumentum. His oculis nos adversarios nostros, ut justitiæ divinæ instrumenta intueamur. Hi pharmacopæi nostri varios quidem ingerunt amarores, Rhabarbarum, Aloën, Antimonium miscent. Quid indignamur? ita præscripsit medicus. Nefas autem quærere, Cur hoc, cur istud præscribit. Largiter erravit Abisai, cum furiose quæreret : Quare maledicit canis hic mortuus Domino meo regi? Nam ad ista indignatus David : Quid mihi ait, & vobis est filii Sarviæ? Vanè, impie sciscitamus, cur istud illudve curia cælestis in nos decreverit; facti sui rationem Deus mortalibus non reddit. Stulte imprudens sit, qui Deum examinet: Cur modo pluvias, modo grandinem, modo pruinas,

(a) Aug. to. 8. in ps. 50.

(b) Bern. ser. 34. in Cant.

nas, modò tempestates alias; jam famem, jam morbos, jam bellum in nos immittat? Ita nec nos in privatis rebus nostris prudenter aut piè interrogabimus: Cur hostis meus tam barbarè me tractat? cur Magistratus nos non juvat? cur paupertas, cur morbi me sibi vendicant? cur ego unus ceteris asperis multor? Tolle quæstiones istas, frustra sunt. Ita medicus præscripsit; ipse novit, quid præscribat aut præcipiat: non phar-maca, sed medicum attendamus.

Dion Alexandrinus vir eruditus, Stobæo teste, variis probris à quodam laceffitus, nec verbum reposuit tot cavillis. Vbi domum venit, ad conviciatorem, qui eò usque secutus, se vertens: Gratias ago, inquit, quòd te mihi comitem adjunxeris, sed tuis sermonibus respondere, jam non vacat. Sapienter, & ad priscae philosophiæ ritum.

Sciverat David injurias sibi ab Absalone filio, à Semei subdito inferri, non casu, nec fortuito, sed vidente, annuente, volente ac jubente Deo, qui quæ ipsius causa patimur, immensis præmiis remuneratur. Idcirco David horum non ignarus: Si fortè, inquit, respiciat Dominus afflictionem meam, & reddat mihi Dominus pro maledictione hac. (a) Quidquid igitur, & à quibuscunque patiamur, suspiciamus ad Deum hæc omnia videntem, annuemem, volentem ac jubentem, & respiciet nos Dominus, & reddet nobis bonum. In rebus omnibus cum Davide usque & usque clamemus: Dominus est, faciat, quod bonum est coram se.

CAPVT XXVIII.

*David interitum Absalonis
filii luget.*

CUm David in campestribus deserti moraretur, Absalon Hierosolymis potius concilium illic bellicorum coëgit. Achitophel vir longe consultissimus, in hanc ferè sententiam dixit: Non ignotum ulli, quantus miles sit David, & quos secum adduxerit; paucos illos quidem, sed exercitatissimos, leones dixeris bellicosissimos. Cum igitur bella celeritate constant, dentur mihi duc decim millia militis selecti, hac nocte lassos opprimam ex improviso. Nec erit difficile, regem in nostram potestatem redigere, caeso ipsius milite aut fugato. Consilium fuisset sapientissimum, modò reperisset viros cordatos, qui ausi fuissent sequi. Perisset David, si consilium Achitophelis steteret. Deus id evertit; alioqui consilium Achitophel, quod dabat, in diebus illis, quasi si quis consulere Deum, sic erat omne consilium Achitophel. (a)

Longe aliter suavit Chusai, quem Absalon pariter audiri voluit. Ille hunc in modum peroravit: Consilium Achitophelis probare non possum. Pater tuus, ô rex Absalon, vir bellicosissimus est, cui veluti ura catulis raptis saviat. Ac fossan foveis ac vallis se munit. Quòd si principio praelii è nostris pauci cadant, ingentem ea res terro-

X

rem

(a) 2. Reg. 3. 16. v. 23.

rem dabit, mox volabit fama victum Absalonem, Nam omnis populus novit, quantus, & quàm felix bellator sit Pater tuus, & quàm selectum militem secum eduxerit. Hoc igitur agamus, Israëllem universum à Dan usque Bersabee ad signa evocemus. Ita vi summâ irruamus in hostem, quocunque demum loci praesidio latitantem. Ita ad unum omnes trucidabimus. Quod si alicui urbium se commiserit, funibus eam cingemus, & in profluentem his tantis viribus trahemus. Consilium speciosum, sed malum. Assensi sunt autem omnes Chusai, rejecto Achitophelis consilio. Ita Donai nuntiu dissipatum est consilium Achitophel; utile, ut induceret Dominus super Absalon malum. (a)

Hac omnia nuntiata sunt regi David per exploratores duces Jonathan & Achimaas, qui in viâ declinando periculo in puteum descenderunt, quem cata mulier texit pallio, velut hordeum siccaret. Monitus ergo David Iordanem ante lucem summo mane cum exercitu transmisit. In via Sobi & Berceilai obtulerunt regi frumentum, hordeum, farinam, fabam, cicer, lentem, mel, butyrum, oves & vitulos pingues, tapetia quoque & vasa utensilia obtulerunt, ut fatigatorum fami sitiq; aliquid adferrent solatii.

David igitur cum bono Deo suas in hoste filio vires exploraturus omnem exercitum suum in tres partes divisit, unam Ioabo, alteram Abisai ejus fratri; tertiam Ethai Gethaio assignavit, ipsemet in aciem descensu-

rus.

rus. At obfistens populus: In tuo, aiebat, unius capite, decem millia computantur. Tu unus quæreris, te perduto perimus omnes. In urbe potius præsidio nobis eris, ut si pugna minùs feliciter succedat, ad te refugiamus: At David non ignarus, neminem in suâ causâ bonum esse judicem, perquam humaniter & admodum submissè: Quod vobis, inquit, videtur rectum, hoc faciam. Ducibus autem singulariter præcipiens: Servate mihi, ait, puerum Absalon. Adcò paternus animus in hoste deterrimo agnovit filium, quem noluit obtruncari.

Interim Achitophel immane dolens obfretum suum consilium, suus ipse carnifex: gulam laqueo fregit.

Iamque gemini exercitus in se ibant, non Hebræi solum contra Hebræos fratres, sed contra patrem filius. Bellum miserabile, in quo & vincere & vinci grave fuit Davidi. Virumque igitur acie commissâ, brevî numeroissimus Absalonis exercitus, ita turbatus est, ut effusissimè fugerint, viginti millia hominum cæsa sint. Factâque est plaga magna, viginti millium, & multò plures erant, quos saltus consumpserat, quàm hi, quos voraverat gladius in illâ die. (a) Nam in silvâ illâ plurimi à fame, siti, feris, præcipitiis sunt confecti. Absalon & ipse in fugam effusus, subter proceram & admodum umbrosam quercum mulâ vehens, capillis passis, sparsâque cæsarie ramis quernis in hæsit, celerrimè transeunte jumento vacuo. Hoc continuò miles Ioa-

X 2 bo

(a) 2. Reg. 6. 18. v. 8.

bo duci nuntiavit. Qui ad nuntium conversus: Si vidisti, ait, quare non confodisti eum cum terra, & ego dedissem tibi decem argenti siclos, & unum baltheum. Nec quidem mille argenteos acciperem, inquit nuntius, ut regis filium confoderem, quàm enim severè rex imperavit custodiendum Absalonem. Cui Ioabus: Ego verò, inquit, te spectante, aggrediar illum, Et cum dicto tribus lanceis in pendulum incurrens, pedus transfodit. Cùmque etiam palpitaret miser, Ioabi decem armigeri accurrentes, juvenem miserrimum obtruncarunt. Ita demum Ioabus cecinit receptui, non ultra passus favire ferrum. Absalonem è quercu solutum in propinqui nemoris festam abiecerunt, ingenti lapidum acervo super eum ingesto. Mox duo nuntii Achimaas & Chusai pervolarunt ad regem, & victoriam nuntiârunt. Mox quæ sit rex, num salvis ageret Absalon? Primus caute dissimulavit se id scire: Alter, quod res erat, fassus est. Hic David mœrore maximo percussus in conclave superius ascendit, flens, & identidem ingeminans: Fili mi Absalon, Absalon fili mi, quis mihi tribuat, ut ego moriar pro te, Absalon fili mi, fili mi Absalon!

Hic nobis agendum & de obitu filii, & de Iudæi Patris. In filii obitu æquissima Dei iudicia consideranda, in Patris luctu expendendum, cur tantis lacrymis mortem atrocissimi hostis sit profecutus?

S. I.

Quoniam verum illud priscum: Deus iudicat.

cat, cum nemo accusat. Differt subinde poenam, non aufert; tarditatem supplicii gravitate compensat. Serus nonnunquam venit ultor, sed severus. (a) Absalon occidit fratrem; Deus tacet. Absalon mentitur patri de voto in Hebron perficiendo; Deus tacet. Absalon turbas concitat, seditionem conflatur; Deus tacet. Absalon conjuges parentis violat; Deus tacet. Absalon parentem armis oppugnat, ut regno evertat, hic Deus syngrapham monstrans; (b) Hæc, inquit, & hæc, & hæc etiam fecisti, & tacui.

Chrysostomus in degenerem hunc filium, sævam reverà rigridem facundie exanderens: Parricida, inquit, non læsus, insanit, David læditur & mitescit. Cessa, cessa, inquam, ne te boni omnes semper exhorreant, ne audaces ex te, quod non noverant, discant. Tandem respice jam scelestissime hostis, jam respice parricida, respice, inquam, usquequaque in te cuncta sunt conversa. Te fugientem arbor excipiet, rami interiment, ligna suspendent. Injuriam patris vindicant ligna, arbor ulciscitur, rami defendunt. Nec calum, nec terra te recipit, & aura & tellus & aqua te averfantur & excludunt.

Vere Deus judicat, Deus condemnat, cum nemo accusat. Et quidem pari metitur mensurâ. Hæc Dei sunt judicia, quæ sæpe lenta veniunt, sed tremenda. Diversorum in Absalone vitiorum mixtura fuit.

1. Capillis Absalon usus est ad pompam & fastum.

(a) Gott richt / wann niemand spricht, Gott kompt langsam / kompt aber wol.

(b) Schuldbrief.

factum, nunc facti sunt ei funes, quibus infelici arbori suspensus est: Credibile est galeam, quo celerior esset fuga, excussam. Casariam Absalon semel tantum quot annis tondebat, ne capillorum mole nimium gravaretur. Id autem quod attonsum fuit, ducentis siclis seu nonaginta philippais vendebatur, tanti vel pars capilli regii fiebat. Iam verò dicendus est Absalon tot capite gessisse laqueos, quot capillos. 2. Amnonem fratrem temulentum ferro trucidatum è mensâ misit ad inferos, nunc à loabo consobрино eâdem viâ in idem barathrum missus est, quâ frater præcessit. 3. Cor ejus tribus maximè vitiis occupatissimum fuit, ambitione, libidine, vindictæ cupiditate. Eam ob causâ jure meritissimo tribus jaculis confossus interiit. 4. Parentis decem conjuges violavit, idcirco ipse à decem juvenibus, dum ad quercum pendulus palpitaret, foede vulneratus & occisus est. Quàm bonus Arithmeticus est Deus, quàm non errat suo calculo, quàm æquam reddit mensuram suo tempore. 5. Quia obedientiam patri præstandam turpissime abjecit; paratam patris misericordiam usurpare non potuit. Pater eum occidi vetuit, pater ei voluit parci; Deus noluit. Hic tibi, mi Lector, expendendum relinquo, quantum & quamdiu miser cum arbore sit luctatus, ut illâ se extricaret. Et enim sat multum temporis effluxit, dum pendulum hoc funus loabo nuntiatur, dum ille cum nuntio sermocinatur, & ad nefastam arborem decurrit. Interim Absaloni miserabile

fuit

fuit cum arbore luctamen. Ita Deus in hostes suos animadvertit, præsertim qui æternitatis obliti, in omne vetitum ruunt.

Non sine gravi causâ historicus divinus occisi Absalonis mentionem injiciens: Porro Absalon, inquit, erexerat sibi, cum adhuc viveret, titulum qui est in valle regis, dixerat enim: Non habeo filium, & hoc erit monumentum nominis mei. Vocavitque titulum nomine suo, & appellatur, manus Absalon, usque ad hanc diem. Videte vanitatem hominis, mausolæum sibi struit, epigraphen componit, nominis æternitatem ambit, sed brevem illam & caducam, veram, & nullis sæculis finiendam perdidit. Sic à trajiciendo annulo, (a) hastâ plurimum aberravit. Habebat regius hic juvenis exercitum numerosissimum: nam multa millia in patrem armaverat, cum Pater vix ducentos sub signis numeraret. Sed quid Absalonem miles tam copiosus juvit, illo uti nescientem? Multas in eum præclaras dotes congesserat Natura, sed quid profuerunt illi? Ad æternitatis annulum in equo ei decurrendum fuit; Ah miser equo decidit, Angelis & diabolis Orbique toti ludibrium, cæli medius & terræ pependit; æternitatem quæsit temporariam, sed & hanc amisit, & unâ sempiternam; à furâ ivit ad inferos. Quam miserum est, gladium habere bonum, & eo uti nescire, equum habere generosum, & regere illum nescire. Malus jaculator est, qui nec metam tangit, nec vicina metæ, malus eques, qui refrigere discum cupit, & ex equo ruit.

(a) Im Ringel stechen. X 4. S. 11.

S. II.

Obitum olim Epaminondæ, quod Plutarchus narrat, Atheniensibus recentem esse militem, sed quid tum postea? Num flebit Antigenidas, si Tellias novas acquirat tibiis? Tellis rudis & paganus tubicen, musicus præstantissimus Antigenidas id scilicet multum moratur, etsi Tellias novis canat tibiis. Sic & Absalon exercitum ad victoriam opportunissimum contraxit, sed vincere nescit; marmoream æternitatem sibi condidit, sed illam non desituram neglexit. Nimirum vocaverunt nomina sua in terris suis Relinquent alienis divitias suas, & sepulchra eorum domus illorum in æternum. (a) Quantum laborant vanissimi mortales, ut nomen suum reddant immortale! ô immortalitatem morti nimium vicinam, ô æternitatem minimè æternam! de celebritate famæ quid nobis polliceri possumus? Cras moriemur, & forsitan unà nobiscum, nomen nostrum. Domus nostras, sepulchra nostra usque ad supremam Archangeli tubam habebimus. Hac ipsa in re Deus Absalonem punit insigniter: nam ejus cadaver jussu Ioabi in silvam delatum, & in proximam foveam sine ceremoniis ullis, temere abjectum, velut canis mortuus. Hoc demum loco jam sepultus, jure tamen lapidatus est Absalon, prout Deus veteri lege jubet protervum & contumacem parentibus filium à toto populo lapidari. (b)

Hic

(a) *Psal.* 48. v. 12.(b) *Deut.* c. 21. v. 20. 21.

Hic igitur rex formosissimus, & cum eo illius regnum, hebdomadibus pauculis aut diebus durans est sepultum, fama melioris notæ non obtenta, æternitas cælestis perditæ. Vanitas vanitatum, & omnia vanitas.

Christianus Adrichomius de hoc Absalonis extemporali tumulto: Hodieque, ait, ibi turris & magnus acervus lapidum est, qui quotidie augetur: nam peregrinorum quisque solet lapidem illuc cum imprecatione projicere: Maledictus sit parricida Absalon, & quicumque suos parentes impiè persequuntur, maledicti sint in æternum. Ipsi Turcæ & barbari cum execratione lapides eò jaciunt. Ita Deus judicat, etsi nemo accusar.

Illud Chrysostomi in Absalonem proclamatum, nemo non altâ mente perpendat, præsertim qui peccato graviori vel unico vivit obnoxius: Cessa ab isto scelere, cessa, inquam, cessa. Delinquendi finem non facis? Subitò Deus aderit, & in te finem faciet vivendi, tam futurus justus, quàm fuit misericors. Patibulum & carnifex, nunquam non expectant perduelles Dei, imò sceleratæ conscientia homo, suus ipse est carnifex, uti fuit Absalon. Cessa igitur ab isto scelere, cessa, cessa, & æternitatem pondera. Vbi patientia Dei & misericordia locum non inveniunt, invenit justitia.

§. III.

Atque hinc tantus fuit David parentis exso filio luctus, quem in peccatis mortuum

tuum non ignoravit. Codices sacri acerbitatem regii luctus his verbis describunt: Contristatus itaque rex ascendit cœnaculum portæ, & flevit, & sic loquebatur vadens: Absalon fili mi, Absalon! Quis mihi tribuat, ut ego moriâr pro te, Absalon fili mi, fili mi Absalon! Sic loquebatur vadens, sicuti quos dolor, aut luctus è loco in locum pellunt. Hic quæstio prima oritur; Cur Amnonem & Absalonem tam acerbo luctu, non autem filiolum è Bethsabeâ natum profecutus? imò & latatus est? Diversissima lugendi fuit ratio: Antimum parvuli æternitatis beatissimæ participem futurum, ad quietam sciverat migrare; at verò duos illos filios in sceleribus à morte deprehensos in æternam mortem præcipitatos non ignorârat. Quod Augustinus explicans: Nam ideo si vinceretur, inquit, eum occidi prohibuerat, ut edomito servaretur pœnitendi locus. Et quia non potuit, non orbitatem doluit in ejus interitu, sed quia noverat, in quas pœnas tam impie adultera & parricidalis anima raperetur. Ita non desperando desceverat vivum, spe finita flevit occisum. (a)

Idem adstruit & Bernardus: Planxit merito David super parricida filio, cui perpetuò sciret obstructum exitum de ventre mortis mole criminis. Huic Saulem adjungens: Et quidem, inquit, resurgent, sed non ad vitam, ut vivi in morte infelicius moriantur.

(a) *Aug. de doctr. Christ. l. 3. c. 21. initio.*
Et contra Gaudentium Donatistam, l. 1. c. 22.
tom. 7.

tur. (a) Hæc Theodoretus etiam confirmat non abſimili dicto: Tanquam pius luxit cum, qui non poterat amplius curari per poenitentiam. Nam poſt mortem plaga peccati eſt immedicabilis. (b)

Eam deinde ob cauſam tam graviter lamentatus eſt mortem Abſalonis David, quia noverat volumen æternitatis immenſum, inexplicabile, interminatum; æternitatem ipſe meditatus, aſſiduè annos æternos in mente habuit. (c) Optimè ſecum ratiocinatus David dixerit: Si ego, mi fili, pro te morerer, vitam perderem non longam, tu perdidisti æternam. Inexhauſta, infinita æternitas parenti optimo tam amaras excuſſit lacrimas. Non ſuam hic pater doluit orbitatem, non filii juventutem, non mortis genus, non ſepulchri vilitatem; æternitatis doluit irreparabilem jaſturam. Obſecro, Chriſtiani, mœrores & dolores noſtros omnes, & quidquid demum in vitâ illatibile videtur, ad hanc amuſſim quivis ſedulò ſic examinet: Id, quod doleo, num temporis aut fluxæ rei jaſtura eſt? ſint licet aliquot centena millia philippeorum hoſti tradenda, ſit perdendus Orbis univerſus, ſit fortunarum omnium, inſuper & capitis periculum adeundum: hoc exiguum, hoc leve, hoc nullum eſt damnum æternitati collatum. Amiſſis omnibus, ad beatos nihilo minus, & quidem ſecurius migrare poſſumus. At verò peccatis involutum mori, hoc dam-

(a) Bern. ſerm. 26. in Cant. fine.

(b) Theodoret. q. 26.

(c) Pſal. 76. v. 6.

damnum est æternum, hoc nullis faculis
gemendum satis & lugendum. Idem in lu-
cris & rebus secundis sentiendum. Qua-
rendum: Quid hoc lucri, quid hoc gaudii
est? breve quid ac temporarium; depereunt
ævo omnia. Quid ergo mihi plaudam de his
lucris, de his gaudiis? Hodie fortassis, si uar,
cras ubi hæc erunt? & ubi ego? si lucrum
gaudiumve sit æternum, hoc votis omnibus
complectar. Annos æternos in mente ha-
beat, qui veram luctûs & gaudii temperan-
tiam amat.

C A P V T XXIX.

David famis triennio medetur.

DEmonax Adriadi ævo sapiens Phi-
losophus, summus amicitiaꝝ enco-
miasstes, cùm solaretur hominem,
qui filii mortem tam acerbè lugebat, ut
solatium omne repudiaret, his eum polli-
citis aggressus: Ego, inquit, filium tuum
ab inferis revocabo, si tres mihi nomina-
veris, qui obitum nullius luxerint. Hic or-
batus filio pater huc illuc versare animum,
& cogitationem per omnes notas circum-
ferre, nec tamen ullum reperire, quem co-
gnati aut chari funeris luctus non afflaret.
Quid igitur, inquit Demonax, te ipsum di-
scrucias, quasi novum aliquid evenerit? Im-
pera dolori: parentes liberis orbari, quoti-
dianum est. Cùm Absalonis mortem adeò
multis lacrymis defleret rex David, Ioa-
bus

bus id grandem luctus intemperantiam censens, liberrimè in eum, ut dicemus, inuectus est. suumque regem non solatii mulso, sed acri reprehensionis aceto perluit. Confudisti hodie, inquit, vultus omnium fervorum tuorum, qui salvam fecerunt animam tuam, & animam filiorum tuorum, &c. Diligis odientes te, & odio habes diligentes te: & ostendisti hodie, quia non curas de ducibus tuis, & de servis tuis. Et verè cognovi modo, quia si Absolon viveret, & omnes nos occubuissimus, tunc placeret tibi. Nunc igitur surge, & procede, & alloquens satisfac servis tuis. Iuro enim tibi per Dominum, quod si non exieris, ne unus quidem remansurus sit tecum nocte hac: & pejus erit hoc tibi, quàm omnia mala, quæ venerunt super te ab adolescentiâ tuâ usque in præsens (a)

Audite Reges & Principes solutissimam oris libertatem, quæ una vobis in omnium rerum copiâ deest, sed vestrâ, plerunque culpâ. In Aulis veritas nisi quàm blandissime accedat, velut rusticana, sordens femina repellitur. Veritatem planam & inornatam venditurus, cautelas & blanditias centum excogitet necesse est, ut merces suas extrudat. Veritatis paullulum asperioris impatientes nimium & inassuetas aures gerimus, quæ tunc maximè vulnerantur, cum minimè deberent. Nil plerumque minus sciunt reges, quam placido tranquilloque animo audire verum. Pharmacum regibus vide.

(a) 2 Reg. c. 19. v. 5. & seqq.

videtur amarissimum ex vero moneri. (a)
Cum igitur magnates haud æquis auribus
apertam veritatem audiant, hinc rari aut
nulli sunt, qui eam dicant. Utrumque vi-
tiosum, & orbi summè noxium.

Postquam igitur Ioabus hoc oris lixivio
regem suum defricuit, rex mitissimus velut
famulus palatinus paruit, luctum posuit, &
publico se commisit.

Sed gravius priore incendium exarsit:
Tribus Israël & Tribus Iuda ob regis in ur-
bem comitatum, discordiâ gravissimâ cœ-
perunt contendere. Seba occasione usus,
seditionis ducem se gessit, & Israëlẽ om-
nem à David rege avertit. Rex igitur He-
rosolyma properavit, ut illic felicius turbas
componeret. Interim Ioabus Amasam Ab-
salonis Imperatorem & jam Davidis du-
cem, ne nimium regis favoribus cresceret,
velut amicissimè salutans, interfecit, & suas
Abisai fratris copiis conjunxit ad perse-
quendum Seba. Hic ubi cognovit, tantis se
viribus peti, in urbem Abelam confugit.
Mox eam Ioabus obsidione cinxit minimè
oriosâ: statim namque militem immisit, qui
muros dirueret. Hic sagax femina cum Ioa-
bo è mœnibus collocuta, ad suos inde ci-
ves regressa, eò rem deduxit, ut amputa-
tum

(a) *Sat notum in Aulis: Wer die War-
heit sagt / kan kein Herberg bekommen; wer
die Wahrheit geiget / dem schlägt man die
Geigen an Kopff. Den Spiegel zeigen /
macht verhasst / drumb wil schier niemand
dran. Jeder sehe / was Gott und sein Ge-
wissen begere,*

tum Sebæ caput per muros projiceretur Ioabo. Qui mox obsidione solutâ ad regem rediit Hierosolyma.

At verò Hierosolymis fames & magna charitas annonæ cœpit favire. Anno demum tertio David oraculum consuluit de causâ mali. Responsum est in causâ esse Saulem & sanguinariam Saulis domum, quæ Gabaonitas impiè occidisset. Hoc David interrogans: Quod vestri, ait, piaculum erit? At illi: De argento, inquiunt, & auro non certamus. Virum, qui attrivit nos, & oppressit iniquè, ita delere debemus, ut ne unus quidem residuus sit de stirpe ejus in cunctis finibus Israël. Dentur nobis septem viri de filiis ejus, ut crucifigamus eos Domino in Gabaa Saul quondam electi Domini. (a) Dedit eos rex quos Gabaonitæ crucifixerunt in monte. Hic admirandum fratris facinus eluxit. Relpha Saulis pellex, coacta est duos filiorum dare attendendos in crucem. At illa rigidum sibi lectulum sub crucibus stravit cilicium, ubi ipsa custos pervigil diu noctuque, nec avibus nec feris permisit, quidquam injuriæ inferre crucifixis, dum è crucibus, annuente David, in tumulos abierunt. Deinde bella è bellis orta. Hic tria nobis potissimum explicanda. 1. Quantis Davidem Deus calamitatibus & ærumpis exercuerit. 2. Quòd diuturnæ famis, aliorumque complurium malorum causa fuerit, oppressio pauperum. 3. Quantam David mansuetudinem hostibus exhibuerit, ut jure vociferemur:

Me-

(a) 2 Reg. c. 21. v. 6.

Memento Domine David , & omnis mansuetudinis ejus. Summa fere dictionis, medela famis , quam David reipublicæ adhibuit.

§. I.

De Davide rege jure optimo dixerim illud, quod ad Polybium scripsit Seneca: Nemo magis ex omnibus mortalibus hominem esse se , dum inter mortales erat , sensit. Tamen tot tantosque luctus cepit rerum omnium capacissimum ejus pectus , victorque divus Augustus , non gentium tantummodo externarum , sed etiam dolorum fuit , judicavitque non militandi tantum disciplinam esse servandam , sed etiam dolendi , omni genere orbitatis vexatus , liberos , nepotes , generos mors ei ademit. Hebraeum regem David lacrymabilis proflus orbitas adeo afflixit , ut inter afflictissimos hominum jure censeretur potuerit. Arumnarum satis habuisset , si hanc unam habuisset. Rex tantus , vir plenus Spiritu sancto , filiorum suorum duos ad inferos rapi videat ? Amnon incestuosus in mensâ temulentus subito interfectus , Absalon non minus incestuosus , insuper & parricida , dum impia in parentem arma movet , confossus , de Adoniâ dubium. Hæc illum non affixerint lethali agrimoniâ ? Nemo igitur vel suæ , vel parentum sanctimonix fidat ; optimi parentes pessimos non raro liberos educant , præsertim si eos non mature & pæne in cunis subjiciant disciplinæ. Nemo statûs , loci , sociorum sanctitati fidat : Anima,

ma, quæ peccaverit, ipsa morietur. (a) Nemo gravius peccans hanc mortem effugiet, tamen si parentes habuerit sanctissimos, aut loco, statu, sociisque vixerit cum sanctissimis. Vnusquisque onus suum portabit. (b) Anima, quæ peccaverit, ipsa morietur, non alia. Ingens igitur afflictio fuit huic regi, non unum dumtaxat filium procreasse Tartaro.

Accessit populi moerentis consternatio. Audit populus: Dolet rex super filio suo, & versa est victoria in luctum in die illa omni populo. Hic Ioab animo prorsus masculino aggressum regem, nec ullam prius captans benevolentiam audacissimus orator: Confudisti hodie, inquit, vultus omnium servorum tuorum, qui salvam fecerunt animam tuam, & animam filiorum tuorum. Nunc igitur surge, & procede, & alloquens satisfac servis tuis, &c. Surrexit ergo rex, & sedit in portâ. (c) Ad objecta nihil movit, edictum suum de Absalone non occidendo violatum non approbavit, oburgationem amarissimam, æquo animo admisit, & verò etiam oburgatori suo obedivit, tanquam non & à subdito, à famulo, sed à parente aut præceptore reprehensus esset. Lugubria vestimenta exuit, vultum ad hilaritatem composuit, ne suum militibus triumphale gaudium corrumpere. Verùm hæc acerrima Ioabi reprehensio non mitigavit regis luctum, sed auxit. Docebat intime rex tantus ab uno aliquo suo-

Y

ruma

(a) *Ezech. c. 18. v. 4.*

(b) *Galat. c. 6. v. 5.* (c) *2 Reg. c. 19. v. 2.*

rum militum prohiberi filium in peccatis mortuum deslere. Quàm nos ad regem hunc delicati, difficiles, fastidiosi, monitoribus etiam jucundis asperi sumus, nec ferè ullius rei minùs patientes, quam objurga-tionis licet amicissimæ.

Ærumnas regis David duarum Tribuum auxit ambitio. Cùm enim Tribus Iuda audiisset regem Hierosolyma rediturum, mox adfuit ritu veteri regem deductura. Rex ut suæ Tribui plusculum gratificaretur, ceteris non expectatis progredi decreverat. Mox sparsus rumor regem iter ingressurum, quod factum. In viâ occurrunt Tribus Israël, & graviter exposulantes de factâ sibi injuriâ: Cur, inquit, fratres nostri regem velut furto subductum comitantur soli? Eiusdem nos juris sumus, quos decuisset eâ de re moneri. Acerbiùs his respondit Tribus Iuda. Ita non intra verba stetit hæc pugna. Nam Seba nactus opportunitatem nocendi, omnes Tribus Israël à rege avertit. Et se-paratus est omnis Israël à David, secutus-que est Seba (a) Ita rex mediâ viâ ab undecim Israëlitis tributus est desertus.

His malis accessit & istud: Amasa lega-tus(b) sub Absalone, ad Davidis partes tran-sierat, jamque in eo erat, ut reliquas tribus Davidi adjungeret, & ipse dærum substi-tueretur Ioabo. Cui cùm hoc suboleret, fraude ad amicitia venustatem composita, salutatum blandis ceremoniis Amasam in-terfecit. Ingens id Davidi mœror fuit. Se-cuta est famis triennis. Quod regum fasti dicunt:

(a) 2 Reg. c. 20. v. 2. (b) Leitenambt.

dicunt: Facta est quoque fames in diebus David tribus annis jugiter. Hanc diversa quatuor exceperunt bella in Philisthæos mota. In primo periisset David, ni ejus vitam Abisai servasset. Ita plectitur adulterium, ita scelerum catena solvitur.

S. II.

Ita Deus de viro cetera sibi charissimo meritas poenas sumpsit. Memento Domine David & omnis mansuetudinis, omnis afflictionis ejus. Quàm grande patri supplicium est, amantissimum perdere filium, eumque æternis ignibus damnatum non nescire? David duos habuit tales filios, quos diabolo genuit. In calis jam beati hanc cognati sanguinis separationem à nobis nil penitus curabimus; Dei justitiam laudabimus. Latabitur justus, cum viderit vindictam, manus suas lavabit in sanguine peccatoris. (a) At certè dum vivimus, charorum interitum nimium quantum sentimus. Sensit profecto David, & dixit: Defecit in dolore vita mea, & anni mei in gemitibus. (b) Summa Orbis mala sustinuit David; est tamen Orbis malum maximorum maximum, quod David non sustulit. Veteri Trochaico erudimur.

Non ferre infelicitatem, summa est infelicitas.

Malum hoc malorum est. Quod Chrysostomus dilucidissime affirmans: Vnum solum, Y 2 . . . inquit,

(a) Psal. 57. v. II.

(b) Psal. 30. v. II.

inquit, malum est peccare. (a) Huc igitur, Christiani, huc convolate, & mihi afflictiones vestras, ærumnasque universas enumerate; dicite, quid vos premat, quid angat, quid cruciet, ac torquëat? Esi narratione hac totum occupetis diem, ego tamen jure pronuntiavero, calamitatem omnium maximam, nondum ad calculum venisse, id enim plerumquë omittimus, quod calamitatis fundus est, humanas misérias & calamitates, non posse, non velle, & tamen cogi tolerare. Hoc malorum maximum est. David & potuit & voluit perferre, quæ illi Deus dederat perferenda. De Davide dixerit vetus illud:

*Animo bene habenti calamitas quavis, levis:
Etiam calamitas calamitatis est solatium.*

Mors Absalonis luctum intulit, sed quia bello dedit finem, unà etiam attulit solatium. Facundè ac vere dixit Chrysostomus: Unusquisque magnorum virorum, non à requie, non à deliciis, verùm ab afflictione, à tentatione insignes coronas reportarunt. (b) Quod Gregorius Nazianzenus ad Basilii Magni obitum orator eximie confirmans: Plaga, inquit, cordatis viris est doctrina. (c) Peccatum, malum Orbis unicum, lerna malorum omniùm est. Unica invidia noxarum planè infinitarum mater est, Iobum in impiam Amasæ cadem impulit invidia.

(a) Chrysf. hom. 19. in epist. ad Ephes.

(b) Chrysf. hom. 3. in ep. ad Rom.

(c) Nazianz. orat. super morte Basilii Magni.

vidia. Cogitaverat David Ioabum ceterà du-
cem optimum, sed sicarium pessimum, qui
& Abnerem occiderat, & Absalonem con-
tra edictum expressissimum confoderat,
officio movere, & Amasam ei sufficere. Hoc
odoratus est Ioab, hinc odium, invidia, cæ-
des. De Invidiâ, lue Orbis scedissimâ Basi-
lius Seleucus verissime: Invidia, inquit, gra-
ve malum est, plenumque simulationis; ea
Orbem terrarum infinitis opplevit malis.
De hoc malo quotidie disserimus, & nec hi-
lum proficimus, feris ipsis deteriores eva-
dimus. (a) Quàm præclare de hac peste phi-
losophatus Zeno: Nihil, inquit, humana in-
vidiæ malo perniciosius accidere potest.
Nam invisum parum lædit, sed plurimum
invidentem: uti rubigo ferrum consumit,
ita invidia suum auctorem, quem nemo fa-
cilè juverit, quia plerumque morbum non
fatetur. Chrysostomus omnes invidiæ lau-
des ad compendium conferens: Malorum,
inquit, omnium mater Invidia.

Quid verò famem regno Davidis intulit,
nisi peccatum, & quidem oppressio paupe-
rum? Gabaonitis Iosue datâ fide pollicitus
est, non delendos ut gentes ceteras. Quo-
niam verò id miti dolo impetrârunt, jussî
sunt æternis servitiis dare homines, qui
aquam & ligna templo ferrent. Majorum
horum partem Saul æmulatione immode-
ratâ oppressit, plurimos occidit. Hinc illo-
rum postulata vim occultam spirantia. Vi-
rum, inquiunt, qui attrivit nos, & oppressit
inique, in cunctis finibus Israël, ut ne unus

Y 3

quidem

(a) Basil. Selen, orat. 42. sub finem.

quidem residuus sit de stirpe ejus. Ita Deus patefaciendæ suæ justitiæ in totum Israël's populum famem immisit. Sed cur plebuntur Achivi, cùm delirant reges? Magistratus & cives rex & indigenæ regni civile corpus constituunt unum: si male habeat caput, sentiunt hoc & membra; si rex delinquat populus id unà luit; nam etsi plerumque innocentes multi cum rege non deliquerint, alia tamen luunt delicta. Sic septem filii Saul evenit, quos David Gabaonitis tradidit secundum Dei voluntatem crucifigendos. Idem hic quæratur: Quid commeruerunt infantes; Satis est, si commeruerit id pater. Non ignoramus Ezechielem dicere: Filius non portabit iniquitatem patris; & pater non portabit iniquitatem filii, (a) Sed asserimus id de futuris potissimum suppliciiis & æternis dictum. Deinde filii Saul istud supplicii genus alio fortassis nomine meruerunt. Singularis etiam hîc Dei providentia eluxit, quæ hoc egit, ut inter Davidis & Saulis posteros & nepotes, gravissima de regno controversia cessaret. Horum autem omnium malorum causa peccatum. Solum igitur & unicum est malum, peccare.

(a) *Ezech. c. 18. v. 20.*

§. III.

Porrò quàm placidum & mitem se gessit David in nequissimos hostes? Semei ex assë nebulo, trifur pessimus, cùm cerneret Deum à partibus Davidis stare, eumque victorem regno iterum potiri, pelli suæ malè metuens, crucis aut rogi theatrum, & in eo se actorem

astorem somniavit. Quapropter transito Iordane regi occurrens, & prono eum corpore adorans: Ne, inquit, reputes mihi, Domine mi, iniquitatem, neque memineris injuriarum servi tui in die, quâ egressus es, Domine mi rex, de Hierusalem, neque ponas rex in corde tuo. Agnosco enim servus tuus peccatum meum, & idcirco hodie primus veni de omni domo Ioseph, descendi- que in occursum Domini mei regis. At verò Abisai paratissimus ad Semei ex tempore mastandum: Nunquid pro his verbis, ait, non occiderur Semei? quia maledixit Christo Domini? Hos impetus coërcens David: Quid mihi, ait, & vobis filii Sarviæ? Cur efficiamini mihi hodie in Satan? Et ad Semei: Non morieris. Iuravitque ei. (a) Decies, mi Semei, poenam capitis meruisti, sed multo mitissimus rex vitæ tibi gratiam fecit, tanta cum curâ, ut hominem sibi amicissimum reprimens à justâ cade dixerit: Cur efficiamini mihi in Satan? Quid enim tuâ interest, mi Abisai, si etiam hostibus teterrimis delicti veniam impertiar? Tuum hoc consilium, non amici, sed adversarii, sed satanæ consilium est. Notent hoc homines turbulentæ, discordiarum incentores, hostes amicitia, quorum hæ voces sunt. Oppone te, defende te, jure tuo utere, turpe est tam facilem esse ad veniam, ignavia tribuitur tam festinata ignoscentia. Hi aliis efficiuntur in satanam, fideles satanæ ministri.

Erga Miphibosethum verò ita se gessit David, ut seipsum erroris damnârit. Siba

Y. 4

Miphi-

(a) 2 Reg. c. 19.

Miphibosethi servus, homo vaser, garrulus, nequam, tam blandâ fraude dominum suum accusarat, ut ei David omnes domini facultates permiserit occupandas. Satis hoc quidem præcipitanter, fateor, & rebus nondum discussis. Miphibosethus regi reduci suam ipse causam exponens: Domine mi rex, inquit, statueram omnino tuum ab urbe discessum comitari, sed quia claudo mihi negatus est pedum usus, dixi Sibæ famulo meo, jumentum mihi sterneret, quo veheretur: at ille vel tantillum hoc obsequii recusavit, me insuper caput audacissimum accusavit apud te dominum meum regem, ac si optimam tueretur causam. Tu autem, domine mi rex, sicut Angelus Dei es, fac quod placitum est tibi. (a) E narratione tam ingenuâ satis intellexit David se præcipitando errasse, parte inauditâ alterâ, & errorem ut potuit emendans: Tu, inquit, & Siba dividite possessiones. Et, quod Tostatus addit, liberaliter compensavit reliquum.

Hic pessimus plurimorum error est, commissos errores fateri nolle. Errant subinde iudices, errat magistratus, errat herus & heres, & quis non errat? homines sumus, erroribus innumeris obnoxii; cum autem corrigenda est erroris noxa, vix ullus est, qui se fateatur errasse. Hic omnes dissimulant, tacent, aut excusant, qui errorem candide fateatur, nemo est, nemo. David dicta revocat, Augustinus scripta retractat, hinc duos retractionum libros confecit, quibus plurima, quæ scripserat, correxit. Bonæ mentis homi-

(a) 2 Reg. c. 19. v. 27.

hominem non tam erroris pudet, quam perseverantiæ in errore.

Post tam eximium mansuetudinis specimen in Semei & Miphibosetho exhibitum, nec Saulis septem filiis crucifixis clementia Davidis defuit. Postquam enim primis pluviiis sunt perfusi, è crucibus eos deponi, & unâ cum cadaveribus Saulis, & aliorum trium filiorum, more majorum honorificè in sepulchro Cis iussit sepeliri. Talem in hostes se David gerebat. Vnde meritò identidem clamamus: Memento Domine David, & omnis mansuetudinis, omnis afflictionis ejus. Vtrumque hoc, afflictionem & mansuetudinem abunde in eo cernere est. Qui in ærumnis deficere non vult, sapius hæc duo cogitatè secum expendat. 1. Miseriarum omnium maximam esse, humanas misérias nolle, aut nescire ferre. Vnum solum esse malum, peccare. 2. Aquissima Dei voluntas in immittendis mœroribus & calamitatibus, assidue commeditanda. Quod religionis nostræ fundamentum Gregorius paucis complexus: Magna, inquit satisfactio percussione, est iusta voluntas conditoris. In eandem sententiam suaviter deducens Chrysostomus: Stabiles, inquit, estote, & immobiles; nihil enim adeò labefaciat, facitque vacillare, atque existimare se temere affligi & sine causâ. Deus ab omni æternitate omnia, quæcunque nobis quocunque modo toleranda sunt, ad extremum usque unguiculum dimensus est, ad perpendicularum exegit omnia. Voluit Deus, & etiamnum vult, ut hoc & hoc, & istud & illud, &

tamdiu , & ab his , & hoc modo patiamur , prout reipsâ patimur ; nos idem , obsecro , velimus. Quis restitit ei , & pacem habuit ? (a)

(a) *Iob. c. 9. v. 4.*

C A P V T X X X.

David populum numerare jubet.

BEllis utcumque jam sopitis vires suas non ignorare voluit rex David. Iussit igitur omnem populum toto regno numerari. Ioabus horum intelligens , sed & alii duces id dissuaserunt. Fuit tamen pro ratione voluntas. Hic populi census Deo admodum displicuit. Iratus est Deus , misericordiæ tamen recordatus , & iram magnâ temperans humanitate Gid Prophetam misit , qui regi apertè & in os dixit : Poenam crimini debes , tu elige aut famem septennem , aut bellum trimestre , aut tridui pestem. Optio tibi & potestas eligendi est. Hic David in arcto constitutus : Difficilis , inquit , est deliberatio ; coarctor nimis , sed melius est , ut incidam in manus Domini (multæ enim misericordiæ ejus sunt) quàm in manus hominum. Itaque elegit pestem. Mox pestilientia ad divinum arbitrium saevit , quæ tempore brevissimo septuaginta millia hominum consumpsit. Saviente peste vidit David ; sed & alii viderunt Angelum in aëre stricto gladio imminentem urbi & ferire paratum. Hic David & unâ primores urbis ciliciis amicti omnes corruerunt in terram : inter hos David vo-

cise-

ciferatus ad Deum: Nonne ego sum, inquit, qui jussi ut numeraretur populus? Ego qui peccavi, ego qui malum feci: iste grex quid commeruit? isti qui oves sunt, quid fecerunt? Dominus Deus meus, vertatur, obsecro, manus tua in me, & in domum patris mei, populus autem tuus non percutiatur. At verò Angelus Prophetam Gad Davidi jussit dicere: Ascenderet porro, & in arcam Ornani Iebusai aram Deo conderet. Hoc David illico perfecit. Sic Angeli rhomphæa in suam rediit vaginam. Hic tria nobis explicanda. 1. Qualenam hoc delictum jubere populum numerari. Exactissimus calculator est Deus, rationes ad novissimum quadrantem exigit. 2. Supplicium quale fuerit secutum. 3. Quàm illud æquo animo David exceperit.

§. I.

I. Qualenam hoc delictum jubere populum numerari? Verissime dixit Agathon, & cum eo omnis sapientum senatus: Longe alia sunt Dei, alia hominum judicia. Quis enim vero credidisset hanc populi recensitionem esse tam grande peccatum, nisi sciret tam graviter punitum? Num princeps, num rex nesciat, quibus polleat viribus, quem militem possit in aciem producere? Quàm nihil hoc iniqui: Numerare populum, ut sciam numerum ejus. Nos istud vanitatis aliquid, aut curiositatis, nos summum aliquid fastûs & supercilii censuissimus. Sed alia Dei, alia hominum sunt judicia. Illud insuper non nesciamus: Hanc qualemcunque

que animi elationem valde auxit, quod istud Ioabius ceterique duces, ut rem minùs necessariam & maximi sumptùs dissuaserint. At verò David sententiæ tenax, neutiquam hac in re cedere paratus: Afferte, inquit, mihi numerum, ut sciam. (a) Hoc sanè consilium spiritus divinus non suggessit: nam ut regum chronicon testatur: Consurrexit satan contra Israël, & incitavit David, ut numeraret Israël. Hinc perspicuum, quomodo Deus peccata peccatis, ut suprà demonstratum est, puniat, noxas permittat, supplicia & pœnas velit, & ipse à nobis repetat. Nam Fasti regum ita loquuntur: Et addidit furor Domini irasci contra Israël, commovitque David in eis dicentem: Vade, numera Israël & Iudam. (b) Quomodo autem & Dominus & satanas regem ad numerandum populum impulerunt? Observandus loquendi modus à divinis libris usurpari solitus: Deus excæcat, inducat, exurdat, quando Deus æquissimè sic punit hominem, ut suam illi gratiam subducatur. Exemplo rem monstramus: Magistratus alicubi non ex debito, sed ex liberalitate ligna gratis præbet pauperi plebeculæ. Hæc insolenter se gerit & obloquitur, Idcirco Magistratus jure merito minatur immorigeræ plebi: si officium facere recusetis, aquam vestram frigefaciamus; quod certe fit, cum ligna, quæ nemini debebantur, subtrahuntur. Ita Deus excæcat, obdurat, exurdat, cum hominem gratiâ,

quam

(a) 1 Par. c. 21. v. 2.

(b) 2 Reg. c. 24.

quam illi non debet, privat; cum auxilia subducit, quæ prius gratuita liberalitate concesserat. Ita Deus elatae Davidis curiositati gratiam subtrahit, permittitque regem, quod vellet, agere. Ita commovit, ita incitavit ad populum numerandum. Numerate populum. Hoc autem Deus in omni genere delictorum gravius punit, cum aut in apertissimam legem aliquis delinquit, aut prudentum virorum consilia monitaque spernit sui cerebri homo, cui suum omne placet, qui horis omnibus in suammet ire sententiam consuevit, & aliorum hortatus aut suasionem pertinaciter contemnere. Hunc talem Deus fecit.

Ioabus quidem non imprudenter suadens: Augeat Dominus inquit, populum suum centuplum, quàm sunt. Nonne, Domine mi rex, omnes servi tui sunt? Quare hoc querit Dominus, quod in peccatum reputetur Israël? Sed sermo regis magis prævaluit. (a)

Numeratus est ergo populus, rege ita imperante. Numerus autem conscriptus est iste: In unicâ Tribu Iuda quingenta millia bellatorum. In ceteris Israelis tribubus undecies centena millia militum, universe sexdecies centena millia virorum pugnacium sunt censa. Hunc talem numerum scire, & non superbire rarissimum, vix auditum. Dissplicuit autem Deo, quod iussu erat, & percussit Israel. Vbi nunc assentatores, Placentini, & Laudenses, qui factum excusent, palpum obtrudant, dicantque: Quis tanto regi
licere

(a) 1 Par. 6, 21.

licere neget, sui populi censum inire, etsi sumptibus in hanc rem opus sit, quid tum postea? Nunquid non suæ terræ dominus est? An eum tam bardum volumus & stupidum, ut nesciat, quid bellicarum virium habeat? Aliud est esse regem, aliud monachum aut eremitam. Ita, mei palpones, ita glauconia ob oculos objicite. (a) Nihilominus Deo displicuit, quod iussum erat. Vana gloria, curiositas, arrogantia, nec in rege quidem unquam probanda. Paratum semper his noxis supplicium.

(a) Also mahlt man ein blatven Dunst für die Augen.

S. II.

II. Supervacaneum populi censum grande secutum est supplicium. Multa millia hominum pestilente sublata. Hic, obsecro, consideremus, quanti sit momenti humanæ voluntatis ad divinam conformatio. Nam hujus rei gratiâ Deus iram suam humanitate mitissimâ temperavit, misitque Gad Prophetam, qui eligendi faceret optionem. Sed nunquid non etiam ipse David Propheta fuit, cum quo Deus loqueretur? fuit sanè, sed hic modo res acta humano est, veluti si pater filium, à quo graviter offensus, in conspectum non admittat, sed per arbitros cum eo agat, illique culpam commissam probe explicari jubeat. Ita Deus in aliis quàm plurimis agere consuevit, & nostris sese moribus accommodare. Quia verò David voluntatem suam studiosissimè conatus est divinæ adjungere,

Deus

Deus illi & suam adjunxit, tanquam si explicatissime dixisset: Quia tu meam voluntatem tam studiose observas, observabo & ego tuam, quantum mea quidem permittit justitia. Trium tibi datur optio, elige unum, quod volueris ex his, ut faciam tibi; aut septem annis veniet tibi fames in terrâ tuâ; aut tribus mensibus fugies adversarios tuos, & illi te persequentur; aut certe tribus diebus erit pestilentia in terrâ tuâ. Nunc ergo delibera, & vidè, quem respondeam ei, qui me misit, sermonem: cogita, quo pœnarum genere velis puniri. Tandiu profectò Deus supplicii maturitatem inhibuit, dum David, quid hac in re veller, animum suum aperuit. Veluti si medicus dicat agroto: Quid horum trium vis? inaurata cataporia, aut potiunculam medicam, (a) aut bolum armenia? Mirissime Deus, quàm suavem agis medicum? Quàm vere de te dictum: Cùm iratus fueris misericordiæ recordaberis. (b) Voluntatem timentium te facies. (c)

Porro David potestate optioneque factâ eligendi: Coarctor nimis, inquit, sed melius est, ut incidam in manus Domini, quàm in manus hominum. Multæ enim misericordiæ ejus sunt. Num Susanna & David dissentiunt? Illa melius esse judicavit, incidere in manus hominum; melius esse judicavit David, incidere in manus Dei. Quid hoc disensionis est? nihil omnino. Nam cùm

mi-

(a) Pilulen/ oder ein Trünclein.

(b) Habac. c. 3. v. 1.

(c) Psal. 144. v. 19.

mitiores Deus & breviores poenas à nobis expetit, longe melius est in manus Dei incidere: Cùm autem suppliciiis vindicat æternis, cùm flammis cruciat nunquam extinguendis, ah melius multò est, in manus hominum incidere. Si annuisset Susanna operi nefario, in flammeas Dei manus incidisset, ideo dixit: Melius est mihi absque opere incidere in manus vestras. (a) At verò David mavult in Dei manus incidere, quia trium dierum pestis, aut trium mensium bellum, aut septem annorum fomes, nec quidem punctulum sunt ad æternitatis supplicia. Sed cur potius manu divinà vult castigari, cur plagas à Deo receptas præfert iis, quas humana facit manus? nunquid nil ultra possunt homines, quàm permittat Deus? nil penitus ultra. Quid tamen hic discriminis sit, ita explicamus. Pater castigat sapientius virgis filium: filius parenti semper refractarius tandem compingitur in carcerem, ubi ferulà carnificis aut li&oris vapulat, & quamvis Magistratus certum dicet plagarum numerum non excedendum, multò tamen melius est, ferulis patris quàm carnificis cadi. Ita David maluit à Deo ut patre, quàm à Deo ut iudice castigari. Deinde in hoc poenarum delectu, sibi met non pepercit David. Nam si annonæ charitatem & famem elegisset, vix quidquam habuisset sibi ipsi metuere, quando regibus ciborum copia plerumque non decet, dum aliorum plurimi fame moriuntur. Si bellum elegisset, opportunum sibi firmumque castrum

occu-

occupare potuisset, dum inter se alii digladiarentur. At verò pestis incertis saltibus huc illuc transiit, nemini parcat, etiam reges invadit. Ludovicus Galliarum rex nonus, alique viri maximi peste obierunt. Hanc igitur elegit rex optimus, quâ & ipse tolli posset, qui maxime reus esset. Pestis igitur brevissimo tempore, atque ut aliqui censent, paucis horis aut dimidio die septuaginta millia hominum interfecit. Cur autem populus luit, quod David peccavit? Cur, quod delirant reges, plectuntur Achivi?(a) Dei mos est, æs alienum apud se contractum cambio dissolvere, pro frumento oleum, pro panno corium, pro vino triticum, pro auro sericum recipere. Est qui luxuriâ vel injustitiâ, vel alia noxâ Deo fit debitor confessi nominis. Hujus solutio nonnunquam annis viginti, triginta & pluribus manet impedita. Tandem iste debitor causâ involvitur extra suam culpam. Hic clamantem audias: Infons ego sum, nullam de his rebus culpam commerui. Sit ita, mi homo, sed an non meministi, ante triginta, te in aliud ab isto crimen incurrisse, illius nunc solutio expetitur: Ita Iosephi fratres, non quidem exploratores erant, quod esse arguebantur, sed erant plagarii, qui fratrem suum furati, vendiderunt. Ita populus hic innocens fuerit, quod censum capitum spectat, sed certè innocens non fuit, cum rebeli Absaloni adhaesit: jam adest ultor à tergo Deus, & suam sibi expetit solutionem. Simul etiam punitur David, qui sibi visus est ne-

Z scio

(a) Horat., l. I. epist. ep. I. ad Lolium.

scio quàm magnus, sex decies centenis milibus armatorum præpotens rex. Hunc numerum pestilientia etiam minuit

In his talibus publicis calamitatibus semper admiranda Dei providentia eluxit. Nisi enim Deus fame, bellis, peste purgaret Orbem sapius, & velut everreret, homo hominem, ut lupo lupo devoraret. Sat ubique hominum est post omnes has clades. Civitatum, Provinciarum, & totius Orbis exterius ac repurgans medicamentum crebro pestis fuit. Pestilentiam describit Zonaras, qualis ab Orbe cecidit, ad hoc avi, vix unquam fuit. (a) Gollo & Volusiano Imperatoribus pestis ab Æthiopiâ cœpit, Romanas omnes provincias pervasit, annis quindecim duravit, innumeros abstulit, vix ulla tamdiu, tam latè vagata. Sed illa Byzantii ejusque finibus sub Iustiano savior, quæ in dies singulos quinque millia, interdum ipsa decem millia absumpserit. (b) In Africa maritima ducenta millia, apud Vticam triginta millia. (c) Sub Michaële Duca, Græco principe, vivi non erant pares sepeliendis mortuis. Ævo Francisci Petrarchæ anno millésimo trecentesimo quinquagesimo nono in Italia pestis ita saeviit, ut ex mille quibusque hominibus, vix decem superessent. Nihilominus David: Nilius est, inquit, ut incidam in manus Domini, quàm in manus hominum. Poena omnis temporaria risus & jocus est, ad æternas collata.

§. III.

(a) Zonaras tom. 2.

(b) Procop. lib. 2. de bello Persico.

(c) Oros. l. 5. c. 8.

§. III.

Supplicium hoc immissæ pestilentiaæ David æquissimo animo tulit. Nam ut reus culpam fassus: Peccavi valde, inquit, in hoc facto, sed precor, Domine, ut transferas iniquitatem servi tui, quia stultè egi nimis. (a) O insignem poenitentiam, quæ peperit tam grandem sui despicientiam! Rex sapientissimus seipsum incusans: Egi ut stultus, inquit, ut insanus, qui nullis paret monitis, qui nullis movetur suasionibus: stultè nimis egi. Hoc autem antequam Gad peccati poenas explicaret, dixit, & noctem illam, ut videtur, traxit insomnem, reque ipsâ, quantum doleret, monstravit. Nam cilicio vestitus in terram corruit, cumque Angelum in arêm sublimem, quem alii plures viderunt, conspiceret, exclamavit: Ego sum, qui peccavi, & ego iniquè egi: isti qui oves sunt, quid fecerunt? Vertatur, obsecro, manus tua contra me, & contra domum patris mei. (b) Tales filii disciplinæ tam amantes cor divini Patris expugnant & vincunt.

O Christiani, si poenas animo tam æquo, tam sedato admitteremus, si tam promptè nostram divinæ voluntati subjungeremus, Deo longè chariores filii essemus. Nam hic geminas virtutis actiones illustrissimas rex David exhibendo docet, peccati confessionem, & humanæ cum divinâ voluntate conformationem. Peccati confessio salutis principium. Sed multi eò non possunt adigi, ut

Z

hoc

(a) 2 Reg. c. 24. v. 10.

(b) 2 Reg. c. 24. v. 17.

hoc unum fateantur, errasse. Erramus turpiter, & multò turpius in errore perseveramus, dum defendimus. Quàm primum David adulterio commisso dixit: Peccavi, mox audiit, Dominus peccatum tuum transiit; ubi hoc loco errorem agnovit, continuò mittem sententiam accepit. Ascende, & constitue altare Domino. Ionas facti pœnitens: Scio enim ego, inquit, quoniam propter me tempestas hæc grandis venit: Tollite me, & mittite in mare. (a) Ingenua confessio mediis fluctibus servavit incolumem. At verò humanæ voluntatis ad divinam conformatio, sanctimonix omnis fundamentum est. Nuntiatum est Davidi, nolle Deum hanc noxam dimittere impunitam; noluit & David eam impunè ferre, sed: Verratur, obsecro, inquit, manus Domini contra me: ego deliqui, ego castigabilis sum, & solus sum, ego puniar, pœnas irroganti non contradicam.

Hoc loco & illud observandum: Noluit David alieno, quod ajunt, aut furtivo thymiamate Deum placare. Quod Græci dicunt: *Θυσιασίων ἀπορρίψας το θεῶν σέβας*. Latini: alienis copiis Deos venerari. Germani: *Das Eder stehlen, vnd die Schuch vmb Gottes Willen geben*. Fecit hoc Sylla, qui Mironis opus, simulacrum Liberi ornatißimum Orchomeniis rapuit, & in templo dedicavit. De quo plura Plinius. (b)

Emenda erat Orhani area fruendo altari. Or.

(a) *I. na c. I. v. 12.*

(b) *Plin. lib. 9. epist. ep. 30. & Pacatus in Paneg. ad Theodos. Auferre donandi gratia, &c.*

ri. Ornanus & aream, & quidquid ad sacrificium erat, liberalissimè gratuito munere offerens: Faciat Dominus meus rex, agebat: quodcumque ei placet: sed & boves do in holocaustum, tribulas in ligna, & triticum in sacrificium. Omnia libens præbebo. Cui David: Nequaquam ita fiet, inquit.; sed argentum dabo, quantum valet: neque enim tibi auferre debeo, & sic offerre Domino holocausta gratuita. Dedit igitur David Ornan pro loco, siclos auri justissimi ponderis sexcentos. Et edificavit ibi altare Domino, obtulitque holocausta, & pacifica, & invocavit Dominum, & exaudivit eum in igne de caelo super altare holocausti. Præcepitque Dominus Angelo, & convertit gladium suum in vaginam. (a).

Nimirum hæc numen placant, peccati confessio, & nostræ voluntatis ad divinam conformatio. Culpam tollimus, fatendo culpam. Adversa vincit omnia, qui Deo protegente pugnat.

(a) I Par. c. 21.

CAPUT XXXI.

Davidem Adonia ambitio aliaque adversa exercent.

DOmniis hostibus, partâque pace, non otio & voluptatibus se dedit. Prima & princeps illius cura fuit cultus divinus. Hunc certe regis pietas mirificè auxit. Nam vivo etiamnum Davide nume-

rati sunt Levitæ à viginti annis & supra, & inventa sunt triginta octo millia virorum, omnes religionibus curandis occupati. Hoc tamen omne pietati regie nondum suffecerat. Quia tamen noluit Deus ab illo templum strui, necessariam structuræ apparationem incredibili prorsus industriâ suscepit. Nam 1. secari marmora curavit, & opifices poliendis saxis ingenti numero conduxit. Nec non lapides onychinos, & quasi litinos, diversorum colorum, omnemque pretiosum lapidem & marmor Parium abundantissimè conquisivit. 2. Ferri plurimum. 3. Aeris pondus immensum 4. Ligna quoque cedrina vix ullo pretio æstimanda. 5. Argenti & auri thesauros longè maximos collegit. Profectò regum Chronicon testatur centum millia talenta auri & mille millia talenta argenti in sacrum edificium seposita. His accesserunt tria millia talenta auri & septem millia talenta argenti probatissimi. Populus è suo dedit quinque millia talenta auri, & decem millia argenti. Residuum non revocamus ad calculum. Horum omnium summam si colligamus, erunt bis mille, septingenti, quadraginta quinque milliones auri, insuper unum & quinquaginta millia, sexcenti sexaginta sex aurei, seu ducati Hispanici. Si addamus, quod Salomon è thesauris suis in eandem hanc structuram adjecit, dicendum erit tria millia millionum auri, in unius templi edificium expensa, uti Hieronymus Probus, & Ioannes Baptista Villalpandus arithmetici, & architecti sanè accurati commonstrant.

Vis auri prorsus incredibilis. Europâ totâ hoc ævo tantum auri reperiri non putem. Habuit rex David tres arcas pecuniarum opulentissimas. Prima redditus annuos, tributa, vectigalia, indictiones, census collegit, quamvis indigenarum nemo gravaretur, uti sub Salomone, & magis sub Roboamo. Altera aurum ex Ophir navigationibus annuis allatum clausit. Tertia opes è donis & belli spoliis, aurea regis Adarezer scuta, aurea & argentea regis Thovasa vasa continuit. In hanc illatum est, quidquid viginti bellis, (tot enim gessit) totidemque victoriis opulentia comparatum est. Nihilominus hæc regis liberalitati visa sunt modica. Nam David modestissimè: Ego, inquit, in paupertate meâ præparavi impensas domûs Domini, parciori sumptu gubernans aulam, ut liberaliore conderem templum. Et Deo hæc omnia referens accepta: Domine Deus noster, inquit, omnis hæc copia, quam paravimus, ut ædificaretur domus nomini sancto tuo, de manu tuâ est, & tua sunt omnia. (a) Primus igitur Davidis labor in divino cultu promovendo fuit ingens ad templum apparatus. Alter, priore magis sacer, divina templo carmina & hymnos scripsit, sensûs ac pietatis plenos. Ab hac opera prodit illa cantio nobilissima: Diligam te, Domine, fortitudo mea: Dominus firmamentum meum & refugium meum, & liberator meus; Deus meus, adiutor meus, & sperabo in eum. Protector meus, & cornu sa-

Z 4

lu-

(a) 1 Par. c. 29. v. 16.

lutis meæ, & susceptor meus. (a) Atque hæc jam patriâ pace religiosissimæ Davidis occupationes fuerunt. Nec ei Deus longas ærumnis ferias concessit. Novæ turbæ novos pepererunt dolores. Adonias maximus natus filius regnum ambiit, quod pater Salomoni natus minori committere cogitârat. Fœda dissensio. Hæc duo nobis expendenda sunt. 1. Quomodo David vir sanctissimus suos tamen liberos parum sanctè educârit. 2. Iam David annum ætatis septuagesimum, regni quadragesimum egerat, & tamen à gravissimis curis & mœroribus minimè liber fuerat: in his tamen omnibus suam cum divinâ voluntate quàm integerrimè conjunxerat. Hæc nobis exponenda.

(a) *Psal 17 quem scripsit de manu omnium inimicorum ereptus.*

S. I.

I. Liberos David non educavit optimè. Adonias viginti quatuor annorum juvenis, Absalone, Amnone, & Bethsabæ filio, tribus his fratribus morte sublatis, jam ipse primogenitus, jus regni capeffendi habuit, liberalissima forma sese omnibus commendavit, parenti charissimus. Erat autem & ipse, quod sacer historicus affirmat, pulcher valde secundus natus post Absalon. Et sermo ei cum Ioab filio Sarviæ, & Abiathar sacerdote; hi adjuvabant partes Adoniæ, qui sibi videbatur jam manu prendisse regnum. Et audius est dicere: Ego regnabo. In eam rem currus, & equites & servos à pedibus, familiam aulicam grandi numero ad-

adscivit. Et quia ambitio non facilè otatur, sacrificium extra urbem, & unà regium convivium instituit, ad quod omnes fratres suos, uno Salomone omisso invitavit. Aderant & belli duces; nobilissimus convivarum confessus. Sua huic epulo hilaritas non deerat. Denique clàmatur. Vivat rex Adonias. Dum hæc geruntur, Nathan & Bethsabea apud regem ex compacto gravissimè accusant Adoniam, qui sacrificium & unà convivium lautissimum instituerit, fratres omnes, uno Salomone præterito vocarit, jamque regem se proclamari jussit, idque infcio parente; cùm tamen regnum Salomoni ex jurejurando pridem sit promissum. Hunc ergo regni subdolum captatorem illico amovendum. Hæc Nathanis & Bethsabeæ conjuncta facundia tam feliciter, quod volebant, regi persuasit, ut continuo David Sadoc sacerdoti, Nathani Prophetæ, & militiæ duci Banaïæ festinatam Salomonis inaugurationem commiserit, jussitque Salomonem mulæ regiæ imponi, à satellitio regio in Gihonis arcem deduci, in regem ungi, tubis cani, regem proclamari, ita regem unctum Hierosolyma reduci, in solium collocari. Omnia hæc ordine facta, ad turbandos Adoniæ improbos conatus.

Ita, mi domine rex rectè hæc quidem singula, sed lentè satis. Iam pridem ambitiosa Adoniæ molimina notabantur, dudum ea fuissent comprimenda. Audiebatur dicere: *Regnabo*. Cernebatur grandem familiam colligere. Nec corripuit eum pater suus, dicens, quare hoc fecisti? Cùm parentes

connivent & dissimulant, liberi ludunt & degenerant. Eam ob causam submonens Chrysostomus: Nullam, inquit, tam corruptam naturam puto esse, si educatio accedat, quin probus fiat. Educemus eos in disciplinâ & admonitione Domini, demus eis exemplum ab ineunte aetate, facientes eos vacare lectioni scripturarum. (a) Sanè sapienter dixit Plato: Nulli rei major diligentia adhibenda, quàm filio instituendo. (b) David nimiam in Adoniam indulgentiam peccavit, ita juvenis hujus ambitionem fovit, deditque causam non levibus malis. Hinc Adonias in eam prolapsus est audaciam, ut dici potuerit: Revixit Absalon.

Hic miror, nec tamen miror Adoniam stuporem, qui scivit Absaloni fratri regnum affectanti tam malè cessisse, ipsum tam misere periisse: ausum tamen fuisse sequi, & iisdem harere vestigiis, regnum affectare, sceptrum & diadema usurpare velle. Nimum sanè audax sit, & de Iapeti genere, qui præeuntem cernat in propinquum ruerre præcipitium, per eundem tamen callem pergat temerario pede, & periculis se ultro ingerat periturus. Adonias certè germani fratris interitum vidit, secumque ipse ratiocinari debuit: Frater meus Absalon in his ipsis conatibus audacissimis, quos ego coëpi, tam misere vitam, regnum, exercitum, fortunas omnes, cælum ipsum perdidit; num hac ipsâ semitâ temere præeuntem se.

(a) Chrys. hom. 2. in epist. ad Tit. & hom. 21. in ep. ad Ephes.

(b) Plato de Sap.

sequat? Non me terreat flagitiosa vestigia
 ruinæ? Stuporem hunc Adonia miror: nam
 hoc vitiis proprium, solenne, innatum, stu-
 pidos, inconsultos, imprudentes, insanos
 efficere. Hoc duobus maxime vitiis usita-
 tissimum est: Ambitio & Libido, quos ne-
 xuerunt, trahunt & impellunt inconside-
 ratos, amentes, cœcos in quasvis turpitudi-
 nes, in gravissimas injurias, in caries &
 quævis dedecora, & omne vetitum: Ambi-
 tionis & libidinis proprium est excæcare,
 inde cœcos protrudere in quodcunque ne-
 fas. Ideo Nathan hoc consilii dedit? Salva
 animam tuam, filiique tui Salomonis.
 Quippe noverat Nathan, quam cœca & præ-
 ceptis in scelerum voraginē rueret ambitio,
 divinas humanasque leges everteret, ideo
 timuit, ne forsan Adonias Bethsabeæ ac Sa-
 lomonis vitæ strueret insidias. Quot scelesti
 homines occiderunt suos fratres, ut sibi ra-
 perent dominatum? Ochus Persarum rex,
 Iustino teste, ut liber sine metu regnaret, o-
 ctoginta fratres occidit. (a) Phraates rex Par-
 thorum, ut suum sibi regnum stabiliret, pa-
 trem Herodem & Herodis filios triginta ju-
 gulari iussit (b) Turcica Otomannica stirps,
 quoties quàm crudeliter frater velut impe-
 rii amulos mactarit, non ignoramus. Ean-
 dem ob causam Abimelechus cum armato
 milite paternam domum irruens occidit
 fratres suos Ieroboal septuaginta viros su-
 per lapidem unum. (c) Eandem truculentiam in-

(a) *Iustin. l. 10.*

(b) *Idem l. 42.*

(c) *Iudic. c. 9.*

induit rex Ioram : nam ut regnum à patre acceptum firmaret, sex fratres suos occidit. (a) Idcirco metuebat Nathan , ne quid tale auderet Adonias. In eam rem, ne qua vis afferretur Salomoni, monuit Davidem, qui si maturius in filium animadvertisset, mala plurima pravenire potuisset. Nimirum qualis est educatio, tales evadunt liberi. Luculentum id in Bohemis Principibus VVenceslao & Boleslao, qui uno patre matre unâ geniti; Pater Vratisslaus princeps optimus. At VVenceslaus ab avia Ludmillâ sanctâ feminâ religiosissimè educatus, ita sanctè vixit, ut Otho Imperator VVormatiæ illum duobus Angelis comitatum viderit, & assurrexerit venienti. At Boleslaus flagitium hominis à Brahimirâ muliere nequissimâ educatus eò impietatis pervenit, quò quidem impius & insanus pervenire potest, qui etiam fratrem occidit : quod quidem Brahimiræ suæ in acceptis referat, quæ illum ad hos mores formavit educatione sua. Rectissime dixit Seneca: Educatio maximam diligentiam plurimumque profuturam desiderat. Facile enim est teneros adhuc animos componere : difficulter reciduntur, quæ nobiscum creverunt. (b) Turpissimum verò est (quod subinde fit) si mater velit liberos severiore disciplinâ coercere, pater nolit, sed indulgenter ac molliter educet. Huic idem eveniet, quod Heli sacerdoti ceterà bono, sed in filiorum educatione nimium remisso. Tam vero ipse,

(a) 2 Paral. c. 21.

(b) Sen. l. 2. de Irâ. c. 18.

ipse, quàm filii à Deo graviter sunt puniti. Educatio diligentiam maximam desiderat.

I I. Ægrimonix, calamitates, & arum-
næ non deseruerunt Davidem in devexâ
jam & præcipitatâ atate: jam annorum
erat septuaginta, & tamen etiânum mo-
lestis operosisque negotiis implicatus ani-
mo corporeque multa, graviâque perfere-
bat. Corpus defectis jam viribus & calore
plurimum imminuto exercebat inquilinum
frigus: cùmque operiretur vestibus, non ca-
lescebat. Senectus quidem à se frigidâ est,
sed hic singulare quid algorem nativum
auxit. Annus septuagesimus aliquibus ini-
tium senectutis est, aliis medium, quibus-
dam finis, uti fuit Davidi. Ili autem ple-
rumque citiùs senescunt, qui à puero plura
& graviora perferunt. David à primis annis
plurima gravissimâque passus: Pauper sum
ego, inquit, & in laboribus à juventute
meâ. (a) Pecoris custos duris necesse est as-
suescat. Delicias omnes in exilium à se pro-
scribat, æstus, frigus, vigilias, famem, o-
mnes cæli injurias maturè tolerare discat:
corneæ fibræ sit. Talis David, talis & Iacob,
qui de seipso: Die noctûque, inquit, æstu-
tebar & gelu, fugiebâtque somnus ab ocu-
lis meis. (b) Et quanta passus David ipsis
octo annis, quibus eum Saul veluti feram è
silvâ in silvam agitavit. Inter assidua mor-
tis pericula David? Anima mea, inquit in
manibus meis semper. (c) Ita miserè, ut pæne
semper

(a) Psal. 87. vers. 16.

(b) Gen. cap. 31. vers. 40.

(c) Psal. 119. vers. 109.

semper moriar. Super me confirmatus est furor tuus, & omnes fluctus tuos induxisti super me. In me transierunt ira tua, & terrores tui conturbaverunt me. Circumdederunt me sicut aqua; totâ die circumdederunt me simul. (a) Non stillâ, non lentis pluviis, neque imbris solum, sed nimbis & cataractis me obruisti. Afflictiones animi, curæ, sollicitudines, agrimonie, luctus, mœrores cor incredibiliter exedunt. Hinc illud velut rugosum tostumque pirum redditur. Hujus generis David plurima sustinebat. Hinc lugubres illæ voces: Circumdederunt me dolores mortis, & torrentes iniquitatis conturbaverunt me. Dolores inferni circumdederunt me, præoccupaverunt me laquei mortis. (b) Dolores mortis & inferni morientium sunt angores maximi, qui sudores etiam morientibus movent. Laquei mortis, insidia, indagines & tendicula, quibus ferarum viæ obsepuntur, ne evadant. Torrentes iniquitatis, sunt homines nequam, falsi fratres, filii Belial, venatici canes diaboli, quos in agmen proborum concitat. Inter hos mœrores David per annos complures quotidie tabescebat, & paucis diebus singulis moriebatur. Hinc Chrysostomus in compendium multa conferens. Denique ipsius, inquit, adversos casus, mœrorisque causas diligentius enumerare possibile non est. Verum ex ipsius lamentis & gemitibus possumus conjicere calamitatis magnitudinem, utque justus ille

nun-

(a) *Psalm. 87. vers. 8. 17. & 18.*(b) *Psalm. 17. vers. 5. & 6.*

nunquam plangere ac dolere desierit. Exhaustus est David ægrimoniâ & micceribus; hinc maturum illi senium & senii frigus. Sed hîc prodigium, quod divini codices dilucidè narrant, silentio non involvendum.

Davidi à senio frigescenti quærebatur per omne regnum virgo formosissima, quæ senili corpori fomentum aliquod caloris daret. Inventa Sunamitis Abisag, quæ regi dies noctesque serviebat. Rex prudentissimus suæ castimonix non nimium fîsus, eam duxit in conjugem. Cum uxoribus pluribus illo ævo matrimonium conjungere non illicitum. Hanc tamen virginem David perinde ut sororem prorsus intactam & inviolatam in maritali toro servavit: quod arcanum merito divinæ literæ patefaciunt, ut etiam conjugii castitas esset venerationi, & ut inter cetera Davidis elogia numeraretur & istud: Castus David.

Enimverò immodicum hoc corporis frigus exasperarunt curarum æstus, quos optimo patri superbus filius Adonias creavit. Sed in his omnibus animi corporisque afflictationibus rex sapiens suam semper voluntatem conformavit ad divinam. Quod divini libri testantur: Et adoravit rex in lectulo suo, insuper & hæc locutus est: Benedictus Dominus Deus Israël. (a) In lectulum Davidem imbecille senium dejecit, sed & in lectulo virtuti locus est, & maximè huic, de quâ loquimur, conformationis humanæ voluntatis cum divinâ.

Cùm

(a) 2 Reg. cap. I. vers. 47. & 48.

Cùm nos doloris lectulus verfaverit, cùm aut paupertas, aut despiciatio, aut fortunarum jactura fatigaverit, cùm varia nos calamitates exercuerint, adoremus & dicamus, Mi Deus, prout tu vis, ita & ego volo; Tua voluntas mea voluntas. Insuper & hoc loquamur: Benedictus Dominus Deus Israël, tam in rebus adversis, quàm prosperis, tam tribus, quàm latis, tam in egestate, quàm in opulentiâ, tam secundâ valetudine, quàm afflictâ. Potentissimum in adversa omnia telum est, velle in omnibus, quod vult Deus.

CAPUT XXXII.

Rex David moritur.

Post multas rerum ambages, denique à caelesti curiâ decretum hoc mittitur: Appropinquaverunt dies David, ut moreretur. Dormivit igitur David cum Patribus suis, & sepultus est in civitate David. Dies autem, quibus regnavit David super Israël, quadraginta anni sunt. In Hebron regnavit septem annis: In Hierusalem triginta tribus.

Jacobus Aragonum rex, ejus nominis octavus cùm gravius ex morbo decumberet, res humanas seposuit, curam animi gessit, majorem natu filium ab exercitu vocavit, testamentum suum coram proceribus pralegi jussit, à lectione seriam orationem ingressus, commendavit filio primum omnium Dei cultum, & res divinas;
deinde

deinde natus minorem, omne aulicum famulitium, omnesque regni indigenas. Petrus submissis genibus parentis dextram osculatus, recepit se omnia obsequentissime facturum. Iacobus his peractis, Cisterciensis familiae religiosam vestem induit, Ventiam concessit, reliquum vitae divinis solum obsequiis consecraturus.

David moriturus Salomonem filium regni-que optimates accersens, ad regalem sanctimoniam gravissime regem juvenem exhortatus est: cui & paternas religiones, cultum divinum, Dei timorem exactissima oratione commendavit. Ut hunc sanctissimi regis obitum commendabili ordine non tantum auribus, sed etiam quantum fieri potest, oculis ingeramus, pyropum anulo aureo clausum, nigro funiculo appensum, veluti donum à moriente hoc rege omnibus propono. Quid autem pyropus, quid arulus, quid ater funiculus monitorum instillent, hoc capite explicandum.

S. I. De pyropo, arulo, & funiculo.

Sericus ater funiculus memoriam mortis repræsentat. Funiculus facile rumpitur, aut celeriter præsecatur. Omnia sunt hominum tenui pendentia filo. Dionysius Siculus, teste Tullio, notus rex ab improbis moribus assentatorem habuit Damoclem, qui sui regis potentissimam opulentiam, beatissimamque vitam calo attolleret. Hinc Dionysius mensa regia admovit; sed in accumbentis caput strictum gladium è seipso equinâ appendi iussit. Damocles impen-

dentem sibi carnificem assiduè limis oculis respectans, nihil reperit amœnitatis in tantis lautitiis, neque verò aliud maluit, quàm celerrimè ab his tam periculosis deliciis abire. Cui Dionysius: Et hæc, inquit, vita principum & regum est. Eruditè Romani ac sapienter, unam eandemque Deam Nuptiarum & Funerum fecerunt, sed duplex illi nomen tribuerunt: *Aphrodites*, & *Libitina*. Quo quidem significabant orum & obitum cognatione propinquissimâ conjunctum. Vix nascimur, imo antequam nascamur, morti tradimur brevè tractanda vitæ: Ingressus noster exitusque sibi proximi sunt. Cum incipimus vivere, simul etiam incipimus mori.

David moriturus nigrum hunc funiculum, hanc mortis memoriam eximiè nobis ingerens: Ego inquit, ingredior viam universæ terræ. Nimirum ad primum illud Numinis decretum alludit: Donec revertaris in terram, de quâ sumptus es: quia pulvis es, & in pulverem reverteris. (a) Hoc ipsum fassus David: Terra sum, inquit, & revertar in terram. Titulorum blandimenta nihil jam juvant. Felicissimus vocabar & potentissimus, & invictissimus rex. Felicitas finit, extincta est potentia, victoriæ jam nihil sperandum. Terra sum, & ingrediar viam universæ terræ. Duo hæc consideranda.

I. Hoc uno mortis decreto ad incredibilem vilitatē humana gens depressa est, omnibus omnino moriendum. Ab Adamo

ad

(a) Gen. cap. 3. vers. 19.

ad ultimum usque hominem lex ista per-
tingit. Si decem millibus, si centum milli-
bus, si aliquot millionibus hominum tam
acerba lex fuisset lata, grave id quidem, sed
tolerabile censeretur. At hoc mortis ful-
men humanam gentem totam sternit; ne-
mo hic eximius, nemo non mortis stipen-
diarius. Sub hoc jugum Christus, sub hoc
Christi mater, sub hoc omne hominum ge-
nus mittitur. Mors parcit nulli. Series invi-
cta, & nullâ mutabilis arte, illigat ac trahit
universa. Imò certè hoc ipso momento
multa millia hominum & animalium ani-
mam variis mortis generibus emittunt. (a)
Fulchra hæc contemplatio & vera: Multa
millia omnibus momentis nasci, & mori,
certum est. Hæc ipsâ, quâ scribimus, aut
loquimur horâ, ad tribunal Christi multa
millia hominum sistuntur judicanda; idem
proximâ, idem sequenti horâ, idem totâ
die, nocteque tota fit: sic hebdomades, sic
menses, sic anni eunt & secula, & idem fit;
sic totum genus humanum per hoc patibu-
lum traducitur. Mors imperat omnibus,
mors ducit omnes, idque propter ponam
unicum. Incredibilis hæc humanæ gentis,
sed merita ignominia & poena est.

II. Incredibilis simul etiam stupor ho-
minum expendendus. Hæc audimus, hæc
videmus, de his centies & millies mone-
mur, hæc tamen toties moniti parum cu-
ramus; alios mori cernimus; ad sepulchra
mortuos deducimus, ad hypogæa comita-
mur, ultimum valedicimus; velut non eâ-

A a 2: . . . denq

(a) Seneca ep. 77. Lipsius ibid.

dem viâ fecuturi , tanquam hæc nihil ad nos ; imò suaviter garrientes & leviter ridentes funera celebramus. Stupor hominum incredibilis ; brutis animantibus hac in re simillimi sumus. Subinde grandi numero pieæ turres occupant , cùm autem primitus æra concrepant , exterrentur & avolant , at æramentis sapius auditis , tandem immota perfident , nec ampliùs his terroribus fugantur : Ita nos prorsus memoria mortis & mortuorum aspectus aliquantulum subinde terrent , sed non diu durant hi terrores , mox ad malitiosam , pristinam hilaritatem revolvimur.

§. II.

Hanc insaniam miratus Seneca : Nunquid hic furor est , inquit , quòd nemo nostrum mortalem se cogitat. Nos corpus tam putre sortiti , nihilominus æterna proponimus ; nullâ contenti pecuniâ , nullâ potentia. Nihil satis est morituris , imò morientibus. Hebetudo animi maxima.

Rex David mortalitatis perpetuos de fluxus sapienter meditatus : Peregrini sumus , inquit , coram te & advenæ sicut omnes Patres nostri. Dies nostri quasi umbra super terram , & nulla est mora. (a) Quod Iobus confirmans : Homo , inquit , natus de muliere , brevi vivens tempore , repletur multis miseriis , qui quasi flos egreditur & conteritur , & fugit velut umbra. (b) Vti nullum sui vestigium relinquit umbra , ita nec vita nostra.

(a) 1^a Par. cap. 29. vers. 13.

(b) Iob. cap. 14. vers. 1. & 2.

nostra. At, inquis, relinquimus famam, divitias, nostri memoriam, erudita scripta, viduos libros. At hæc omnia umbra sunt, & umbræ umbra: non bene scripsisse, sed bene vixisse; non opes, sed virtutes collegisse, olim proderit. Deinde quò largiores umbræ sunt, hoc celerior noctis adventus: quò seniores, eò morti viciniore sumus; quò diutius vivimus, eò citius morimur. Rex noster David: Dies mei, ait, sicut umbra declinaverunt. (a) Additur: Et nulla est mora. Plurimorum vita dilatio est mera & procrastinatio; assiduum illud ab eis audimus: Cras, perendie, alterâ hebdomade, proximo mense, sequenti anno. Ita dum differimus & negligimus, elabitur vita, & nulla est mora. Nostra sæpe consilia procul jaculamur, & faciendorum seriem teximus longissimam: si istud dignitatum, officii, facultatum assecutus fuero, hoc ædificium sternam, illud opus conficiam, eam mutationem suscipiam, interim vita volat, & nulla est mora. Reprehensus est Thales, quòd in re quapiam responderit: Nondum est tempus. Nos in plurimis rebus, quæ promptam manum admoveri cuperent, lentissimum istud objicimus. Nondum est tempus, nondum, nondum. At brevi subrepet horula, quâ supremi judicis apparitor dicet: Non amplius est tempus: Dies nostri quasi umbra super terram. Et nulla est mora. Vivamus hodie, dies crastina non est nostra. Atque hic est niger ille funiculus, lapsus de die aspiciendus.

(a) *Psal. 101. vers. 12.*

§. III.

Pyropus annulo clausus cor perfectum nobis adumbrat. David Salomoni juveni hanc cordis perfectionem altissimè cupiebat impressam. Hinc illum variis impellens hortatibus: *Observa, inquit, ut custodias mandata Domini Dei tui, ut ambules in viis ejus, & praecepta ejus, & judicia & testimonia, sicut scriptum est in lege Moyli: ut intelligas universa, quæ facies, & quocunque te verteris: Ut confirmet Dominus sermones suos, quos locutus est de me in veritate, in omni corde suo, & in omni animâ suâ, non auferetur tibi vir de folio Israël.* (a) Deus enim actiones amat, quæ nihil subdoli, fucati, falsi, simulati habeant, & ab omni hypocrisis puræ sint: hoc enim est ambulare in veritate. Quod David filio suo Salomoni enixissimè à Deo petens: Scio, inquit, Deus meus, quòd probes corda, & simplicitatem diligas: Salomoni filio meo da cor perfectum. (b) Vbi vera & sancta simplicitas, ibi cordis perfectio.

Pica, quod vetus narrat Apologus, interrogavit columbam, quid esset causâ, quòd ea semper eodem loco collocaret ova, cùm tamen sciret pullos sibi semper surripi: quid igitur causâ? Cui columba respondit: Sola simplicitas. Si quis perfecti cordis interrogetur, quid causâ est, quòd Deo in omnibus fidas, dicâsque: Deus providebit, Deus juvabit, Deus diriget; Respondebit ille: Sim-

(a) 2 Reg. cap. 2. vers. 3. & 4.

(b) 1 Par. cap. 29. vers. 17. & 19.

Simplicitas ; simplex mihi est oculus, ad Deum semper erectus, Deo semper apertus: Scio, Deus meus, scio, quòd simplicitatem diligas.

Porro rex David, postquam pro filio preces Deo allegavit, ad ipsum se filium convertit, & oratione severissimâ illum exhortatus: Tu autem Salomon fili mi, ait, scito Deum patris tui, & servito ei corde perfecto, & animo voluntario. Omnia enim corda scrutatur Dominus, & universas mentium cogitationes intelligit. Si quaesieris eum, invenies: si autem dereliqueris eum, projiciet te in æternum. (a). Attende Salomon, cui Domino servias, & quàm ille infinitè major te sit, non ei serviendum in speciem; officiarum, calliditatis, fallaciarum hic locus nullus est: cordium scrutator Deus est; qui cor sincerum & perfectum quarit: nihil ei dederis, etsi des alia omnia, si hoc non dederis. Oculi Numinis ad usque medullas & selectissima cordis, & cogitationes latentissimas penetrant: nil clauditur Deo. Ei tamen non difficilè servitur. Quære illum. & invenies. Deseris illum? Et ille te deseret atque projiciet in omnem æternitatem. Ita sub vitæ finem David Salomoni æternitatis mysterium proposuit contemplandum, quò illi potentius persuaderet, Numini servitium perfectò corde præstandum.

Philosophus Cordubensis Annaus eximiè de hac tali perfectione philosophatus: Hoc denum, inquit, perfectum est, quod secun-

A a 4 dùm

(a) 1 Par. cap. 28. vers. 9.

dūm universam naturam perfectum est :
Univerſa autem natura rationalis est , cete-
ra possunt in suo genere perfecta esse. In
quo non potest beata vita esse , nec id po-
test , quo beata vita efficitur : beata autem
vita bonis efficitur : in muto animali non
est , quo bona vita efficitur : ergo in muto
animali bonum non est. Mutum animal
sensu comprehendit præsentia : præterito-
rum reminiscitur , cū id incidit , quo sen-
sus admonetur , tanquam equus reminiscit-
ur viæ , cū ad initium ejus admotus est.
In stabulo quidem nulla viæ quamvis saepe
calcata, memoria est. Tertium verò tempus,
id est, futurum, ad muta non pertinet. Quo-
modo ergo potest eorum videri perfecta na-
tura, quibus usus perfecti temporis non est?
Tempus enim tribus partibus constat : præ-
terito , præſente , & futuro. Animalibus
tantū quod brevissimum est in transcurso
datum , præſens : præteriti rara memoria
est , nec unquam revocatur nisi præſentium
occurso. Non potest ergo perfectæ naturæ
bonum in imperfectâ esse naturâ. Aut si na-
tura habet , hoc habet , quod habent fata.
Nulli vitium est , nisi cui virtus potest esse.
Sed ne te diu teneam. Hæc rationalibus so-
lis contingunt, quibus datum est scire, qua-
re , quatenus , quemadmodum. Ita bonum
in nullo est , nisi in quo ratio. Quò nunc
pertineat ista disputatio , quæris ? & quid
animo tuo profutura sit ? dico , & exercet
illum , & acuit , & utique aliquid acturum
occupatione honestâ tenet. Prodest autem,
& quod moratur ad prava properantem.
Sed

Sed illud dico : nullo modo prodesse tibi possum magis , quàm si tibi bonum tuum ostendo , si te à multis animalibus separo , si cum Deo pono. Quid , inquam , vires corporis alis & exerces ? pecudibus istas majores ferisq̃ue natura concessit. Quid excolis formam ? cùm omnia feceris , à multis animalibus decore vincèris. Quid capillum ingenti diligentia comis ? Cùm illum vel effuderis more Parthorum ; vel Germanorum nodo vinxeris ; vel ; ut Scythæ solent , sparseris : in quolibet equo densior jactabitur juba , horrebit in leonum cervice formosior. Cùm te ad velocitatem paraveris , par lepulo non eris. Vis tu , relictis in quibus vinci te necesse est , dum in aliena niteris , ad bonum reverti tuum ? Quod hoc est ? animus scilicet emendatus ac purus , amulator Dei , super humana se extollens , nihil extra se supponens. Rationale animal es , quod ergo in te bonum est ? perfecta ratio. Hanc tu ad summum finem evoca , in quantum potest plurimum crescere. Tunc beatum te esse judica , cùm tibi ex te gaudium omne nascetur. Cùm in his , quæ homines eripiunt , optant , custodiunt , nihil inveneris , non dico , quod malis , sed quod velis. Brevem tibi formulam dabo , quâ te metiaris , quâ perfectum esse jam sentias. Bonum tunc habebis tuum , cùm intelliges infelicissimos esse felices. (a)

Quis , obsecro , istud arcani huic viro aperuit ? sic est , ut dixit , verissimè ratiocinatur. Homines felices affectus habent plerumque

alligatos rebus caducis. Divina parum eurrant, Dei nutus non observant, cor gerunt in mille profanas, steriles, impuras, sordidas curas miserrimè dissipatum.

Vt ergo probè capiamus, quid cor perfectum sit, statuam sumamus ligneam exactissimè sculptam, sed coloribus quos pictor addidit nondum siccis. Hæc quidem perfecta statua, illi tamen aliquid, & quod sequitur, perfectioni quippiam deest: colores illiti, etiámmum madidi, tangentis digitum inficiunt; statua nondum est siccata: Ita cor perfectum est; quod ab omni maligniore affectu penitus siccatum est, quod caducis non inhiat, omnèque veritum declinat. Non solum igitur cor illud est imperfectum, in quo grave desidet peccatum, sed quod nondum à malignioribus affectibus est liberum: iniustitiæ & invidia, & luxuriæ pestes utcumque sint eliminatæ, adhuc tamen pecuniæ amor, honoris, aut voluptatis appetentiæ viget, vindictæ aut libidinis scintillæ gliscunt, affectionibus pravis nondum subactis. Est qui veniam delicti tribuat hosti, sed non ex toto, & animo parum sincero. Cor non perfectum. Est qui vulnera conscientie detegat, & omne impudicitie virus expuat, ingemiscat, doleat, non tamen libidinem & impudicitiam omnem ejuret, non tamen sanctissimè statuatur, omnes castimonie navos cavere, omnia pudicitie pericula vitare, affectus remanet, cor non perfectum. Est quem poeniteat censûs iniquè parti, non tamen firmissimè decernat omnes pecuniarias fraudes & iniquos

quos quaestus, & malignum fenus, & injusta mercimonia cavere. Cor non perfectum. Est qui vitia sua deprehendat & erubescat, vitiorum tamen dulcedini etiamnum succumbat, ad Sodomam cum Lothi conjugē oculos reflectat, ad priores sordes ex intervallo furtivè redeat. Cor non perfectum, etiamnum pravus in eo affectus delitescit. Servite ergo Domino corde perfecto. Cor Deus ab immundis affectionibus purum, cor sincerum & totum petit. Nil dat, qui partem dat. Bilbilitanus Vates festivè canit:

Habeas licebit alterum pedem Lada,

Ineptes frustra crure ligneo curres.

Tamet si, ait, pes dexter caprea videatur, si ligneus sit sinister, nec celer erit cursus, nec diuturnus: ita prorsus quantumvis actiones sint optimæ, preces fundere, stipem erogare, in ediam tolerare, hoc pede multum itineris percurritur, nisi pes ligneus impediat, nisi actiones sanctas affectus pravus corrumpat. Servite Domino corde perfecto. Cur David post gravio rem etiam lapsus duplicem Deo tamen commendatissimus? cor ei perfectum fuit. Cur Salomon in vitiorum voraginem prolapsus: Non erat cor ejus perfectum cum Domino Deo suo, sicut cor David patris ejus. (a) Cor perfectum animus emendatus ac purus, æmulator Dei super humana se extollens, liber ab omni affectione corrupta. Cor tale pyropus est, annulo aureo clausus, quem nec homines, nec Angeli, nec diaboli cuiquam possunt eripere: hic pronubus est annulus

ad

(a) 2 Reg. cap. I I. vers. 4.

ad Agni nuptias caelestes; hunc profecto nec ipsa mors ulli rapiet. De annulo perquam pretioso mentionem injiciens Plinius: Extat hodieque, ait, hujus generis gemma, propter quam ab Antonio proscriptus est Nonius senator; hunc è fortunis suis omnibus abtulit secum annulum, quem certum est, sestertiis viginti millibus aestimatum, seu decies centenis millibus florenorum. Cor perfectum longè illo pretiosior est annulus, ad tribunal Christi referendus, nam unum hunc nequit mors abripere.

Perfectissimus vir est, qui affectione haud vincitur. (a)

(a) Monost. Throchaic.



SUMMA PRIVILEGII REGIS CATHOLICI.

Philippus I V. Dei gratiâ Hispaniarum, Indiarum, &c. Rex Catholicus, Archidux Austriae, Dux Burgundiae, Brabantiae, &c. Potentissimus Belgarum Princeps, Diplomate suo Regio sanxit, ne quis librum cui titulus, *DAVID regius psaltes descriptus & morali doctrinâ illustratus à R. P. Hieremiâ Drexelio Societatis IESU Sacerdote*, intra novennium præter *Vidua Ioannis Cnobari Typographi Antverpiensis p. m.* voluntatem, in Belgio ullo modo imprimat aut alibi terrarum impressum in has Inferioris Germaniae ditiones importet, venalemve exponat. Qui secus faxit, confiscatione librorum, & aliâ gravi poenâ mulcèbitur, uti latius patet in literis datis Bruxellæ 4. Augusti anno 1643.


Signat.


C O O L S.

APPROBATIO.

D*Avid Psalties regius descriptus,
& morali doctrinâ illustratus à
R.P. Hieremiâ Drexelio dignus
est ut lucem videat: est enim tanto sen-
tentiâ pondere ditatus, ut gloriæ Dei
promovendæ ac animorum bono pietatique
instruendæ multum deserviat: dignum
itaque ut tanti magistri opus legatur.
Quare ut posteritati tradatur prælum ite-
ratò videat. Actum Antverpiæ, die
25. Augusti 1643.*

Gaspar Estrix S. T.
licent. Plebanus, ac
lib. Censör.





BC 845260.

